

Kalimur Ekāl

Buk in Katak an Dri Kaki kin Katak in Gospel



Kalimur Ekāl

Buk in Katak an Dri Kaki kin Katak in Gospel

Jeje in
Kabuñ eo an Jisōs Kraist im Armij Ro Rekwojarjar ilo Ran Ko Eликтata
Salt Lake City, Utah

Cover: *The Sermon on the Mount*, jen Carl Bloch. Kōjerbal e kin melim jen National Historic Museum of Frederiksborg.

© 1998 Kabuñ eo an Jisōs Kraist im Armij Ro Rekwojarjar ilo Ran Ko Eliktata
Aolep jimwe ko rebed iben
Jeje ilo United States of America

Kajiñ Iñlij ear weppen ilo: 1/98
Ukok ear weppen ilo: 1/98

Ukok in *New Testament Gospel Doctrine Teacher's Manual*
Marshallese

Kōbban Buk In

Nemba In Katak im Taitol	Peij
Jiban Ñõn Dri Kaki Ro	v
1 “Bwe Komin Tōmak Bwe Jisōs Ej Dri Kraist” (Aiseia 61:1–3; Joseph Smith Translation, Luk 3:4–11; Jon 1:1–14; 20:31)	1
2 “Aō Ej Laplōk An Nebar Iroj” (Luk 1; Mattu 1)	5
3 “Ñõn Kom Elotak . . . Juõn Dri Lomor” (Luk 2; Mattu 2)	9
4 “Keboj Ial Eo an Iroj” (Mattu 3–4; Jon 1:35–51)	13
5 “Bar Lotak” (Jon 3–4)	18
6 “Im Emōkaj Air Ilōk Jen Ok Ko Air” (Luk 4:14–32; 5; 6:12–16; Mattu 10)	22
7 “[E] Make Wōt Bōk Mōjno Ko Ad, Im Bōklōk Naniñmij Ko Ad” (Mark 1–2; 4:35–41; 5; Luk 7:11–17)	26
8 Kwalok Eo Iõn Tõl Eo: “Jūõn Ial Eo Emõnlōk” (Mattu 5)	30
9 “Bukōt Mokta Ailiñ In Anij Im Kwojarjar Eo An” (Mattu 6–7)	35
10 “Komin Bōk aō Ine Ibemi, Im Atartar Iba” (Mattu 11:28–30; 12:1–13; Luk 7:36–50; 13:10–17)	40
11 “Ej Konono Elõñ Men Ko Ñõn Ir Ilo Parebõl Ko” (Mattu 13)	44
12 “Ña Bred In Mour” (Jon 5–6; Mark 6:30–44; Mattu 14:22–23)	48
13 “Inaj Lewoj Ñõn Yuk Ki Ko Ki In Aillin In Lañ” (Mattu 15:21–17:9)	53
14 “Wõn Ro Driturium?” (Mattu 18; Luk 10)	57
15 “Na Meram In Lõl” (Jon 7–8)	61
16 “Ikar Bilo, Kiõ Ij Lolōkjen” (Jon 9–10)	65
17 “Ta Eo Imaroñ Kōmōne Bwe In Jolet Mour Indreo?” (Mark 10:17–30; 12:41–44; Luk 12:13–21; 14; 16)	69
18 “Ear Jako im Kiõ Ej Walōk” (Luk 15; 17)	74
19 “Am Tōmak Ear Kemour Yuk” (Luk 18:1–8, 35–43; 19:1–10; Jon 11)	78
20 “Wo Ñõn Kom . . . Dri Jelā Mon” (Mattu 21–23; Jon 12:1–8)	82
21 “Ta Kōkale Eo Kin Naj Itok Eo Am?” (Joseph Smith—Mattu [Mattu 24])	87
22 “Jolet Ailiñ Eo Emōj Keboj Ñõn Yuk” (Mattu 25)	91
23 “Yokwe Droñ, Einwōt Ij Yokwe Kom” (Luk 22:1–38; Jon 13–15)	96
24 “Enin Mour Indreo” (Jon 16–17)	100

25	“A En Jab Ankil Aō, A Ankil Am” (Mattu 26:36–46; Mark 14:32–42; Luk 22:39–46)	105
26	“Ñõn Kiõ Jen Ke Iar Lotak” (Mattu 26:47–27:66; Mark 14:43–15:39; Luk 22:47–23:56; Jon 18–19)	109
27	“Ejako Ijin, Emõj An Jerkakbiji” (Mattu 28; Luk 24; Jon 20–21)	114
28	“Jej Dri Kamõl Ro” (Jermal 1–5)	118
29	“Oran Dri Kalor Ro Ekar Lon Lõk” (Jermal 6–9)	124
30	“Anij Ejab Lõmnak Kin Oktan Armij” (Jermal 10–14; 15:1–35)	128
31	“Kin Menin Kabuñ Ko Rar Jutak Ilo Tõmak Eo” (Jermal 15:36–18:22; 1 im 2 Tessalonika)	133
32	“Mour Ilo Jitõb” (Jermal 18:23–20:38; Galetia)	138
33	“Kom Tempel an Anij” (1 Korint 1–6)	143
34	“Kejbarok Nan In Jiroñ Ko Einwõt Aō Liwaji” (1 Korint 11–16)	148
35	“Bwe Komin Rol ñõn Anij” (2 Korint)	153
36	“Ro Anij Ej Yokwe Ir, Na Etair Ro Remõn” (Rom)	157
37	Jisõs Kraist: “Dri Tel im Dri Kwoweppen Tõmak”	161
38	“Kwar Kenan Kin Iõ” (Jermal 21–28)	165
39	“Ñõn Kowappenlõk Ro Remõn” (Epesõs)	170
40	“Imaroñ Kõmõn Men Otemjej ilo Kraist” (Pilippai; Kolosse; Pailimon)	174
41	“Emõj Aō Kõmõne Jermal Eo Aō” (1 im 2 Timote; Titus)	178
42	“Kabuñ Erreo” (Jemes)	182
43	“Ebeben Eo Emõj Kalete” (1 im 2 Piter; Jude)	186
44	“Anij Ej Yokwe” (1, 2, im 3 Jon)	190
45	“Jabdrewõt Eo Enaj Anjo Iõn Men Ko Rebin Enaj Jolet Aolep Men” (Reveleson 1–3; 12)	194
46	“Enaj Jokwe Ilo Ir, im Renaj Armij Ro An” (Reveleson 5–6; 19–22)	201

Jibañ Ñõn Dri Kaki Ro

Elikin an Iroi j erkakbiji ear walök ñõn Dri Jilök ro, E ar bar walök ñõn jet iair ilo Lomalo in Galili. Ke ear bed ibeir, ear kajitök iben Piter juõn kajitök jilu alen: “Komij yokwe ke iõ?” Piter ear uwak, “Kwojla kim ij yokwe yuk.” Ñõn Piter Iroi ear uwak: “Kwon najidrik aõ sip . . . kwon najidrik aõ sip . . . kwon najidrik aõ sip” (Jon 21:15–17).

Einwõt dri kaki in *Katakin kin Gospel*, komaroñ kwalok am yokwe Iroi ilo am najdrik sip ko an, im lale bwe ro ilo kilaj eo am ren, “kile yokwe eo am ñõn ir im edroklök kin nan ko an Anij” (Moroni 6:4). Juõn ian in ko elap tokjeir ilo jelã ko an Anij ñõn jibañ kij “tõmak ilo Jisõs Kraist, ej Nejin Anij, im eo ej tõmak enaj bök mour kin kin E” (Jon 20:31). Ilo an jitõb tõl komaroñ jibañ ro ilo kilaj eo kolaplök nan in kamõl ko air kin Dri Lomor, tõmak ko air ilo E im mour ekkar ñõn gospel eo. Komaroñ jibañ ir ñõn air bök jerammõn ko jet ilo air katak Kalimur Ekäl, einwõt ilo nan ko an Dri Kanan Thomas S. Monson:

“Aolepen enan ko ilo Kalimur Ekäl ej letok jitõb eo ej karuj an armij. Aellelor in ebwer, ejako kin meram in koon kejatdrikdrik. Burumõj e oktak ñõn mõnõnõ, im eñjake eo ikijen make iad ejako kin kejatdrikdrik bwe Jemedwij Ilañ ej lõmnak kake kij” (*The Spirit Giveth Life*, “*Ensign*, June 1997, 2).

Katakin Kin Jitõb

Ilo ien kebojak ñõn Gospel Doctrine kilaj eo, emenin aurök ñõn bukõt jibañ jen Jitõb Kwojarjar. “Jitõb naj lewõj ñõn yuk elañe kwonaj jar ilo tõmak,” Iroi ear ba, “im elañe komij jab bök Jitõb komin jab katakin” (D&C 42:14). Kememej bwe Jitõb Kwojarjar ej dri kaki eo ilo kilaj eo am.

Komaroñ bukõt Jitõb ilo jar Jitlok, katak jen jeje ko aolep ran, im bökake nan in jiroñ ko. Ilo am kebojak ñõn kilaj eo, jar bwe Jitõb en jibañ yuk melele kin jeje ko im aikuij ko an ro ilo kilaj eo. Jitõb emaroñ jibañ yuk kapidodo ñõn am maroñ kemlele kin jeje ko im kõjerbali ñõn ran kein (lale 1 Nephi 19:23). Kin tõl an Jitõb, kwonaj juõn eo dri jermal an Anij, ñõn katakin ajiri ro nejin Anij.

Jet wewein ko ñõn kajitök iben Jitõb bwe en bed ilo kilaj eo rej walök ijin ilal:

1. Kir juõn ro ilo kilaj ñõn air kebellök kin jar kab kili. Ilo an kilaj eo wõnmanlök, jar ñõn tõl an Jitõb, ñõn kebellök lõmnak ko an ro ilo kilaj eo, im ñõn am maroñ kalikar im obrak kilen katakin.
2. Kõjermal jeje ko rekwojarjar (lale “Kalimjek Jeje Ko Rekwojarjar” peij vi).
3. Kwalok am nan in kamõl ilo an Jitõb kõmakit yuk, jab ilo jemlokin kilaj eo. Kwalok am kamõl kin Jisõs Kraist. En emakijkij am lelök ñõn kilaj eo bwe ren kwalok nan in kamõl ko air.
4. Kõjermal buk in al eo an Primary, im al ko jet ñõn kõketak ro uwan kilaj eo ñõn ari eñjake Jitõb.

5. Kwalok yokwe eo ñõn ro ilo kilaj eo, im ro jet, im kin Jemedwij iloñ, im Jisõs Kraist.
6. Kwalok lõmnak ko, eñjake ko, im iminene ko rej ekeijak wõt ilo katak ko. Kajitõk bwe ren bar kõmõne wewein in. Rej aikuij in kwalok wewein air kõjberbal wanjoñak ko ilo katak ko lõk iman.

Kajijete Jeje

Ko Rekwojarjar

Elder Boyd K. Packer ear katakin, “Katak ko remol, rej ukõt mour im makitkit an armij” (ilo Conference Report, Oct. 1986, 20; ak *Ensign*, Nov. 1986, 17). Ilo am kebojak ñõn kilaj eo, etale katak ko kin gospel eo einwõt an walõk ilo jeje ko rekwojarjar im katak ko jen dri kanan ro. Emenin aurõk bwe kwon katak im jar. Iroj E ar jiroñ kij, “Komin jab bukõt bwe komin kwalok kin nan ko aõ, ak komin mour kaki mokta.” Ilo ami mour kaki ilo am katakin Iroj E ar kalimur, “kin men in enaj bidodo am kwalok, im elañe kwonaj kajitõk kin Jitõb eo aõ enaj jibañ yuk im kajur an Anij e naj jberbal ilo kwe im armij renaj kile mõl eo” (D&C 11:21).

Jiroñ kilaj bwe ren bõktok jeje ko rekwojarjar ko air aolep wiik. Konono jen jeje ko rekwojarjar ko emõj kalikar ñon kalikar kake iben droñ.

Kajojo ro uwan kilaj eo ej aikuij in wõr air *Kalimur Ekāl Ro Uwan Kilaj Study Guide* (35682). Buk in enaj jibañ ajiri ro kolaplõk wewein air katak, im kwalok ia ilo jeje ko rekwojarjar ñon air jelā uwak ko. Enaj bidodo air jelā kin jeje ko rekwojarjar, im kõjberbali, ilo mour ko air, kab ilo air konono kaki ilo kilaj, im ilo moko imweir.

Kõjberbal Buk in Katak In

Buk in katak in ej juõn kein jberbal ñon jibañ yuk katakin kin katak ko an gospel eo je jeje ko rekwojarjar. Ar jeje ñon katakin jõdrikdrik ro im ro re dritto ilo Gospel Doctrine kilaj ko, im ñõn an jberbal lõkin emen yiõ otemjej. Buk in katak in ejab aikuiji kakõbaba ko ñõn e.

Katak ko ilo buk in katak in ebwe melele ko ie im katak ko ñon am katakin kilaj eo ilo juõn period. Bõk tõl ko an Jitõb jen Anij ñon kelet katak ko, kajitõk ko, im men ko renaj kake ñon ro ilo kilaj eo.

Kajojo katak ke ebed lajrak kein:

1. *Taitol*. Taitol eo ewõr ruo lajrak ko ie: juõn ej kemlele eo ekadu ikijen eon ko, ak nan ko jen ro lõk mokta, im kab jeje ko jen jeje ko rekwojarjar, im kwõj aikuij in etali im katak jeni mokta jen am kõmõne katak eo.
2. *Un eo, eo*. Unin enan ko ñon kemleleik lõmnak ko ñon kebõj katak eo.
3. *Kebojakjak*. Mõttan in ej ñon bõk ilo tu kadu in katak ko ilo jeje ko rekwojarjar jibañ ikijen wewein katakin eo enaj emõn im bidodo. Emaroñ kõba katak im men ko komaroñ bõktok ñon kilaj eo im remaroñ jibañ.
4. *Makitkit Ko Bwe En wõr Itoklimo*. Mõttan in ej kin juõn makitkit eo epidodo, ikijen men ko ñon jibañ kõmõne katak eo, ak kajitõk ko ñon jibañ kilaj eo kile ta katak eo, im bõk kunaer ilo makitkit ko im eñjake; ittāben jitõb, im ñõn kõmõn bwe ro ilo kilaj eo ren likit air lõmnak ilo katak ko. Wewein jab in ej aikuij in jab bõk juõn ien eo eaitok.

5. *Konono Jen Jeje Ko Rekwojarjar im Kõjerbali.* Eñin ej unlebleb in katak eo. Jar im katak jen jeje ko rekwojarjar ñon am maroñ in konono kaki im katakin ilo jejet. Kõjerbal lajrak ko emõj kwaloki, “Katak ko jen Jeje Ko Rekwojarjar” ilo “Kalimoik konono ko ilo kilaj eo” im kõjerbal elõñ jekjek ko ñõn lelok (peij vii–viii) ñon kokerereiki wewein am katakin im ñon kõmõn bwe en itok limon ro ilo kilaj eo.
6. *Jemlokin.* Mõttan in ej jibañ ñon kemleleik ilo tarlepen melele aoelepen ko ilo katak ko, im kokektak ro uwan ro ilo kilaj eo ñõn air mour ekkar ñõn katak ko. Ej bar ñõn kakememey yuk ilo am kwalok nan in kamol ko. Lale bwe en wõr ien ñõn kejemlok kajojo katak ko.
7. *Jet Bar Melele Ko ñõn Katak.* Mõttan in ej walõk ilo enañin aolepen katak ko ilo buk in katak in. Emaroñ kõba tok jet mõl ko jen jeje ko rekwojarjar, ak jet bar wewein kilen katakin ko kin jeje ko an Anij ukoktake kilen katak eo, makitkit, ak wewein ko re naj jibañ lajrak in katak eo. Komaroñ kõjerbal jet ien lõmnak kein ilo am kõmõne katak eo.

Bar etali katak ko emõn juõn wiik mokta jen am kwalok katak eo. Ilo am etale men in konono ko, im men ko kwonaj kõjerbali, kwonaj bõk lõmnak ko remõn im wewein ko renaj kabidodoik am kõmõne katak ko. Im elañe kwonaj liñõre katak eo, jar ñõn tõl an Jitõb ñon an tõl yuk. Tõmak ilo Iroj im E naj jibañ yuk.

Kõketak Kilaj Ilo Ien Kemlele Ko

Kon jab ekeini kemelel aolep ien, jibañ ro ilo kilaj eo ren bõk kunaer ilo kemlele ko ikijen jeje ko rekwojarjar. Ilo air bõk kunaer ej jibañ ir.

1. Kolap am katak jen jeje ko rekwojarjar.
2. Katak wewein kõjerbal bedbed ko an gospel.
3. Kõmañ bwe en laplõk am mour kin gospel eo.
4. Karuwaineneik i Jitõb ñõn kilaj eo.
5. Katak in kokajur lõk ro jet (D&C 88:122) kin men in re jerammõn jen air katak, jen jelã ko, air iben droñ im nan in kamõl ko air.

Kemlele ko ilo kilaj ko rej jibañ uwan ro itok ñon Kraist im mour einwõt ro dri kalor. Kabwijrak konono ko re jab ekkar ñon katak eo.

Bukõt tõl an Jitõb ilo am katak kin kajitõk ko ilo buk in katak in im lale ewi wõt eo ekkar. Buk in katak in ej kalikar buk ko ñon katak jeni, im ro ilo kilaj eo ñon air bukõti uwak ko ñon kajitõk ko. Uwak ko jet renaj itok jen jelã ko an ro ilo kilaj eo.

Emenin aurõk ñon jibañ ro ilo kilaj eo melele im kõjerbal jeje ko rekwojarjar jen ad katakin ir kin uwak ko emõj ad kar kõmõni. Elañe renaj katak jen kemlele ko, emõnlõk jen ad kwalok uwak ko ñon ir ñon air jelã kaki.

Kõjerbal lajrak in ñon kõketak kilaj ilo kemlele ko:

1. Kakjitõk kajitõk ko rej kõmõn bwe ren lõmnak im kwalok uwak ko rejab “aet” ak “jab”. Kajitõk ko rej jino kin *etke, ekijkan, wõn eo, net eo, ia eo*, rej jet wewein ko elap air kõketak ñon an kilaj edrok lõk.
2. Kõketak kilaj eo ñon air iben droñ kin iminene ko air kin wewein an jeje ko rekwojarjar maroñ in jibañ kij mour ekkar ñõn katak ko ie. Bar einwõt kõketak ir ñõn air kwalok ñon droñ kin eñjake ko air, im ta rar katak jen jeje ko

rekwojarjar. Kwalok jet nan ko renaj kōketak ñon an ro jet bōki ikijen jelā ko air.

3. Kanoij in lale aikuij ko an ro ilo kilaj eo. Meñe aolep ro ilo kilaj eo rej aikuij in bōk kunaer ilo makitkit ko, eloñ renaj mijak. Komaroñ kojenołok ir im kajitok ibeir elañe komaroñ jibañ ir ilo jabdrewōt ijo rej mijak kake. Lale bwe kon jab kir juōn iman kilaj elañe enaj men in kajoke e.
4. Kwalok ia ilo jeje ko rekwojarjar rej kwalok uwak ko ñon an jibañ kilaj eo uwaki kajitok ko.
5. Kōketak ro ilo kilaj eo ñon air liñore kajitōk ko jen *Kalimur Ekāl Ro Uwan Kilaj Study Guide* ilo air katak ko air ilo kajojo wiik. Ilo am kebōjak katak ko, lōmnake enaj enaj ewi wewein am naj kajitōk kajitōk kein ilo kilaj eo. Enaj bidodo an ro ilo kilaj eo uwaki kajitōk elañe rar katak kin un konono ko emōj jiroñ ir bwe ren katak jeni.

Kōjerbal Eloñ Jekjek

Ko ñōn Katakin Kin

Jeje ko Rekwojarjar

Kōjerbal wewein in ñon katakin kin jeje ko rekwojarjar ilo wewein eo enaj bidodo ñon an ro ilo kilaj eo melele:

1. Jibañ kilaj melele ta eo jeje ko rekwojarjar rej kwalok kin Jisōs Kraist. Kajitōk ekijkan an jet ian nan ko kolaplōk air tōmak ilo Iroj im jibañ ir kile yokwe eo an.
2. Kajitōk iben kilaj kin jet wewein ko remaroñ kwalok ñon kilaj ikijen jeje ko rekwojarjar im ear jermal ilo mour ko air. Ba ren kwalok ia ilo jeje ko rekwojarjar ta ear walōk ñon ir ear walōk ñon ro lōk mokta im ej walōk ilo jeje ko rekwojarjar.
3. Ijelōk katak in kin katak eo, kalikar bwebwenato ko ilo Kalimur Ekāl me rej kakirmol tōmak ilo an edrōk lōk ekkar ñon an jeje ko rekwojarjar kwalok. Kōmōn bwe kilaj en melele im kōjerbal ilo mour ko air.
4. Kōmōn bwe ro ilo kilaj eo ren bukōti nan ko, ak eon ko, ak melele ko rej walōk ilo jeje ko rekwojarjar, im ewōr meleleir ñon ir.
5. Jei iōn chalkboard eo eon ko, nan ko, ak kajitōk ko rej ekeijak wōt ilo jeje ko rekwojarjar. Elikin konono im kemleleik. Ilo an kilaj roñjake eon ko, im nan ko, ak uwak ko, bwijrak im jolōk jidik ien im kōmōn kōmlele ko ñon an kilaj eo bōk kunaer.
6. Ilo enañin aolepen Buk in Mormon, nan eo “ilo wewein jej lo” ej jermal ñon kemleleik tu-kadu in katak ko (lale Helaman 3:28 ñon wanjoñak). Elikin konono kake juōn eon ilo jeje ko iben kilaj eo, kajitōk ibeir bwe ren kemleleik men in konono ko ilo eon eo im kōjerbal nan ko “ilo wewein in jej lo.”
7. Kabōk symbol ko ilo Kalimur Ekāl im konono kaki. Ñōn wanjoñak leo belele im leo belele im liō belele, eo ej jutak kin Dri Lomor im armij ro an.
8. Lale ekijkan an armij im ien ko ilo jeje ko rekwojarjar maroñ in keidi iben droñ.
9. Kōmōn bwe kilaj eo en kōmōn ikkure ko kin bwebwenato ko ilo jeje ko rekwojarjar ilo air konono im kolap ainikieir. Lale bwe ikurre ko ren ilo wewein kautiej jeje ko rekwojarjar.

10. Ajeje kilaj eo ilo ruo ak loñ lõk kumi ko. Elikin etale bwebwenato eo, ba ren jei ta unin konono ko jeje ko rekwojarjar rej konono kaki. Elikin kajitõk ibeir ekijkan an men kein jelet mour ko air.
11. Ba ro ilo kilaj eo ren kakkõleik ia ilo jeje ko rekwojarjar im rej kile bwe ewõr tokjeir ilo am konono ibeir.

**Jibañ Uwan
Ro Rekāl**

Einwõt juõn dri kaki in Gospel Doctrine, bwolen emõj am katakin juõn eo im ekāl tok ñon Kabuñ in. Am katakin emaroñ jibañ ro jet im rej kab kõba tok bwe en bin tõmak ko air.

Presidency eo Kein ka juõn ear kwalok nan kein: “Aolep ro uwan Kabuñ in rej aikuij in kile bwe jej yokwe ir, im mõnõnõ in katakin ir, elap tata ilo allõñ ko rej kab mõj air baptais. Ilo air loe im iõn wewein kein im katak jen jeje ko rekwojarjar ak nan ko an Anij, renaj kajur ñõn air niknik im erom ro mõttad im jej (jemdroñ ro remoñ, im nukin Anij)’ (Epesõs 2:19)” (First Presidency letter, 15 May 1997).

**Katakin kin Gospel
Eo ñõn Ro Emõn
Drettair**

Ilo am katakin jõdrikdrik ro, kememey bwe ekka air itoklimoier ilo katak ko rej bõk kunaer im loe kin mejeir men in wanjoñak ko. Kõjbal pija ko, ikurre ko, rej walõk ilo buk in katak eo. Bar juõn wewein eo emaroñ jibañ yuk ñon katakin ir, ej ilo Guide Buk Eo Ñõn Katakin (34595).

“Bwe Komin Tōmak Bwe Jisōs Ej Dri Kraist”

Katak
1

Aiseia 61:1–3; Joseph Smith Translation, Luk 3:4–11; Jon 1:1–14, 20:31

Un eo Ññon kōketak ro uwan kilaj eo ñon kōkajur nan in kamōl ko air kin Jisōs Kraist ilo air katak jen Kalimur Ekāl.

Kebojakjak

1. Konono, kōlmenlokijen, im jar kin lajrak in jeje ko rekwojarjar kein:
 - a. Aiseia 61:1–3; Joseph Smith Translation, Luk 3:4–11; Aiseia im Jon Baptais rej kananan mijen eo an Dri Lomor.
 - b. Jon 1:1–14, 20:31. Dri jilōk Jon ear kamōl bwe Jisōs Kraist ej “meram eo emol.” Ear kwalok bwe unin an kar je nan in nan in kamōl eo an bwe en jibañ armij bwe ren “tōmak bwe Jisōs ej Dri Kraist.”
2. Bōk juōn copy in *Kalimur Ekāl kin Ro Uwan Kilaj Study Guide eo* (35682) ñon kajojo ro uwan kilaj eo. (Ward eo ej aikuij in kar order men kein ko rej mōttan wōt annual curriculum order eo. Juōn ian ro rej tōl ilo ward eo rej aikuij in kar lelōk ñon dri kaki in Sunday School ro.)
3. Elañe kwōj lōmnak in kōmōn ko renaj kōmōn bwe ikkure ko ren kōmōn, kajitōk iben jet ian ro uwan kilaj eo bwe ren tu kadu in eon ko ilo Kalimur Ekāl im emōn ibeir, im ren kemleleik etke eon kein elap tokjeir, ak rej jibañ ir.
4. Elañe pija kein ralikar, kōjerbali ilo katak in: Aiseia ej Jeje im Kwalok kin Lotak eo an Kraist (62339; Pija in Gospel ko 113) im Pija in an Jon Kwalok Ilo Ene Jemedren (62132; Pija in Gospel ko 207). Elañe kwonaj kōjermal ikkure ko, bōktok jet pija ko jen Kalimur Ekāl, einwōt Kelolōkjen Ro Re Bilo (62145; Pija in Gospel ko 213) im Mary im Jerkabbiji eo an Iroj (62186; Pija in Gospel ko 233).
5. Lōmnak ko ñon katakin: Kōketak ro ilo ro uwan kilaj eo bwe ren kadedelōk men ko emōj jiroñ ir bwe ren ekatak aolep wiik, im bojak ñon air kajitkin ir kin ta ko rar katak kaki. Wewein in enaj kajejet kalimur eo an Iroj bwe “jabdrewōt eo ej katakin, im jabdrewōt eo ej katak, kin jitōb in mōl, remelele kake droñ, im reweppen lōk im remōnono” (D&C 50:22).

Elmokot In Katak ññon Edroklōk

**Makitkit Ko Bwe
En Wōr Itoklimo**

Elañe ekkar, kōjermal lajrak in makitkit kein ak juōn eo kwōj lōmnake mokta jen am jino katak eo.

Kwalok pija ko rej kemleleik kin Kalimur Ekāl.

Kajitōk iben ro uwan kilaj eo bwe ren lōmnak kin kajitōk kien:

- Bwebwenato ta ak katak ta eo ilo Kalimur Ekāl ekōketak yuk ak jibañ yuk?

Lelōk jidik ñon an ro uwan kilaj eo lōmnak, im kir ñon ro emōj jitoñ ir bwe ren konono im kwalok ilo tu kadu in ta ko rar katak im eitoklimoir ilo Kalimur Ekāl.

Elañe ewōr ian ro ilo ro uwan kilaj eo rekanōn bar kwalok ijoko reitoklimoir, ba ren wōnmanlōk wōt.

Kwalok eñjake eo am kin am katkin im katak in Kalimur Ekāl. Kalikar ñon ro ilo ro uwan kilaj eo bwe un eo ñon katak Kalimur Ekāl ej ñon jibañ kokajur lōk tōmak ko air ilo Jisōs Kraist im meel kin wewein makitkit ko an.

Konono Jen Jeje
Ko Rekwojarjar im
Kōjerbali

Ilo ami konono jeje ko rekwojarjar kein, konono kake ekijkan air jelet mour ko ran kein. Kōketak ro ilo ro uwan kilaj eo ñon air kwalok iminene ko air im rejelet eon kein.

1. Aiseia im Jon Baptais rej kanaan mijen eo an Dri Lomor.

Konono im kemleleik iben droñ Aiseia 61:1–3 im Joseph Smith Translation, Luk 3:4–11.

Kwalok pija in an Aiseia jeje kin lotak eo an Jisōs Kraist. Kemleleik bwe jemaroñ kokajur nan in kamōl ko ad kin Jisōs Kraist ilo ad itoklimo in katak kin Kalimur Ekāl im katak jen nan ko an Aiseia im ro jet rar kanaan kin itok eo an Dri Lomor.

- Ta eo ej kalikar kin mijen eo an Dri Lomor ej konono kake ilo Aiseia 61:1–2? (Jei uwak ko an ro ilo ro uwan kilaj eo iōn chalkboard eo. Uwak ko remaroñ kōba uwak kein ilal.)

- a. “Kwalok nan ko remōn ñon ro eta burueir” (eon 1).
- b. “Kitimi ro erub buruer” (eon 1).
- c. “Kwalok anemkoj ñōn ro relōkjak” (eon 1).
- d. “Kaenemōn ro rej burumōj” (eon 2).

- Ewi wewein an Jisōs kajejet kanaan kein? (Kōketak ro ilo ro uwan kilaj eo ñon air kwalok ilo jeje ko rekwojarjar im kwalok lōmnak ko air.)

Kalikare bwe Jisōs ear kwalok nan kein ilo jiñoin ministry ñon an kalikar bwe E eo ej Messaia (Luk 4:16–21; lale katak 6).

Kwalok pija in Jon Baptais ilo an kwalok ilo ene jemedren. Kalikar bwe Jon ear kanaan kin mijen eo an Dri Lomor mokta jen an jino jermal eo an.

- Ewi wewein an Jon kwalok kin mijen eo an Dri Lomor? (Lale Joseph Smith Translation, Luk 3:4–9. Jei uwak ko an ro uwan kilaj eo iōn chalkboard eo. Elañe Joseph Smith Translation ejab alikar, kelajraki kanaan kein ilal.)

- a. “Bōktok jerawiwi ko an lōl” (eon 5).
- b. “Bōktok lomor ñon lōl ko remarok” (eon 5).
- c. “Kōbaik ro rar jako” (eon 5).
- d. “Kōmōn bwe gospel eo en maroñ etal ñon dri aillin ko” (eon 6).
- e. “Kōmōne juōn meram ñōn ro rej bed ilo marok” (eon 7).
- f. “Na wewein bwe ro remij ren maroñ jerkakbiji” (eon 7).
- g. “Lelōk jimwe ñōn aolep” (eon 9).
- h. “Kalikar ñon aolep kin jab wōnnik air” (eon 9).

- Ewi wewein an Jisōs kajejet kanaan kein? (Kōketak ro uwan kilaj bwe ren lale wanjoñak ko ilo jeje ko rekwojarjar, im kwalok ta ko rej lōmnak.)

- Ekijkan am lōmnak kin men ko Jisōs ear kōmōni ñōn kij? Enaj kar ewi wewein mour eo ad elañe Jisōs ear jab kōmōni men kein ñōn kij?

2. Dri jilōk Jon ear kamol bwe Jisōs Kraist ej “meram eo Emol.”

Konono im kemleleik iben droñ Jon 1:1–14; 20:31.

- Ta eo jemaroñ katak kin Jisōs Kraist jen Jon 1:1–3, 14? (Lale lajtrak in ilal. Kememej bwe “Nan Eo” ilo Jon 1:1, 14 rej konono kin Dri Lomor.)
 - a. E “in ilo jinoin” iben Anij (Jon 1:1–2). Kememej bwe mijen eo an Dri Lomor ear ijino wōt ilo mour eo mokta, mokta jen an lotak ilo Betleem.
 - b. E ej Anij (Jon 1:1). Kemleleik bwe elañe jej kōnono kin Anij, ekka ad konono kin Jemedwij Ilañ. Ijoke “at eo Jeova ilo Kalimur Ekāl Mokta . . . ej Nejin, eo im jelā kake bwe ej Jisōs Kraist . . . eo im ej bareinwōt Anij. Jisōs ear jerbal iumin karōk an Jemen. . . . Elōñ men ko ilo jeje ko rekwojarjar rej ba Anij ear kōmōni, Jisōs eo ear kōmōni.”
 - c. Kin E gospel eo ear walōk ñōn ro ilo mour eo mokta (Joseph Smith Translation, Jon 1:1).
 - d. E ar kōmōnmon men otemjej (Jon 1:3).
 - e. E ej make wōt Nejin lotak ilo kanniek (Jon 1:14, lale 1 Nephi 11:14–21). Katak in ej bar walōk ilo katak 2.
- Dri Jilōk Jon ear ba “ilo [Jisōs] mour ilo E” (Jon 1:4). Ear bareinwōt ba “meram emol ej kemramlōk armij otemjej im itok ñon lōl” (Jon 1:9). Ewi wewein an Dri Lomor lewōj mour, im meram? (Ilo an ro uwan kilaj eo konono iben droñ kin men in, komaroñ kwalok jen buk in Jon 8:12; 1 Korint 15:20–22; Moroni 7:15–18; 41; D&C 88:6–14.)
- Ta un eo bwe Jon en je nan in kamōl in an? (Lale Jon 20:31.) Ta melelein an ba, “tōmak bwe Jisōs e dri Kraist”? (Kemleleik bwe *Kraist* ej kajin Greek melele juōn eo emōj kabiti. Elañe ewōr nan in kamōl ibed bwe Jisōs ej dri Kraist, jenaj jelā bwe E ej Nejin Anij, im emōj na ekabit bwe en Dri Lomor.) Ekijkan an katak ilo Sunday School emaroñ kokajur lōk nan in kamōl ko ad bwe Jisōs ej dri Kraist?
- Ta eo jemaroñ kōmōn kin tōl an Jitōb ilo ad katak jen Kalimur Ekāl? (Lale Jemes 1:5–6; D&C 50:17–22; 88:118.)
- Ekijkan nan ko an ilo Jon 1:10–14 jerbal ñon kij ikijen ien ko Dri Lomor ear jerbal ilo lōl in, ak jar jako ilo ien ko?

Elder Thomas S. Monson ear katakin:

“Je jab aikuij in etal ñon Holy Land ñon ad kile an ebake kij. Jejab aikuij in etetal ilo berijet in Galili ak Judea ijoko Jisōs ear etetal ie.

“Ilo mōl jemaroñ etetal ijoko Jisōs ear etetal ie, elañe nan ko an rej ilo tied, jitōb eo an ilo buruōd, im katak ko an ilo mour ko ad, ilo ad etal ilo mour in” (Conference Report, Apr. 1974, 70; ak *Ensign*, May 1974, 48).

Jemlokin

Kamōl kin Jisōs Kraist im kwalok eñjake eo am jen am katak jen Kalimur Ekāl.

Kalikar ñon ro uwan kilaj eo bwe nan in kamōl ko air kin Dri Lomor renaj edroklōk elañe renaj bukōt mokta tōl an Jitōb ilo air katak kin Kalimur Ekāl, im ilo air bōk kunaer ilo ar katak. Kōketak ir bwe ren kōjerbal *New Testament Kilaj Study Guide* ilo air katak kin jeje ko im keboji katak ko air ñon ro uwan kilaj ko.

Jet Melele Ko Ñon Katakín

Wewein kein rej ñon jibañ im kōkōmōnmōnlōk kilen katakin. Kōmaroñ kōjeral juōn ak ruo ian wewein kein ilo am kōmōne katak eo.

1. Tarleb in Kalimur Ekāl

Ba bwe ro uwan kilaj eo ren kebellōk ñon Lajrak in kōbban Bible im bar eliji etan buk ko 27 ilo Kalimur Ekāl. Kemleleik bwe Kalimur Ekāl emaroñ ajej ilo emen mōttan ko (komaroñ kolajraki iōn chalkboard eo):

- a. Gospel ko (Mattu, Mark, Luk im Jon), rej makitkit im kamōl ko kin mour eo an Jisōs Kraist, mijen, im katak ko an.
- b. Buk in Jerbal, eo im ej kin jeral ko an Dri Jilōk ro elikin an Jisōs mij im Jerkabbiji. Buk in elap wōt an konono kin jeral ko an Piter ibwiljin dri Ju ro, kab an Paul jeral ibwiljin Dri Aillin ko.
- c. Letta ko an Paul im dri tōl ro an kabuñ jet, rej ñon kokajur im kwalok ñōn ro dri kwojarjar ekijkan im wewein air kōmōne ijoko kunaer ilo tōre kein.
- d. Nan in jiroñ ko an Iroj ñon Dri Jilōk Jon ilo Patmos.

2. Kwalok video

Elañe *New Testament Video Presentations* (53914) komaroñ kwaloke “The Message of the New Testament,” eo im ruo min. aetokan.

3. “E ar itok bwe en kenan kin Meram eo” (Jon 1:8)

Ba bwe uwan kilaj eo en konono Jon 1:6–8.

- Wōn eo rej konono kake ilo eon kein? (Jon Baptaís.) Ta jeral eo an? (Lale Jon 1:8.) Ekijkan bwe jen einwōt Jon, “kamōl kin Meram eo”?

“Aō Ej Laplōk An Nebar Iroj”

Katak 2

Luk 1; Mattu 1

Un eo Ññon jibañ kolaplōk an ro uwan kilaj eo tōmak ilo Jisōs Kraist ilo air katak kin mour eo an Elisabet, Zakeraias, Jon Baptais, kab Meri im Josep.

Kebojakjak

1. Konono, kölmenlokijen, im jar kin lajrak in jeje ko rekwojarjar kein:
 - a. Luk 1:5–25, 57–80. Enjel Gabriel ej walōk ññon Zekaraias im kwalok bwe, ññon uwak jar eo an, liō iben, Elisabet enaj wōr juōn nejin ladrik. Enaj na etan Jon. E enaj keboj ial eo an Iroj. Zekaraias ear jab tōmak enjel eo im ear jaje kōnono. Elisabet ear keotak ke ej ritto; Jon ear lotak. Zekaraias ear bar kwalok an tōmak im kanan kin jermal eo an Jon.
 - b. Luk 1:26–56; Mattu 1:8–25. Enjel Gabriel ej jiroñ lōk Meri bwe enaj jinen Nejin Anij. Meri im Elisabet rar mōnōnō kin enan eo kin Dri Lomor kin an naj itok. Josep ear roñ bwe Meri enaj kwolotak Dri Lomor.
2. Elañe pija kein ralikar, kōjembali ilo katak in: Jon ej Kwalok Ilo Enejemedren (62132; Gospel Art Picture Kit 207) im The Annunciation: Gabriel Ej Walōk ññon Meri (Gospel Art Picture Kit 241).
3. Lōmnak ko ññon katakin: Elañe juōn armij ej katakin kin kajur an Jitōb Kwojarjar, “kajur eo an Jitōb Kwojarjar ej bōklōk ññon iloan buruōn ro nejin armij” (2 Nephi 33:1). Eñjake eo an Jitōb enaj kokajur lōk nan in kamōl ko air im yokwe eo air ññon Iroj, im ir ññon droñ, kab mour ilo jimwe. Jar im kajitōk bwe jitōb an jibañ ilo am kōmōne katak ko. (Lale pej v–vi ilo buk in katak in.

Elmokot In Katak ññon Edroklōk

Makitkit Ko Bwe
En Wōr Itoklimo

Elañe ekkar, kōjermal lajrak in makitkit kein ak juōn eo kwōj lōmnake mokta jen am jino katak eo.

Kajitkin kilaj eo kin kajitōk kein:

- Elañe kwar maroñ iōn ro ilo Kalimur Ekāl ijelōkin Jisōs, wōn eo kwonaj kar kōnan iōn e? Ta unin am kōnan iōne?

Elikin an ro uwan kilaj uwak kajitōk eo, kemleleik bwe ekka ad kōba lōk iben armij ro remoñ kin air lor Dri Lomor im kwalok kin E. Ilo ad jino ad jelā kajein armij rein, elap lōk ad melele kin Jisōs Kraist. Katak in ej kin jet ian armij rein im wanjoñak ko air re maroñ jibañ kij bwe jen ebake E.

Konono Jen Jeje
Ko Rekwojarjar
im Kōjembali

Ilo am katakin kin eon kein, kemleleik ewi wewein air jermal ilo mour ko ad jen ran ññon ran. Ba ro uwan kilaj eo en kwalok iminene ko air im rej bedbed wōt iōn ta eo eon kein rej kwalok. Kin an bin ññon konono kin aolepen ta ko eon kein rej kwalok kaki, jar im kelet wōt ko elap tokjeir ekkar ññon aikuij ko an ro uwan kilaj eo.

1. Jon Baptais elotak ñon Elisabet im Zekaraias.

Konono iben droñ Luk 1:5–25, 57–80. Ba uwan kilaj eo en kelet jet ian iñn ko elap tokjeir im kolap ainikier ilo air konono.

- Ewi wewein an jeje ko rekwojarjar kin Elisabet im Zekaraias? (Lale Luk 1:6–9.)
- Ta kõjerammõn eo Zekaraias im Elisabet rar jar kake? (Lale Luk 1:7, 13.) Ekijkan an jar eo airro uwak? (Lale Luk 1:11–13, 24–25. Kemleleik bwe bwolen Zekaraias im Elisabet rar jar iumin eloñ yiõ ko bwe ren maroñ in wõr nejirro. Ijoke Jemedwij Ilañ ear jar lelõk ñon ir ilo ien eo emõkaj, ak ear kõtar an jejet ien eo ekkar ñon jermal eo an.) Ekijkan ad maroñ in bin im tõmak im jab ebber ilo an jar ko ad jab wõr uwak ilo ien ko remõkaj?
- Ta eo Gabriel ear kwalok kin naj jermal eo an Jon? (Lale Luk 1:14–17. Kwalok pija in Jon ilo an kwalok ilo ene jemedren, im kemleleik kanan ko an Gabriel iñn chalkboard eo. Kwalok im kemleleik ta melele kanan ko, im ewi wewein an Jon kajejeti, im ikijan ad maroñ lor Jon ilo wewein kein.)
 - a. Jon emaroñ “ukõt [armij] ñon Iroj air Anij” (Luk 1:16).
 - b. E maroñ “ukõt buruen jemeir ñon ro nijeir” (Luk 1:17).
 - c. E maroñ “ukõt ro rejab bõkake ñon melelet an ro dri wanik” (Luk 1:17).
 - d. E maroñ “bwe en kepojok armij ro re bojak ñõn Iroj” (Luk 1:17).

Kalikal: Jon Baptais ear juõn eo e alikal an “jeje uwan ilo an kabwijer maroñ eo an Aaronic Priesthood ilo bwebwenato.” Komaroñ konono kin ekijkan an makitkit ko an Jon jelet ro ilo kilaj im rej kabwijer Aaronic Priesthood eo.

- Ta eo ear walõk ñon Zekaraias ke ear jab tõmak nan ko an enjel eo? (Lale Luk 1:18–20.) Ekijkan an Zekaraias kõmõn elikin an Jon lotak ilo an kõkal tõmak eo an? (Lale Luk 1:59–63. E kab Elisabet irro ar likit etan ladrik eo nejirro, Jon, ñon bõkake Anij elap lõk jen armij.)
- Ke Zekaraias ear kanan kin mijen eo an ladrik eo nejin, ear bar einwõt kwalok kin lomor, im ella eo ad jen jerawiwi, yokwe, kab kin meram (Luk 1:68–79). Wõn eo ej konono kake ilo an kwalok kin men kein? (Jisõs Kraist.) Ba juõn ian uwan kilaj eo en konono Jon 1:6–9. Kwalok am kamõl bwe einwõt Jon jej aikuij in kõmõne ijo konad ñon jibañ tõl tok armij ñon Kraist.
- Elikin an Jon lotak, ear ritto lõk im kajur ilo jitõb (Luk 1:80; kalikal bwe ñõn kajur ilo an jermal ijin ej ilo an jon edroklõk ilo mour im jitõb.) Ta eo kwõj lõmnak bwe emenin aurõk bwe Jon en edroklõk im kajur ilo jitõb men mokta jen an kõmõne jermal eo an? Ta eo je maroñ kõmõne bwe jen kajur ilo jitõb?

2. Meri im Josep re jelã bwe Meri enaj jinen Nejin Anij.

Konono im kemleleik jet ian eon ko ilo Luk 1:26–56 im Mattu 1:18–25. Kwalok pija ke rej kir e.

- Ta eo Meri ear roñ jen enjel Gabriel? (Lale Luk 1:26–33.) Etke Dri Lomor ear aikuij in nejin juõn armij ak jemen juõn Anij?

Konono kin Jisõs Kraist, Elder Bruce R. McConkie ear katakin:

“Anij ej Jemen, im ejab armij ak ej Anij ran . . . ej jolete kajur eo an bwe ejamin mij eo im ej kajur ñõn mour in dreo; ak ke kelet bwe en mij, ewõr kajur ñon bar an jerkakbiji mour ilo an ban mij, ñon an mour in dreo im jamin bar mij. . . .

“ . . . Meri ear jinen ilo kanniek . . . E ar jolete kajur an kanneik, me ej kajur eo ñon mij. . . .

“Kin wewein in . . . kōba in mour in im mour in jitōb Iroj ear maroñ im jerbale juōn kōrkan ñon na wewein binmour eo. Kinke Anij ej Jemen, im Meri ej jinen ebed iben kajur ñon mour im mij ilo an kelet, einwōt ear kelet, ear likit mour eo an, im kajur iben bwe en bar bōke, im ilo juōn wewein eo ebin ñon ad melele kake, ekōmōn bwe kij jen maroñ in bar mour” (*The Promised Messiah* [1978], 470–71).

- Ta eo jemaroñ katak jen Meri ikijen nan ko an enjel eo ñon e im Elisabet? (Lale 1:26–38, 45–49; lale kab Alma 7:10. Kōbaiki uwak ko an ro uwan kilaj im likiti ilo chalkboard eo. Elañe kwōj katakin jōdrikdrik ro, komaroñ kōmōn bwe ren kile Meri einwōt juōn kōrā eo edrik im emōn mwilin.)
 - a. Meri ear loe joi Anij (Luk 1:28, 30). Ta melelein loe joi jen Anij? Ilo wewein rōt armij rej loe joi? Ekijkan an bin bukōt joi jen Anij ilo wewein ko jet?
 - b. Meri ear juōn kōrā eo emōn bwe Iroj en kenan iben (Luk 1:28). Ewi wewein bwe jen maroñ tōbar joñan emōn in ñon bōk kōjerammōn?
 - c. Meri ear etta einwōt juōn ri karejeran ñon karōk eo an Anij (Luk 1:38, 48). Ta unin an aurōk ñon ad lelōk kij ñon kōnan eo an Iroj? Ekijkan ad maroñ kōttaik kij?
 - d. Meri ear lañlon ilo an Dri Lomor (Luk 1:47). Ekijkan ad maroñ lañlon ilo Dri Lomor?
- Ta unin an Elisabet im niñniñ eo ilojen mōnōnō ke Meri ear etal? (Lale Luk 1:39–44; bar lale Luk 1:15. Kalikar bwe juōn ian jerbale ko an Jitōb Kwojarjar ej kamōl kin Jisōs Kraist.) Elañe ekkar kwalok ekijkan an Jitōb Kwojarjar jibañ yuk bwe kon maroñ kajur kin nan in kamōl eo am kin Jisōs Kraist, im kir ro jet bwe ren kōmōn einwōt.
- Ekijkan yokwe eo an Josep ilo air melijoñe? (Lale Mattu 1:18). Ekijkan lōmnak eo an Josep ke ej roñ bwe elap lojen Meri? (Lale Mattu 1:19. Kalikar bwe ekkar ñon kien, Josep emaroñ kar kabwir Meri ikijen kien im manet im emaroñ kar bōklōk ñon ekajet, im re maroñ kar na ruoñ ñon mij. Bōtab ilo itino ear lōmnak in jab bōke.)
- Ewi wewein an Jemedwij Ilañ jibañ Josep bwe en wōnmanlōk wōt im belele iben Meri? (Lale Mattu 1:20–23.) Ta eo Josep ear kōmōn ñon an uwak etoñak eo an? (Lale Mattu 1:24–25.) Ta eo wewein in ej kwalok kin armij rōt Josep?

Jemlokin

Ba ro uwan kilaj eo ren konono Luk 1:46. Kemleleik bwe ilo eon in nan eo *nebar* ej kwalok an Meri kautiej Iroj, im jibañ kij kile kajur im lap eo an.

- Ekijkan an wanjoñak eo kin Elisabet, Zekarias, Jon Baptais, Meri, im Josep jibañ ñon ad kile kajur im lap eo an Iroj, im kōmōn bwe en laplōk tōmak eo ad kin E? Ekijkan ad maroñ jibañ ro jet kolap lōk tōmak ko air ilo Jisōs Kraist?

Kwalok am kamōlol kin wanjoñak ko an Elisabet, Zekarias, Jon Baptais, Meri, im Josep. Kwalok kin mōl eo kom ar konono kake.

**Jet Melele Ko
ñõn Katakín**

Wewein kein rej ñõn jibañ im kõkõmõnmõnlõk kilen katakin. Komaroñ kõjberbal juõn ak ruo ian wewein kein ilo am kõmõne katak eo.

1. “Bwe kon jelã re mõi nan ko ar katakin yuk kaki” (Luk 1:4)

- Luk ej kwalok lõmnak ko an ñõn Theophilus (Luk 1:3). Ta un eo bwe Luk en kwalok nan in kamõl eo an? (Lale Luk 1:3–4. Ñõn jibañ Theophilus jelã kin men ko emõj katakin kaki.) Ekijkan am mour jimwe ilo am roñ an ro jet kwalok katak ko im bwebwenato ko jen jeje ko rekwojarjar?

“Ñõn Kom Elotak . . . Juõn Dri Lomor”

Katak 3

Luk 2; Mattu 2

Un eo Ñõn kōketak ro uwan kilaj bwe ren mōnōnō kin lotak eo an Jisōs Kraist im lore wanjoñak eo ear kwalok ke ej emōn drettan, “[laplōk] ilo meleet, im ritto, im ilo joiy iman mejen Anij im armij” (Luk 2:52).

Kebojakjak

Konono, kōlmenlokijen, im jar kin lajrak in jeje ko rekwojarjar kein:

- a. Luk 2:1–7. Jisōs Kraist E lotak.
 - b. Luk 2:8–39. Enjel ro im ro jet re mōnōnō kin lotak eo an Jisōs.
 - c. Mattu 2. Dri meleet ro jen rear rej lo lōk Jisōs im lelōk men in lelōk ko air. Herodes ear mijak ke ej roñ bwe elotak King eo an Dri Ju ro, ear kir bwe ren mane aolep ajiri ro ruo yiō im dik lōk im rej jokwe ilo Betleem im ijoko rebake. Juõn enjel in Iroj ear jiroñ Josep bwe en bōk niñnin im jinen im ko ñon Egypt im kolōk jet ien ñon air maroñ in bar jeblaktok ñõn Israel.
 - d. Luk 2:40–52. Tōl jen Jemen, Jisōs ear edrok lōk im bojak ñon jermal eo an.
2. Kakobaba ñõn riit: Joseph Smith Translation, Matthew 3:24–26; 1 Nephi 11:1–23; Helaman 14:1–8; 3 Nephi 1:4–21; 27:13–16; Doctrine and Covenants 93:11–20.
3. Elañe men kein ralikar kōjermal jet iair ilo am kōmōne katak eo:
- a. “Luk 11,” mōttan eo jen *New Testament Video Presentation* (53914).
 - b. Pija ko kin Ejelōk Jikin Ilo Mweo (62115); Lotak eo an Jisōs (62116; Gospel Art Picture Kit 200); Pija in Ien Lotak eo (62495; Gospel Art Picture Kit 201); Kōjelā eo ñon Dri Lale Sip Ro Bwe Jisōs Elotak (62117; Gospel Art Picture Kit 202); The Wise Men (62120; Gospel Art Picture Kit 203); Ko Eo ñõn Egypt (62119; Gospel Art Picture Kit 204); Jisōs ilo Tempel (62500; Gospel Art Picture Kit 205); Jisōs Kraist ke Ej Niñnin (62124; Gospel Art Picture Kit 206); kab Jisōs im Jinen (Gospel Art Picture Kit 242).
4. Lōmnak ko ñõn katakin: Kōjermal pija ko im video ko ñon kañaltok Jitōb, im katak ko ñon jibañ kilaj eo kememej bwebwenato ko rar kōnono kake.

Elmokot In Katak ñõn Edroklōk

Makitkit Ko Bwe
En Wōr Itoklimo

Elañe ekkar, kōjermal lajrak in makitkit kein ak juõn eo kwōj lōmnake mokta jen am jino katak eo.

Kelajrak etan armij rein iōn chalkboard eo: *dri lale sip, Simeon, dri meletlet ro jen rear, Herod, juõn armij ilo mweo, Anna, juõn Enjel, Meri.*

Kōnono uwak kein kin lotak eo an Jisōs Kraist. Kajitōk iben ro uwan kilaj ñon air uwaki kajitōk ko ekkar ñon armij ro:

1. Ear bōk juōn eo eaitok ñon aō bukōte, im lelōk men in lelōk ko aō, im kabuñ ñon E. (Dri meletlet ro jen rear; Mattu 2:1–2, 9–11.)
2. Ejellōk jikin ñon E. (Armij eo ilo mweo; Luk 2:7.)
3. I ar bōk kamōl ko jen Jitōb Kwojarjar, I ar kabwijer ajiri eo ilo peiu im jelā bwe inaj mij ilo ainemōn. (Simeon; Luk 2:25–32.)
4. I ar ba, “Aibuijuij ñon Anij ilo utiej tata, im ainemōn ñon lōl iben armij ran ebuñ buruweir kin ir.” (Juōn enjel; Luk 2:13–14.)
5. Iar mōkaj im etal im loe. (Shepherd ro; Luk 2:15–16.)
6. I ar inebata in kōnan mane. (Herod; Mattu 2:3–4, 16.)
7. Elikin aō loe ilo tempel, iar kwalok aō kamōlol, im kenan kin an lotak. (Anna; Luk 2:36–38.)
8. I ar etale men ko ilo buruō. (Meri; Luk 2:19.)

Kajitōk iben kilaj bwe ren lōmnak kin kajitōk kein ilo katak in:

- Ekijkan am lōmnak kin bwebwenato in lotak eo an Dri Lomor? Ekijkan am lōmnak kin mour, mij, im binmour, kab jerkakbiji eo an?

Kōnono jen Jeje
Ko Rekwojarjar
im Kōjerali

Ilo am katakin kin eon kein, jibañ uwan kilaj eo ñon air melele ta unin ad mōnōnō kin lotal eo an Dri Lomor. Kōnonō kin lajrak in wanjoñak kein ilo tore ko ke ej juōn eo emōn drettan.

1. Jisōs Kraist E lotak.

Kōnono im kemleleik Luk 2:1–7. Kwalok jet ian pija ko ilo “Kebojakjak” section eo.

- Jisōs ear aibuijuij iben Jemedwij Ilañ “mokta jen lōl” (Jon 17:5). E ar kōmōnmōn lañ im lōl (Mosiah 3:8). Einwōt Jehova, E ar kwalok mōl eo ñon dri kanan ro ilo tōre ko ilo Kalimur Mokta (3 Nephi 15:2–5). Etke Jisōs ear itok ñon lōl? (Lale 3 Nephi 27:13–16.)
- Ta ear bōk jikin ilo ien eo Jisōs ear lotak? (Lale Luk 2:7.) Ekijkan an wewein kein kalikar kin mour im jeral eo an kab an bōk jikid einwōt juōn men in katok? Ilo wewein rōt armij re makoko in na jikin Dri Lomor ilo mour ko air? Ewi wewein jemaroñ na jikin ilo mour ko ad?

2. Enjel ro im eloñ ro ran mōnōnō ke Jisōs ear lotak.

Kemleleik kake Luk 2:8–39. Ba ro uwan kilaj ñon air kelet jet eon ko im kōnono kaki ñon an uwan kilaj eo roñ. Kwalok jet ian pija ko ilo “Kebojakjak” section eo.

Elañe kwōj kōjeral video “Luk II,” komaroñ kwalok e kiō.

- Ta eo enjel ro rar ba ke rar kōjelā kin an Jisōs lotak? (Lale Luk 2:13–14.) Ewi wewein an Jisōs kaibuijuij Jemen? Ewi wewein an enjel eo bōktok ñan emōn, im lañloñ elap ñon armij otemjej im ñon kwe? Ewi wewein ad maroñ kwalok ad kamōlol Amij kin men in letok eo an kin Nejin?
- Ta shepherd ro rar kōmōn elikin air loe niñnin dri lomor? (Lale Luk 2:17–18.) Ta eo jemaroñ kōmōne ñon ad lor wan joñonak eo rar kōmōne? Kir nōn kilaj eo ñon air lōmnake juōn eo remaroñ kwalok nan in kamōl ko air kin Dri Lomor.

- Ta eo Meri ear kōmōn elikin an Jisōs lotak kab lotok eo an shepherd ro? (Lale Luk 2:19.) Ekijkan an wewein in kwalok kin Meri? Etke elap tokjen ñon bōk ien ñon kwalok yokwe, ikijen wewein ko raurok?
- Ewi wewein an Simeon im Anna kar bojak ñon ari niñnin Jisōs? (Lale Luk 2:25–26, 37.) Ekijkan air lōmnak ke rar loe E? (Lale Luk 2:27–35, 38.) Ta jemaroñ katak kin Dri Lomor jen kanan ko air?

3. Dri meletlet ro rej itok im kabuñ ñon Jisōs. Herod ej bikot bwe en mane.

Konono im kemleleik jet ian eon ko jen Mattu 2. Kwalok pija ko ilo “Kebojakjak” section eo.

- Etke “dri meletlet ro jen rear” rar bukōt Jisōs? (Lale Mattu 2:1–2.) Ta eo rar kōmōne ke rar loe? (Lale Mattu 2:11. Kalikar bwe ke rej loe Jisōs ej juōn “ajiri,” ejab juōn niñnin eo ej kab lotak. Ta menin lelōk ko jemaroñ lelōk ñon Irojij?)
- Etke Herod ekōnan kabukōt Jisōs? (Lale Mattu 2:3–6, 13.) E ar inebata im kōnan mane Jisōs.) Etke lotak eo an Jisōs ear keinebataik king eo? (Lale Mattu 2:2, 6. Ekkar ñon kanan eo, Jisōs ear bōk edroñ Israel.)
- Ekijkan an Jisōs maroñ jeor jen Herod? (Lale Mattu 2:13–15.) Ekijkan an Josep jelā ien ñon an jeblak jen Egypt? (Lale Mattu 2:19–23.) Ta eo bwe Josep en maroñ bōk tōl jen Anij? Ekijkan an jemen im jinen juōn maroñ bōk mōdenlōk kin bamle ko air? Ekijkan an Anij jibañ yuk ilo am bukōt tōl ko jen ñon bamle eo am?

4. Kin tōl jen Jemen, Jisōs ej bojak ñon jino jermal eo an.

Konono im kemleleik Luk 2:40–52. Kwalok jet ian pija ko ilo “Kebojakjak” section eo. Kemlele bwe ilo aolep yiō, Josep im Meri im Dri Ju ro rej tōmak rej kekememej Kwojkwoj in Kijone eo ilo Jerusalem. Ekkar ñon manit, Jisōs ej etal ibeir lōk ke ek tōbar 12 yiō drettan (Luk 2:41–42).

- Elikin air kakememej Kwojkwoj in Kijone eo ilo Jerusalem, Meri im Josep rar jino air jeblak ñon Nazeret im rej loe bwe Jisōs ejako ibeir (Luk 2:43–45). Ia eo rar loe ie? (Lale Luk 2:46.) Elañe jemōm im jinōm rejaje ijo kwōj bed re maroñ ke kejatdrikdrik bwe Jemedwij Ilañ ej mōnōnō kin wewein eo?
- Joseph Smith Translation ilo Luk 2:46 ej kwalok bwe lomaro ilo tempel rej roñjake Jisōs im kajitikini. Ta eo wewein in ej kalikar kin Jisōs ilo an dik im kin jelā eo iben?
- Ke Meri im Josep rar loe Jisōs, Meri ear ba, “Kemro jemam ar kabukōt yuk im burumōj” (Luk 2:48). Wōn eo ej konono kake ke ej ba jemam? (Josep.) Ewi wewein an Jisōs uwak ñon Mari? (Lale Luk 2:49.) Wōn eo Jisōs ej konono kake ke ej ba “jermal ko an Jema”? (Jemedwij Ilañ.) Ta eo wewein in ej kalikar ñon kij kin an Jisōs melele kin jermal eo rar kabiti bwe en kōmōn?
- Einwōt juōn eo emōn drettan, ekijkan an Jisōs kōmōn ñon Meri im Josep? (Lale Luk 2:51. Meñe ej nejin Jemedwij Ilañ, ear reilōk wōt ñon jinen Meri im ñon Josep.) Ekijkan ad maroñ katak jen wanjoñak in?
- Einwōt juōn eo emōn drettan, “Jisōs ear laplōk ilo an meletlet im dritto, im ilo joij iben armij in Anij” (Luk 2:52). Ilo bar juōn wewein ba, ear edrok lōk ilo meletlet, ejmur, jitōb im manit. Ta wewein ko jemaroñ edrok lōk meletlet, ejmur, jitōb im ilo manet?

- Ta eo je maroñ katak jen Doctrine and Covenants 93:11–17 kin an Dri Lomor edrök lők ke ej emõn drettan? (Ilo an kebojak ñon an juõn ad dri binmour. Jisõs ear jab bök men kein ilo juõn wõt ien, kajur, meleet, aibuijuij. E ar bõki men kein kin “joij Iõn Joij,” jidik ilo juõn ien.) Ekijan an mõi in jerbal ñon kij? (Lale D&C 93:18–20.)

Jemlokin

Kwalok mõi eo ej kab mõi am konono kake ilo katak in. Kõketak kilaj bwe ren mõnõnõ kin lotak eo an Dri Lomor, im lor wanjoñak eo E ari kõmõne ke ej emõn drettan.

Jet Melele Ko ñõn Katak

Wewein kein rej ñõn jibañ im kõkõmõnmõnlök kilen katakin. Komaroñ kõjerbal juõn ak ruo ian wewein kein ilo am kõmõne katak eo.

1. “A Meri ej drebij men kein otemjej, im kalomoñlõkjen kaki ilo buruõn” (Luk 2:19)

Ilo am kemleleik kake wewein an Meri kautiej lotak eo an Jisõs, kir juõn kõrã ñõn an kemleleik kin eñjake eo an elikin an lotak juõn ian ajiri ro nejin.

2. Makitkit an jõdrikdrik ro

Kelet lalim eon ko elap tokjeir ilo katak eo, im kõmõn bwe ro uwan kilaj eo ren jelã kaki. Elañe emõi ba ren kili Bible ko. Kwalok jet wewein ko enaj bidodo air melele ta eon in jeje ko kom ar katak kake. (Ñõn wanjoñak, kõmaroñ ba, “Eon in ej konono kin enjel im ñan ko rej nebar Anij ke Jisõs ear lotak.” Uwak eo ejimwe tata ej bed ilo Luk 2:14.) Elikin am kwalok nan eo ej kalikare eon eo, ba ren kebellõk Bible ko air ñon air bukõt eon ro uwak eo ejimwe ebed ie. Kõjerbal wewein bwe en bidodo air melele kin eon in jeje ko im jab ilo air jiei. Jab jolõk elap ien ilo wewein in.

“Keboj Ial Eo an Iroj”

Katak 4

Mattu 3–4; Jon 1:35–51

Un eo Nõn kõketak ro uwan kilaj ñon air ebake Dri Lomor im ukwelök jen jerawiwi, kejbarok bujen kalimur ko, im maroñ jelmae men in kabõ.

- Kebojakjak**
1. Konono, kõlmenlokijen, im jar kin lajrak in jeje kein rekwojarjar:
 - a. Mattu 3:1–12. Jon ej kwalok kin Baptais im ukwelök, im keboj ial eo an Iroj Jisõs Kraist.
 - b. Mattu 3:13–17. Jon ej baptais i Jisõs.
 - c. Mattu 4:1–11. Jisõs ej anjo iõn kabõ ko an Setan ilo ene jemedren.
 - d. Jon 1:35–51. Jet ian dri kalor ro an Jon rej jino air lor Jisõs.
 2. Kakobaba ñõn riit: Mark 1:1–13; Luk 3:1–22; 4:1–14; Jon 1:19–34; 2:1–25; 2 Nephi 31.
 3. Elañe pija kein ralikar, kõjerbali ilo katak in: Jon ej Kwalok ilo Enejemedren (62132; Gospel Art Picture Kit 207) im Jon ej Baptais i Jisõs (62133; Gospel Art Picture Kit 208).
 4. Lõmnak ko ñon katakin: Kõjerbal ien ilo jimwe. Karõke ta eo kwonaj konono kake, im joñan ien kwonaj jolõke ilo am kõmõn katak eo, kab kajitök bwe Jitõb en jibañ yuk. Jam kõjemlõke katak ko rellap tokjeir ñon am maroñ in tõbar joñan ien eo emõj am karõke. Emenin aurok ñon ro uwan kilaj eo bwe ren katak im eñjake Jitõb jen aolepen men in kemleleik ko ilo katak eo.

Elmokot In Katak ñõn Edroklõk

Makitkit Ko Bwe
En Wõr Itoklimo

Elañe ekkar, kõjerbal lajrak in makitkit kein, ak juõn eo kwõj lõmnake mokta jen am jino katak eo.

Jej im kelajrak men kein iõn chalkboard eo, im kajitök iben ro uwan kilaj elañe re jelã ta ko rej ba:



Kemleleik bwe *Messaia* ej kajin Hibru, melemen emōj kabiti. Dri Ju ro rar kōtar iumin eloñ yiō ko ñon an *Messaia* eo itok ekkar ñon kanan ko bwe enaj air Kiñ im enaj Lomoren ir. Iben dri Greek *Messaia* ej *Kraist*. Jisōs *Kraist* ear *Messaia* eo eto air kotare, im Jon Baptais ear dri kanan eo ear itok bwe en keboje ial eo ñon E.

Konono Jen Jeje
Ko Rekwojarjar
im Kōjerbali

Kemleleik kake ekijkan an katak kein ilo eon ikōjeje ko rekwojarjar kein jibañ kij ebake lōk Dri Lomor. Kin an naj bin ñon kajitōk ak konono kin aolepen men in konono ko ilo katak in, jar im kajitōk ñon kelet ko re naj lap tokjeir ñon uwan kilaj eo.

1. Jon Baptais ej keboj ial eo an Iroj Jisōs Kraist.

Konono im kaleleiki kake Mattu 3:1–12. Kwalok pija in Jon ej kwalok, in kwalok melele kein ilo nan ko am make:

Yiō ko mokta jen an Jon kar lotak, eloñ dri kanan rar loe jerbali eo an im kwalok kin an naj lap im juōn eo enaj keboj ial eo an *Messaia* (*Aiseia* 40:3; 1 *Nephi* 10:7–10). Ñon kebojak ñon jerbali eo an Jon, enjel Gabriel ear kwalok kin naj lotak eo an Jon (*Luk* 1:13–19). Zekarias ear kwalok ilo ran eo rar na etan Jon im kadeloñ ilo kalimur eo (*Luk* 1:67–79), im juōn enjel ear kabiti Jon ke ej 8 ran drettan ñon jerbali eo an (*D&C* 84:27–28). Nan eo elap kin Jon ear itok jen Jisōs make, Ear ba, “Ian ro rar lotak jen kōrā, ejelōk juōn elap jen Jon” (*Luk* 7:28).

Jon ear lotak enañin 6 alloñ mokta jen Jisōs. Elikin wōt an Jisōs lotak, Herod ear mijak ke ej roñ bwe emōj an lotak juōn King an Dri Ju, “man aolepen ajiri ro ilo Betleem, im aolepen ene ko rebake, jen ruo yiō lellōk” (*Mattu* 2:16). Ñon kejbarok Jisōs, juōn enjel ear walōk ñon Josep ilo tōnak bwe en bōk Jisōs im Meri ko ñon Egypt (*Mattu* 2:13–15). Ñon kejbarok Jon, “Zekarias ear kōmōn bwe Elisabet en bōk Jon ñon iōn tōl ko, ijo ear ritto lōk kin lōkōs im honi” (*Teachings of the Prophet Joseph Smith*, sel. Joseph Fielding Smith [1976], 261). Jon ear jino jerbali eo an yiō ko tokelik, ear jino ilo ene jemedren, im elikin ilo Jerusalem, im aolepen ijoko rebake Jordan” (*Mattu* 3:5).

- Ta jerbali eo an Jon Baptais? (*Lale Luk* 1:76–79; 3:3–4.) Ta eo kwōj lōmnak eaurōk bwe juōn en keboje ial eo ñon Iroj?
- Ta eo Jon ej kwalok ñon armij ro bwe ren kōmōne ñon air bojak ñon itok eo an Dri Lomor? (*Lale Mattu* 3:1–2.) Ta melelein ukwelōk? (Ilo an uwan kilaj eo konono kin uwak in kajitōk in, je jet ian men kein iōn chalkboard eo ikijen ukwelōk, einwōt air walōk ijin ilal. Komaron kōnan kir ñon ro uwan kilaj bwe ren konono jen eon in jeje ko rekwojarjar.)
 - a. Burumōj kin anij kin jerawiwi (*2 Korint* 7:9–10).
 - b. Kwalok im ellōk jen jerawiwi (*D&C* 58:42–43).
 - c. Bar koroli, elañe ekkar, bwir ko jar kōmōni (*Luk* 19:8).
 - d. Bōkake nan in jiroñ ko (*D&C* 1:31–32).
 - e. Oktaklok ñon Iroj im jerbali ñon E (*Mosiah* 7:33).
- Ekijkan an ukwelōk kōmōn bwe jen bojak in jokwe iben Jemedwij Ilañ im Jisōs Kraist? (*Lale 3 Nephi* 27:19.) Ekijkan an ukwelōk jibañ kij ebake ir kajojo ran?
- Parisi im Sadusi ro rar loe an Jon kar Baptais ak rar makoko in baptais (*Mattu* 3:7; *Luk* 7:29–30). Jon ear jiroñ ir bwe ren ukwelōk im bōktok leen ko remoñ ñon ari jebar im lle kin air ukwelōk (*lale Joseph Smith Translation, Mattu* 3:35; nan eo *lle* ej konono kin walōk in tokjen im nan eo iōn, melelein erre ak

ekkar). Ta ko leen ukwelök? (Lale Moroni 8:25–26.)

- Jon ear baptais kin dren in ukwelok im ear kalimur bwe Jisös enaj baptais kin Jitöb Kwojarjar, im kijek (Mattu 3:11). Ta melele in baptais kin Jitöb Kwojarjar, im kijek? Jej baptais kin Jitöb Kwojarjar ilo ad bok men in letok eo an Jitöb Kwojarjar ilo air likit peir ion borad (D&C 20:41). “Men in letok eo Jitöb Kwojarjar ej maroñ eo lelok ñön ro rej mour, im rej jimwe möttan Jitöb Kwojarjar . . . ej bed iben juön armij ñön karreoik armij eo ej emol im jimwe ilo mour, im jab bo ilo jerawiwi. Ekka ad ba, baptais kin kijek.

2. Jisös ej baptais iben Jon Baptais.

Konono im kemleleik Mattu 3:13–17. Kwalok pija in Jon an baptais i Jisös.

- Etke Jon ear jadin bin an iten baptais i Jisös? (Lale Mattu 3:14.) Etke Jisös ear aikuij in baptais? (Lale Mattu 3:15; 2 Nephi 31:6–7, 9–11.) Etke jej aikuij baptais? (Lale 2 Nephi 31:5, 12–13, 17–18; D&C 20:71; 49:13–14.)
- Ta kalimur eo jar kōmōne ilo ien eo jar baptais? (Lale D&C 20:37.) Ekijkan an kalimur kein jelet mour ko ad jen ran ñon ran? (Lale Mosiah 18:8–10.)

3. Setan ej melijoñe Jisös ilo ene jemedren.

Konono im kemleleik Mattu 4:1–11.

- Elikin wöt an Jisös baptais, Jitöb ear eñinlök ñon ene jemedren ñon iben Anij (Joseph Smith Translation, Matthew 4:1). Ewi wewein am lömnak men in ear kōmōn bwe Jisös en maroñ jelmae kabō ko an Setan? Ekijkan an jitlök im jar, i, “töl . . . an Jitöb” wōrwōre kij jen menin kabō ko?
- Ilo wewein röt Setan ej kajeoñ in kabō Jisös elikin an jitlök, ñon an uköt dreka ko bwe ren erom bred? (Lale Mattu 4:2–3. E ar kajeoñ in kabō ilo an kole.) Ekijkan an Setan kajeoñ in kabō kij ikijen kōnan ko an enbwir? Ewi wewein ad maroñ in kile im jab bo ilo men in kabō ko?
- Setan ear kajeoñ in kabō ikijen lömnak ko rutiej ilo an kar Jisös ba bwe en kelellök jen ijo iloñ ñon kwalok an kajur bwe enjel ro renaj bouri (Mattu 4:5–6). Ekijkan an Setan kabō kij bwe en bök lömnak ko reutij? Ewi wewein ad kile ñon ad maroñ jelmae kabō ko ñon kautiej buruöd?
- Ta Setan ej ba enaj lelök ñon Jisös elañe E naj kabuñ ñon e? (Lale Mattu 4:8–9.) Ewi wewein an Setan kabō kij kin mweie ko an löl im kajur ko? Ewi wewein ad maroñ kili im kajeoñ anjo iön wewein kein? (Lale Mattu 4:10.)
- Ta eo ebwir kin an Setan ba enaj lelök löl elañe Jisös enaj kabuñ ñon e? (Lale D&C 104:14.) Ta jet wewein ko Setan ej kabō kij ran kein bwe jen kōmōn jerawiwi?
- Jisös ear uwak aolepen kabō ko an Setan ilo an konono jen jeje ko rekwojarjar (Mattu 4:3–4, 6–7, 8–10). Ekijkan an jeje ko rekwojarjar letok kajur ñon ad maroñ jelmae kabō ko? (Lale Helaman 3:29–30.)
- Ruo alen an Setan kajitök iben Jisös elañe E Nejin Anij (Mattu 4:3, 6). Ta eo kwōj lömnak etke Setan ej lelōntak kajitök in? Ewi wewein an lelōntak kajitök in rainin? Ilo ad iön kabō ko, ekijkan an jibañ bwe jen jelā bwe jej ro nejin Anij? (Lale Moses 1:12–22.)

- Ekijkan emaroñ jibañ kij jelā bwe Jisōs, Nejin Anij ear iōn kabō ko jej bar iōni ran kein? (Ilo an kilaj eo kemleleik kake kajitōk in, konono ba ren lale Hibru 4:14–15.)

Elder Joseph B. Wirthlin ear ba: “Iroj emelele kin mour ko ad. E jelā mōjno ko ad. E jelā kin men ko rebin jej iōni ran ñon ran. Elap an tiriamo kin men in kabō ko an lōl im rej kabōik kij” (ilo Conference Report, Apr. 1966; ak *Ensign*, May 1996, 34).

4. Jet ian dri kalor ro an Jon Baptais rej lōmnak in lor Jisōs.

Konono im kemleleik eon ko jen Jon 1:35–51.

- Ke Jisōs ej jino jermal eo an, ta eo Jon ej rejañ dri kalor ro an bwe ren kōmōne? (Lale Jon 1:35–37.) Ke Jisōs ej loe ruo ian ro dri kaloran Jon rej lore, ta eo E ar kōmōne? (Lale Jon 1:38–39.)
- Ke Andru ej roñ im kile Dri Lomor, ta eo ear kōmōne? (Lale Jon 1:40–42.) Elikin an kamōl bwe Jisōs ej Messaia, ekijkan an Philip uwak Natanael kin an bere? (Lale Jon 1:43–46.) Ta eo jemaroñ kōmōne ñon ad kir tok ro jet ñon air “itok im loe” Dri Lomor?

Jemlokin

Kwalok im kamōl bwe kir eo ñon “itok im loe” Dri Lomor ej etal ñon kajojo iad. Kemleleik bwe jemaroñ bōk kir in ilo ad ukwelōk, baptais, kejbarok kalimur ko, im jutak bin nae men in kabō ko.

Jet Melele Ko ñon Katakina

Wewein kein rej ñon jibañ im kōkōmōnmōnlōk kilen katakin. Komaroñ kōjermal juōn ak ruo ian wewein kein ilo am kōmōne katak eo.

1. Lōmnak ko kin baptais eo an Dri Lomor

Bar etale Mattu 3:16–17.

- Ekijkan an baptais eo an Dri Lomor kwalok bwe baptais ej aikuij in kōmōn ilo tulōk? (Lale Mattu 3:16; kab Jon 3:23; Rom 6:3–6, 3 Nephi 11:23–26; eo ej kemleleik nan in *baptais* bwe ej kajin Greek, melelein katulōk, ak rumlok iumin.”)
- Ta eo Jon ear loe elikin an baptais i Jisōs? (Lale Mattu 3:16.) Ainikien wōn aō ear roñjake? (Lale Mattu 3:17.) Ekijkan an baptais eo an Jisōs kwalok ñon kij kin kadmadin Anij? (Jemedwij Ilañ, Jisōs Kraist, im Jitōb Kwojarjar re jibel jen droñ.)

Kwalok pija ilo video eo

Elañe video cassette eo “The Savior: Early Years” ebed, kwalok jidrik kin jen mōttan 3, “Baptism, Temptation, and Rejection.”

3. Jisōs ej kwalok an kautiej im yokwe jinen

Kemlele bwe elikin an Jisōs kar baptais, E im ro dri kaloran rar etal ñon juōn kwōjkoj in belele ilo Cana (Jon 2:1–11). Ke jinen ej ba ñon E bwe emat wain ilo kwojkoj eo, ear ba, “Ta eo koknan bwe? I naj kōmōne” (lale Joseph Smith Translation, John 2:14).

- Ekijkan nan ko an Jisōs ñon jinen kwalok eñjake eo an ñon e? Ta eo E ar kōmōne ñon jibañ e? (Lale Jon 2:6–11. Kalikar bwe men in bwilōñ eo jinoin tata Jisōs ear kōmōne ilo Kalimur Ekāl.)

4. Jisōs ej kwalok an kautiej ilo an karreoik tempel

Ba ro uwan kilaj en konono Jon 2:13–17, kin an Jisōs ubake dri wia im wiakake ro ilo tempel. Elañe ebed pija eo an Jisōs ej karreoiki tempel eo (62163; Gospel Art Picture Kit 224), kwaloke. Kemleleik bwe Jisōs ej kwalok an kautiej ilo an ubake armij ro jen air kōmōn men ko re jekkar ilo tempel (Jon 2:15). Kemleleik bwe kautiej Jemedwij Ilañ ejab ikōn wōt ilo imōn jar ko. Ej bar ilo ad kwalok ad yokwe E ilo makitkit ko ad kile kajur eo An.


Un eo Ññon jibañ ro ilo uwan kilaj eo bwe ñnon air maroñ bōk mour indrio, jej aikuij in “bar lotak” im wōnman lōk im lore Jisōs Kraist.

- Kebojakjak**
1. Konono, kōlmenlokijen, im jar kin lajrak in jeje ko rekwojarjar kein:
 - a. Jon 3:1–22. Jisōs ej katakin Nikodimos bwe aolep rej aikuij in bar lotak jen dren im Jitōb, ñnon air maroñ in dreloñ ilo ailiñ eo an Anij. Jisōs ej kwalok bwe ej make wōt Nejin Anij lotak ilo kanniek, jilkintok bwe en lomoren armij.
 - b. Jon 4:1–42. Jisōs ej katakin kōrā in Sameria eo ilo aiboj eo an Jakob. Eloñ dri Sameria rar oktak.
 2. Elañe kwōj kōjerbal men ko men in kaitoklimon ro uwan kilaj, bōktoki ñnon uwan kilaj eo:
 - a. Juōn ine eo emōn an mour kin air utdrikdriki im juōn eo re jab utdrikdriki im ejabwe dren (ak je iōn chalkboard juōn men in edrok eo ejmour, einwōt an walōk ilo men eo emōj kōmōne).
 - b. Juōn pija in dren.
 3. Elañe ewōr men kein, kōjerbali ilo ien ko kwōj kōmōne katak eo:
 - a. Pija in kōrā eo ilo aiboj lōl eo (62169; Gospel Art Picture Kit 217).
 - b. “The Woman at the Well,” juōn pija eo 8 min. aetokan jen *New Testament Video Presentation* (53914).
 - c. Juōn map in Palestine ilo ien ko an Kalimur Ekāl.
 4. Lōmnak ko ñnon katakin: “Kōtobar eo elap tata ilo katakin ilo Kabuñ in ej ñnon jibañ kōmōn oktak ko ilo mour an armij. Wewein in ej ñnon an armij kile katak ko im kōmōn oktak ko ilo mour ko air kin mōl eo an gospel” (Nan ko an Rex A. Skidmore einwōt air walōk ilo *Teaching—No Greater Call*, 83).
-

**Elmokot In Katak
ññon Edroklōk**

Makitkit Ko Bwe En Wōr Itoklimo Elañe ekkar, kōjerbal lajrak in makitkit kein ak juōn eo kwōj lōmnake mōkta jen am jino katak eo.

Kwalok men in edrok eo emōn an mour im eo enana an mour (lale men in “Kebojakjak” ko), ak pijaiki iōn chalkboard einwōt an walōk ilo peij in tok juōn. Kwalok pija in dren eo.



- Ta eo ewalōk ñon men in edrōk eo ejab witdrikdrik? Ta eo enaj walōk ñon kij elañe je jab bōk dren?

Kemleleik bwe jenaj mij elañe ejelōk dren ñon enbwini, im jenaj mij ilo jitōb elañe jejab bōk dren in jitōb. Katak in ej kemleleik ta winin an Jisōs ba jen lotak jen dren im Jitōb im kin dren in mour eo ej konono kake.

Konono Jen Jeje
Ko Rekwojarjar
im Kōjebali

Ilo ami konono jeje ko rekwojarjar kein, konono kake ekijkan air jelet mour ko ran kein. Kōketak ro ilo uwan kilaj eo ñon air kwalok iminene ko air im rejelet eon kein.

1. Jisōs ej katakin Nikodimos bwe aolep rej aikuij in lotak jen dren im Jitōb bwe ren maroñ dreloñ ilo ailin in Anij.

Kemleleik Jon 3:1–22. Kir ro uwan kilaj ñon air konono eon ko emōj kejnolōki ilo air kōlap ainikier. Kemleleik bwe Nikodimos e ar juōn dri tōl iben Dri Ju ro. Ear itok ñon iben Jisōs ilo an jelā bwe E ej “juōn dri kaki jen Anij” (Jon 3:2).

- Ta eo Jisōs ear jiroñlōk Nikodimos bwe ej aikuij in kōmōne bwe en maroñ dreloñ ilo ailin eo an Anij? (Lale Jon 3:5.) Ta melelein “lotak jen dren”? (Jon 3:5; aikuij baptais). Ewi wewein an baptais einwōt bar lotak? (Ilo ad jako lōk ilo dren ej annañe lōk mij im kallip kin jerawiwi ko ad, ilo ad jerkak jen dren, jej jino juōn mour ekāl.) Ta melelein “bar lotak . . . ilo Jitōb”? (Jon 3:5; ñon bōk men letok eo Jitōb Kwojarjar).
- Elder Bruce R. McConkie ear katakin bwe “ro uwan Kabuñ re jab bar lotak kin baptais eo wōt” (*Doctrinal New Testament Commentary*, 3 vol. [1966–73], 1:142). Ijelōkin baptais im bōk men in letok eo Jitōb Kwojarjar, ko re menin aurok ñon ad bar lotak? (Lale Jon 3:16, 18; Mosiah 5:1–7; 27:25–26; Alma 5:14–35; 22:15–18. Komaroñ jiroñ uwan kilaj eo bwe ren kalikari eon ko ilo buk kein im rej konono kin bar lotak. Juōn lajrak in wanjoñak ko rej walōk ijin ilal. Kwalok eon ko ilo Buk in Mormon im ej kalikar ta melemen bar lotak.)
 - a. Tōmak ilo Jisōs Kraist (Jon 3:16, 18).
 - b. Eñjake “juōn oktak ilo buruōd, im ekōmōn bwe jen jab bar kōnan kōmōni men ko renana, ak wōnmanlōk ilo men ko remōn” (Mosiah 5:2; Alma 5:12–14, 26).
 - c. Einwōt “oktak jen men ko an lōl, ñon juōn mour jimwe” (Mosiah 27:25).
 - d. Erom “ro nejin [Anij]” (Mosiah 5:7; 27:25).

e. Erom “juōn eo ekāl” (Mosiah 27:26).

f. Bōk “nememen Anij ilo mour im makitkit ko ad” (Alma 5:19; lale eon 14).

g. Ukwelōk bwe “nuknuk ko ad [ren] karreo mae an jako aolepen etton ko ie, ilo bōtōktōk in [Kraist]” (Alma 5:21; lale Alma 5:19; 33–34; 22:18).

- Elder McConkie ear katakin bwe ilo ar bar lotak “ejab walōk ilo juōn ien eo emōkaj. [Ej] bōk ien” (“Jesus Christ and Him Crucified,” in *1976 Devotional Speeches of the Year*, 399). Ta eo jemaroñ kōmōne ñōn ad wōnmanlōk ilo wewein in ilo ran in mour ko ad? (Lale 2 Nephi 31:19–20.) Ewi wewein bwe jen maroñ in jelmae men in komōjno ko ikijen mour in jitōb eo ilo kij? Ta oktak ko kwōj kili ibam ak iben ro jet ilo wewein air bar lotak?
- Ba ro uwan kilaj en konono Jon 3:14–18 ilo air kōlap ainikier. Ewi wewein an mōl kein kin Dri Lomor ikijen mijen eo an ekkar ñon nan in jiroñ ko an bwe jen bar lotak?
- Jisōs ear kōjberbal melele ko kin kotan meram im marok ñon an katakin Nikodimos (Jon 3:19–21). Etke eloñ ro rej kelet maroñ jen meram? Ekijkan bwe jen maroñ kelet im yokwe meram, im ellōk jen marok? Ta kalimur eo Iroj E ar kalimur kake ñon ro re naj itok ñon meram eo? (Lale D&C 50:24; 88:67).

2. Jisōs ej katakin kōrā in Sameria ilo Aiboj eo an Jakob.

Riit im konono kake eon ko jen Jon 4:1–42. Kwalok map in Palestine. Kemleleik bwe ke Jisōs im ro dri kalan rej etal jen Judia ñōn Galilli (komaroñ kwaloki ijekein ilo map eo), rar bwijrak iturin aiboj lal eo an Jakob ilo Sameria. Ke Jisōs ej jijet ijo, juōn kōrā in Sameria ej itōk in itōk dren.

Kwalok pija in kōrā eo aiboj eo. Elañe kwōj kōjberbal video eo “The Woman at the Well,” komaroñ kwaloke.

- Dri Ju “redike dri Sameria” (Jon 4:9) ilo air itoitak rejab kōnan kōba lōk iben dri Sameria. Ijoke Jisōs ear etal im dibuk Sameria. Ta eo ej kwalok kake E? Wōn ro rej einwōt “Dri Sameria” ilo ran kein? (Uwak eo emaroñ jabdrewōt armij ak armij ro watōk ir bwe ejej bwonbwonir.)
- Ekijkan an kōrā in Sameria eo kōmōn bwe en bidodo an Jisōs katakin e? (Lale Jon 4:9, 11–12, 15, 19, 25. Uwak ko emaroñ kin an etta buruōn, im e kōnan bwe en katak, im ej tōmak ilo nan ko An.) Ta eo jemaroñ kōmōne bwe jen mōnōnō in bōk katak ko an Dri Lomor?
- Ewi wewein an kōrā in Sameria eo oktak ilo an Jisōs konono ñōn e? Ewi wewein an Jisōs kōmōn bwe en wōr oktak? (Uwak ko ekōba kin wewein an katakin, e ilo joñan eo enaj bidodo ñon an melele, e ar kwalok kin E, kōjberbal wanjoñak ko dren im, E ar kwalok yokwe.) Ewi wewein ad anek wewein in ilo ad katakin ro jet?
- Jisōs ear jiroñ lōk kōrā in Sameria eo bwe enaj lelōk dren eo ejamin maroñ in dreo, im ej “dren in mour” (Jon 4:10). Ta eo kwōj lōmnak melelein men in? (Lale 1 Nephi 11:25; D&C 63:23. Uwak ko jet re kōba katak kin kalimur ko, yokwe eo an Anij, im Binmur eo An.) Ewi wewein bwe jen bōk dren in mour in? Ewi wewein an dren in mour in kōjramoñ yuk?
- Kōrā in Sameria eo ear itok ñon aiboj eo ñon an bōk dren (Jon 4:7). Ijoke, elikin an konono iben Jisōs, ear likiti nien dren eo an, im ilōk im kenanek

armij ro kin wewein eo ear iōne (Jon 4:28–29). Ta eo jemaroñ katak jen wewein eo ear loe?

- Ekijkan an armij ro jet jeramoñ kin tōmak eo an kōrā in Sameria? (Lale Jon 4:39–42.) Ewi wewein am jeramoñ ak ro jet ilo air tōmak Iroj? Ekijkan an tōmak ko ad jelet ro jet ibelakud?

Jemlokin

Elañe kwōj kōjberbal makitkit ko, kwalok men in edrōk eo im nien dren eo. Kemleleik bwe einwōt an men in edrōk eo aikuij dren ñon an mour, jej aikuij in lor Dri Lomor im katak ko an ñon ad maroñ in bar lotak ñon ad maroñ bōk mour indreo.

Kamol kin mōl ko kwar kwalok ilo katak eo. Rejañ ro uwan kilaj bwe ren bukōt Jisōs Kraist, lore, im wōnmanlōk wōt ilo an juōn eo ej kab lotak.

Jet Melele Ko ñōn Katak

Wewein kein rej ñōn jibañ im kōkōmōnmōnlōk kilen katakin. Komaroñ kōjberbal juōn ak ruo ian wewein kein ilo am kōmōne katak eo.

1. “Na ijab Dri Kraist, ak . . . jilkintok iō mokta jen E” (Jon 3:28)

- Ilo Jon 3:25–36, ta wewein jberbal eo an Jon ikijen kōtan eo an ñon Dri Lomor? Ekijkan an alikar jberbal eo an Jon bwe ej juōn dri kalor eo emol? Ewi wewein ad maroñ anek wewein in Kabuñ eo ad?

2. “Jikin kallip ko . . . remouj ilo ien marmor” (Jon 4:35)

- Ta eo Jisōs ear katakin ro dri kaloran kin jberbal in mijinede ilo Jon 4:35–38? Ta melemen an ba jikin kallip remouj im rebojak ñon jberbali? Ekijkan an Dri Lomor kōjberbal wewein in ilo D&C 4:1;–4 im 75:3–5. Kajitōk iben ro uwan kilaj eo bwe ren kwalok iminene ko air ilo air kar katak kin gospel eo iben ro jet.

3. Jisōs ej kemour ladrik eo nejin iroj eo

Konono im kemleleik Jon 4:46–54.

- Ta eo dri utiej eo ekōnan bwe Jisōs en kōmōne? (Lale Jon 4:46–47.) Ta uwak eo an Jisōs ñon e mokta? (Lale Jon 4:48.) Ekijkan an dri utiej eo uwak? (Lale Jon 4:49.)
- Ta uwak eo an Jisōs kein karuo ñon dri utiej eo? (Lale Jon 4:50.) Ta eo ear walōk ñon dri utiej eo? (Lale Jon 4:50.) Ta walōk in tōmak eo an dri utiej eo? (Lale Jon 4:51–54.) Ta eo jemaroñ katak jen bwebwenato in ikijen kajur in tōmak?

Un eo Ññon jibañ ro uwan kilaj melele bwe Dri Jilōk ro rar kir ir ñnon juōn air jerbak kin kamōl kin Jisōs Kraist im ilo wewein in jejerammōn ilo ad kile ir im lor ir.

Kebojakjak

1. Konono, kōlmenlokijen, im jar kin lajrak in jeje ko rekwojarjar kein:
 - a. Luk 4:14–32. Jisōs ej katakin ilo imōn kwalok ko ilo Nazeret im kwalok bwe E ej Messaia eo Aiseia ear kanan kake. Armij ro rar illu im jab kile.
 - b. Luk 5:1–11, 27–28; 6:12–16. Jisōs ej kir Joñoul Ruo Dri Jilōk.
 - c. Mattu 10. Jisōs ej kabin in lelōk nan in jiroñ ñnon Dri Jilōk ro Joñoul ruo im jilkin lōk ir bwe ren kwalok gospel eo.
2. Kakobaba ññon riit: Aiseia 61:1–2; Mattu 4:18–22; Mark 1:16–20; 3:13–19; 6:7–13; Luk 9:1–6; 12:1–12; Doctrine and Covenants 107:23–24, 33–35, 39, 58.
3. Elañe pija kein ralikar, kōjerbali ilo ien kōmōn katak eo: Calling of the Fishermen (62496; Gospel Art Picture Kit 209) ak Jesus and the Fishermen (62138; Gospel Art Picture Kit 210); Christ Ordaining the Apostles (62557; Gospel Art Picture Kit 211); im pija in Dri Jilōk ro 12 im ekāl (jen kwalok eo ekāl tata jen *Ensign*, ak International Magazine eo).
4. Lōmnak ko ññon katakin: Katak im kōjerbak etan ro ilo kilaj eo. Ilo am kōmōn wewein in ro uwan kilaj eo enaj kile bwe ewōr am lōmnak kake ir. Ilo wewein in enaj bidodo am kōmōne katak ko ikijen am kir etan ajiri ro ñnon air bōk kunaer ilo am katakin ir.

Elmokot In Katak ññon Edroklōk

Makitkit Ko Bwe En Wōr Itoklimo Elañe ekkar, kōjerbak lajrak in makitkit kein ak juōn eo kwōj lōmnake mokta jen am jino katak eo.

Kōmōn bwe ro uwan kilaj eo en konono mōtan eo iman ilo Mosiah 27:31 (“Ej lukkun im kamōl bwe ej Anij”). Kemleleik bwe itok eo an Jisōs Kraist kein karuo aolep renaj kile E bwe ej Dri Lomor. Ear jab eindrein ilo jinoin an kar itok. Dri Ju ro rar katak kake E ilo kanan ko kin itōk eo an Dri Lomor iumin elōñ yiō ko, ak elōñ wōt ro rar jab kile ke ear dri lomor eo. Kinke Jisōs ear jab kanemkoj Dri Ju ro jen Dri Rom, einwōt an lōñ ro rar kōtmene Dri Lomor bwe enaj kōmōn eindrein, kin menin elōñ wōt ro rar kowane im makoko in roñjake nan ko an.

Kalikar bwe mōtan eo iman ilo katak in ej kin ta eo ear walōk ke Jisōs ej ba, bwe E eo rar kōtare im ej Messaia eo. Mōttan eo juōn, ej kin an Jisōs kir ro Dri Jilōk ññon iar jibañ E kerakrak lōk gospel eo.

Konono Jen Jeje
Ko Rekwojarjar
im Kōjerbali

Ilo am katakin kin eon kein, kemleleik kaki jerammōn ko rej itok jen ad jelā bwe Jisōs Kraist ej Dri Lomor im jen ad lor Dri Jilōk ro.

1. Jisōs ej kwalok bwe E ej Messaia eo.

Kemleleik kin Luk 4:14–32. Kir ro uwan kilaj ñon air konono jen eon ko ilo jeje ko rekwojarjar emōj keleti. Kemleleik bwe Jisōs ear konono jet eon jen jeje ko rekwojarjar im kemleleiki ilo imōñ jar eo ilo Nazeret.

- Ba ro uwan kilaj en konono Luk 4:16–19. (Kalikar bwe eon 18–19 rej itok jen nan ko ilo buk in Aiseia 61:1–2. Aiseia at eo juōn etan “Esaia” Luk 4:17.) Ta eo eon kein rej konono kake? (Rej kanan kin ta ko Messaia enaj kōmōni; lale katak 1.)
- Ke ej mōj an Jisōs konono jen buk in Aiseia, ta nan in kamōl eo an ear kwalok? (Lale Luk 4:21. Ear kwalok bwe E ej Messaia eo Aiseia ear kanan kake im Dri Ju ro rej kōtare iumin yiō ko.) Ta eo armij ro rar kōmōne ke rej roñ an ba bwe ej Jisōs eo? (Lale Luk 4:22–29.)
- Ta eo kwōj lōmnak ekōmōn bwe en bin an armij ro tōmak bwe Jisōs ej Messaia eo? (Lale Luk 4:22. Uwak eo emarōñ kinke rar loe an lotak im ritto lōk im re jab kile ekijkan bwe en Messaia eo im rej kōtare.) Etke rainin elōñ armij ebin air bōk Jisōs Kraist? Ewi wewein je marōñ kokajur nan in kamōl ko ad bwe Jisōs ej Dri Lomor?

2. Jisōs ej kir Joñoulruo Dri Jilōk.

Konono im kemleleik eon ko emōj keleti jen Luk 5:1–11; 27–28; 6:12–16. Kwalok pija in Jisōs im dri eñodro im pija in Dri Jilōk ro Joñoulruo. Ilo ami konono kin eon ko ilo jeje ko rekwojarjar, kalikar ñōn ro uwan kilaj bwe ren melele bwe Dri Jilōk ro emōj kir ir bwe ren kōmōn wewein eo Jisōs ear kōmōn ilo imōn kwalok ko ilo Nazeret—kwalok bwe E ej Messaia, im Dri Lomor.

- Ta Simon Piter, Jemes im Jon rej kōmōne ke Jisōs ej itok ñon ibeir? (Lale Luk 5:1–2.) Ta eo Jisōs ear ba ñon ir bwe mour ko air renaj oktak elañe renaj lor E? (Lale Luk 5:10.) Ekijkan an mour eo oktak elikin am lor Jisōs Kraist?
- Ta men in bwilōñ eo ilo eñod eo kin uk ej kalikar kin naj ta enaj walōk ñōn Jemes, Piter im Jon ilo air naj “dri eñod armij”? (Mark 1:17). Lelōk bwe kilaj en lōmnak kin eon kein:
 - a. Luk 5:5: “Ak kin am in nan I naj drorlok ok ko.” (Re naj jermal ijo Jisōs E naj ba.)
 - b. Luk 5:6: “Rej kabōl elōñ iik, im air ok re nanin rup.” (Re naj loe elōñ armij ro renaj roñjake gospel eo.)
 - c. Luk 5:7: “Rej jeale ro jet mōttair bwe ren iten jibañ ir.” (Renaj kir ñon ro jet bwe ren jibañ ir.)
- Kalikare bwe ilo Luk 5:1–11, Jisōs ear kir Piter, Jemes, im Jon bwe ren dri kaloran. Tokelik E ar nae eteir Dri Jilōk. Je *Dri Kaloran* im *Dri Jilōk* na iōn chalkboard eo. Ta oktak eo ikōtan juōn dri jilōk im juōn Dri Kaloran?

Kemleleik bwe dri kalor aolep ro rej lor Jisōs Kraist. Juōn Dri Jilōk ej juōn dri kalor eo emōj jitoñe kin juōn jermal eo eaurōk ñon an kamōl kin Kraist (D&C 107:23). Nan eo *Dri Jilōk* melemen “[juōn eo] emōj jilkin lōk.” Uwan ro ilo Droulul eo Joñoulruo Dri Jilōk emōj jilkinlōk ir ñon air kamōl ñon lōl bwe Jisōs ej Dri Lomor im Dri Bōk wōnen jerawiwi ko ad.
- Ta unin an lap tokjen bwe Jisōs en na etan Dri Jilōk? (Lale Mattu 9:36–38; 16:19; Mark 3:14–15; Jon 20:19–21; Epesōs 4:11–15. Renaj jibañ Jisōs kwalok

kin gospel eo im tōl Kabuñ eo im wōnmanlōk kin priesthood eo elikin an Jisōs etal.) Ta unin an aurōk bwe Iroj en kri Dri Jilōk ro ran kein?

- Ewi wewein an kar Jisōs kir Dri Jilōk ro Joñoulruo mokta? (Lale Luk 6:12–13.) Ekijkan an Jisōs keboje E mokta jen an kir ir? Ekijkan ad keidi ñon wewein air kelet ro ilo ran kein bwe ren dri kaloran bwe ren jermal ilo kir ko an kabuñ? (Dri tōl ro an Kabuñ in rej jar im bōk tōl jen Jitōb ñon air jelā wōn eo Iroj enaj kōnan bwe en bōk jermal eo.)
- Ewi wewein an jeje ko rekwojarjar kwalok ñon kij kin kar mour eo lomaro Jisōs E ar kelet ir mokta im an etair Dri Jilōk? (Lale Luk 5:5, 8, 11, 27–28. Uwak ko remaroñ bwe ekkar ejelōk jikin katak rar bed ie, im rar jab katak ñon air bōk jermal in katakin, ak rar jet ro etta buruweir, rebōkake, rekajur ilo jermal, im mōnōnō ñon karmijete ir ilo men otemjej ñon Iroj.) Ta ej kwalok ekijkan juōn armij emaroñ ekkar ñon jermal ñon Iroj? (Lale bareinwōt D&C 4:3, 5–6; Articles of Faith 1:5.)

3. Jisōs ej kabiti im kemleleik Dri Jilōk ro Joñoulruo

Konono im kemleleik eon ko emōj keleti jen Mattu 10. Kwalok pija in an Kraist kabiti Dri Jilōk ro.

- Elikin an Jisōs Dri Jilōk ro Joñoulruo, E ar lelōk ñon ir priesthood eo im jiroñ ir kin edro ko air. Ewi wewein ad katak jen kajur im edro ko an Dri Jilōk jen nan in katak ko an Jisōs ilo Mattu 10? (Kolajraki uwak ko an kilaj iōn chalkboard eo. Uwak ko remaroñ kōba kein ilal.)
 - a. Ewōr kajur ñon air kemour ro renañinmij ilo enbwin im ilo jitōb (eon 1).
 - b. Rar jilkinlōk ir ñon sip ko rejebebe an Israel bwe ailōñ in lañ ebak (eon 6–7).
 - c. Ñōn air kōjermal kajur eo an priesthood im kemour im kōjerammōn armij (eon 8).
 - d. Ñōn air bukōt ro rebojak ñon air bōk gospel eo (eon 11–14).
 - e. Bwe ren kwalok ilo tōl an Jitōb (eon 19–20).
 - f. Ren maroñ lelōk mour eo air ñon jermal eo an Iroj (eon 39).
- Ekijkan kajur eo ear etal ñon Dri Jilōk ro maktata ñon Dri Jilōk ro ran kein? (Lale D&C 107:23, 33, 35; 112:14, 19–22, 30–31.) Ewi wewein am loe an Dri Jilōk ro kiō kōmōni edro kein air?
- Ta jerammōn ko rej itok ñon kij ilo ad lore Dri Jilōk ro? (Lale Mattu 10:40–42; lale bareinwōt D&C 124:45–56.)

Elder Spencer W. Kimball ear ba: “Ejelōk juōn ilo Kabuñ in enaj etal jebwebwe elañe enaj ekeijak wōt iben ro rej tel Kabuñ in im Anij E ar kelet ir. Kabuñ eban rolōk jen jimwe eo, Dri Jilōk ro reban kojebwebweik yuk jen jimwe eo” (ilo Conference Report, Apr. 1951, 104).

Jemlokin

Kamōl bwe Jisōs Kraist ej Messaia eo im Dri Jilōk ro Joñoulruo rej dri kamōl ro kin E. Komaroñ kwalok kin jet eñjake ko am me ej kwalok bwe kin am lor nan in katak ko jen dri kalor eo jej bōk jerammōn ilo mour eo am.

Jet Melele Ko ñon Katakin

Wewein kein rej ñon jibañ im kōkōmōnmōnlōk kilen katakin. Komaroñ kōjermal juōn ak ruo ian wewein kein ilo am kōmōne katak eo.

1. Dri Jilōk ro Joñoulruo kiō

Kwalok pija in Dri Jilōk ro Joñoulruo kiō im jibañ ro ilo ro uwan kilaj eo ñon air jelā etair. Komaroñ kōmōne wewein kaminene in:

Lelōk ñon kajojo juōn pinjel im pepa, im ba ren ñombaik 1–12. Kwalok pija in Dri Jilōk ro ilo am jab kwalok etair. Kajitōk ibeir bwe ren je etair ekkar ñon nomba ko. Elañe emōj am kwalok aolepen pija ko, etale uwak ko re jimwe.

2. Dri Jilōk ro Joñoulruo jinoin tata

Jibañ kilaj jelā etan Dri Jilōk ro jinoin tata (Mattu 10:2–4). Kwalok melele kein ilo nan ko am make ñon an kilaj melele ekijkan an kajojo Dri Jilōk ro walōk ilo jeje ko rekwojarjar:

Ruo Dri Jilōk rar na etair Jemes: Jemes nejin Zebedee im Jemes nejin Alphaeus. Ruo rar na etair Simon: Simon Piter im Simon dri Canaan, ak Simon Zelotes. Ruo rej Judas (ak Lebbaeus Thaddeus) im eo juōn ej Judas Iscariot, eo ear karmijete Kraist. Mattu ilo buk in Luk Livai Luk 5:27–28. Thomas at eo juōn Didymus, melelen “Ebbo”, Bartholomu, Mattu, Mark, im Luk rej lōmnak bwe at eo juōn etan ej, Nathanael ilo gospel eo an Jon.

3. “Eo ej yokwe jemen ak jinen elap jen iō ej betkake iō” (Mattu 10:37)

Lelōk bwe kilaj eo en konono Mattu 10:35–38.

- Ekijkan an eon 35 im 36 jejet jet ien elañe armij rej kōba tok ilo Kabuñ in? Einwōt ad jelā bwe Iroj ekōnan bwe bamle ko ad ren ainemōn im iben droñ, ta unin an kwalok nan kein? Wōn eo jej aikuij in kwalok ad ñōn e mokta? (Lale eon 78–38; kab Luk 14:33.)

4. Kwalok video eo

Mōtan eo iman “New Testament Customs,” kaletje jen New Testament Video Presentations (53914), emaroñ ekkar ñon katak in. Ilo pija in ebed ilo Jisōs ej kwalok bwe E ej Messaia (Luk 4:18); kin jar ilo imōn kwalok ko [synagogue]; im kin ta melelein kwalok kin gospel eo ilo an ejelōk kōbban bojo ko ami, einwōt an Jisōs jiroñ Dri Jilōk ro (Mattu 10:9–10).

“[E] Make Wōt Bōk Mōjno Ko Ad, Im Bōklōk Naniñmij Ko Ad”

Mark 1–2; 4:35–41; 5; Luk 7:11–17

Un eo Ññon jibañ ro uwan kilaj melele jet ian unin ko Jisōs kōmōn menin bwilōñ ko.

Kebojakjak

1. Konono, kōlmenlokijen, im jar kin lajrak in jeje ko rekwojarjar kein:
 - a. Mark 1:14–15, 21–45. Jisōs ej itoitak ibwiljin Galilli im kwalok kin gospel, ubake lōk tepil, im kemour ro dri naninmij. Ej ubake lōk jitōb etton jen juōn armij, ej kij mour jinen lieo ipen Pita im kareoik juōn dri leppa.
 - b. Mark 2:1–12. Jisōs ej jolōk jerawiwi ko an juōn eman im kemour eo e akā.
 - c. Mark 4:35–41; 5:1–20, Luk 7:11–17. Jisōs ej kalur lomalo eo, ubake lōk ligo jitōb ettōn, im kōjerkak ladrik eo nejin kōrā eo ejako belen ilo Nein im ear mij.
 - d. Mark 5:21–43. Jisōs ej kemour kōrā eo etōrlōk bōtōktōkin, im kemour ledrik eo nejin Jairos.
2. Kakobaba ññon riit: Mattu 8–9; Luk 4:33–44; 5:12–32; 8:22–56; Alma 7:11–12; Mormon 9:7–20; Moroni 7:27–29, 33–37.
3. Elañe pija eo Kin Kōto (62139; Gospel Art Picture Kit 214) im pija in an Jisōs Kōjerammōn ledrik eo Nejin Jairus (62231; Gospel Art Picture Kit 215) ralikar, kōjerbali ilo kilaj eo.
4. Lōmnak ko ññon katakin: Ro uwan kilaj eaikuij in mememe etake elap tokjen ad katak jen jeje ko rekwojarjar ran kein. Ilo am kōmōne katak ko, jar im lōmnak kake ta ko renaj kōmōn bwe ro uwan kilaj eo en maroñ kōjermal bedbed ir gospel ko rej katak ilo mour ko air.

**Elmokot In Katak
ññon Edroklōk**

**Makitkit Ko Bwe
En Wōr Itoklimo**

Elañe ekkar, kōjermal lajrak in makitkit kein ak juōn eo kwōj lōmnake mokta jen am jino katak eo.

- Ta eo ej men in bwilōn [miracle]? (Jabdrewōt men eo ej walōk kin kajur an anij ak jitōb.)
- Ta juōn ian men in kabwilōñlon ko Dri Lomor ear kōmōne, im koknan bwe kwon kar bed ie? Etke? (Komaroñ kelajraki jet ian menin bwilōñ ko Kraist ear kōmōni iōn chalkboard eo ññon jibañ ro uwan kilaj uwaki kajitōk kein.)

Kemleleik bwe ilo katakin in jenaj konono kin jet ian menin bwilōñ ko Dri Lomor ear kōmōni, im ta unin bwe en kar kōmōni.

**Konono Jen Jeje
Ko Rekwojarjar
im Kōjerbali**

Ilo am katakin kin buk kein, kalikar wewein air jelet mour ko ad ran kein. Kalikar bwe Jisōs ej kōmōn men in bwilōn ilo ran kein. Kōketak ro ilo ro uwan kilaj bwe ren kwalok ta men in bwilōñ ko rar iōni ilo mour ko air. (Komaroñ kakememej ir bwe jet men raurōk ññon ad kwaloki. Jitōb Kwojarjar emaroñ kalikar ta ko rekkar ññon ad kwaloki.)

1. Jisōs ej itoitak ilo Galilli im kwalok kin gospel eo im kōmōn men in bwilō.

Konono Mark 1:14–15, 21–45. Kajitōk iben ro uwan kilaj bwe ren kelet jet eon ko ñon air konono jeni ilo air kolap ainikier.

- Ilo an Jisōs kwalok kin gospel eo ilo Galilli, ear kōmōn elōñ men in kabwilōñlōñ ko; kemor ro dri nañinmij, ubake lōk ro dimon ear mok ilo enbwinier (Mark 1:34, 39). Etko Jisōs ear kōmōn wewein kein? (Uwak ko remaroñ bed ilo lajrak in ilal.)
 - a. Ñōn an kwalok an yokwe im tiramo (lale Mark 5:19; lale kab 3 Nephi 17:6–7).
 - b. Ñōn kōmōn im kabin air tōmak (lale Mark 9:27–30).
 - c. Ñōn kamōl kin kajur eo an (lale Mark 1:27; 2:10–11).

Kelajraki uwak ko an ro uwan kilaj eo iōn chalkboard eo, im likiti ilo ien eo kwōj kwalok katak eo. Ilo am kwalok kin men in bwilōñ ko Jisōs ear kōmōni, kemleleik bwe jet ian men kein rej kajejet konono ko. Kōbaiklōk ilo lajrak eo kin un ko bwe men in bwilōn ko ren kōmōn im rej walōk ilo katak eo.

- Etake armij ro ilo imōn kwalok ko ilo Kapernaum rar bwolōñ kin nan in katak ko an Jisōs im kin an maroñ in kadwijiōk jitōb etton? (Lale Mark 1:22, 27.) Ta maroñ eo Jisōs ej kwalok im kōmōn men in bwilōñ ko kake? (Kin kajur eo an priesthood im ejako iben Skraib ro.) Ewi wewein bwe jen maroñ bōk kajur in rainin?
- Ekkar ñon Mark 1:41, ta unin bwe Jisōs en kemour juōn dri leppa? Kalikar bwe Jisōs ear kōmōni men in bwilōñ ko ñon an kabuñburoñ juōn armij. Ta eo men kein rej kalikar kin wewein an Jisōs lōmnak kin kij? Ewi wewein an kwalok an yokwe im tiramo kake yuk?
- Ewi wewein ad maroñ einwōt Kraist im kwalok ad yokwe im tiramo ñon ro ibelakid? Ewi wewein an ro jet einwōt Kraist im kwalok air yokwe yuk im tiramo kake yuk?

2. Jisōs ej jolōk jerawiwi ko an leo im kemouri jen an aka.

Konono im kemleleik Mark 2:1–12.

- An wōn tōmak eo ekōmōn bwe leo e aka en mour? (Lale Mark 2:3, 5.) Ewi wewein an armij rein kwalok air tōmak? (Lale Mark 2:1–4.) Ekijkan ad maroñ kwalok ad tōmak kin ro jet? Ekijkan an tōmak ko an ro jet jibañ yuk im ro jet kwojelā?
- Ta skraib ro rej lōmnak ke rej roñ an Jisōs jiroñ lōk eo e aka, bwe ejako jerawiwi ko an? (Lale Mark 2:5–7.) Ta uwak eo an Jisōs ñon skraib rein? (Lale Mark 2:8–11.) Kalikar bwe einwōt an juōn men in bwilōñ kin an mour leo jen an leppa, e bar men in bwilōñ ilo an jako jerawiwi ko an. Kalikar bwe men in bwilōñ in ebar maroñ jermal ñon kij elañe jej ukwelōk.
- Ta kajur eo elap lōk im ej annane lōk kajuro eo ilo an Dri Lomor kemor armij ro? (Lale Aiseia 53:5; 2 Nephi 25:13; 3 Nephi 9:13.) Ewi wewein an kajur in iben Jisōs kemour yuk ilo jitōb? Ewi wewein ad maroñ bukōt ejmour ilo jitōb?

3. Jisōs ej kalur lomalo eo, ubake lōk jitōb etton ko, im kemour ladrik eo nejin Nain jen an mij.

Konono im kemleleik eon ko jen Mark 4:35–41; 5:1–20 im Luk 7:11–17. Kwalok pija in Jisōs ilo an kalur lomalo eo.

- Aurōk eo ikijen men in bwiloñ ko Dri Lomor ej kōmōni rej kalikar kin mōl eo ilo jitōb. Ta mōl eo ilo jitōb je maroñ katak jen men in bwiloñ kein? (Uwak ko rebed ilo nan kein emōj jeboli.)

a.Mark 4:35–41. Jisōs ej kalur lomaro eo. (Emaroñ letok ñon kij ainemōn.)

b.Mark 5:1–20. Jisōs ej ubake lōk lison in tepil. (E maroñ ubake lōk Setan jen mour ko ad.)

c.Luk 7:11–17. Jisōs ej kemour juōn eman jen ke e ar mij. (Kin Binmour eo an, jenaj bar jerkak jen mij ilo ien Jerkakbiji.)

Kir ro uwan kilaj ñon air kwalok jet ian men in bwiloñ ko Dri Lomor ear kōmōni, im mōl eo ikijen jitōb im jemaroñ katak jen men in bwiloñ kein.

- Ta bar jet wewein ko emōj am katak jen am katak jen men in bwiloñ kein jilu?

4. Jisōs ej kemour kōrā eo ej torlōk kin bōtōktōk, im kōjerkak ledrik eo nejin Jairos jen mij.

Konono im kemleleik eon kein emōj keleti jen Mark 5:21–43.

- Ekijkan an kōrā eo etōrlōk bōtōktōkin kwalok na tōmak. (Lale Mark 5:25–29.) Ta eo ear kōmōn bwe en torlōk bōtōktōkin? (Lale Mark 5:34. Kalikar bwe ear kin tōmak eo an kin Jisōs im jab kin an uniri nuknuk eo an ear kōmōn bwe en mour.)
- Kwalok pija eo Jisōs ej kōjerammōn ledrik eo nejin Jairos. Ewi wewein an Jairos kwalok an tōmak ilo Dri Lomor? (Lale Mark 5:22–23.) Ta Jisōs ear ba ñon Jairos im e kokajur lōk tōmak eo an ke earroñ bwe ledrik eo nejin e mij? (Lale Mark 5:36.) Ewi wewein am maroñ kōjerkak nan kein ilo mour eo am?
- Ewi wewein am lōmnak tōmak emaroñ kōmōn bwe en walōk men in bwiloñ? (Lale Ether 12:12, 18; Moroni 7:37; im nan kein.) Etke men in bwiloñ ko reban make kōmōn bwe tōmak eo en bin?

Brigham Young ear ba: “Men in bwiloñ ko, ak kabwilōnlōn rej walōk jen kajur eo an Anij re jab ñon ro rejab tōmak, rej ñon ro remōn, im ñon kokajur im kabin tōmak an ro rej yokwe, mijak im jermal ñon Anij” (*Discourses of Brigham Young*, sel. John A. Widtsoe [1941], 341).

- Etke men in bwiloñ ko Jisōs ear kōmōni elap tokjeir ñon yuk? Etke emenin aurōk ñōn ad jelā bwe ej bar einwōt kōmōn men in bwiloñ ilo ran kein? Ta jet ian wanjoñak ko ikijen men in bwiloñ ko ilo ran kein?

Jemlokin

Kwalok am kamōl bwe Jisōs emaroñ kemour ikijen kanniek kab mour in jitōb. Kwalok am kamōlol kin aolepen men ko E ar kōmōni ñon kij. Elañe ekkar komaroñ kwalok men in bwiloñ ko rar kōjerammōn mour eo am.

Kajitōk iben kilaj bwe ren lōmnake men in bwiloñ ko rar walōk ñon ir. Kōketak ir ñon air kile im kamōlol kaki.

Jet Melele Ko ñōn Katak

Wewein kein rej ñōn jibañ im kōkōmōnmōnlōk kilen katakin. Komaroñ kōjerkak juōn ak ruo ian wewein kein ilo am kōmōne katak eo.

1. Men in bwilõñ ko ilo Kalimur Mokta

Kemleleik bwe men in kabwilõñlõñ ko rejab kaal ñon Dri Ju ro. Ekkar bar walök jen dri kanan ro ilo Kalimur Mokta re dri Ju ro rar kautiej. Bök jidik ien ñon bar etale wanjoñak kein:

- a. Dri kanan Ilaija ear kemour juõn ladrik ear mij (1 Kin 17:17–24).
 - b. Dri kanan Elisha ear najidik juõn jerlebiju kin jet moña ko reiet (2 Kin 4:42–44).
 - c. Dri kanan Elisha ej kemour Neaman jen leppa eo an (2 Kin 5:1–19).
- Kin kajur ta dri kanan rej kõmõn men in bwilõñ? (Priesthood, ak kajur eo emõj lelök ñon ir jen Jemedwij Ilañ im Jisõs Kraist.)

2. “Ro re jab nañinmij, re jab aikuij dri uno” (Mark 2:17)

- Ta lõmnak eo an skraib im Parisi ro ke rej lo an Jisõs mõña iben armij ro rej watök ir dri jerawiwi? (Lale Mark 2:15–16.) Ta eo Jisõs ear ba ñon ir? (Lale Mark 2:17.) Ta melemen men in? Ilo wewein rõt aolepedwij “jaikuij dri uno”?

Un eo Nõn kõketak ro uwan kilaj ñon itok ñon Kraist ilo air kõjerbal katak ko rar katak kin Kwalok Eo Iõn Tõl Eo.

Kebojakjak

1. Konono, kõlmenlokijen, im jar kin lajrak in jeje ko rekwojarjar kein:
 - a. Mattu 5:1–12. Iõn juõn tõl ilo Gallili, Jisõs ej katakin ro dri kaloran ilo wewein eo ej kwalok baktokin juõn jitõb.
 - b. Mattu 5:13–16. Jisõs ej kwalok bwe dri kalor ro rej einwõt “salt in lõl” im “meram ñon lõl.”
 - c. Mattu 5:17–48. Jisõs ej kwalok bwe ear itok ñon kajejet kien ko an Moses, im ej katakin kin kien eo eiutiej lõk.
2. Kakobaba ñõn riit: Luk 6:17–36; Mosiah 13:28–35; Alma 34:13–16; 3 Nephi 12; Ether 12:11.
3. Elañe kwõj kõjerbal makitkit ko, lelõk pinjel im pepa ñon kilaj eo.
4. Elañe men kein ralikar, kõjembali ilo kilaj eo:
 - a. Pija in Katak Eo Iõn Tõl (62166; Gospel Art Picture Kit 212).
 - b. Juõn nien salt im juõn lam.
5. Lõmnak ko ñõn katakin: Jisõs Kraist ej Dri Kaki eo elap. Ilo am katak kin Kwalok Eo Iõn Tõl Eo, lale wewein an katakin im kajeõñ pijaik lõk E einwõt juõn dri kaki.

Elmokot In Katak ñõn Edroklõk

Makitkit Ko Bwe En Wõr Itoklimo Elañe ekkar, kõjerbal lajrak in makitkit kein ak juõn eo kwõj lõmnake mokta jen am jino katak eo.

Lelõk ñon kajojo ro uwan kilaj juõn pinjel im juõn pepa. Kemleleik ir bwe jeje ko rekwojarjar rej kwalok kin elõñ kir ko jen Dri Lomor. Komaroñ ba ro uwan kilaj en konono kin kir eo an Dri Lomor ilo Mattu 11:28–29 (lale kab 3 Nephi 27:27). Kajitõk iben ro uwan kilaj bwe ren je itulõñ in pepa eo, *Iroj E ar kir iõ ñõn*: Kemleleik bwe katak in ej kin Katak Eo Iõn Tõl Eo, eo ej kwalok kin elõñ kir ko jen Dri Lomor. Rejañ ro uwan kilaj ren bukiti kir ko ilo ien katak in im jei ilo pepa eo.

Konono Jen Jeje Ko im Kõjembali Ilo am katakin kin eon kein ilo jeje ko rekwojarjar, kemleleik ewi wewein air jermal ilo mour ko ad jen ran ñon ran. Rejañ ro uwan kilaj eo bwe ren kwalok iminene ko air im rej bedbed wõt iõn ta eo eon kein rej kwalok. Kin an naj bin ñon kõmõn kajitõk ko, konono kin aolepen ta ko eon kein rej kwalok kaki, jar im kelet wõt ko elap tokjeir ekkar ñon aikuij ko an ro uwan kilaj eo.

1. Jisōs ej katakin ro dri kaloran Men ko Leen Jitōb.

Kemleleik bwe mokta jen an Kraist lotak ilo mour eo an mokta ear lelōk kien ko ñon Moses iōn tōl Sanai, ke Messaia ear mour ibed E ar bar etal ñon iōn juōn tōl ñon an kwalok kin kien eo rellap lōk ilo katak eo na etan Kwalok Eo Iōn Tōl Eo. Kwalok pija in Kwalok Eo Iōn Tōl Eo.

Katak ko jinoin ilo kwalok in ej kin wewein eo ikijen Mour in Jitōb (Mattu 5:1–12). Mour in jitōb jej konono kin jeramoñ, mōnōnō, ak kōjerammōn (Mattu 5:3). Konono kake beatitudes kein ilal.

- *Mattu 5:3.* Ta melelein “jeramol ilo jitōb”? (Ñon ad kōttaik kij lale nan in jibañ ko iumin eon ko. Lale kab 3 Nephi 12:3.) Ta unin an men in aurōk bwe jen kōttaik kij? Ewi wewein ad kōttaik kij?
- *Mattu 5:4.* Ta jet wewein ko emōj an Iroj keboje ñon kij bwe jen ainemōn? (Lale Jon 14:26–27 im Mosiah 18:8–9 ñon wanjoñak.) Ekijkan an kaenemoñ yuk ilo ien am iōn burumōj?
- *Mattu 5:5.* Ta melelein an ba etta buru? (Juōn eo e jouj, jolok bwir, kōmōn bwe armij ro ren mōnōnō.) Ekijkan ad maroñ kōmōne wewein in? (Lale Mosiah 3:19; Alma 7:23; 13:28.)
- *Mattu 5:6.* Ta eo Jisōs ear kalimur ro rej “kwole im maru kin mour jimwe”? (Lale Mattu 5:6; 3 Nephi 12:6.) Ekijkan bwe jen maroñ anjo jen kōnan ko an lōl im lor jimwe?
- *Mattu 5:7.* Ekijkan ad kwalok tiramo ñon ro jet? Etke jej aikuij tiramo jen Iroj? (Lale Alma 42:13–15.)
- *Mattu 5:8.* Ta eo kwōj lōmnake ej melelein bwe en wōr juōn buru erreo? Ekijkan ad karreoik buruod? (Lale Helaman 3:35.) Ta jej aikuij in karreo buruod bwe jen maroñ in lo Anij, im jokwe iben? (Lale Moses 6:57.)
- *Mattu 5:9.* Ekijkan ad maroñ dri kōmōn ainemōn ilo moko imōd, im ilo jikin ko ad?
- *Mattu 5:10–12.* Etke jet ien armij ro remoñ rej liakekelōk ir? Ewi wewein ad jelmae wewein in? (Lale Mattu 5:44; Luk 6:35.)

Elañe kwōj kōjerbal wewein eo ñon kaitok limoir, kajitōk iben kilaj bwe ren kolajrake ta eo rej kili ilo bwebwenato eo kin mour ilo jitōb im rej kile bwe remaroñ jibañ ir.

2. Jisōs ear kwalok bwe dri kalor ro an rej “salt in lōl” im “meram ñon lōl.”

Konono im kemleleik Mattu 5:13–16. Ilo ami kemleleik eon kein, komaroñ kwalok lamp im nien salt eo.

- Jisōs ear ba dri kalor ro rej “salt in lōl” (Mattu 5:13; D&C 101:39). Ta ko jej kōjerbali ñon salt? (Uwak ko remaroñ juōn ej ñon kōjeberok men ko bwe ren jab jorren.) Ekijkan an Armij ro Rekwojarjar ilo Ran Ko Eliktata erom “salt in lōl”?
- Ewi wewein bwe jen maroñ in “dri lomoren armij”? (Uwak eo emaroñ ilo ad kwalok kin gospel eo im kōmōni jermal ko ilo tempel.)
- Ewi wewein an Armij ro Rekwojarjar ilo Ran Ko Eliktata maroñ “meram ñon lōl”? (Mattu 5:14; lale kab eon 16). Ta ej walōk elañe kentel rej tili im likiti iumin jebe”? (Mattu 5:15; ekijkan ad likiti meram ko ad iumin jebed ko.)

Ekijkan ad einwõt ro rej uwan kabuñ in jet ien likit meram ko ad iumin jebe? Ewi wewein ad maroñ kōmōn bwe meram ko ad ren romak lōk im rome ro im “remaroñ nebar Jemedwij . . . ilañ”? (Lale Mattu 5:16; 3 Nephi 18:24.)

3. Jisōs ej katkin kin kien ro rellap lōk jen kien ko iben Moses.

Kemleleik Mattu 5:17–48. Kir ro uwan kilaj bwe en konono eon ko emōj keleti ilo air kolap ainikier.

- Jisōs ear ba bwe E ar itok ñon kadedeik kien ko iben Moses, jab ñon kakkuri (Mattu 5:17–18). Ewi wewein an kajejet kien ko iben Moses?

Kemleleik bwe kien ko iben Moses rar ñon ro nejin Israel kin an kijñene kenwair im ebidodo air bo ilo kabō, ekka air melōklōk Anij eo air. Ekkar juōn kien ñon air kōmōne im lor kakien ko im ear likun in aurōk bwe dri Israel ro ren kōmōne ilo ran ko air, ñon air kememej Anij, im ej ijo kunaer ñon E (lale Mosiah 13:29–30). Ro remelele kin kien rej reimanlōk ñon an naj kien ko jejet elañe Kraist enaj itok, bwe kin wewein in kien ear itok (lale 2 Nephi 25:24–25).

Dri Lomor ear kajejet aolepen kien ko an Moses ke E ar juōn men in katok kin kij kin jerawiwi ko ad (Alma 34:13–16). Elikin an einwõt juōn men in Binmour ejemlōk ad katok kin men in mour ko, im ekkar juōn men in aikuij ilo kien ko an Moses ñon kalikar bwe Jisōs Kraist enaj juōn men in katok. Kiō emōj jiroñ kij bwe lelōk ilo karmijete kij ilo juōn buru emol im jitōb eo ekāl (lale 3 Nephi 9:20; lale kab eon 19).

- Jisōs ear ba bwe dri kaloran rej aikuij in jimwe “ej aikuij in lap lōk jen skraib im Parisi ro” (Mattu 5:20). Ta mōjno eo ikijen “jimwe” iben skraib im Parisi ro? (Elap wõt air lōmnak kin men ko itulik ilo air lōmnak kin kien ko, im kōjekdon aurōk eo ikijen mōl ilo buru. Elañe rar likun in kalimjōk kien ko ilo jejetir, re naj kar kile bwe Jisōs ej Messaia eo.

Ilo tu lōn tu anmin in chalkboard, je *Kom ar roñ bwe ar ba*. Kemleleik bwe ilo Katak eo Iōn Tōl eo, Jisōs ear kōjerbal nan kein ñon an konono kin kien ko an Moses. Ilo tu anbwijmaroñ ilōñ ilo chalkboard eo, je *Ak ij ba ñon kom*. Kalikar bwe Jisōs ej konono ilo wewein in ilo an katakin ro dri kaloran kin kien eo eutie j lōk.

- Ilo Mattu 5:21, ta kien eo Jisōs ear konono kake? (Je *Kwon jab uror iumin kom ar roñ bwe ar ba*.) Ta kien eo eutiejlōk eo Jisōs ear ba kake kien in? (Lale Mattu 5:22. Je *Komin jab illu iumin je Ak ij ba ñon kom*. Ekijkan kien eo ñōn jab illu eutie j lōk jen kakien eo kwon jab uror? Ekijkan eñjake eo ad kin illu ej jelet Anij? Ta eo jemaroñ kōmōn bwe jen maroñ kejbarok bwe jen jab illu im kajeoñ in jolōk jen kij.
- Dri Lomor ar konono kin an bōktok “men in letok ilo lōkatok” ej annañe ien ko etto rej bōktak men in lelōk ñon katok (Mattu 5:23). Ta eo Jisōs ej jiroñ ro Dri Jilōk elañe rej illu im likiti menin katok ko air ñōn air kōmōne katok ko air? (Lale Mattu 5:23–24.) Ewi wewein an men in jerbal ñon kij?
- Ta eo jej aikuij in kōmōn elañe juōn ej keinebataik kij? (Lale Mattu 5:24; 18:15; D&C 64:8–11.) Ta eo ekowatata elañe jej kōtar an armij eo ear keinebata itok im jolōk an bwir?
- Ilo Mattu 5:27, ta kien in etto Jisōs ej konono kake? (Je *Kwon jab luñ, iumin kom ar roñ bwe ar ba*.) Ta kakein eo Jisōs ear likiti bwe en bōk jikin kakein in?

(Lale Mattu 5:28. Je *Jab bōk lōmnak kin luñ*, iumin *Ak ij ba ñon kom.*) Ta jet walōk ko kin lōmnak ko retton? (Lale Mosiah 4:30; Alma 12:14; D&C 63:16.) Ta eo jemaroñ kōmōne bwe en erreō lōmnak ko ad?

- Ilo Joseph Smith Translation ej ba bwe mej im pa ilo an walōk ilo Mattu 5:29–30 rej jutak kin jerawiwi. Ta eo eon kein rej katakin kij wewein ad jelmae jerawiwi ko ad?
- Einwōt an walōk ilo Mattu 5:33, ewi wewein an armij ro ilo Kalimur Mokta kwalok bwe rej kwalok mōl? (Je *Kōmōn kalimur ko ñon Iroj iumin Komar roñ bwe E ar ba.*) Ta kien eo Jisōs ear lelōk im ej bōk jikin menin? (Lale Mattu 5:34–37. Konono nan kein an Elder Bruce R. McConkie. Then je *Mōl ilo nan ko am* iumin *Ak Ij ba ñon kom.*)

Elder Bruce R. McConkie ear ba: “Iumin kien ko an Moses bōk kalimur ear juōn men eo ekka an armij ro kōmōne, im ej jermal ñon elōñ wewein ko, im ilo kōmōne jet ien armij ro rejab mōl ilo air jermal kin an ejjelōk kalimur. . . . Iumin kien ko an Kraist aolep nan rej aikuij in bin ilo mōl, im aolep nan ko rej aikuij mōl einwōt emōj komōn kalimur” (*The Mortal Messiah*, 4 vol. [1979–81] 2:140).

- Ilo Mattu 5:38 ta kien eo mokta Jisōs ej konono kake? (Je *Mej kin mej*, iumin *Kom ar roñ bwe ar ba.* Kemleleik bwe “mej kin mej” melelein bwe ilo an juōn armij kōmōn jorren ñon bar juōn rej aikuij in bar kōmōn jorren ñon e; lale Livitikos 24:17–21.) Ta kien eo ear bōk jikin kien in? (Lale Mattu 5:39–40. Je *Oktak ñon jebe eo rejet* iumin *Ak ij ba ñon kom.*) Ta katak eo Jisōs ej katakin ilo an ba, kwon bar oktak ñon jebe eo juōn elañe juōn armij ej ubrare yuk im lelōk am kwōj, ñon armij eo ej bōk am kobe.
- Ilo Mattu 5:43, ta wewein eo rekin kōmōne im Jisōs ej konono kake? (Je *Yokwe ro dri turum, im dike ro rej kejdete yuk* iumin *Kom ar roñ bwe ar ba.*) Ta kein eo ej bōk jikin kien in? (Lale Mattu 5:44–47. Je *Yokwe ro rej kejdrete yuk* iumin *Ak ij ba ñon kom.*) Ekijkan ad yokwe ro rej kejdrete kij? (Lale Moroni 7:47–48 ñon wanjoñak.) Ewi wewein an mour ko ad oktak ilo ad yokwe ro rej kejdrete kij? Ewi wewein an mour ko air oktak?

Elañe kwōj kōjermal wewein eo ejkōmōn itoklimo ñon ro uwan kilaj, kajitōk bwe ren lale chalkboard im kelajrak nan ko ilo Mattu 5:17–47 ko im ewōr tokjeir.

- Ekijkan ad melele kin an Dri Lomor jiroñ kij bwe jen jimwe? (Kab nan in jibañ ko redrik iumin nan ko eo im ej kwalok bwe ilo kajin Greek nan eo *perfect* ej dedelōk, emōj.) Ekijkan an nan in jiroñ in juōn eo eweppen an kōketak kij im jab keinebataik kij?

Dri Kanan Joseph Fielding Smith ear ba:

“Ij tōmak Iroj ej mōl kin men eo ear ba, bwe jej aikuij in jejet, einwōt Jemedwij Ilañ E jejet. Menin eban itok ilo juōn wōt ien, ak jen ad katak im edroklōk im kin wanjoñak ko, im emaroñ jab toon wōt ad mour ilo mour in wōt, bwe je naj wōnmanlōk im mour elikin mij mokta jen ad tōbar jijjet eo ñon ad einwōt Anij.

“Ak ijin jej likit bedbed eo. Ijin ej ijo jej kwalok kin mōl eo an gospel eo an Jisōs Kraist ñon keboje kij ñon emōnlōk rainin jen inne. . . . Elañe jenaj kejbarok kien ko an Iroj, jej bed ilo ial eo ejimwe ñon eman lōk” (*Doctrine of Salvation*, comp. Bruce R. McConkie, 3 vol. [1954–56], 2:18–19; lale kab D&C 93:11–14, 19–20).

- Ekijkan an Binmour eo an Dri Lomor kōmōn bwe jen tōbar mour eo emōn? (Lale Moroni 10:32–33; D&C 76:68–70.) Ekijkan an katak Kwalok eo Iōn Tōl Eo kōmōn bwe jen itok ñon Kraist, im weppen ilo E?

Jemlokin

Kamol bwe Kwalok eo Iōn Tōl eo ej jibañ kij itok ñon Kraist, im weppen ilo E (lale Moroni 10:32). Kōketak ro uwan kilaj bwe ren kōjerbal wewein kein ilo mour ko air. Elañe kwōj kōjerbal makitkit eo ñōn kōketak kilaj eo, ba kilaj en kōjerbal men ko rar jei im kelet juōn ak ruo im renaj lōmnak kaki ilo naj wiik eo.

Jet Melele Ko ñōn Katak

Wewein kein rej ñōn jibañ im kōkōmōnmōnlōk kilen katakin. Komaroñ kōjerbal juōn ak ruo ian wewein kein ilo am kōmōne katak eo.

1. “Juōn ial eo emōnlōk” (Ether 12:11)

Jitōñ jet ian ro uwan kilaj ñōn air bojak in kab kwalok ñon ro uwan kilaj kin wewein katak eo ilo Mattu 5 emaroñ jibañ ir ilo imoko, ilo jikin jikuul, ko, ak ilo jikin jermal ko.

2. Dri Lomor ej katakin kin jibel

Elañe ewōr ami kajitōk kin kajitōk eo ilo Mattu 5:31–32, lale kalalem jet melele ñōn katakin ilo katak 14 (lale peij 60).

3. Kwalok video eo

Mōttan eo kein karuo ilo “New Testament Customs,” kelet e jen *New Testament Video Presentations* (53914), kemleleik nan eo *schoolmaster*, im ej walōk ilo Galetia 3:24–25 ñōn kemleleik kien ko an Moses. Elañe kwonaj kwalok mōtan in, kwalok ewi wewein an kien ko an Moses *schoolmaster* ñon air tōl tok ir ñon Kraist.

“Bukōt Mokta Ailiñ In Anij Kwojarjar Eo An”

Katak 9

Mattu 6–7

Un eo Ññon kōketak ro uwan kilaj eo bwe en laplōk air ketak einwōt dri kaloran Jisōs Kraist.

Kebojakjak

1. Konono, kōlmenlokijen, im jar kin lajrak in jeje ko rekwojarjar kein:
 - a. Mattu 6:1–6, 16–21. Jisōs ej katakin ro dri kaloran bwe ren kōmōn air menin lelōk ikijen jibañ, jar, im jtlōk ilo itino, im kōmōn men ko renaj na wōnem ilo lañ im jab ilo lal.
 - b. Mattu 6:7–13; 7:7–11. Ej kwalok ñon dri kaloran wewein jar im katakin ekijkan an Jemedwij Ilañ naj jibañ im kōjerammōn ro renaj kajitōk bwe en jibañ ir.
 - c. Mattu 6:14–15; 7:1–6, 12. Jisōs ej katakin ro dri kaloran jolōk an ro jet bwir, im ekajet ilo jimwe, im kōmōn ñon ro jet einwōt rej kōnan bwe ren kōmōn ñon ir.
 - d. Mattu 6:22–34; 7:13–29. Ej katakin ro dri kaloran bwe Jemedwij Ilañ enaj kōjerammōn ir elañe jerbal ñon E.
2. Kakobaba ññon riit: Luk 6:37–49; 11:1–13, 34–36; 12:22–34; 16:13; 3 Nephi 13–14.
3. Elañe men kein ralikar, kōjerbali ilo katak eo:
 - a. Pija in Kwalok Eo Iōn Tōl Eo (62166; Gospel Art Picture Kit 212).
 - b. Kwalok pija eo (en jab lab jen 6 ak 7 minit) “Kwalok eo Ion Tōl Eo.”
4. Lōmnak ko ññon katakin: Bwebwenato ko remaroñ kalikar bedbed in gospel eo im kōmōn bwe en itoklimo in ro uwan kilaj eo. Jisōs ekka an kōjerbal bwebwenato ko elap tokjeir ak kalikar lōmnak ko rej jab alikar. Lōmnake ewi wewein komaroñ kōjerbal wewein in ññon an bidodo air melele kin gospel eo. Elañe kwōj kwalok bwebwenato ko, lale bwe ren melele elañe bwebwenato eo ej juōn eo emol, ak juōn eo ej ññon wanjoñak ññon am kalikar men eo kwōj katakin kake.

Elmokot In Katak ññon Edroklōk

Makitkit Ko Bwe En Wōr Itoklimo Elañe ekkar, kōjerbal lajrak in makitkit kein, ak juōn eo kwōj lōmnake mokta jen am jino katak eo.

Kwalok bwebwenato in ilo nan ko am make:

Elder William R. Bradford juōn ro uwan Seventy ear konono iben juōn bisōp ilo juōn ward eo im jōdrikdik ro ie rar jerbal ko ññon air kōmōn air mani in makitkit. Bisōp eo ear kajitōk iben Elder Bradford elañe emaroñ jibañ jōdrikdik ro ren kile ir, kin jerbal ko rar kōmōni. Bisōp eo ear bwilōñ kin uwak eo an Elder Bradford bwe ear ba, ijab maroñ. Ak ear ba, elap aō mōnōnō bwe ajiri ro rar kōmōni jerbal ko remōn, ak ejab men in aikuij bwe ren bōk kamōlol im kile ko jen armij ro.

Ke ro emōn drettair rar lōmnak in likiti mani ko rar kōmōni ñon jibañ mijinede fund eo, im jab ñon kōnan ko air ilo makitkit ko air, rar kōnan pija iban Elder Bradford ilo air lelōk mani ko, im rekōnan bwe en kab walōk ilo nujpepa eo. Ak bar juōn alen rar ilbōk bwe Elder Bradford ear ba, “jab.” Ear jiroñ lōk bisōp eo: “Komaroñ katakin jōdrikdrik ro kin kien eo eutie j lōk ikijen kile im kamōlol jen eo eutie j lōk, ejelōk ainikien, ak rej bwini aolep makitkit jej kōmōni. Kōtlōk bwe ren eñjake mōnōnō kin ta eo rar kōmōne, im jab bwe elōn rej nebar ir kake, im kolaplōk ilo buruweir im ejinkoj eo air ilo lañ” (ilo Conference Report, Oct. 1987, 90–91; ak *Ensign*, Nov. 1987, 75).

- Ta eo jemaroñ katak jen uwak eo an Elder Bradford ñon jōdrikdrik ro?

Kwalok bwe juōn men jemaroñ katak kake bwe jej aikuij in kōmōne men ko remōn ñon ad kabuñ buruōn Anij kin ad yokwe E, im jab bwe jen bōk kile im nebar ko jen armij. Menin ej juōn ian wewein ko rej kalikar juōn dri kalor eo an Jisōs Kraist im emol.

Je *Dri Kalor Eo Emol* ion chalkboard eo. Ilo am kemleleik Kwalok Eo Iōn Tōl Eo, kolajrak ta ko juōn dri kalor rej aikuij in kōmōni einwōt an Dri Lomor kwalok kaki ilo katak eo.

Konono Jen Jeje
Ko Rekwojarjar
im Kōjebali
emol.

Ilo am kwalok kin katak in im eon kein, kōketak kilaj ñon air kile ta eo remaroñ kōmōne ñon air maroñ lap lōk air lelōk juōn dri kaloran Kraist. Kōketak ir bwe ren kwalok iminene ko air ilo air kajeoñ in kōmōn bwe ren maroñ juōn dri kalor eo

1. Dri kalor eo emol ej kōmōni men ko re jimwe ilo ien ko rekkar.

Konono im kemleleik Mattu 6:1–6, 16–21.

- Etke Jisōs ej na ruōn jet armij ro rej kōmōni men ko remōn einwōt lelōk ñon ro re jeramol, ro rej jar, im jitolōk? (Lale Mattu 6:1–2, 5, 16. Kinke rej kōmōni men kein ilo wewein eo ebwir.) Jisōs ej konono kin armij rein bwe dri riab, im ri jelā mon. (Ta in mon, ej kain armij ro rej kajeoñ in kōmōni men ko men in mune armij. Rej kajeoñ bwe armij ren lōmnak bwe remōn, ak re jab. Lale Mattu 15:8; Luk 11:39.)
- Ta wōnen eo ñon armij ro rej kōmōni men ko bwe armij ren loi air kōmōni? (Lale Mattu 6:2, 5, 16.) Ta men ko jemaroñ kōmōne bwe ro jet ren loe im jab bwe jen kabuñburuōn Anij? Ekijkan ad maroñ in karreoik ad kōmōni men ko remōn ñon ro jet?
- Ilo katak in ta eo Jisōs ej kwalok bwe jen kaurōke? (Lale Mattu 6:19–21.) Ta melelein “korlōk ñon men ko ilo lañ”? Ta menin aurōk ko ilo lañ jej aikuij bukōti? (Lale D&C 18:14–16 im 130:18–19 kin wanjoñak ko ruo.)
- Ta melelein bwe “ijo men aurōk ko am rej bed ie, ijo buruom ej bed”? Ewi wewein ad kwalok ta ko jej kaurōki? (Ilo juōn wewein, ej ilo ad kōjebal ien ko ad, mani ko ad, im ilo ad lelōk lōmnak ko ad.) Ta eo elap an armij kaurōke ran kein? Kajitōk iben ro uwan kilaj bwe ren lōmnake ta ko elap air kaurōke im ilo air ikōn ren lōmnake ta eo menin aurōk kein rej ba kin ijo buruer ej bed ie.

2. Dri kalor ro emol ej lor wanjoñak in jar eo an Dri Lomor.

Konono im kemleleik Mattu 6:7–13; 7:7–11. Kalikar bwe Mattu 6:9–13 ej Jar eo an Iroj.

- Ta eo Jar eo an Irojij ej katakin kij kake wewein ad jar? (Lale Mattu 6:9–13.)
- Ekijkan an Jar eo an Irojij kwalok an Jisōs kautiej Jemedwij Ilañ? Ewi wewein ad maroñ in kwalok ad kautiej Jemedwij Ilañ ilo ad jar?

Elder Dallin H. Oaks ear kwalok kain nan rōt ko jej aikuij in kōjerbali ilo ad jar: “Nan ko jej kōjerbali ilo ad jar reoktak ilo elōn kajin ko, ak juōn wōt un. Jej aikuij in ba moktak etan Jemedwij Ilañ, ilo yokwe im kautiej. . . . Jabdrewōt ro rej kōnan kautiej E renaj bōk jet ien ko ñon air katak kōjerbali nan ko rekkañ ñōn ad ba ilo ad jar” (ilo Conference Report, Apr. 1993, 17, 20; ak *Ensign*, May 1993, 16, 18).

- Ewi wewein bwe jen jab “elij in men” ilo ad jar? (Lale Mattu 6:7.)
- Kinke Jemedwij Ilañ ejelā men otemjej mokta jen ad jar (Mattu 6:8), etke jej aikuij in jar? Etke jej kajitōk, kabukōt im kōlallal (Mattu 7:7) emenin aurōk ñon ad edrōklōk ilo jitōb? Ewi wewein bwe jen maroñ in bōk jibañ ko jen Jemedwij Ilañ?
- Ewi wewein ad melele kin kalimur eo an Dri Lomor bwe “jabdrewōt eo ej kajitōk naj lelōk ñon e”? (Mattu 7:8). Etke jet ien jejab bōk ta ko jej kajitōk kaki ekkañ ñōn kōnan ko ad? (Lale 3 Nephi 18:20.) Ekijkan am jelā bwe Anij ejelā ta eo emōn ñon yuk?

3. Dri kalor ro remol rej kōmōn ñōn ro jet ilo jouij im jimwe.

Konono im kemleleik Mattu 6:14–15; 7:1–6, 12.

- Ta eo kwōj lōmnak Dri Lomor ej kakiene kij bwe jen jolōk an ro jet bwir? Ekijkan bwe jen maroñ in kolap lōk ad jolōk an ro jet bwir?
- Ilo ukok eo an Joseph Smith kin kakobaba ñōn Mattu 7:1, ej kwalok einwōt in kwon jab ekajete men ko re bwir bwe ren jab ekajete yuk; ak kwon ekajete ekajet ko rejimwe (lale Joseph Smith Translation, Mattu 7:2). Ta in ekajet jimwe? Ta jorren eo emaroñ itok ñon kij im ñon kij im ro jej ekajete ir elañe ebwir ad ekajete ir? Ekijkan ad maroñ in kōmōne bwe jen ekajete ilo jimwe? (Lale Mattu 7:3–5; Moroni 7:14–18.)
- Jisōs ear kwalok juōn eo ejab mōl an ekajete ro jet ej juōn dri jelā mon (Mattu 7:4–5). Ekijkan ekajete ro jet ilo jab jimwe ej juōn kakkōllen mon?
- Katak in ilo Mattu 7:12 ekka air na etan *Golden Rule*. Ta iminene ko rej kwalok ñon yuk kin katak in? Ekijkan elañe jenaj lor *Golden Rule*, enaj kōmōn bwe jen dri kaloran Jisōs Kraist?

Elder Marvin J. Ashton ear kwalok kin juōn ien jet uwan kabuñ rar kajitkin droñ kajitōk in “Ewi wewein am kile elañe juōn ej oktak im bōk Jisōs Kraist?”:

“Iumin minit ko eoñoul lalim armij ro rar kwalok elōñ uwak im lōmnak ko ñon kajitōk eo, im rar kelajraki uwak ko ilo chalkboard eo. Enañin aolepen uwak ko rej jet ko remōn. Elikin jet ien, dri kaki eo ear jeorilōk uwak ko iōn chalkboard eo im ear jei. Ear kwalok ke uwak ko remōn, im ear kwalok juōn bedbed in lōmnak: ‘Wewein eo im e alikar tata ñon am kile juōn eo ej edrōklōk ilo jitōb im emōj an bōk Kraist ej ilo an kōmōn ñon ro jet.’ “

Elder Ashton ear wōnmanlōk wōt im ba: “Ilo ad kōmōn ñon ro ilo bamle ko ad, ro jerad, ro jej jerbali ibeir ej aurōk in wōt ilo ad kwalok kin bedbed in katak ko

kin gospel ko jej kwalok kaki” (ilo Conference Report, Apr. 1992, 25; ak *Ensign*, May 1992, 20).

4. Dri kalor ro emol rej jermal ñon Anij im kōmōnmōn ankilan.

Konono im kemleleik eon ko jen Mattu 6:22–34; 13–29.

- Etke enañin bin jermal ñon Anij im men ko an lōl? (Lale Mattu 6:24.) Ta kalimur eo Anij enaj kōjerammōn ro rej jermal ñon E? (Lale Mattu 6:25–33; D&C 11:7.)
- Jisōs ear kalimur bwe “elañe jenaj bukōt . . . mokta ailōñ in Anij” E naj kōjerammōn kij (Mattu 6:33). Ta iminene eo kwar bōke ilo kalimur in?
- Ekijkan an inen ko an lal maroñ kabōik kij jen ad jermal ñon Anij? Ta jet wewein ko jemaroñ bo ie im jab lōmnak kin Anij? (Uwak ko remaroñ einwōt kōttar ad jolōk muri ko ad mokta jen ad kōllā juōn mōttan joñoul ko ad, ak lōmnak in wiaiki men ko jekōnan im jab lōmnak in etal ñon kōmōne mijen ko ad.
- Ke ej ebak an jemlōk an Jisōs kwalok katak eo, ta eo E ar kwalok bwe jen maroñ dreloñ ilo ailōñ in lañ? (Lale Mattu 7:13–14, 21–23.) Ta unin an jejet bwe ial eo an mour indreo eaidrik, ak ial eo ñon mij in dreo ekilep?
- Ilo jemlokin Kwalok Eo An Iōn Tōl Eo, Jisōs E ar kwalok wanjoñak eo kin eo emelet im leo ebwebwe (Mattu 7:24–27). Ekijkan an wewein in jelet kij? Ta eo “bar” eo ej jutak kake im jej aikuij in ekkal iōn? (Lale Helaman 5:12.) Ta eo jet armij rej ekkal iōn im jemaroñ ba bwe ej bōk?

Jemlokin

Kwalok am kamōl kin aurōk in lore Jisōs Kraist. Kōketak ro uwan kilaj ñon air lōmnake ta remaroñ kōmōne ñon air maroñ dri kaloran Kraist.

Jet Melele Ko ñon Katak

Wewein kein rej ñon jibañ im kōkōmōnmōnlōk kilen katakin. Komaroñ kōjermal juōn ak ruo ian wewein kein ilo am kōmōne katak eo.

1. “Kwonaj jelā kajier kin leir” (Mattu 7:20)

- Jisōs ear kakōl ro dri kaloran kin dri kanan riap—ro im rej katakin kin katak ko rej kōjebebe armij jen Kraist (Mattu 7:15). Ekijkan ad maroñ kile kōtan dri kanan ro remol im ro rejab mōl? (Lale Mattu 7:16–20; lale bar Moroni 7:5, 10–11.) Ewi wewein an Mattu 7:20 jelet kij im dri kanan ro?

2. Kwalok video eo

Mōtan eo kein karuo “New Testament Customs,” im ej jen *New Testament Video Presentations* (53914), im ej kemleleik kin wewein an Dri Ju ro kōjermal pailaktiri im albōk. Elañe kwonaj kōjermal pija in, kemleleik kin wewein an men kein kar jermal ñon kalikar an armij bōkake Anij, kinke lōmnak ko an Parisi ro bwe “armij ren loi” air kabuñ ñon Anij (Mattu 6:5).

3. Bukōt Belok eo ilo mejed

Kwalok bwebwenato in ekijkan an Dri Kanan Joseph Smith katakin juōn kōrā ñon an bukōt belok eo ilo mejen ilo an armij kwalok nan in kenanaik e:

Juõn kõrã ear etal ñon iben Dri Kanan Joseph Smith ilo an inebata kin an juõn ro uwan kabuñ kenan kake e. Dri Kanan eo ear jiroñ lõk bwe elañe nan ko an emõn eo rejab mõl inem en jab inebata, bwe mõl ej naj jutak wõt, ak nan ko re jab mõl reban bed wõt. Kõrã (eo ear jelã bwe nan ko rej jab mõl, ijoke kõrã eo ear jab ju buruõn. Dri Kanan eo ear wõnmanlõk wõt im kwalok wewein an jelmae wewein rõt in:

“Elañe ewõr dri kejdret ej kwalok nan ko re jab mõl kake e, im elõñ alen an iõne, mokta jen an kõmõn jabdrewõt ej mokta etale im reilıklõk im lale elañe ta eo rej ba ej juõñ men eo emol elañe ear bwir im kwalok jen nan ko ear jab lukkun in lõmnak kaki. Elañe ej kile bwe e ar kõmõne men eo rej konono kake, ear ba bwe ilo buruõn ej jolõk an armij eo bwir im kamolol bwe ear kwalok kin mõjno ko iben im e jab kile bwe ewõr iben.”

Dri Kanan eo ear wõnmanlõk wõt im ba bwe kõrã eo en lukkun in etale elañe e ar kõmõn jet men ko ilo an jab jelã elañe rar kõmõn bwe armij eo en kenanaik e. Elikin an lukkun in lõmnak kake, ear kile bwe emol ewõr jet men ko ear konono kaki, im ear kamõlol Dri Kanan eo im etal. (Lale Jesse W. Crosby, einwõt an Hyrum L. Andrus im Helen Mae Andrus, kwalok, *They Knew the Prophet* [1974], 144.)

4. Makitkit an jõdrikdrik ro

Je kajojo eon kein jen Mattu 6 im 7 iõn juõn kat [card]:

Anmiñom en jab jelã (6:3)	Ta eo anbwijmaroñ ej kõmõn (6:3)
Jemõm ej loe ijo etino (6:6)	E naj nawõnam (6:6)
Kwon jab (6:7)	Jab elij bata (6:7)
Jeorlõk an armij bwir (6:14)	Bwir ko air (6:14)
Korlõk ñõn kom (6:20)	Mweiuk ñõn kom i lon (6:20)
Kwõj jab Maroñ jermal (6:24)	Anij im mweiuk (6:24)
Bukõt E mokta (6:33)	Ailõñ in Anij (6:33)
Jolõk belõk eo jen mejam (7:5)	Jolõk jen mejam mokta (7:5)
Kajitõk (7:7)	Im enaj lewõj ñon yuk (7:7)
Kabukõte (7:7)	Im kwonaj loe (7:7)
Kejbarok kom jen (7:15)	Dri kanan riab (7:15)
Kin leir (7:20)	Kom naj jelã kajeir (7:20)

Kabedo kat [cards] ko iõn tebõl eo ak iõn lõl. Ajeje ro ilo uwan kilaj ko eo ilo ruo kumi ko, im ba ren kelet ruo ian kat ko. Elañe kat ko rejejet, armij ro ren emakit. Elañe re jab jejet ren bar kabidoiki im bed wõt, im ro jet ren baj kõmõne wewein in, mae ien eo enaj jejet aolepen kat ko.

“Komin Bōk aō Ine Ibemi, Im Atartar Iba”

Mattu 11:28–30; 12:1–13; Luk 7:36–50; 13:10–17

Un eo Ñōn jibañ ro uwan kilaj melele bwe ilo ad bōk ine eo an Dri Lomor iod im kōmōnmōn ankilan, jenaj lo ainemōn im mōnōnō eo ear kalimur kake.

Kebojakjak

1. Konono, kōlmenlokijen, im jar kin lajrak in jeje kein rekwojarjar:
 - a. Mattu 11:28–30. Jisōs ej kir ro rej jermal im ban bwe ren itok ñon E im bōk an ine im atartar iben.
 - b. Mattu 12:1–13; Luk 13:10–17. Jisōs ej kwalok bwe E ej Iroj in Jabōt. Ej kemour ilo ran in Jabōt im rej kenanaik E.
 - c. Luk 7:36–50. Juōn kōrā ej kajitōk bwe Iroj en jolōk bwir ko an im ej kwale neen Jisōs kin drenin kemjalal in mejen, Simon Parisi eo ej kenanaik Jisōs kin an kotlōk bwe kōrā eo e jerawiwi en uñiri E. Jisōs ear katakin e kin wanjoñak eo kin dri muri ro ruo im jeorlōk an kōrā eo bwir.
2. Kakobaba ñōn riit: Aiseia 58:13–14; Mattu 11:16–19; 12:14–50; 26:6–13; Mark 2:23–3:12; 14:3–9; Luk 6:1–11; D&C 59:9–19.
3. Elañe men kein ralikar, kōjerbali ilo ien eo kwōj kōmōne katak eo:
 - a. “Come Unto Me,” 7 minit jen *New Testament Video Presentation* (53914).
 - b. Pija in Mary Fielding im Joseph Fielding Smith Ilo Air Etal im Kijone Jikin ko (62608; Gospel Art Picture Kit 412), eo ej kwalok an men in mour ko iuni waikōn ko.
4. Lōmnak ko ñōn katakin: Ilo am keboje katak eo, jar im lale ekijkan am maroñ kōmōn bwe uwan kilaj eo en mōnōnō in bōk kunaer ilo makitkit ko, im kajeoñ in jibañ ir ilo jabdrewōt wewein.

Elmokot In Katak ñōn Edroklōk

Makitkit Ko Bwe En Wōr Itoklimo Elañe ekkar, kōjermal lajrak in makitkit kein ak juōn eo kwōj lōmnake mokta jen am jino katak eo.

Kajitōk iben juōn ian ro ilo uwan kilaj eo bwe en itok ñōn iman im erloke pein. Likit jet buk ko ilo pein, mae ien eo kwōj kile bwe ebwe an bani. Im kajitōk:

- Ewi toon am maroñ in bōki men kein im koknan kakije? Ta wewein eo komaroñ kōmōne ñon am maroñ in bōki men kein iumin juōn ien eo eaitok?

Kemleleik bwe elōñ kain edro ko, jet rej ilo mour in. Jet rej itok ilo kaneik im jet mour in jitōb, ak ilo eñjake ko ad im ejab bidodo ñon ad loi. Elōñ ian men kein jejab loi rej jojon kij remaroñ lap jen ad maroñ in bōki make iad im jej mōjno kaki. Katak in ej jibañ kij kin wewein an Iroj jibañ kij kemraik lōk edro kein rej jon kij.

Ilo am katakin kin eon kein, kemleleik ewi wewein air jermal ilo mour ko ad jen ran ñon ran. Kōbran ro uwan kilaj eo bwe ren kwalok iminene ko air im rej bedbed wōt iōn ta eo eon kein rej kwalok.

1. Jisōs ej kir kij bwe jen bōk an ine ibed im atartar iben.

Konono im kemleleik Mattu 11:28–30.

- Ta melelein “jermal im ban”? (Mattu 11:28). Ta jet wewein ko jej bani ilo mour in? Ekijkan an Iroj “letok ñon kij kakije” jen edro kein?
- Ta in ine? (Kwalok pija in Mary Fielding im Joseph F. Smith im kwalok ine eo kin oxen eo ilo pija eo. Kemleleik bwe ine ej juōn alal ak men eo rej likiti iōn juōn ak ruo armij ak menin mour ñon an kōmōne juōn jermal eo emōj lelōk bwe en kōmōne. Ej kōmōn bwe en jokin wōt juōn ilo an armij ak menin mour eo ineke men eo. Ijelōkin melele kein ej bar walōk ilo jeje ko rekwojarjar ikijen edro ko rej walōk ñon ro rej dri komakoko; lale Jeremia 28:2; Alma 44:2.) Ta melelein bōk ine ko an Kraist iōd? (Ñōn kōmōn ankilan im kōtlōk bwe en ukwe im tōl mour ko ad.)

Elañe kwōj kōjermal video eo “Come unto Me,” kwalok mōttan eo iman kiō.

Kabwijrak e video eo mojin an Howard W. Hunter konono.

- Iroj E ar ba, “Bwe aō ine ej emōn, im men eo Ij inek e emera” (Mattu 11:30). Ilo wewein rōt men eo Iroj ej ineke emera? Etke jet ien armij rej lōmnak kab katak ko an Iroj jet ien rejab alikar? Ekijkan ad bōkake im lor Iroj enaj kōmōn bwe edro ko ad ren mera lōk?

2. Jisōs ear kwalok bwe E ej Iroj in Jabōt.

Kemleleik Mattu 12:1–13 im Luk 13:10–17. Kir ro uwan kilaj ñon air konono eon ko emōj kalikare ñōn konono ilo air kolap ainikier.

- Ta eo Parisi ro rar kōmōne ke rej loe an Jisōs dri kalor timtim [corn] ilo ran in Jabōt? (Lale Mattu 12:1–2. Kemleleik bwe Parisi ro elap wōt air lōmnak kin kien ko an Moses im jab lōmnak kin ta eo Jabōt eo ej jutak kake im lōmnak elap tata kin manit eo rar iminene kake im elap air kejbarok ran in Jabōt ikijen makitkit ko.) Ta eo Iroj ear katakin kij ilo an uwak ikijen air kōnanaik E? (Lale Mattu 12:3–8.)
- Ta melelen eo an Jisōs ilo an ba, “I kōnan tiramo, im jab katok”? (Mattu 12:7. Ekōnan bwe armij ren lōmnak kin yokwe ro jet, im jab kōmōni jermal ko ikijen kabuñ iman mejen armij.) Ekijkan ad maroñ kōjermal wewein in ilo makitkit ko ad ilo Jabōt?
- Ta eo Jisōs ej katakin kin aurōk eo an Jabōt ilo an kemour leo e jorren pein im kōrā eo e ankeke pein? (Lale Mattu 12:10–13; Luk 13:10–17.) Ta eo ej katakin kin Jabōt ilo Mark 2:27–28? (Kalikar bwe Joseph Smith Translation ilo Mark 2:26 ej kwalok bwe Jabōt ear letok bwe ran in kakije im juōn ran ñon kaibuijuij Anij.) Ta eo jemaroñ kōmōn ilo ran in Jabōt ñon kaibuijuij Anij? Ekijkan ad kejbarok Jabōt im kokjarjare bwe en maroñ komraik lōk edro ko ad im letok kakije?

3. Jisōs ej jolōk bwir eo an kōrā eo ilo mweo imōn Simon juōn Parisi.

Elañe kwōj kōjermal video eo “Come unto Me,” kwalok aolepen. Elañe emōj konono im kemleleik eon ko jen buk in Luk 7:36–50.

- Kōrā eo ear dreloñ ilo imōn Simon juōn ian Parisi ro ear edro kin jerawiwi (Luk 7:37). Ta eo kōrā eo ear kōmōn bwe Jisōs en jeorlōk jerawiwi ko an? (Lale Luk 7:38; 44–50.) Ta eo jemaroñ kōmōne bwe Jisōs en maroñ bōklōk jerawiwi ko jen kij?
- Ekijkan kōrā eo e jerawiwi im Simon juōn ian Parisi ro oktak ilo air lōmnak kin Jisōs? (Keidi kōtan an kōrā eo, burumōj kin jerawiwi ko an ilo an ukwelōk, kile, im kōtta im kwalok an yokwe. Simon utiej lōmnak ko an, ejelōk kautiej, kabbuk wōt bwir. Lale nan ko ijin ilal.) Etke wewein kein iben kōrā eo elap tokjeir ñon ad ukwelōk? Ekijkan wewein ko iben Simon emaroñ drebij kij jen en ad ukwelōk?

Elder James E. Talmage ear katakin: “Ekkar juōn manit eo ilo tōre ko ñon air kautiej juōn dri lolok; ñōn air mejenmaik, lelōk dren ñon an kole bwinalnāl in nen, im kabiti kolen bōran im kodreik ko an kin oil. Aolepen men kein Simon ear melōklōk in kōmōni” (*Jesus the Christ*, 3rd ed. [1916], 261).
- Ewi wewein an makitkit ko an Simon ñōn kōrā eo kōmōn bwe en lap lōk an edro ñōn e? Ekijkan ad jet ien kōmōn bwe en edrolōk jerawiwi eo an bar juōn armij? Ta eo jemaroñ katak ikijen uwak eo an Dri Lomor ñon kōrā eo?
- Meñe kōrā eo ear ejelōk kir ñon e bwe en maroñ etal ñon imweo imōn Simon, kōrā eo ear etal ñon iben Kraist ke ej jelā ia eo ebed ie (Luk 7:37). Ta eo jemaroñ katak kin wañjonak in? Ta jet wewein ko remaroñ kōmōn bwe en bin ñon ad ukwelōk im itok ñon Kraist? Ekijkan bwe jen maroñ anjo iōn wewein kein?
- Ta eo jemaroñ katak jen wanjoñak eo kin ruo dri muri? (Lale Luk 7:41–50.) Ekijkan an jerawiwi keidi ñon muri? (Lale Luk 7:44–50.) Ekijkan an Kraist juōn eo “jemuri ñon E” jolōk muri ko ad?

Jemlokin

Kamol bwe jej kelet in bōk ñon kij make edro ko an lōl ak ine eo an Jisōs. Kamol bwe katak ko an Kraist rej remol im jemaroñ lo kakije elañe jenaj lori. Kōketak ro uwan kilaj ñon wawa wōt iōn Kraist im bōkake katak ko bwe ren maroñ loe ainemōn ilo mour ko air.

Jet Melele Ko ñōn Katakin

Wewein kein rej ñōn jibañ im kōkōmōnmōnlōk kilen katakin. Komaroñ kōjebal juōn ak ruo ian wewein kein ilo am kōmōne katak eo.

1. Aurōk eo an iben droñ

Konono im kemleleik Mattu 12:22–30.

- Ekijkan jet ien jej jab erra iben droñ ilo imoko, bamle, ak ilo bukōn ko? Ekijkan bwe jen maroñ in erom juōn wōt?
- Jisōs ear jiroñlōk Parisi ro, “Eo ejab iba e Aō dri kijirat” (Mattu 12:30). Etke eindrein?

2. “Nan wan otemjej” (Mattu 12:36)

Konono im kemleleik Mattu 12:33–37.

- Ta ko nan ko jej ba rej kwalok kin kij make? Etke Jisōs ej ba eaurōk nan ko jej kwaloki? Ta jet wanjoñak ko kin “nan ko rewan”? (Uwak ko ekōba, ruruwe ko,

konono nae ko, riap, im nan ko renana nae ro jet.) Ekijkan bwe jen maroñ in kwalok ilo wewein ko wõt remõn?

3. Makitkit an jödrikdrik ro

Keboje ñõn kajojo ro uwan kilaj juõn mōttan pepa eo bajōl [puzzle] in ebed ie. Elikin am konono im kwalok ta ko kunaer, lelōk kabe in bajol eo. Kajitkin uwan kilaj eo bwe ren kabukōte nan ko enañin eier wõt juõn ekkar ñon katak eo me rej kitelaik ilo bajol eo. Nan ko remaroñ jitlonlōk, ak lōlloñ, ak man lōk, liklōk. Elañe ro ilo kilaj eo reaikuij jibañ, ba ren bar konono eon ko me nan ko rekitileik rej bed ie (Mattu 11:28–30: ban, ine, ineke; Mattu 12:1–13: Jabõt, kemour; Luk 7:36–50: pirabol, dri muri, jolōk bwir.

Un eo Ñõn jibañ ro uwan kilaj kolaplök “air roñ im melele” ñõn air jelã wewein an Jisõs kõjërbal parebõl ko (Mattu 13:9).

Kebojakjak

1. Konono, kõlmenlokijen, im jar kin lajrak in jeje ko rekwojarjar kein:
 - a. Mattu 13:1–17. Jisõs ej kwalok parebõl eo kin dri jeor eo im kemleleik ilo parebõl eo.
 - b. Mattu 13:18–23. Jisõs ej kemleleik parebõl kin dri jeor eo.
 - c. Mattu 13:24–53. Jisõs ej katakin kin ailliñ in loñ iõn lõl in (Kabuñ eo an Jisõs Kraist) im kin ine ko remõn im ko renana, ine in mustard, leven, mweiuk noje ilo jikin kallip, juõn bõr eo elap wõnen, im drorlök uk ko ilojet.
2. Kakobaba ñõn riit: Mark 4:1–34; Luk 8:4–18; 13:18–21; Doctrine and Covenants 86:1–7.
3. Lõmnak ko ñõn katakin: Elder Boyd K. Packer ear ba: “Ejelök jibañ elap ilo katakin elap lõk jen chalkboard. . . . Komaroñ kõjërba ñõn kõmõn bwe dri jikul ro ren maroñ kile ta eo kwõj kemleleik. Ilo am konono komaroñ likit juõn men ilo chalkboard eo ñõn air kwolmenlökjen kake, ak ejelök juõn men emaroñ in karelök ir ijelõkin katak eo kwõj kwaloke” (*Teach Ye Diligently* [1975], 224–25).

Elmokõt In Katak Ñõn Edrõklök

Makitkit Ko Bwe En Wõr Itoklimo Elañe ekkar, kõjërbal lajrak in makitkit kein ak juõn eo kwõj lõmnake mokta jen am jino katak eo.

Jiroñ uwan kilaj eo bwe ren lõmnak einwõt ne rej iuwe iõn juõn wa. Ilo an bus eo ettõr rej erre ilo winto ko im lale ijoko rej ettõr ie lõk.

- Elikin air ettõr ilo wa eo im lale ijoko rar ettõr ie, juõn wõt wewein ilo air kar lale ijoko? Etke ak etke eoktak?

Kalikar bwe armij ilo juõn wõt wewein rejab kile men ko ilo juõn wõt lõmnak. Ejelök oktak, ilo an Jisõs kwalok bwebwenato ko ilo parebõl, eoktak air melele jen droñ. Katak in enaj jibañ kij melele kin wewein kõjërbal parebõl an Jisõs.

Konono Jen Jeje Ko Rekwojarjar im Kõjërba

Ilo am konono kin parebõl kein, lale bwe kilaj eo an melele kin kõtãn, armij eo, men in konono eo, im ta eo ej bõk jikin. Ilo wewein in enaj jibañ ir ñõn air melele kin parebõl eo im maroñ kõjërba ilo mour ko air.

1. Jisõs ej kwalok parebõl kin sower im kemleleiki an jërba.

Konono im kemleleik Mattu 13:1–17.

- Ke jerlepju eo rej ain droñ iberijet, Jisōs “ej kwalok elōñ men ko ilo parebōl” (Mattu 13:3). Ta in parebōl? (Juōn wewein eo ilo katakin kin mōl eo an gospel ilo an keidi ñōn men ko an lōl.) Ta un eo ilo an Jisōs ba kin an katakin kin parebōl ko? (Ñōn kalikar ñōn ro dri kaloran, im katinoik ñōn ro re jab tōmak. Lale Mattu 13:10–13.)

Jiroñ ro uwan kilaj bwe ren konono parebōl eo kin sower ilo Mattu 13:3–8 ilo an lap ainikier. Kememej bwe men in konono ko ilo parebōl ko rej jutak kin mōl eo an gospel.

- Ta eo ej kōmōn bwe ine ko rej wōtlōk itorerein ijo rejet ren jab edrōk? (Lale Mattu 13:4. Je iōn chalkboard eo *Ine ke itererein—bao ko rej kani.*)
- Etke ine ko rebuñit ijoko redekeke re reaimerlōk ke elolōn al? (Lale Mattu 13:5–6, Luk 8:6. Je iōn chalkboard eo *Ine ko rebuñit ijoko redekeke—ejelōk okrair.*)
- Ta eo ewalōk ilo an ine ko buñit kelōklōk ko? (Lale Mattu 13:7. Je iōn chalkboard eo *Ine ko rebuñit keleklōk ko—rej koutameiki.*)
- Ta eo ewalōk ñōn ine ko re wōtlōk ilo bwirej emōn? (Lale Mattu 13:8. Je ilo chalkboard eo *Ine ko remōn re rebuñit bwirej emōn—rej kwalok leen remōn.*)

Likiti wōt nan ko kwar jei iōn chalkboard eo, im kemleleik bwe kwonaj kemleleik ta ko rej jutak kaki.

- Ta eo emaroñ walōk ilo eñjake ko an armij ikijen parebōl kein ilo ad jab kemleleik ta eo rej jutak kake? (Jet armij re naj inebata ilo air jab melele, jet remaroñ melele kaki, akre maroñ jab kile bwe rej jet wanjoñak ko ñōn ir. Jet renaj bukōte meleleir im kōjerbali ilo mour ko air.)
- Kir ta eo Jisōs ear kōmōne elikin an kwalok parebōl eo kin kallip eo? (Lale Mattu 13:9.) Ta eo kwōj lōmnak kin nan eo roñjake ilo an kōjerbale ilo kir in? Ak nan eo loe ak ejab loe im roñ ak ejab roñ? (Lale Mattu 13:13–15.)

Dri Kanan Joseph Smith ear ba, “Jarlepju eo . . . rejab roñ ta ko E ej ba . . . kin ke rejab kōnan lo kin mejeir, im roñ kin lojilñier; kinke rejab maroñ, ak kin air kabin buruweir ilo men ko re bwir im rejekkar ilo mour ko air. . . . Unin air ban roñ im kile . . . im re jab maroñ in melele kin parebōl ko E ej kwaloki ñōn ir, im nan ko An ebin air tōmaki” (*Teachings of the Prophet Joseph Smith*, jen Joseph Fielding Smith [1976], 96–97).

2. Jisōs ej kemleleik parebōl eo kin kallip.

Konono Mattu 13:18–23, im kemleleik melelein makitkit im ta ko parebōl eo ej jutak kake.

Ine

- Ilo parebōl eo kin kallip ta eo ine ko rej jutak kake? (Lale Mattu 13:19, Luk 8:11. Je iōn chalkboard eo *Ine = nan ko an Anij.*)

Ijo Rejet

- Ta ijo rejet ej jutak kake? (Lale Mattu 13:19.) Je iōn chalkboard eo *Ijo rejet = armij ro rej roñjake nan ko an Anij ak rejab melele kaki* (kalikare men in elañe rejab melele kake).

- Ta jemaroñ kōmōni im remaroñ kōmōn bwe jen jab melele kin nan ko an Anij? (Lale Mosiah 26:1–3 ñōn uwak ko.) Ta eo ej aikuij in kōmōn bwe jen melele nan ko an Anij? (Lale Alma 32:27.) Ekijkan ilo ad jab melele ebidodo an Setan bōk nan ko jen lōmnak ko ad? (Lale Mattu 13:19.)

Jikin Ko Redekeke

- Ta jikin ko redekeke rej jutak kake? (Lale Mattu 13:20–21.) Je iōn chalkboard eo *Jikin ko redekeke* = *armij ro rej roñjake nan ko an Anij im jab bōke ilo ir im re jab edrōk okrair* (kemleleik elañe ekkar).
- Etke jet armij rejab kōmōn bwe nan ko an Anij ren edrōk ilo buruweir? (Lale Mattu 13:21; Mark 4:5.) Ekijkan bwe jen maroñ kōmōn bwe nan ko an ren edrōk ilo kij? (Lale Alma 32:41–43.) Ekijkan an wewein maroñ jibañ kij jelmae men ko rebin rej jelmae kij?

Jikin Keleklek ko

- Ta eo jikin keleklek ko rej jutak kake? (Lalu Mattu 13:22; Mark 4:19; Luk 8:14.) Je iōn chalkboard eo *Jikin ko re keleklek* = *armij ro rej roñjakei nan ko an Anij, ak elap wōt air lōmnak kin men ko an mour in* (kemleleik elañe ekkar).
- Ta melelein juōn armij eo ejab jebar leen? (Etke keleklek ko re kōmōn bwe armij ren jab elle? (Lale Mattu 13:22; Mark 4:19; Luk 8:14.) Ewi wewein an keleklek mōl rainin? Ta eo je maroñ bōbrae keleklek kein ren jab bōbrae nan ko an Anij?

Bwirej Emōn

- Ta bwirej emōn ej jutak kake? (Lale Mattu 13:23.) Je iōn chalkboard eo *Bwirej Emōn* = *Armij ro rej roñjake nan ko an Anij, melele kaki im kōmōni jermal ko rejimwe* (kemleleik elañe ekkar).
- Ewi wewein bwe jen maroñ kōmōn bwe ijoko rejab emōn en kwalok leen ko remōn? (Ijoko renana jemaroñ kabidodoiki, im bōki deka ko, im kotebi kelōklōk ko.) Ekijkan an wewein in jermal jibañ bōk nan ko an Anij?
- Etke kwōj lōmnak parebōl eo kin kallip elap wōt an konono kin bwirej elap lōk jen kallip ak ine ko?

3. Jisōs ej kōjermal parebōl ñōn kwalok kin ailliñ in lañ iōn lōl in (Kabu eo an Jisōs Kraist).

Konono im kemleleik eon ko jen buk in Mattu 13:24–53. Kemleleik bwe “ailliñ in lañ” ej konono kin Kabuñ eo an Jisōs Kraist, eo im ej ailliñ in lañ lal in.

- Ta melele in parebōl kin *wheat* im *tare* eo? (Lale Mattu 13:24–30, 36–43; D&C 86:1–7. Komaroñ kōmōne juōn lajrak iōn chalkboard einwōt am kar kōmōne kin parebōl eo kin kallip. Kōlajrak, wōn, ak ta eo ej jutak kake, ine ko remōn, dri kejerat im men ko jet.)
- Ilo parebōl eo kin *wheat* im *tare*, etke dri karejar eo ear jab kōnan bwe ren aini *tare* ak ine ko? (Lale Mattu 13:27–30; lale bar D&C 6:5–7, eo ej kalikar lōk Mattu 13:30.)
- Dri Kanan Joseph Smith ear katakin kin parebōl eo kin ine in *mustard* im *leaven* bwe rej einwōt Kabuñ eo an Jisōs Kraist im Armij Ro Ilo Ran Kein

Eliktata (*Teachings of the Prophet Joseph Smith*, sel. Joseph Fielding Smith [1976] 98–100). Ta eo jemaroñ katak kin jeblaktok in an Kabuñ in jen an Dri Lomor keidi ñõn ine in *mustard* eo? (Lale Mattu 13:31–32.) Ikijen *leaven*? (Lale Mattu 13:33. Kemleleik bwe *leaven* ej juõn men einwõt iij [yeast] ñõn iiek pilawa ñõn kõmõn bwe ren iuwe.) Ewi wewein am loe an jermal eo an Anij edrõklõk ilo an jermal ilo parebõl kein?

- Ekijkan ad maroñ katak jen parebõl eo kin korlõk, kab pearl eo elap wõnen? (Lale Mattu 13:44–46.) Ta ko jemaroñ karmijete kij bwe jen maroñ bõk jemaroñ ko jen gospel? Ta kain jermal in karmijete ko kojelã kwe im ro jet kom ar kõmõni ikijen gospel eo? Ta jerammõn ko emõj ami bõki ikijen wewein kein?
- Ta eo uk eo ej jutak kake ilo parebõl kin air jolõk uk ko ilojet? (Lale Mattu 13:47.) Ta melelen kõbaiki ilo uk ko? Ta melelen kõbaiki men ko remõn ilo wa ko, im jolõk ko re nana? (Lale Mattu 13:48–50. Komaroñ kõjermal Joseph Smith—Matthew 1:4 ukok eo ej ba “jemlokin lõl in” ilo eon 49 ej konono kin jorren im jako an men ko renana.) Ta eo je maroñ kõmõne bwe jen bin wõt ilo Kabuñ in im jibañ ro jet?

Jemlokin

Kalikar bwe Jisõs ej kemleleik parebõl ko ñõn ro reitoklimoir ñõn air jelã. Kalikar bwe jej katak jen parebõl ko an Jisõs ilo ad kõnan melele kaki, im jemaroñ kile wewein air jermal ñõn kij ilo ran kein.

**Jet Melele Ko
Ñõn Katak**

Wewein kein rej ñõn jibañ im kõkõmõnmõnlõk kilen katakin. Komaroñ kõjermal juõn ak ruo ian wewein kein ilo am kõmõne katak eo.

Katak kin men ko jej maroñ loi

Ñõn an uwan kilaj eo melele im kememej parebõl eo ilo katak eo, kwalok jet ian men ko parebõl eo ej konono kaki. Ñõn wanjoñak, komaroñ kwalok kein kauwe eo [yeast] ilo an jermal ilo am kõbaik iben dren im juka [sugar]. Komaroñ iieke juõn bilawe ilo am kõjermal kein kauwe, im juõn bilawe ilo am jab kõjermal kein kauwe, im lelõk bwe uwan kilaj eo en lale oktak eo ikõtairro. Komaroñ kwalok jet ine eo mustard ko.

Jon 5–6; Mark 6:30–44; Mattu 14:22–33

Un eo Ññon jibañ ro uwan kilaj reilök ññon Jisös Kraist eo ej “bred in mour,” ial eo ññon mour indreo (Jon 6:47–48).

Kebojakjak


1. Konono, kölmenlokijen, im jar kin lajrak in jeje ko rekwojarjar kein:
 - a. Jon 5. Jisös ej kemour eman eo ilo ran in Jaböt. Dri töl ro an Dri Ju ro rej buköt kilen bwe ren mane Jisös kin an ba E Nejin Anij.
 - b. Jon 6:1–14; Mark 6:30–44. Jisös ej najidik 5,000 armij.
 - c. Jon 6:15–21; Mattu 14:22–23. Jisös ej etetal iön dren, kir Piter bwe en etal ññon iben, im kalur koto eo.
 - d. Jon 6:22–72. Jisös ej kwalok bwe E ej “bred in mour” im renaj tōmak E renaj bök mour indreo. Elōñ rar jab kile katak ko An, ak Piter im Dri Jilök ko jet rar bed wöt iben Jisös.
2. Kakobaba ññon riit: Mattu 14:1–21; Mark 6:1–29, 45–52; Luk 9:10–17.
3. Kajitok iban ro uwan kilaj bwe ren kab itok ññon ro uwan kilaj ilo air bojak ññon air kwalok kin wewein an Jisös kemour juön eman ilo lwe eo ilo Bethesda (Jon 5:1–9).
4. Elañe pija in Najidik Lalim Taujin (62143) im Kraist Etetal Iön Dren (Gospel Art Picture kit 243) ralikar, köjerbali ilo am kwalok katak eo.
5. Lōmnak ko ññon katakin: Dri Lomor ekka an köjербal jet men ko ilo an kōmōn katak, einwöt bred ak ine, ññon an katakin kin gospel eo. Ilo am kōmōne katak eo lōmnake ta ko kwomaroñ kōmōni ññon an uwan kilaj eo melele ilo am katakin ie.

**Elmoköt In Katak
Ññon Edröklök**

Makitkit Ko Bwe
En Wör Itoklimo

Elañe ekkar, köjербal lajrak in makitkit kein ak juön eo kwōj lōmnake mokta jen am jino katak eo.

Jei lajrak in men kein iön chalkboard eo:



- Ta eo men ken rej einwõt juõn kake?

Lelök ien ñõn an uwan kilaj eo uwaki kajitok kein. Inem lelök bwe ren konono Helaman 5:12, ilo ta Helaman ej konono kin Jisõs Kraist einwõt dreka, im Jon 8:12, ilo wewein ta Jisõs ej kwalok bwe E ej “meram an lõl”. Kemleleik bwe ilo jemlokin lõk katakin in renaj katak bwe Jisõs ej “bred in mour” (Jon 6:35).

Konono Jen Jeje
Ko Rekwojarjar
im Kõjrbali

Ilo am katakin kin katak in, jibañ uwan kilaj eo “etali jeje ko rekwojarjar” (Jon 5:39). Kõketak ir ñõn air kwalok ta ko rar katak jen jeje ko.

1. Jisõs ej kemour juõn emõn ilo ran in Jabõt im kwalok bwe E ej Nejin Anij.

Kemleleik kake Jon 5. Ba ro uwan kilaj en konono eon ko emõj keleti ñõn konono ilo an lap ainikier.

- Kir ñõn ro emõj kappe uwan kilaj eo ñõn an kwalok bwebwenato eo ilo tu-kadu kin an Jisõs kemour leo iturin dren eo ilo Bethesda (Jon 5:1–9). Ta eo Jisõs ear jiroñ lõk leo ke ej loe iturin tempel elikin an kemouri? (Lale Jon 5:14.) Etke jerawiwi elap lõk an jelet kij jen jibikbik in enbwiniir?
- Etke dri tõl ro an Dri Ju ro rej bukõt Jisõs bwe ren mane? (Lale Jon 5:16–18.) Ilo an Jisõs uwake Dri Ju ro, ta eo ej ba kin kadmadin ñõn Jemen? (Lale Jon 5:19–23, 30.)
- Jisõs ear jiroñ lõk Dri Ju ro bwe ejab etto im enaj kõmõni jermal ko rrellap lõk jen kemour ro dri naninmij (Jon 5:20). Ta kain jermal kein E ar konono kaki? (Lale Jon 5:21–29. E naj bõktok Jerkabbiji, ekajet ñõn aolep armij, im mour indreo ñõn ro rej tõmak.)
- Ta kamõl eo Dri Lomor ej kwalok kin E? (Lale Jon 5:32–39, 45–47.) Etke emenin aurok bwe en wõr kamõl? (Lale Jakob 4:6.) Ekijkan bwe jen dri kamõl kin Dri Lomor?
- Jisõs ear rejañ Dri Ju ro bwe ren “etali jeje ko rekwojarjar” (Jon 5:39). Ta oktak eo ikõtãn konono jeje ko ko rekwojarjar im konono jeje ko? (Komarõn kõjrbal juõn ian kilen katakin eo ilo motan eo ilik ilo katak in ilo am kajitok kin kajitok in.) Ewi wewein am kõmõn bwe ilo am konono jen jeje ko rekwojarjar ak bamle eo am ren jet ien ko im ewõr tokjeir ikijen ami katak jeni? Ekijkan am jerammõn ilo am lukkun in etali jeje ko rekwojarjar?
- Ekkar ñõn Jon 5:39, ta eo Dri Ju ro renaj kar jelã elañe renaj kar linori jeje im tõmak jeje ko rekwojarjar? (Renaj kar jelã bwe jeje ko rekwojarjar rej kamõl kin Jisõs Kraist. Lale Jon 5:40, 46–47.) Ewi wewein an jeje ko rekwojarjar kokajur lõk tõmak eo am kin Kraist?

2. Jisõs ej najidrik elõñ lõk jen 5,000 armij.

Konono im kemleleik eon ko emõj kojenołõki jen Jon 6:1–14 im Mark 6:30–44. Kwalok pija in an Jisõs najidrik jarlepju eo.

- Etke Jisõs im ro dri kaloran rar wanlonlõk ñõn tõl eo? (Lale Jon 6:1–3; Joseph Smith Translation in Mark 6:31, ej kwalok bwe Jisõs im ro dri kaloran rar etal ñõn ijoko ejelõk armij ie.) Ewi wewein an Jisõs kõmõn ke armij ro rar itok ñõn iben? (Lale Mark 6:33–34; Mattu 14:14.) Ewi wewein ad maroñ lor wanjoñak eo an ilo an tiriamo?

- Ewi wewein an Jisōs najidik jarlelju eo? (Lale Jon 6:5–13; lale bar Mattu 14:21.) Ewi wewein ad maroñ lor wanjoñak eo an ladrik eo ear lelōk men ko kijen ñōn Jisōs? Ewi wewein an Iroj kōjerammōn kij ilo ad kōmōn einwōt ladrik eo, im lelōk jabdrewōt ilo ad jermal ñōn E?

Elder James E. Faust ear ba:

“Elōñ armij ro ejjelōk etair im ewōr ai menin lelōk ko joñon wōt lalim bilawe im ruo iik ko redrik rej kolaplōk kir ko air im jermal meñe ejelōk en ej kile ir, ilo air najidik taujin. . . . Rein rej buki taujin dri tōl ro, dri kaki ro, auxiliaries, droulul eo an priesthood ko, home teacher ro Relief Society dri kaki ro. Rein rej bisōp jouij ro ilo kabuñ in, jet ro rar jab katak ak elap kabel eo ibeir kin kōjerammōn jen Iroj, im ilo air koñan jermal ñōn Iroj im Word ko air . . .

“Unin an kabuñ in maroñ in edrōk lōk jen ijo ear bed ie mokta ñōn kiō ke ej lukkun ekeke ej kin kijejeto an armij ro ewōr wōt ibeir lalim iiu in bred im ruo iik, ñōn air jermal ñōn Master eo air. Rej kojekdon kōnan ko air im rej loe ainemōn ilo air ‘jermal ñōn Anij, eo ella jen joñan kemleleiki’ (Philippians 4:7)” (ilo Conference Report, Apr. 1994, 4–5; ak *Ensign*, May 1994, 5–6).

- Ta jet wanjoñak ko emōj am loi ilo an Iroj kōjerammōn im kolap kabel ko air?
- Ekijkan an kabwilōñlon mōna eo jen lalem iōn bred im ruo iik annane lōk mōna eo ilo jitōb im Dri Lomor ej letok ñōn kij?

3. Jisōs ej etetal iōn dren, im ej kir Piter bwe en etal ñōn iben, im ej kalur koto ko.

Konono im kemleleik Jon 6:15–21 kab Mattu 14:22–33. Kemleleik bwe elikin an Jisōs najidik jarlelju eo, ear jiroñ dri kaloran bwe ren iuwe ilo wa eo im etal ñōn itujo rejet. Ear korol jarlelju eo im etal ñōn iōn tōl eo im jar. Ke dri kalor ro rej jerak rar iōn koto ko reilap.

- Ekijkan lōmnak ko an dri kalor ro ke rej loe an Jisōs etal iōn dren im jibadek lōk ir? (Lale Mattu 14:26; Jon 6:19.) Ta eo Jisōs ear uwak ke ej lo air mijak? (Lale Mattu 14:27; Jon 6:20.)

Kwalok pija eo Kraist ej etetal iōn dren.

- Ta eo Piter ear kajitōk ke ear roñ ainikien Dri Lomor? (Lale Mattu 14:28–29.) Etke tōmka eo an Piter, ear mōjno ke ej etal ion dren? (Lale Mattu 14:30.) Ekijkan ad jet ien kōmōni ejja kain bwir kein elañe men ko jej ioni rebin?
- Ta eo Piter ear kōmōne ke ear jino rumlok? (Lale Mattu 14:30.) Ta eo Jisōs ear kōmōne? (Lale Mattu 14:31–32.) Ta eo ej kwalok kin kōtan eo ad ñōn Iroj? Ewi wewein am eñjake an Dri Lomor kokajur yuk bwe kwon jab mijak?

4. Jisōs ej kwalok bwe e ej “bred in mour.”

Konono im kemleleik eon ko emōj keleti ñōn konono jen Jon 6:22–71.

- Ran eo elikin an kōmōn men in bwilōñ eo kin bred im iik ko, armij ro rar lor lōk ñōn Kapernaum. Etke armij ro rar lor E? (Lale Jon 6:26.) Ekijkan an Jisōs kōjermal itoklimo eo an armij kin men in bwilōñ eo ear kōmōne ñōn kamōl jermal eo an? (Lale Jon 6:27–35.)

Elder Jeffrey R. Holland ear ba: “Ilo ministry eo an Dri Lomor ilo Galili, ear kwalok bwe ro rar roñ bwe ear najidik 5,000 kin lalim iōn bred im ruo iik, rar

itok ñõn iben in lale elañe enaj bar najidik ir. Aurok eo an mõna eo ej jutak kin mõna eo emol, ej kajeoñ in lelõk ñõn ir” (ilo Conference Report, Oct. 1997, 87; ak *Ensign*, Nov. 1997, 65).

- Ekijkan “bred in mour” ej juõn men in kalikar jerammõn ko Dri Lomor ej litok ñõn kij? (Lale Jon 6:35, 47–51.) Ta melelein “kwojamin kwole” im “jamin maro”? Ewi wewein am mõna “bred in mour”? (Lale Jon 6:47, 51–54; Mattu 26:26–28; Alma 5:33–35; D&C 20:77.)

Dri Kanan Howard W. Hunter ear katakin bwe: “Jei aikuij in jelã Kraist elap lõk jen ad jelã e, jei aikuij in kememej e elap lõk jen ad kememej e, im jei aikuij jermal ñõn e elap lõk jen ad jermal ñõn e. Im jemaroñ idak jen dren eo ej ñõn mour indreo im jemaroñ mõna bred in mour” (ilo Conference Report, Apr. 1994; ak *Ensign*, May 1994, 64).

Kalikar bwe eor armij rejab tõmak Jisõs bwe rej kile wõt bwe ej “nejin Joseph” (Jon 6:42). Jet ro rar watok ir bwe rej dri kaloran Jisõs rar notaiki im etal jen iben im ba rejab melele ta unin an ba e bred in mour im katakin bwe elañe renaj mõna kanniekin im idak botoktok (Jon 6:51–66).

- Ke armij ro rej kariab katak ko an Jisõs, ta eo Jisõs ear jiroñ lõk Dri Jilõk ro? (Lale Jon 6:67.) Ta uwak eo an Piter? (Lale Jon 7:68.) Ta eo Piter im Dri Jilõk ro re melele kake im armij ro rejab melal kake? (Lale Jon 6:69.)

Jemlokin

Kwalok am kamõl bwe Jisõs Kraist ej “bred in mour” kin men in ebed iben “nan in mour indreo” (Jon 6:35, 68). Keketak ro uwan kilaj eo ñõn air lori kalimur ko an jen kwalok eo ion bred in mour. “Eo ej itok iba ejamin loe kwole; im eo ej tõmak ilo ña ejamin maru. . . . Eo ej tõmak ilo iõ enaj mour indrio” (Jon 6:35, 47).

Jet Melele Ko Ñõn Katakin

Wewein kein rej ñõn jibañ im kõkõmõnmõnlõk kilen katakin. Komaroñ kõjermal juõn ak ruo ian wewein kein ilo am kõmõne katak eo.

1. “Etale jeje ko rekwojarjar” (Jon 5:39)

Ba ro uwan kilaj en konono Jon 5:20–30 ilo an dik ainikier, ak kwõj konono ilo am kolap ainikiom.

Kõmkaj am konono, ilo am jab bwojrak ñõn kemleleik eon ko.

Kemleleik bwe emõj am *konono* Jon 5:20–30 im kom naj iben droñ ñõn *etale* ta ko eon ko rej konono kake. Ajeje uwan kilaj eo ilo jilu ak emen kumi ko. Ajeje mõttan ko ilo eon ko Jon 5:20–30: eon ko 20–22, 23–24, 25–27, im 28–30. Lelõk jidik ien ñõn air jermal iben droñ.

Lelõk bwe ren konono eon ko kunaer, kelet jilu nan ko rellap tokjeir ilo eon ko, im kwalok ta unin an nan kein wõr tokjeir.

- Ta eo kwõj loe ilo an etale jeje ko rekwojarjar kwar jab loe ilo an mõkaj am konono jeni? Ta eo jemaroñ kõmõne ilo ad make etale jeje ko rekwojarjar?

Kemleleik bwe Dri Kanan Joseph Smith ear kile ilo juõn visiõn kin aibuijuij ko an ailliñ in Anij ilo an etale Jon 5:29. Ba ro uwan kilaj en konono D&C 76:15–20.

- Ta jelã eo jei jerammõn kake kin an kar Joseph Smith etale Jon 5:29?

2. "Lale ro rej kotar iturin dren eo ilo Bethesda"

Elder Boyd K. Packer ear kōjērbal bwebwenato ilo Jon 5:1–9 ñōn kalikar bwe jej aikuij in jibañ ro ewōr jibikbik ilo enbwinier. Ear kwalok enbwinin im lōmnaċ ko rejibikbik renaj jejet ilo juōn ien. Ilo ien in jej aikuij in jibañ ro rej kotar iturin Bethesda" (ilo Conference Report, Apr. 1991, 8; ak *Ensign*, May 1991, 9).

- Ta eo jemaroñ kōmōne ñōn jibañ armij ro ewōr jibikbik ibeir?

“Inaj Lewoj Ñõn Yuk Ki Ko Ki In Ailliñ In Lañ”

Katak
13

Mattu 15:21–17:19

Un eo Ñõn kokajur ro uwan kilaj eo ikijen nan in kamõl ko air bwe Jisõs ej Dri Kraist, im ki ko an priesthood rar lelõk ñõn ir Iõn Tol eo etan Oktak Nememein.

Kebojakjak

1. Konono, kõlmenlokijen, im jar kin lajrak in jeje ko rekwojarjar kein:
 - a. Mattu 15:21–39. Jisõs ej kemour juõn ledrik nejin Dri Ailliñ ko, im najidik elõñ lõk jen 4,000 armij, elõñ wõt iair Dri Ailliñ ko.
 - b. Mattu 16:13–19. Piter ej kwalok bwe Jisõs ej Dri Kraist. Jisõs ej kwalok bwe Kabuñ eo an ej jutak iõn juõn dreka eo kin reveleson im kalimur ko lelõk ñõn Piter kin ki ko an ailliñ in loñ.
 - c. Mattu 17:1–9. Jisõs ej oktak nememen iman mejen Piter, Jemes, im Jon.
 2. Kakobaba ñõn riit: Mark 7: 24–9:10; Luk 9:18–36; 12:54–57.
 3. Elañe map eo kin Palestine ilo Kalimur Ekāl ealikal, kõjerbale ilo katak eo. Komaroñ kõmõne ilo wewein eo enaj kileb ñõn an uwan kilaj eo maroñ in loe.
-

Elmokõt In Katak Ñõn Edrõklõk

Makitkit Ko Bwe
En Wõr Itoklimo

Elañe ekkar, kõjербal lajrak in makitkit kein ak juõn eo kwõj lõmnake mokta jen am jino katak eo.

Kwalok bwebwenato in:

Elõñ yiõ ko remotlõk Dri Kanan Spencer W. Kimball im jet ian dri tel ro an Kabuñ in rar lolõk juõn imõn jar jõdrikdrik ilo Copenhagen, Denmark, ijo ebed anañ ko elap air bunbuñ me Bertel Thorvaldsen ear kõmõni kin Jisõs Kraist im kab Dri Jilõk ro Joñoulruo. Elder Rex D. Pinegar ear ba: “Ke kemij kalimjek annan ko, kemij kile Piter ej kabwijere ki ko ilo pein. . . . Ke kemij bojak in etal jen imõn jar eo elap, armij in Danish eo ej lale ijo, ej jutak iturin kejem eo im kotar am diwoj lõk. Dri Kanan Kimball ear idik pein im kamõlol e kin jibañ ko an ñõn kim ilo an kotlõk am aluje imõn jar eo elap. Elikin Dri Kanan eo ear kemlele kin kabuñ eo ilo an kar Jisõs Kraist kajutake im aurok eo an ñõn kij. . . . Iturin Dri Kanan Tanner, Elder Monson, im Elder Packer rej jutak, dri kanan eo ear wõnmanlõk wõt, ‘Kij ej Dri Jilõk ro rej *mour* an Iroj Jisõs Kraist, ewõr Joñoulruo Dri Jilõk, im jilu rej presidency eo an Kabuñ in. Ibed ki ko, einwõt Piter, jej kõjербali ran kein’ “ (ilo Conference Report, Oct. 1976, 104; ak *Ensign*, Nov. 1976, 69).

Kemleleik bwe katak in jenaj konono kin ki ko an priesthood eo im wewein an kar Piter kar bõke ilo tõl eo etan oktak nememein.

Konono Jen Jeje
Ko Rekwojarjar
im Kõjербalia

Kwalok map in Palestine ilo Kalimur Ekel. Kemleleik bwe ien kein konono kaki rar bõk jikier ilo Tyre, Sidon, Decapolis, im Sizarea Philippi. Jibañ uwan kilaj eo bukõt jikin kein ilo map eo. Kemleleik bwe ilo an Jisõs kar itoitak ilo jikin kein ear iõn elõñ ro Dri Ailliñ ko (ro re jab Dri Israel).

1. Jisōs ej kemour ledrik eo nejin juōn Dri Ailliñ ko, im najidik elōñ lōk jen 4,000 armij.

Kemleleik Mattu 15:21–39. Ba ro uwan kilaj konono eon ko emōj keleti ñōn konono ilo an lap ainikier.

- Ta eo kōrā eo jen Canaan ear kajitok iben Jisōs bwe en kōmōne? (Lale Mattu 15:22.) Etke Jisōs ear jab mōkaj in uwak e? (Lale Mattu 15:24. Kinke e ejab Dri Ju, im kōjerammōn ko an gospel rar ñōn Dri Ju ro mokta jen Dri Ailliñ ko.) Etke eliktata Jisōs ear kemour ledrik eo nejin kōrā eo? (Lale Mattu 15:28.) Ta eo jemaroñ katak jen kōrā in? (Uwak ko remaroñ bwe meñe elōñ ro re jab melele kin aolepen gospel eo, ak emaroñ lap tōmak ko air, ilo wewein in reban mōjno ikijen tōmak ko air, meñe jerammōn ko rejab mōkaj im walōk ñōn ir.)
- Dri Lomor ear deblōke Lomako in Galilli ilo an etal ilo Decapolis (Mark 7:31). Decapolis ear juōn jikin eo iturear Lomako in Galilli ijo im elōñ Dri Ailliñ ko rej jokwe ie. Ekijkan an Iroj kwalok an yokwe ñōn armij ro ijin? (Lale Mattu 15:29–31.) Ekijkan an jarlelju kōmōn? (Lale Mattu 15:31.) Ta men in kabwilōñlon eo ilo ran kein ekōmōn bwe kwon kaibuijuij Anij?
- Jerlelju eo rar bed wōt iben Jisōs iumin jilu ran ko, im Jisōs ear jab kōnan bwe ren rol ilo air kole. Ta men in bwilōñ eo ear kōmōn ñōn ir? (Lale Mattu 15:32–38.)

Kalikar bwe menin bwilōñ in eoktak jen an kar najidik 5,000 (Mattu 14:15–21) eo im elōñ wōt iair rej Dri Ailliñ ko. Elder Bruce R. McConkie ear kemleleik bwe ilo an najidik 5,000 eo “Jisōs ear kalikar bedbed in katak eo kin Bred in Mour” (Jon 6:22–69; lale katak 12). Ilo an najidik 4,000 Jisōs eo ej kalikar bwe ilo ien ko tokelik, bred in mour enaj lelōk ñōn ro Dri Ailliñ ko. (*Doctrinal New Testament Commentary*, 3 vol. [1966–73], 1:375.)

2. Kalimur Piter kin ki ko an ailliñ in lañ.

Konono im kemleleik Mattu 16:13–19.

- Jisōs ej etal jen Decapolis im etal ñōn Caesarea Pilippi ijo ej kajitok iben ro dri kaloran, “Wōn ña ilo ami ba?” (Mattu 16:15). Ta uwak eo an Piter? (Lale Mattu 16:16.) Ta eo jemaroñ katak jen bwebwenato in ñōn kokajur kamōl ko ad?
- Jisōs ear ba ñōn Piter, “Iōn ejman in inaj kalek aō eklisia” (Mattu 16:18). Dri Kanan Joseph Smith ear katakin bwe ejman eo Jisōs ear ba ilo an konono ej reveleson (*Teachings of the Prophet Joseph Smith*, sel. Joseph Fielding Smith [1976], 274). Ilo wewein rōt reveleson ej bedbed eo Kabuñ eo an Iroj?
- Dri Lomor ear kalimur Piter bwe E naj lelōk ki “ki in ailliñ in lañ” (Mattu 16:19). Ta ki ko kein? Etke remenin aurok? (Lale D&C 128:9–10; 132:46.) Wōn eo kabwijeri rainin?

Dri Kanan Joseph F. Smith ear katakin:

“Priesthood eo ilo tadibakbak in ej kajur eo an Anij elok ñōn armij bwe ren jermal ñōn Anij. Aolep eman ro emōj air ekabit ñōn lajrak in Priesthood in emōj lelōk maroñ in ñōn e.

“Ijoke emenin aurok bwe aolep makitkit ko rej kōmōn iumin maroñ in rej aikuuj in kōmōn ilo jimwe im ilo jikin ko rejejet, ekkar ñōn karōk ko air. Kajur eo ej kōmōni men kein rej kin ki ko im maroñ eo an Priesthood. Ilo aolepen

kajur eo, maroñ eo ebed iben juõn wõt armij, ilo juõn wõt ien, dri kanan eo im dri kanan eo an Kabuñ in. Emaroñ in kõjberbal maroñ eo iben im komelim ro ej kile ir bwe ren kõmõni jberbal ko ej kabbeik ir kake” (*Gospel Doctrine*, 5th ed. [1939], 136).

- Ta unin an juõn men in aurok bwe jen jelã bwe dri kanan eo ej E eo im ki ko rebed iben ikijen nan in kamõl ko ad?

3. Jisõs ej oktak wewein iman mejen Jemes, Piter, im Jon.

Konono im kemleleik Mattu 17:1–9. Kemleleik bwe enañin juõn wiik elikin kar kalimur ñõn Piter kin ki ko an ailliñ in lañ, e im Jemes im Jon rar kamõl im loe an oktak nememein Dri Lomor, im bõk melele ko kin ta ko ki ko rej jutak kake. Eñin ear juõn ian ien ko rellap ilo Kalimur Ekãl. Ear jibañ keboj Jisõs ñõn Binmour eo an im kabine Dri Jilõk ro jilu ñõn air bõk jet edro einwõt dri tõl ro an kabuñ eo.

- Ta melelein oktak nememein? (E ar oktak jen jekjek eo an einwõt armij i juõn wewein eo ear eaibuijuij. Ear itok kin kajur eo an Anij. Lale D&C 67:11; Moses 1:11.)
- Ekkar ñõn Mattu 17:1–5, ta eo ear walõk ñõn Jisõs, Piter, Jemes, im Jon ke rar bed iõn tõl eo etan oktak nememein? (Komaroñ kõlajrak uwak ko an ro uwan kilaj iõn chalkboard eo.)
 - a. Turin mejen Jisõs ear eromak einwõt al, im nuknuk ko an rar einwõt snow.
 - b. Moses im Elias (Elijah) ear walok.
 - c. "Juõn koro ear kalbubu ir" im rar roñ ainikien Anij ilo an kamõl kin Nejin.

Komaroñ kemleleik bwe at in *Elias* ej jberbal elõñ alen ilo jeje ko rekwojarjar. Ilo Mattu 17:3–4 ilo kajin Greek, ak iben Dri Hibru *Elijah*. Ilo bar jet jikin (einwõt Mattu 17:10–13), ej jberbal einwõt juõn eo ej etal iman lõk, ak juõn eo ej keboje.

Kemleleik bwe dri kanan ro elap air katakin elap lõk ikijen ta ear bõk jikin iõn tõl eo etan oktak nememein. Etale men kein uwan kilaj eo im, elañe ekkar, komaroñ kemleleik ilo tu-kadu iõn chalkboard eo:

- a. Piter, Jemes, im Jon rar lo ilo visiõn oktak eo an lõl in ilo naj itok eo an Dri Lomor Kein Karuo (D&C 63:20–21).
 - b. Rar "oktak ilo ein juõn iman [Kraist]" (*Teachings of the Prophet Joseph Smith*, 158).
 - c. Rar katakin ir kin mij im naj jerkakbiji eo an Dri Lomor (Joseph Smith Translation, Luk 9:31.)
 - d. Rar bõk jen Jisõs, Moses im Elijah ki ko an priesthood eo ñõn air tel Kabuñ eo elañe Dri Lomor enaj etal (*Teachings of the Prophet Joseph Smith*, 158; Joseph Fielding Smith, *Doctrines of Salvation*, 3 vol. [1954–56], 2:110).
- Ilo 1836 Moses im Elijah rar bar rol tok ñõn lõl in. Rar likit peir iõn Joseph Smith im Oliver Cowdery ñõn air lilõk ejja ki ko wõt rar lilõk ñõn Piter, Jemes, im Jon. Ki ko ta eo Moses ear kojebaktok? (Lale D&C 110:11. Ki ko eo ñõn kõbaik Israel.) Ki ko ta eo Elijah ear kojebaktok? (Lale D&C 110:13–16. Ki ko ñõn liabe im kabine.) Ekijkan an ki kein jberbal ran kein? (Ilo jberbal ko an mijinede, im ilo tempel ko, ilo tel im karõk ko jen Dri Kanan eo an Kabuñ in.)

- Elder David B. Haight ear katakin bwe Jisōs ilo an kar “oktak nememein” ear ñōn ad meramlok ilo jitōb im bar einwōt ñōn ro rej dri kamōl” (ilo Conference Report, Apr. 1977, 8; ak *Ensign*, May 1977, 7). Ta eo jemaroñ katak jene ikijen wewein in im emaroñ in jibañ kij ilo ien jej aikuij jitōb?

Komaroñ etale lōmnak kein Elder Haight ear kwalok (ilo Conference Report, Apr. 1977, 9–10; ak *Ensign*, May 1977, 7–9):

- a. Jej aikuij in lor wanjoñak eo an Dri Lomor ilo ad jar ilo ien ko jej aikuij jitōb ñōn kokajur kij (Luk 9:28). Konono kin an kar wōr oktak in nememein, Elder Haight ear ba: “Bwolen Jisōs ear jab eñjake wōt mejatoto in an ebake Jemen ilo lañ wōt, ak kin eñjake eo ikijen an jar ñōn Jemen kin ta ko renaj bōk jikier ikijen kajur eo jen lañ. . . . Einwōt An kar jar ñōn Jemen, ear lelōnllok ion nana ko lal eo ro im ear kowane.”
- b. Jemaroñ kejatdrikdrik bwe Jisōs enaj kokajur kij einwōt an kar kokajur Piter, Jemes im Jon. Elder Haight ear ba, “Ear bōk dri kalor ro iben ilo jelā in bwe elañe renaj lor aibuɓɓuj eo an . . . renaj bin ilo air naj iōn nan in kenana ko renaj walōk.”
- c. Jemaroñ kajur kin kamōl eo an Dri Lomor ilo (Mattu 17:5) im kin katak ko ilo gospel eo. Elder Haight ear ba, “Dri Jilōk rein jilu rar melele kin naj mij im jerkakbiji eo an [Dri Lomor] ñōn keboj ir ñōn ta ko renaj iōni tokelik.

Jemlokin

Kalikar bwe einwōt Armij ro Rekwojarjar ilo Ran ko Eliktata ewōr melele ko ñōn jibañ kij kin ta ko rar bōk jikier iōn tōl eo ilo an Jisōs oktak nememein. Kwalok kin aurok in reveleson ilo air jermal ilo ran kein im kin aurok in ki ko ñōn kōmōni jermal ko an Anij. Kemleleik ro uwan kilaj bwe kin ki kein jemaroñ einwōt Piter ilo ad jelā kin Jitōb Kwojarjar bwe Jisōs ej Kraist, ej Nejin Anij eo emour.

Jet Melele Ñōn Katakin

Wewein kein rej ñōn jibañ im kōkōmōnmōnlōk kilen katakin. Komaroñ kōjermal juōn ak ruo ian wewein kein ilo am kōmōne katak eo.

Ien ko Jemen ej kamōl kin Nejin

Ewōr emen ien ko ej kwalok ilo jeje ko rekwojarjar kin an Jemen kwalok im kamōl kin Nejin. Juōn iair ej kemleleik ilo katak in. Ba ro uwan kilaj ren bukōt ien ko jilu.

1. Jisōs ke ej baptais (Mattu 3:13–17)
2. Oktak Nememein eo (Mattu 17:1–9)
3. Jisōs ilo an walōk lōk ñōn Dri Nephi (3 Nephi 11:1–7)
4. Visiōn eo ñōn Joseph Smith kein kajuōn (Joseph Smith—History 1:13–17)

Mattu 18; Luk 10

Un eo Nñon jibañ ro uwan kilaj nñon air kotaik ir, jolök an ro jet bwir, im kwalok yokwe nñon ro jet.

Kebojakjak

1. Konono, kölmenlokijen, im jar kin lajrak in jeje ko rekwojarjar kein:
 - a. Mattu 18:1–6, 10–11, 14. Jisös ej kwalok bwe jej aikuij in bar lotak im einwõt juön ajiri eo edrik bwe jen maroñ in drelõñ ilo ailin in lañ.
 - b. Mattu 18:15, 21–35. Ilo buraböl eo kin dri jerbal eo ejelök an tiriamo, Jisös ej katakin kin jolök bwir.
 - c. Luk 10:25–37. Ilo buraböl eo kin Dri Sameria eo emõn, Jisös ej katakin kin yokwe.
 2. Kakobaba nñon riit: Mark 9:33–50; Mosiah 3:17–21; 4:16–19, 26.
 3. Elañe men kein ralikar, kõjerbali ilo katak eo: a. Pija in Jisös im Ajiri Ro (62467; Gospel Art Picture Kit 216) im Dri Sameria eo Emõn (62156; Gospel Art Picture Kit 218).
 4. Elañe kwõj kõjerbal wewein ko nñon kõmõn bwe en wõr itoklimo ko, kir juön jemen ak jinen bwe en kwalok nñon ro uwan kilaj einwõt an walök ilo lajrak eo.
 5. Lõmnak ko nñon katakin: Jet ien kir ro uwan kilaj ro (ak juön ian uwan in ward ko jet) nñon air jibañ ilo katak eo ilo air kwalok ripot, ak kwalok bwebwenato ko air, ak kwalok nan in kamol, ak jibañ ilo katak eo. Ilo am kõmõn karök ko, lale bwe armij ro ren melele kin ta eo rej bojak nñon air kwalok kake.
-

**Elmokõt In Katak
Nñon Edröklök**

**Makitkit Ko Bwe
En Wõr Itoklimo**

Elañe ekkar, kõjerbal lajrak in makitkit kein ak juön eo kwõj lõmnake mokta jen am jino katak eo.

Kir juön eo ewõr nejin nñon an böktok juön ajiri eo (3–5 yiõ drettan) nñon kilaj eo, kwalok kadkadin nñon kilaj eo, im kemleleik aurok ko an ajiri eo. Elikin an armij eo konono, kajitkin ro uwan kilaj nñon air lõmnak kin ta aurok ko an ajiri im Jisös enaj kar kõnan bwe jen böki. Kõlajraki uwak ko iõn chalkboard eo.

Kemleleik bwe katak in ej konono kin aurok eo nñon kolaplök emõn ko iban ajiri ro im kin jerbal nñon ro jet ilo etta im yokwe.

**Konono Jen Jeje
Ko Rekwojarjar
im Kõjerbali**

Ilo am katakin kin eon kein, kemleleik ekijkan jemaroñ lor katak ko an Dri Lomor ikijen ad köttaik kij, jolök an ro jet bwir, im kwalok ad yokwe.

1. Jisös ej katakin bwe jen oktak im einwõt ajiri ro redrik.

Konono im kemleleik Mattu 18:1–6, 10–11, 14.

- Etke dri kalor ro rar kōnan jelā wōn eo elaptata ilo ailliñ in Iroi? (Mattu 18:1; Mark 9:33–34). Etke jet ian eka kad bwir ilo wewein in? Ewi wewein bwe jen jab lorak ilo wewein rōt in?
- Kwalok eo pija in Kraist im ajiri jidrik ro. Ta eo Jisōs ej kwalok ñōn ro rekōnan bwe ren lap ilo ailliñ eo an? (Lale Mattu 18:2–4; Mark 9:35.) Etke jet ien ebin ñōn kij bwe jen lor wewein in? Ewi wewein an katak in keidi iben ta eo lōl in ej katakin ikijen bunbuñ ko relap?
- Ta melelein an ba erom einwōt ajiri ro redrik? (Lale Mosiah 3:19. Kemleleik bwe meñe ajiri ro rejab lukkun webben ak ewōr aurok ko ibeir im ewōr oktak ko iber bwe ren jolet ailōñ in lañ. Aurok ko kein etta buru, lejommen, tiljek im mōnōnō nan tōmak.) Ta eo kwōj katak kin ajiri ro? Ewi wewein bwe jen maroñ einwōt ajiri eo edrik nan ad lelōk kij nan kōnan eo an Jemedwij Ilañ?
- Ta melelein men in “bōbrae juōn eo edrik”? (Ilo katak in, nan eo bōbrae melelein kōmōn bwe en buñ ak okjak.) Ewi wewein ko jet armij rej kōmōni bwe ajiri ro ren buñ? (Uwak ko rejelet edrik wanjoñak nan ir, ejab emōn ad kōmōn nan ir im ejab eman nan ko jej jiroñlōk ir, ak jemakoko in katakin ir im kakure ir.) Ewi wewein an Iroi watak kain wewein kein? (Lale Mattu 18:6.)
Elder M. Russell Ballard ear ba: “Jey roñ enan ko rejab emōn bwe jinen im jemen ajiri ro ak ro rej lale ir im emōj kamakit ir jen Jitōb in Kraist bwe rej kakure ajiri ro. Juōn wewein eo ej kalikar bwe ewōr jatiljok ilo ad kakajiririk ajiri rein, im ej juōn men eo ejab erreō iman Anij” (ilo Conference Report, Apr. 1991, 107; ak *Ensign*, May 1991, 80).
- Etke ne en kar kij ajiri ro redrik ejibañ kij bwe jen emōn nan ro redrik? Ewi wewein eo jen kōmōne bwe jen bōk kōnan ko an Anij “[jab] bwe ro redrik ren jako”? (Mattu 18:14).

2. Ilo parebōl eo kin dri jilōk eo ejelōk an tiriamo, Jisōs ej katakin kin jeorlōk bwir.

Konono im kemleleik Mattu 18:15, 21–35.

- Ilo Mattu 18:15, ta eo Iroi ej ba jen kōmōne elañe ewōr en ej kainebataik kij? Etke ej juōn wewein eo ejejet ñōn ad mejal inebata ko?
- Ewi wewein an Jisōs uwak ke Piter ej kajitok jete alen an jolōk an armij bwir? (Lale Mattu 18:22. Kemleleik bwe Jisōs ear kōjberbal nombā eo elaptata nan katakin bwe jej aikuij jolōk an ro jet bwir ien otemjej.) Etke jet ien ebin ad jolōk an droñ bwir? Ewi wewein am bōk jerammōn ilo am jolōk an ro jet bwir ak ilo air jolōk am bwir?
- Ilo am wōnmanlōk wōt im kalikar aurokin jolōk an droñ bwir, Jisōs ear kwalok wanjoñak eo kin dri jilōk eo ejelōk an tiriamo (Mattu 18:23–35). Wōn eo kin eo im dri jilōk eo rej jutak kaki? (Lale Mattu 18:35. Iroi eo ej jutak kin Jemedwij Ilañ im dri jilōk eo ej jutak kin kwōj.) Ewi wewein ad an dri jilōk an kin eo ilo ad muri nan Iroi? (Lale Mattu 18:24–27.) Ewi wewein bwe jen Iroi en jolōk “bwir” ko ad?
- Ta eo jemaroñ jelā kin wanjoñak eo an kiñ eo kin jolōk bwir an ro jet? (Lale Mattu 18:33.) Ta kautata ko elañe jeje jolōk an ro jet bwir? (Lale Mattu 18:34–35.)

3. Ilo wanjoñak eo kin dri Sameria eo emõn, Jisõs ej katakin kin yokwe.

Konono im kemleleik Luk 10:25–37. Kwalok pija in dri Sameria eo emõn.

- Ewi wewein an Jisõs uwak e dri ekajet eo ear kajitikini kin ta eo emaroñ kōmõne bwe en bōk mour indrio? (Lale Luk 10:25–28.) Ewi wewein an kien eo yokwe Anij im ro dritutum jelet aolepen katak ko ilo gospel eo? Ewi wewein bwe en laplōk ad bōkake kien kein ruo?
- Ewi wewein an Jisõs uwak dri ekajet ilo an kajitok, “Wõn eo dri turu?” (Lale Luk 10:29–37.) Ewi wewein an wanjoñak in katakin kin wõn ro driturir?

Dri Kanan Howard W. Hunter ear ba: “Jei aikuij kememej bwe ilo ad kōmõn jerar, Anij ear kōmõn ro driturir—aolep jikin. Yokwe eaikuij ejelōk joñan ak kōtan; jejab aikuij kwalok wewein ko edrik ad yokwe ie” (ilo Conference Report, Oct. 1986, 44; ak *Ensign*, Nov. 1986, 35.)

- Ta eo pris eo im dri Livai eo rar kōmõne ke rar loe rar mane im kakinejneje? (Lale Luk 10:31–32.) Ewi wewein ko armij raikuij in jibañ rainin? Ewi wewein ko jet jejab kōmõni elañe ro jet rej aikuij jibañ? (Lale Mosiah 4:16–19 nan juõn wanjoñak.)
- Ewi wewein an dri Sameria eo emõn jibañ leo rar kwõte jen mweien im kakinejneje? (Lale Luk 10:33–35.) Ewi jermal ko remõn dri Sameria eo emõn ear kōmõni? Ewi wewein am bōk jerammõn ilo am “dri Sameria eo emõn”? (Lale Mosiah 4:26.)

Jemlokin

Kwalok am kamõl kin aurok eo ikijen ad lor wanjoñak ko an Dri Lomor ilo ad kotaik kij make, im jolōk an ro jet bwir, im kwalok yokwe nan ro jet. Kōketak ro uwan kilaj ro bwe ren mour ikijen katak kein.

Jet Melele Ko Ñõn Katakin

Wewein kein rej ñõn jibañ im kōkōmõnmõnlōk kilen katakin. Komaroñ kōjermal juõn ak ruo ian wewein kein ilo am kōmõne katak eo.

1. Meri im Martha

Ba juõn ian uwan kilaj eo en konono Luk 10:38–42.

- Ewi wewein an kar Martha jermal ñõn Iroj? Ewi “mõttan eo emõn” Meri ear kalete? Ewi wewein bwe jet ien elap wõt ad “lõmnak kin men ko rej litok ñõn kij” jen ijo jen kar bōk jen Jisõs? Ta eo jemaroñ katak jen eon kein?

2. “Kotlōk bwe ajiri ro redrik ren itok ñõn iba” (Mark 10:14)

Ilo am kemleleik katak ko an Dri Lomor eo bwe jen erom ro einwõt ajiri ro redrik, komaroñ bar kōnan kemleleik kin kōjerammõn eo ñõn ajiri ro redrik ilo Mark 10:13–16.)

- Ewi wewein an dri kalor ro an Jisõs uwak ke ajiri ro redrik rej itok ñõn iben? (Lale Mark 10:13.) Ta eo Jisõs ear jiroñlōk ro dri kaloran? (Lale Mark 10:14–15.) Ta eo Jisõs ear kōmõne ñõn ajiri ro? (Lale Mark 10:16.) Ta eo jejelā kin wewein in Jisõs ear kōmõne? Ewi wewein eo jemaroñ lore ilo wanjoñak in ear kōmõne?

3. Jet bar kemlele kin Mattu 18.

- Kemleleik Mattu 18:8–9 im Mark 9:43–48 (lale Mattu 5:29–30.) Ta melemen eon kein? (Ej Joseph Smith Translation kin wewein kein rej tel biloik kij. Emönlök jolök ad aetol ro jet jen air töl kij ññon jerawiwi.)
- Ilo Joseph Smith Translation ilo buk in Mattu 18:11 ej kwalok bwe Jisös ear ba bwe ajiri ro redrik rejab aikuij in ukelök. Ta eo bwe en eindrein? (Lale Moroni 8:11–12.) Ewi wewein an ajiri ro mour ilo Kraist? (Lale Moroni 8:12; D&C 29:46–47.) Ta eo jemaroñ kōmōne bwe jen mour ilo Kraist? (Lale Mattu 18:4; Mosiah 3:19; Moroni 8:10.)
- Konono Mattu 18:11–14. Ewi wewein eo bwe jen lore burabōl eo kin sip eo ear jebwebwe ilo mour kien ad? Ewi wewein am ak juōn eo kojelā kajien bōk jerammōn jen juōn eo ej lori wanjoñak kein?

4. “Iroj ear bar kir jiljilimjuōnnoul” (Luk 10:1)

- Kemleleik Luk 10:1–24. Ewi wewein an Iroj rejañ ro jiljilimjuōnnoul keiri iben rejañ eo an ññon ro Joñoulruo ilo Mattu 10? Ewi edro ko an ro jiljilimjuōnnoul rainin? (Lale D&C 107:25, 34, 38, 93–97.)

5. Kōttan eo ikōtan mare ilo an erreō jikin

Kemleleik bwe ilo Mattu 19:1–12 kwalok juōn wewein eo Parisi ro rar kajeoñ in kabō Jisös ilo air kajitok ikijen mare ak jibil (lale Mark 10:1–12). Jibil ilo mare ear juōn men eo elap an dri Ju ro konono kake im dri tel ro air, im Parisi ro rar lōmnak Jisös en kar uwak kajitok ko air im kōmōn bwe ren ejak illu ibwiljin dri Ju ro. Kir juōn ro uwan kilaj bwe en konono Mattu 19:3–9.

- Ta uwak eo an Jisös ññon kajitok eo an Parisi ro ilo eon 3? (Lale Mattu 19:4–6. Ej kwalok bwe jibil ear jab emōn iben Anij.) Etke Moses ear korolök jibil ibwiljin dri Israel ro? (Mattu 19:7–8.)

Kemleleik bwe ilo ien ko etto an dri Israel, juōn emōn emaroñ likit, ak jibil jen liō iben mekarta ejab ilo un ko rellap. Jisös ear katakin bwe ilo juōn lōl eo eweben, ak lōl eo celestial, ejelök jibil ie. Kinke lalin ejanin weben, jibil emōn ie, botab ilo wōt un ko relap. Mattu 19:9 kalikar bwe juōn emōn eo ej jolök liō iben kin un ko rejab jejet iben Anij, ej luñ ilo an bar mareik juōn. (Lale James E. Talmage, *Jesus the Christ*, 3rd ed. [1916], 473–75, 484.)

- Ta jermal ko ikijen kotaik, jolök bwir, im yokwe rej bōk jikin ilo mare? Ewi wewein intañ nan einwōt Kraist ej jibañ kij ilo mare im kōtan ko jet?
- Ewi wewein ad maroñ jibañ ro rej iōn intañ ko ikijen jibil ilo mare?

6. Makitkit an jōdrikdrik ro

Je (ak ro uwan kilaj ro ren je) kajitok kein ikijen katak eo ilo juōn mōttan pepa. (Ilo am etale makitkit eo, komaroñ kelet jet kajitok ko jen kajojo motan ko ilo katak eo.) Likit mōttan pepa ko ilo juōn bōk. Ro uwan kilaj ren likit jea ko air ilo juōn circle, im likit bōk eo iōn juōn jea iolapen circle eo. Ba ro uwan kilaj ren bōk juōn ilök juōn kajitok ko ilo bōk eo im uwaki.

Jon 7–8

Un eo Nan kakajur lōk nan in kamōl ko an ro uwan kilaj bwe Jisōs Kraist ej ad Dri Lomor im jen ad lore jemaroñ bōk anemkoj eo emol.

Kebojakjak

1. Konono, kōlmenlokijen, im jar kin lajrak in jeje ko rekwojarjar kein:
 - a. Jon 7. Jisōs ej etal ñōn Kwojkwoj in Tabernacle eo im katakin ilo tempel. Jet armij rej tōmak bwe ej dri Kraist, ak jet rej lōmnak e dri riab.
 - b. Jon 8:1–11. Juōn kōrā rej jibwe kin an loñ im bōktok ñōn iben Jisōs. Ear kōmōn nan ilo an yokwe.
 - c. Jon 8:12–36. Jisōs ear ba, “Na meram in lal.” Ej katakin dri Ju ro rar tōmak bwe elañe renaj lore renaj anemkoj jen lōkjak ko an jitōb.
2. Lōmnak ko ñōn katakin: Aolep ien etale katak eo juōn wik iman lōk. Ilo am konono im kelet jet eon ko maktalōk, enaj itok jet katak ko ilo wik eo im renaj jibañ yuk kemleleik katak eo. Ilo am etale katak eo ilo wik eo, jar bwe Jitōb en tel yuk im tōmak bwe Iroj enaj kōjerammōn yuk.

Elmokōt In Katak Ñōn Edrōklōk

Makitkit Ko Bwe En Wōr Itoklimo Elañe ekkar, kōjerbal lajrak in makitkit kein ak juōn eo kwōj lōmnake mokta jen am jino katak eo.

Kōmōn bwe rum eo en lukkun marok ilo an kune lam ko im kili katiñ ko. Kajitok iben juōn ro uwan kilaj bwe en konono ilo an lap ainikien juōn eon in jeje ko rekwojarjar. Ilo an ro uwan kilaj konono (ak kajeoñ in konono) eon kein, kajitok iben:

- Ebin ke ñōn konono eon kein? Ta eo emaroñ kōmōne bwe en bidodolōk? (Jet meram.)

Kabōl lam ko im kebelōk katin ko. Ba uwan kilaj eo en bar konono eon jen jeja ko rekwojarjar (lale D&C 93:1–2). Kwalok bwe meram eo ej jermal ilo makitkit kein rej annanelōk Jisōs Kraist. Jisōs ej kōjerbal wewein in ilo an katakin ilo tempel. Katak in emaroñ kemleleik wewein an Jisōs Kraist meram ñōn kij.

Elañe kōbban kōmōn bwe rum eo en lukkun marok, ijelōkin je juōn mon meram iōn chalkboard eo (ak kwalok juōn imōn meram). Kemleleik bwe un eo ñōn imōn meram eo ej nan kalikar nan wa ko elañe ewōr joran ilo bōke ko bwe ren jab joren. Kemleleik bwe meram ej jutak kin juōn ian katak ko an Jisōs kin jermal eo an im kadkad eo an ñōn kij. Katak in ej kemleleik ewi wewein an Jisōs meram eo enaj tōl kij ñōn mour in jitōb.

Konono Jen Jeje Ko Rekwojarjar im Kōjerbali

Ilo am konono lajrak in eon kein, kwalok nan in kamōl kin Jisōs Kraist elañe kwōj kile ke ekkar. Kōketak uwan kilaj eo bwe ren kōmōni nan in kamōl ko air elañe rej kile ke remaroñ kōmōne.

1. Jisōs ej kōbalōk ilo Kwojkwoj eo ilo Tabernacle im katakin ilo tempel.

Kemleleik Jon 7. Kir ro uwan kilaj bwe ren konono eon ko emōj keleti ilo elaj. Kemleleik bwe Kwojkwoj eo ilo Tabernacle ej juōn ian ran ko relap iben Dri Ju ro, rej kōmōne elikin jiljino allin otemjej elikin wōt Kwojkwoj in Kijone eo. Ej bōk rualitok ran ko ñōn air kakememej ien eo Iroj ear kōjerammōn ro nejin Israel ilo ien eo rar itoitak ilo ene jemedren. Ej bareinwōt ien air kamōlol kin yiō in madmod im bareinwōt kajejet ien jemlokin madmōd. Dri Ju ro rar likit kwojkwoj in bwe kwojkwoj eo elap tata ian kwojkwoj ko air otemjej. (Lale Leviticus 23:34–43.)

Kwalok bwe Jisōs ear etal jen Galili ñōn Jerusalem ñōn iōn kwojkwoj in ilo tempel (Jon 7:1–10).

- Ta eo armij ro ilo kwojkwoj eo rar ear ba kake Jisōs ke rar kotar tok? (Lale Jon 7:12.) Etke armij ro rar bwilōñ ke Jisōs ear katakin ir? (Lale Jon 7:14–15.)
- Ta eo Jisōs ear ba ñōn armij ro ilo tempel kin katak in? (Lale Jon 7:16.) Ta eo ear jiroñ ir bwe ren kōmōne bwe ren bōk nan in kamōl ko kin katak ko an? (Lale Jon 7:17.) Ewi wewein bwe jen bōk katak in ilo mour ko ad?

Elder John K. Carmack jen Jiljilimjuōnnoul ear ba: “Jisōs ej kemleleik bwe, ‘Elañe jabdrewōt armij enaj kōmōne kajitok in, enaj jelā katak ko aō, elañe ej jen Anij, ak ij konono jen na make’ (Jon 7:17). Ilo bar jet nan, ilo am kotobare kwonaj jelā bwe emol. Menin ej bōk tōmak ñōn am maroñ kajeoñ, ak ñōn an jitōb kamōle. Ñōn dri kalor ro rar kajieon in melele im jelā kin meram in” (ilo Conference Report, Oct. 1988, 32; ak *Ensign*, Nov. 1988, 26).

Kir uwan kilaj ko eo bwe ren kwalok ewi wewein an nan in kamōl ko air kin bedbed ko ilo gospel ej kakajur ilo air mour kake (komaroñ kwalok lōmnak ko am make). Kamōl bwe oktak eo ilo kalimur eo ilo Jon 7:17 e bareinwōt mōl: elañe jejab mour ekkar ñōn kien ko ilo gospel eo, kein kakirmol ko ad renaj mōjno.

- Ilo an Jisōs katakin, armij ro rar wōnmanlōk wōt ilo air kajo wewein air tōmak kin e. Ewi wewein ko jet armij rar jino tōmak bwe ej dri Kraist? (Lale Jon 7:31, 37–41.) Ewi un ko jet bwe armij ren jab tōmak bwe ej dri Kraist? (Lale Jon 7:27, 41–42, 52.) Ewi wewein ko jet bwe armij ro ren jelā Jisōs ej jen ia? (Rejelā kajien bamle eo an im lemoren eo an.) Ilo wewein et im rejab jelā ej jen ia? (Lale Jon 7:28–29; 8:14, 19, 23–29. Rar jab jelā bwe ej Jemedwij Ilañ ear jilkintok ñōn lōl.)
- Ewi wewein ad maroñ kakajurlōk kein kakirmol ko ad kin jermal ko an Jisōs Kraist?

2. Rej jibwe juōn kōrā kin an lon im bōktok ñōn iben Jisōs.

Konono im kemleleik Jon 8:1–11.

- Etke skraib im Parisi ro rar bōktok kōrā eo ekijon ñōn iben Jisōs? (Lale Jon 8:4–6. Rar kōnan kajeoñ in jibwe Jisōs elañe ear liakelōk kōrā eo ñōn mij ak kakure kien Moses.) Ta eo Jisōs ear ba ñōn skraib ro im Parisi ro? (Lale Jon 8:7.) Etke rar jab kad kōrā eo ñōn mij? (Lale Jon 8:9.)
- Ke Jisōs ear jab kwalok ke kōrā eo ejerawiwi, ear jab na ruōn kin menin (Jon 8:10–11). Ta eo jemaroñ katak kake je wanjoñak ko an Dri Lomor eo kin wewein ad maroñ in jibañ ro elap air jerawiwi?

Elder Marvin J. Ashton ear kwalok: “Skraib ro im Parisi ro rar bōktok ñōn iman Dri Lomor eo juōn kōrā ear jerawiwi. Lōmnak ko air ejab ñōn air kwalok yokwe ñōn kōrā eo ak Dri Lomor eo, ak ñōn air kabō Jisōs. . . . Jisōs ear jab etale jerawiwi; ear jab kōnan bwe en etale mōl in men ko rejab jimwe. [Ak] ear kelet bwe en katakin ilo yokwe—ñōn kwalok bwe skraib ro im Parisi ro raikuij jibañ ro jet ñōn emanlōk ko air im bareinwōt kwalok kin air kajeoñ in ton kabō e im kakure” (ilo Conference Report, Apr. 1981, 31–32; ak *Ensign*, May 1981, 24).

3. Jisōs ear ba, “Na meram in lōl.”

Konono im kemleleik Jon 8:12–36.

- Ilo Kwojkwoj in Tabernacle eo, tempel eo ilo Jerusalem ear romak kin emen jikin meram ko. Jikin meram kein remaroñ lo iolepen jikin kwalok eo. Etke ear jejet wewein in nan an Jisōs kwalok, “Na meram in lal?” (Jon 8:12). Ta melesen bwe Jisōs ej meram nan lal? (Lale Jon 8:12; Alma 38:9; 3 Nephi 15:9; D&C 88:6–13.)
- Ke armij rej jino buñmanlōk im einwōt Jisōs, renaj bareinwōt erom meram ñōn lōl, ilo air kwalok kin meram eo an (Mattu 5:14; 3 Nephi 18:24). Ewi wewein ad maroñ jibañ ro jet bwe ren lo meram eo Kraist ir letok? (Lale Mattu 5:16; 28:18–20; Philippai 2:14–15.)
- Jisōs ear ba ñōn armij ro ilo tempel bwe aolep ien ej kōmōni men ko rej kabuñ burwon Jemen (Jon 8:29). Ewi wewein bwe jen maroñ in kate kij bwe jen maroñ in kōmōni men ko renaj maroñin kabuñ Jemedwij Ilañ?
- Ilo an Jisōs kwalok kin Jemedwij Ilañ, “elōñ rar tōmak e” (Jon 8:30). Ta eo Jisōs ear kalimuri armij ro ilo air naj wōnmanlōk wōt im lore? (Lale Jon 8:31–32.) Ta eo mōl ej kanemkwoj kij jene? (Lale Jon 8:33–34.) Ekijkan kōmōn jerawiwi enaj lukoj kij? (Lale Alma 12:11; 34:35.) Ekijkan jelā kin mōl eo enaj kanemkwoj kij?
- Tokelik Jisōs ear ba “na mōl eo” (Jon 14:6). Ewi wewein an men in jelet jelālōkjen eo am ilo kalimur eo ilo Jon 8:32? Ewi wewein jelā kin Dri Lomor eo kanemkoj kij? Ewi wewein ad maroñ itok im jelā e?

Jemlokin

Kamōl bwe Jisōs Kraist ej Dri Lomor eo im e wōt emaroñ kanemkoj kij jen lōkjak ko an jerawiwi. Kōketak uwan kilaj eo bwe ren lor Kraist, “meram eo ñōn lōl,” bwe en maroñ in tel ir ilo mour in jitōb.

**Jet melele Ko
Ñōn Katakin**

Wewein kein rej ñōn jibañ im kōkōmōnmōnlōk kilen katakin. Komaroñ kōjberbal juōn ak ruo ian wewein kein ilo am kōmōne katak eo.

1. Dren in mour

Ilo juōn ian ien ko ilo Kwojkwoj ko ilo Tabernacle, juōn pris ej ilik dren jen Siloam na iōn altar eo. Rej kōmōne men in bwe en maroñ in wōt im ñōn ien marmar eo ilo yiō eo juōn en emōn. Ilo an Jisōs kwalok ilo tempel ilo ran eo eliktata ilo kwojkwoj, ej kirtok armij ro bwe ren bōk dren in mour eo (Jon 7:37–38).

- Ilo katak ta ko jet Jisōs ej kwalok kin dren in mour? (Lale Jon 4:5–15.) Ta in “dren in mour?” Ewi wewein ad maroñ in idrak jene?

2. Jisōs Kraist ej Jeova.

Konono im kemleleik Jon 8:37–59.

- Etke Jisōs ear jiroñ lōk dri Ju ro rar jab tōmak bwe rejab nejin Abraham? (Lale Jon 8:39–40. Ilo mōl rej jet ro rejab jen bujin Abraham, rejab kōmōni jermal ko rejimwe im einwōt Abraham.) Etke Jisōs ear jiroñlōk ir bwe rejab nejin Anij? (Lale Jon 8:41–44.) Ewi wewein ad maroñ kwalok bwe jej ro nejin Jemedwij Ilañ?
- Etke dri Ju ro rar illu ke Iroj ej kwalok kin Abraham? (Lale Jon 8:51–53, 56–57. Rejab melele ke Jisōs ej kemleleiklōk wōt kin anjo eo ilo mij ilo jitōb [eon 51] im kin mour eo an mokta jen an kar itok nan mour [eon 56–57].) Ta melelein nan ko an Jisōs ilo an ba, “Mokta jen Abraham, ikar bed” (Jon 8:58)? (Lale Exodus 3:13–14. Jisōs ej Jeova, eo ekajur “Na Eo,” Anij an Abraham, Isaac, im Jakob.) Etke ejam aurok bwe jen melele bwe Jisōs ej Jeova mokta jen an itok ñōn mour in?

Jon 9–10

Un eo Ññon jibañ uwan kilaj eo bwe en laplök air jelä im kile bwe Jisös Kraist ej Meram eo ññon Löl im dri lale Sip eo Emön.

- Kebojakjak**
1. Konono, kölmenlokijen, im jar kin lajrak in jeje ko rekwojarjar kein:
 - a. Jon 9. Jisös ej kamöl bwe e ej Meram ññon löl im kemour juön emön eo ear bilo jen ke ear lotak. Leo ear ejmour ear kamöl kin Jisös ññon Parisi im kabuñ ññon Jisös.
 - b. Jon 10:1–15, 25–28. Jisös ear katakin bwe ej Shepherd eo emön im enaj likit mour eo an ññon sip ko an. Sip ko an Irojij ej ro rej roñ ainikien im lore.
 2. Elañe ewör ian wewein kein ibam, köjerbali ilo ien katak eo:
 - a. Ilo pija eo ej Kemour Dri Bilo eo (62145; Gospel Art Picture Kit 213).
 - b. Möttan 3 in “New Testament Customs,” eo ej jen *New Testament Video Presentation* (53914).
 3. Lömnak ko ññon katakin: “Kotaik kij iman mejen Anij ej juön ian wewein eo bwe jen bök jelälökjen. Juön dri kaki eo ej kataiki iman mejen Irojij enaj bök jibañ ko ak jelä ko kin kajur eo ej itok jen iben Anij. Juön dri kaki eo ej make bedbed kin jelä ko an ijelökin Anij enaj luji jitöb eo. Elañe ejab Anij, jibañ kömön jabdrewöt men. Ak ne iben Anij jemaroñ kömön jabdrewöt men.”
-

Elmoköt In Katak Ññon Edröklök

Makitkit Ko Bwe En Wör Itoklimo Elañe ekkar, köjербal lajrak in makitkit kein ak juön eo kwöj lömnake mokta jen am jino katak eo.

Kajitikin uwan kilaj eo nan air lömnak kin jet wewein ko Jisös ear kemour ro rar jibikbik ilo ien kwalok ko an. Kelajrak uwak ko air iön chalkboard eo. Kwalok bwe möttan katak in ej kin an Jisös kemour juön eo ebilo—juön men in kablonlon eo ear kömöne.

- Etke kwöj lömnak kemour juön eo ebilo ej juön men in kablonlon eo ilo ien katakin ko an Dri Lomor? Ta eo kemour juön eo ebilo ej kwalok kin mour ilo jitöb? (Kajur eo an Dri Lomor eo ej jibañ kij nan ad maroñ in anjo jen ad bilo im “lolökjen” ak jelä kin möl eo ilo jitöb.)

Kemleleik bwe wewein kein ilo katak in ej kwalok kin loe im roñjake Dri Lomor eo im ijo kunar nan jibañ ro jet bwe ren bareinwöt kömöne wewein in.

Konono Jen Jeje Ko Rekwojarjar im Köjerbali

Ilo am katakin kin katak kein, kemleleik ewi wewein air jербal ññon mour in ran kein. Köketak uwan kilaj eo ññon air kwalok iminene ko air ekkar ññon an eon kein katakin.

1. Jisōs ej kalolōkjen leo ear bilo jen ke ear lotak.

Kemleleik Jon 9. Kir uwan kilaj eo ññ air konono eon kein emōj kōjenolōki. Kwalok pija eo Jisōs ej kemour leo ebilo.

- Mokta jen kemour leo ear lotaktok im bilo, Jisōs ej kwalok, “Ña meram in lōl” (Jon 9:5). Ilo wewein et Jisōs ej bōktok meram ññ leo ebilo? (Lale Jon 9:6–7, 35–38.)
- Leo ear bilo elōñ alen an kamōl bwe Jisōs ear kemouri (Jon 9:10–11, 15, 17, 24–25, 27, 30–33. Komaroñ kōketak uwan kilaj eo nan air kōkaleiki peij kein ilo katak eo.) Ewi wewein an maroñ jelā kin wanjoñak in an lein? (Uwak ko rejelet kwalok nan in kamōl ko ad ññ droñ. Kwalok bwe leo ear beran nan in kamōl nan armij ro, mekarta jet rar jab nan in kamol e im kōnan mane.)
- Ewi wewein an kamōl eo an leo laplōk ilo an kar kwalok ññ ro jet? (Keidri eon 11, 17, 33, im 38.) Ewi wewein an kamōl ko am edrek lōk ilo am kwaloki nan ro jet?
- Ewi wewein an Parisi ro emakit ilo air kar roñ kake kakōlle in? (Lale Jon 9:16.) Etke kwōj lōmnak rar makoko in roñ kin men in Jisōs ear kōmōne bwe ej jen kajur eo an Anij? (Uwak ko rejelet, utiej buru, ilo kin an kemour ilo ran in Jabōt, ekol elañe renaj luji bunbuñ ko air, im ebar loñ men ko.) Ewi wewein an Parisi ro kajeoñ in kabu Jisōs? (Lale Jon 9:16, 18–20, 24, 28–29, 34.) Ewi wewein an armij ro ran kein kariab kajur eo an Anij?
- Ewi wewein an jinen im jemen leo ear bilo uwak ke Parisi ro rar kajitok kin men in kablōñlōñ in? (Lale Jon 9:18–23.) Etke jinen rar uwak rōt in? (Lale Jon 9:22.) Ewi wewein jet ien jej ar in jinen im jemen lein? (Ewi wewein ko bwe jen maroñ in beran lōk ilo nan in kamōl ko ad?)
- Ewi wewein an Parisi ro kaje leo ke ej wōnmanlōk wōt im kamōl bwe Jisōs ear kemouri? (Lale Jon 9:34. Kemleleik bwe ilo air jolōke rej jolōk jen kabuñ eo.) Ta eo Jisōs ear kōmōne ke ear roñ bwe emōj jolōk leo kin wōt nan in kamōl eo an? (Lale Jon 9:35–37.) Ewi wewein an Iroj kōjerammōn yuk ilo am tōmak wōt ilo ien ko rebbin ññ yuk?

Elañe kwōj kwalok pija eo kiō, kwalok “The Synagogue” kiō.

- Ilo wewein et Parisi ro remaroñ lolōkjen, im wewein et rejab lolōkjen? (Lale Jon 9:39–41. Elap air jelā kin kien ko, ak rebilo jen mōl eo. Rekkar jab maroñ in loe bwe Jisōs ear itok ññ an kakirmol kien ko.) Ewi wewein oktak eo ilo ad lo kin mejed im “lo” ak jelālōkjen ilo jitōb? Ewi wewein ko jet bwe jen bilo ilo jitōb? Ta eo jemaroñ katak bwe jen maroñ in anjo jen maroñ in bilo ilo jitōb?

2. Jisōs ear katakin bwe e ej Shepherd eo Emōn.

Konono im kemleleik Jon 10:1–15, 25–28. Ilo eon kein, Jisōs ej kemleleik kin juōn shepherd eo ej kea im kejbarok sip ko an. Kemleleik bwe ilo ien ko an Jisōs, ilo bon rej enintok sip ko menin rej naetan sipfold. Juōn ian shepherds ro ej waje kejem eo an sip ko ak juōn ej ilōk im kakije. Elañe juōn menin mour lej ej drelōñ iloan sipfold eo, shepherd eo enaj likit mour eo an im kejbarok sip ko an. Ilo jibañ kajojo shepherd rej itok im kir sip ko air. Sip ko renaj kile ainikien shepherd eo air im lore lōl ññ jikin air mōna.

- Ilo an Jisōs kemlele kin shepherd im sip ko an, sip ko rej jutak kin wōn? (Lale Jon 10:4, 27.) Wōn eo ej shepherd eo? (Lale Jon 10:11.) Ewi jermal ko an

shepherd eo emõn? (Komaroñ kelajrak jen ian jermal kein iõn chalkboard eo einwõt in ilal.)

- a. Ejelā kajien sip ko an, kir etair, im tel kir (Jon 10:3–4, 14.)
 - b. Ej kejem eo ñõn sip ko, karelõñtok ir ñõn loan wõrwõr eo bwe ren lo ineman im kijer (Jon 10:7, 9).
 - c. Ej lelõk “mour... ñõn sip ko ejelõk joñan” (Jon 10:10).
 - d. Ej lelõk mour eo an ñõn sip ko (Jon 10:11, 15).
- Ta oktak eo ikõtan shepherd eo im juõn eo ejab lukkun shepherd ñõn sip ko? (Lale Jon 10:11–14.) Ekijkan an Jisõs juõn wanjoñak kin shepherd eo emõn? (Kõjermal lajrak ko kwar jei iõn chalkboard eo, kemleleik wei wewein an Jisõs ej jetet ñõn aolep jermal kein. Lale 2 Nephi 9:41–42 ilo am kemleleik etke Jisõs ej kejem eo ñõn sip ko. Ilo am kemleleik kin wewein an Jisõs kõnan lelõk mour eo an kin kij, lale Jon 10:17–18.)
 - Ewi wewein an sip ko kile ainikien shepherd ro air? (Lale Jon 10:3–4.) Ewi wewein ad maroñ roñ ainikien Iroj? (Lale D&C 1:37–38; 18:33–36; 97:1.) Ewi wewein ad maroñ ella jen menin joran ko elañe jenaj roñjake ainikien Shepherd eo Emõn?

Elañe kwonaj kõmõn pija, kwalok pija eo “The Shepherd” im “The Sheepfold” kiõ.

- Wõn dri kwõt ro im drikakure ro rej kajeoñ in delõñ iloan wõrwõr in sip eo? (Lale Jon 10:1. Rej armij ro rej kajeoñ in kakure armij ro an Iroj im kabõ ir.) Ewi wewein an kile kõtã shepherd eo emõn im eo ej tel kij ñõn jebwebwe? (Lale Jon 10:10.)
- Ewi wewein an sip ko bõk nebar ilo air lor shepherd eo emõn. (Lale Jon 10:9–10, 28.) Ewi wewein am bõk jerammõn ilo am lor Dri Lomor eo?

Jemlokin

Kamõl bwe Jisõs ej Meram eo Ñan Lal im Shepherd eo emõn. Elañe ekkar, jibañ uwan kilaj eo ewi wewein an Iroj jibañ yuk bwe kwon lo mour ilo jitõb im lore.

Jet Melele Ko Ñõn Katak

Wewein kein rej ñõn jibañ im kõkõmõnmõnlõk kilen katakin. Komaroñ kõjerbale juõn ak ruo ian wewein kein ilo am kõmõne katak eo.

1. Edro ko ad einwõt juõn shepherd

- Ewi wewein ad bareinwõt shepherd ñõn sip ko an Iroj? Ewi wewein ad maroñ jibañ ro jet bwe ren roñ im lor ainikien Shepherd eo Emõn?

Elder Bruce R. McConkie ear katakin: “Jabdrewõt eo ej jermal ilo edro ko ilo Kabuñ in ewõr an edro ko an jitõb im ilo kaniak ñõn jibañ ro nejin Iroj ej shepherd nan eo nan sip ko. Iroj enak ekajet kij ekkar ñõn ad kar bõk edro ko ñõn kejbarok sip ko an” (Mormon Doctrine, 2nd ed. [1966], 710).

2. “Sip ko ket aõ” (Jon 10:16)

- Wõn ro Jisõs ej kwalok ilo Jon 10:16? (Lale 3 Nephi 15:21–24.) Ien et eo “sip ko jet” rej roñ ainikien Dri Lomor eo? Ewi wewein an eon kein jibañ kemleleik juõn ak ro ilo Kabuñ bwe ren melele kin Buk in Mormon?

Elder Howard W. Hunter ear katakin: “Jabdrewōt eo melele kin mour in katakin ko an Master eo jen jelālōkjen ko air kin buk in Bible eo renaj itoklimo ir ñōn ijo ej kwalok be ear bar walōk ñōn armij ro ilo Western Hemisphere—erein sip ko jet an. Buk in ej Buk in Mormon elikin an kar juōn dri kanan kōbaiki iben droñ im likiti ilo America. Buk in Mormon ej bar juōn dri kamōl kin Kraist im katak ko an kin sip ko jet ilo New World” (ilo Conference Report, Apr. 1983, 19; ak *Ensign*, May 1983, 16).

3. Wewein ko jet ñōn bukōte

Nan jibañ uwan kilaj eo tōmak im itok limoer nan bōk wewein ko Dri Lomor eo ej jibañ kij bwe jen loe, kōmōne jet lajrak in melele ko kin nan in loe (nan kein rej walōk ilal). Likit lajrak in nan kein iloan juōn bōk, im lelōk ñōn ro uwan kilaj bwe ren kelet jet ian nan kein im kemleleiki ewi wewein an Dri Lomor eo jibañ kij ilo melele in an nan eo. Wewein in emaroñ ekkar nan kilaj ko an ro emōn dretair.

ñōn kile ilo mejed

ñōn melele kake

ñōn eñjake im kile

ñōn lōmnak kake einwōt emaroñ

ñōn loe

ñōn mad kake

ñōn loe ilo juōn wewein eo jej lōmnak kake

“Ta Eo Imaroñ Kōmōne Bwe In Jolet Mour Indreo?”


Katak
17

Mark 10:17–30; 12:41–44; Luk 12:13–21; 14; 16

Un eo Ñõn jibañ kilaj eo melele bwe jemaroñ mōnōnō in karmijete kij jen men ko an lal in bwe jen maroñ in drelōñ ilo ailōñ in lañ.

Kebojakjak

1. Konono, kōlmenlokijen, im jar kin lajrak in jeje ko rekwojarjar kein:
 - a. Mark 10:17–30; 12:41–44. Juōn likao emōn dretan ear kajitok iben Jisōs ta eo emaroñ kōmōne bwe en bōk mour indrio, inem Jisōs ear katakin bwe liki mweie ko ad remaroñ kijbil kij jen Ailin in Anij. Jisōs ej nebar juōn kōrā eo ejako belen ej likit ruo mōttan cent ilo nien mani eo.
 - b. Luk 12:13–21. Ilo parebōl eo an kin dri mweie eo, Jisōs katakin kin kauatata eo ilo arrok mweuk. Ej kakkōl dri kalor ro an bwe ren kalor ro an bwe ren bukōt ailōñ in lañ ijelōkin mweuk ko an lal.
 - c. Luk 14:15–33. Ilo parebōl eo kin kejota eo elap, Jisōs ej katakin ro rej lore bwe ren likit men otemjej im lore.
 - d. Luk 16:1–12. Ilo parebōl eo kin dri jerbal eo ejab mōl, Jisōs ej katakin dri kalor ro an bwe ren bukōt mweie ko an jitōb im jab mweie ko an lal.
2. Kakobaba ñõn riit: Mattu 19:16–30; Luk 18:18–30; 21:1–4; Jakob 2:18–19.
3. Elañe pija in Kraist im Dri Kien eo Emweie (Gospel Art Picture Kit 244) ebed ibam, kōjerbale ilo ien katak eo.
4. Elañe kwonaj kōjjerbal wewein katakin ko bwe kilaj eo en roñjake, kōmōne juōn jikin kabōbo monkey ak kalbuij, ak je juōn iōn chalkboard eo (lale wewein keintok ilal). Nan kōmōne kein kokojokjok monkey in, likit juōn bōk eo ewōr mejen. Kil mejen bōk eo, im mijit juōn ian kojan ko ilo bōk eo ñõn am maroñ in kadelōñe beim. Likit juōn mōttan leen wōjke kein mōna ak nut iloan bōk eo.



5. Lōmnak ko ñõn katakin: Nephi ear ba, “Ikōnan bwe aolep jeje ko rekwojarjar ko rej ñõn kij, emaroñ lap tokjen ñõn jelālōkjen” (1 Nephi 19:23). Wewein am jibañ uwan kilaj eo kōnan, ak bōk, katak kein ñõn mour ko air.

Elmoköt In Katak Ñön Edröklök

Makitkit Ko Bwe
En Ewör Itoklimo

Elañe ekkar, köjberbal lajtrak in makitkit kein ak juön eo kwōj lömnake mokta jen am jino katak eo.

Kwalok aujid eo kwar kōmōne ak jinaiki iön chalkboard eo (lale section eo “Kebojakjak). Kemleleik bwe aujid röt in ej nan kabōbo monkey. Likit juön container eo ebin im likit iön lal, im juön mōna in kokojake (einwöt juön binana ak nuts) im likit iloan container in. Juön roñ eo iloan container in emaroñ jab lukin in kileb ñön an emön an monkey eo karelōñ bein ak ilo an naj jibwe mōna eo im kaduwojtok enaj bin (komaroñ kemleleik men in). Juön monkey ej loe mōna eo ak anañ eo im kajeoñ in karumlök bein in jibwetok mōna eo. Ke ej moj an jibwe mōna eo, enaj lömnak kake wöt bwe en bōke im jab kōnan kotlōke. Eban lömnak kin an kar anemkoj ak enaj bo.

Kwalok bwe jet ien elaplök ad kōmōn bwir jen monkey in. Elañe jej lömnak in bök jet men ko remōn, jejab kōnan bwe jen luji jekron elañe renaj bōktok joran ior ak jako men ko remōnlök ibed. Katak in ej bwe ien likit men otemjej bwe jen maroñ in bök jerammōn eo elap: mour iben Jemedwij Ilañ in Jisōs Kraist.

Konono Jen Jeje
Ko Rekwojarjar
im Köjberbali

Ilo am katakin ilo lajra kin eon kein, jibañ uwan kilaj eo bwe ren melele bwe kajo iar jemaroñ karmijete make kij ilo elōñ wewein ko ñön ailōñ eo an Anij. Jemaroñ karmijete kij make ñön jabdrewöt men eo Anij ej kajitok ibed.

1. Liki mweie emaroñ kōmōn bwe juön armij en jab drelōñ ilo ailōñ in Anij.

Konono im kemleleik Mark 10:17–30; 12:41–44. Kwalok pija in Kraist im dri kien eo emweie.

- Ta eo Jisōs ear ba ñön dri mweie eo ej kajitok ewi wewein bwe en maroñ bök mour indrio? (Lale Mark 10:17–21.) Ebajet ke nan in jiroñ kein an Jisōs rar kainebataik dri mweie eo? (Lale Mark 10:22.) Etke kwōj lömnak Iroj ear kajitok bwe en likit aolep jerammōn ko an? Ewi wewein an katak ko an Dri Lomor eo ñön dri mweie eo jelet kij ran kein?

Dri Kanan Joseph F. Smith ear ba: “Men eo ebin iben dri mweie eo [ej kin] mweie ko an, im kin an aurök mweiuk ejab kōnan drori im lor Kraist. . . . Ejelök juön armij emaroñ bök mour indreo ijelōkin elañe enaj karmijite kōnan ko an löl bwe en maroñ bök mour indreo” (Gospel Doctrine, 5th ed. [1939], 261).

- Ta eo Jisōs ear katakin kin kōtan eo ikijen bök mweie im drelōñ ilo ailōñ eo an Anij? (Lale Mark 10:23–25.) Ta oktak eo ikōtan bök mweie im aurök? Ewi wewein eo bwe en jimwe im jejet ad köjberbal jerammōn kein iön löl? (Lale Mosiah 4:19, 21.)

Dri Kanan Smith ear bar katakin: “Anij ejab kaljoklök. Dri mweie eo emaroñ drelōñ ilo ailōñ in lañ einwöt juön dri jeramol eo eanemkoj, elañe enaj lelök aolepen buruōn ilo ejjelök kajitok im bökake aolepen kien ko an Anij im bedbed in möl ko; elañe enaj likit aolepen lömnak ko an iben Anij, im aolepen buruōn ilo möl, im aolepen an ñön kōnan ko an Anij, im jab kōmōn bwe kōnan ko an im kejatdrikdrik ko an ren jen men ko an lal” (Gospel Doctrine, 260–61).

- Keidi dri mweie eo im kōrā eo ejeramol im ejako leo belen ilo Mark 12:41–44. Ta eo kōrā eo ejeramol ear kōmōne im dri mweie eo ear jab kōnan kōmōne? (Lale Mark 12:44. Ear kōnan lelōk aolepen men ko mweien ñōn ailōñ in Anij.) Ewi wewein bwe jen maroñ in kōmōn einwōt kōrā in ejeramol?

2. Bukōt men ko an ailliñ in lañ, jen men ko an lal.

Konono im kemleleik Luk 12:13–21.

- Ta eo Jisōs ear ba nan leo ear debij men ko mweien? (Lale Luk 12:13–15.) Ta in aurōk mweiuk? (Juōn eñjake eo elap bwe jen bōk jerammōn ak mweier jen ro jet.) Ta ko armij rekōnan bwe en wōr ibeir rainin? Etke aurōk mweuk ej juōn men eo ekauatata?
- Ilo juōn lōl eo emōj likit joñan aurok in menin jerammōn ko ie, ekijkan bwe jen maroñ melele ke aurok eo ad elaplōk im jab joñan mweiuk eo ibed? (Lale Luk 12:15.) Ewi jerammōn kein elaplōk an wōr tokjer jen jerammōn im mweiuk? (Lale Luk 12:31–34; D&C 6:7 ñōn jet wanjoñak.)
- Ewi wewein an dri mweie eo ebwebwe ilo wanjoñak in maroñ in jerammōn? (Lale Luk 12:16.) Ta eo ear kajeoñ in kōmōne ilo lōmnak eo an? (Lale Luk 12:18.) Ta eo ej kemleleik kin men eo ear kōmōne? (Lale Luk 12:19–21. Buruōn ear bedbed iōn jerammōn ko an.) Ta eo emaroñ kar kōmōne kin jerammōn ko an elañe ear bukōt ailliñ in lañ, ijelōkin men ko an lal? (Lale Mosiah 4:26; D&C 52:40.)
- Etke jet armij rej likit buruweir ilo jerammōn ko air meñe rejelā bwe rej wōjwan ko an mour in? Ewi wewein bwe jen jelā elañe jej likit buruwōr ilo men ko an lal? Ewi wewein an buñ buruōd kin jerammōn im bunbuñ ko ad, einwōt ien ko ad im kabel ko ad? (Komaroñ kōketak uwan kilaj eo ñōn air maroñ lewoj jet melele ko kin kajitok ilikin kilaj, ak ibeir make ak iben ro uwan bamle ko air.)

3. Ro rej lor Kraist rej aikuuj in karmijete ir make bwe ren jet dri kalor ro remol.

Konono im kemleleik eon kein emōj kōjenolōki jen Luk 14:15–33.

- Kemleleik kin parebōl eo kin kejota eo elap, Elder James E. Talmage ear katakin bwe ro rar kir ir ñōn kejota eo rej einwōt armij ro emōj air bōk kalimur eo, ak mweo imōn Israel. Ke dri jermal eo (Jisōs) ej kajitok bwe ren itok ñōn kwojkwoj eo (ak bōk gospel), rar kwalok elōñ nan in jikbin ko im makoko in etal (Jesus the Christ, 3rd ed. [1916], 452). Etke dri Israel ro rar makoko in itok ñōn kejota eo? Wōn ro rar “ro rejeramōl, ro rekirro, ro rebilo, im ro reakā” rar itok nan kejota eo? (Luk 14:21.)
- Ewi wewein an parebōl eo kin kejota eo elap jelet kij rainin? Ta jekbin ko jej kōmōni bwe jen jab kejota ilo table ei an Iroj—ñōn wanjoñak, jab konono nan in katak ko an ak jab etal nan tempel? Ewi wewein ad maroñ kwalok ke jej kile Iroj im kir eo an ñōn kejota in?
- Jisōs ear katakin bwe dri kalor ro an reaikuij in dror men otemjej im kōmōni men ko ej ba (Luk 14:26–33). Ta jet men ko rar kajitok iben dri kalor ro mokta bwe ren karmijete? Ta jet men ko rej kajitok iben dri kalor ro ran kein bwe ren

karmijite ir jeni? Ta eo Iroj ej kajitok ibam bwe kwon karmijite yok jene? Ewi wewein am bök jerammõn kin men kein kwar karmijite yok jeni?

4. Bukõt mweie ko an jitõb kin itoklimo im kajur.

Konono im kemleleik eon kein jen Luk 16:1–12. Nan jibañ ro uwan kilaj bwe ren melele kin parebõl eo kin dri tel eo ejab mõi, kwalok melele kein:

Elder James E. Talmage ear kemleleik bwe Iroj ear kõjberbal wanjoñak in “nan kwalok kõtãn eo kin ro rej lõmnak im lelõk ir make kin air kokõmõnman mour ko air im kamnonoik mour ko air iõn lal, kab ro rej lelõk jimotan in lõmnak ko air nan edroklol ilo mour im mweie ko an jitõb. “Ilo an Iroj kwalok men in ejab kemleleik bwe jej einwõt dri jberbal eo eriab ak ej kemleleik bwe jen bukõt mweie ko ilo jitõb im einwõt ko jej kõmõni einwõt dri jberbal eo ej bukõt jerammõn.

Elder Talmage ear wõnmanlõk, “Ro rej lõmnak kin men ko an lal rejab lõmnak kin yiõ ko tok elik, jet ien rej kõmõn elap jerawiwi ko; ak ro ‘nejin meram’, ak ro rej tõmak kin mweie ko an jitõb elaplõk jen men otemjej, jet ien rejab itoklimo, ak loi reimanlõk ko rerebakbãklõk” (Jesus the Christ, 463).

- Kajitok iben ro uwan kilaj bwe ren karikrik keidi joñan ien, lõmnak, im kajur ko air ñõn air maroñ in kõmõn jen ak bukõt jerammõn ko iben joñan ien, lõmnak, im kajuro ko air ñõn bukõt jerammõn ilo mour in jitõb. Ewi wewein ad maroñ in kalaplõk bwe jen itoklimo ilo bukõt men ko an jitõb?

Jemlokin

Kamõi bwe ñõn bök mour indreo, jeja aikuij in likit men ko an lõl im jberbal ñõn Iroj kin aolepen buruwõr, kajur, im lõmnak im aolepen ad. Kõketak uwan kilaj eo bwe ren mõnõnõ kin jerammõn ko an lõl ak rej aikuij un buñmanlõk ilo jekjek eo emõn.

Jet Melele Ko Ñõn Katak

Wewein kein rej ñõn jibañ im kõkõmõnmõnlõk kilen katakin. Komaroñ kõjberbal juõn ak ruo ian wewein kein ilo am kõmõne katak eo.

1. Etta

Konono im kemleleik Luk 14:7–11.

- Ewi wewein am lo mõi eo ilo kwalok eo an Jisõs ilo buk in Luk 14:11?

2. Yokwe eo emol

- Ta eo jemaroñ jelã jen Luk 14:12–14 kin wewein jberbal in? (Uwak ko remaroñ jelet bwe jen jab jberbal bwe jen bök juõn men ilo korol ak bök wõner, im jab kõmõn joñan ad jberbal nan ro renaj bar kellaik wõner ak kamõlol kij.) Ta eo emaroñ kõmõn bwe jen mõnõnõ in jberbal ñõn ro jet?

- Ewi wewein an yokwe eo emol kebak lõk kij ñõn iben Iroj?

3. Parebõl eo kin dri mweie eo im Lazarus

Ba uwan kilaj eo an konono im kemleleik parebõl eo ilo Luk 16:19–31.

- Elikin an dri mweie eo mij, ta eo ear kajitok iben Jemen Abraham bwe en kōmōne ñōn ro jein im jatin? (Lale Luk 16:27–28.) Ta eo Abraham ear jiroñlōk? (Lale Luk 16:29–31.) Ta eo menin ej katakin kij bwe jen roñjake dri kanan ro.
- Ta eo parebōl in ej katakin kij kin aurokin lale ro rejeramōl? (Lale D&C 104:18.)

Jōdrikdrik kōmōne jet ikkure ko kin parebōl in. Likit ruo ian ro uwan kilaj (Abraham im Lazarus) kōmōn kotair kin juōn lain in jea (ron eo elap), im bar juōn ro uwan kilaj (dri mweie eo) ilo side eo rejet. Kein kemmen juōn ian ro uwan kilaj ro bwe en konono. Ba ro uwan kilaj en konono eon ko jen Luk 16:19–31, iben dri konono aolepen nan ko ear jab walōk jen juōn ian rein rej kōmōn wanjoñak.

Un eo Ñõn jibañ ro uwan kilaj melele bwe mōnōnō ej itok ne jej ukelõk im ne jej jibañ ro jet bwe ren ukelõk.

Kebojakjak

1. Konono, kōlmenlokijen, im jar kin lajrak in jeje ko rekwojarjar kein:
 - a. Luk 15:1–10. Ilo parebõl eo kin sip eo ejako im parebõl eo kin mōttan silver eo, Jisõs ej katakin kin aurok in ad.
 - b. Luk 15:11–32. Ilo parebõl eo kin nejin eo ejerwan, Jisõs ej katakin kin Jemedwij Ilañ bwe ej lo elap mōnōnō kin jolõk an ro jet bwir. Dri Lomor ear bareinwõt katakin dri kalor ro an bwe ren jolõk an ro jet bwir.
 - c. Luk 17:11–19. Juõn eman eo Jisõs ear kemouri jen naninmij in lepa ej rollok im kamõlol Iroj.
2. Kakobaba ñõn riit: Mattu 18:11–14.
3. Elañe pija eo kin Nejin eo Ejerwan (62155; Gospel Art Picture Kit 220) kab Dri Lepa ro Joñoul (62150; Gospel Art Picture Kit 221) ewõr ibam, kwaloki ilo katak eo.
4. Lōmnak ko ñõn katakin: Ekka an Jisõs kajitokin bwe en koketa ro rej roñjake bwe ren bõk un bedbed in Men ko ear katakin (lale Mattu 16:13–16; Luk 7:41–42). Jar ñõn am keboj jet kajitok ko ñõn kōketak uwan kilaj eo bwe ren bõk kunair ilo kemlele ko im jibañ ir jelã im bõk un leleb in katak eo emõj lōmnake.

Elmokõt In Katak Ñõn Edrõklõk

Makitkit Ko Bwe En Wõr Itoklimo Elañe ekkar, kōjerbal lajrak in makitkit kein ak juõn eo kwõj lōmnake mokta jen am jino katak eo.

Kir uwan kilaj eo bwe ren kwalok kin ien ko im ej jako juõn men eo eaurok iber ak ne ej jako juõn ian uwan bamle eo air. Inem kajitok kajitok kein:

- Ewi wewein am lōmnak elañe ejako juõn men aurok ibam ak juõn armij? Ewi wewein am lōmnak elañe men eo aurok ibam ak armij eo ear jako ebar walõk?

Komaroñ bar kōnan kajitokin uwan kilaj eo ewi wewein air lōmnak elañe ewõr mweier en ejako inem bar walõk.

Kemleleik bwe Jisõs ekka an katakin kin men ko an jitõb ñõn an letok bwe jen bareinwõt jelã kin iminene ko an armij. Wewein in ej kemleleik jet ian parebõl ko nan katak kin aurok in bukõte im lo ro rekkar jako.

Konono Jen Jeje
Ko Rekwojarjar
im Kōjembali

Ilo am kwalok katak kein ilo page kein, jibañ kilaj eo bwe ren melele bwe Jemedwij Ilañ im Jisõs Kraist rej yokwe kajojo iar im rekõnan bwe jen bar rol im mour iber.

1. Dri Lomor ej katakin aurok eo an ad (jitōb eo ilo kij).

Konono im kemleleik Luk 15:1–10. Kemleleik bwe Jisōs ear kwalok parebōl eo kin sip eo ear jebwebwe im mōttan silver eo ear jako elikin an Parisi ro im skraib ro unojrikrik kin e, “Lein ej kōba lōk iben dri jerawiwi ro, im mōna ibeir” (Luk 15:2).

- Ilo parebōl eo kin sip eo ear jebwebwe, shepherd eo emōn ar dror ruatumjuōnnoul ruatimjuōn im ilem bukōt juōn eo ejako (Luk 15:4). Ilo parebōl eo kin mōttan silver eo ear jako, kōrā eo ear komat joñan an kate im bukōte mani eo (Luk 15:8). Ta eo jemaroñ jelā kin wewein kein an shepherd eo im kōrā eo? (Lale D&C 18:10–13.)
- Ilo wewein et juōn armij emaroñ in “jako”? Ta eo kunar ñōn juōn eo ejako? (Lale Luk 15:4–5, 8; Alma 31:34–35.)

Dri Kanan Gordon B. Hinckley ear ba:

“Jet ro mōttad . . . rej jan kin motak im intañ im make iar im mijak. Ñōn kij ej ad edro in jibañ ir im bōklintak ir, najidrik ir ne rej kwole, ñōn kōkajur; jitōb ko air elañe rej aikuij dren kin mōl im jimwe. . . .

“ . . . Ewōr jet ro rar meñenen ilo tōmak, im tōmak eo ear jino an molo. Elōñ iair rar kōnan bar jeblak ak rejaje ewi wewein air kōmōne men in. Reaikuij be ko rejouij nan jibañ ir. Kin wōt jibañ drikdrik ko, elōñ wōt iair renaj bar roltok nan kejota eo ilo table eo an Iroj.

“Ro jei im jatu, ij kejatdrikdrik, im jar eo aō in kin kij kajojo . . . bwe jej aikuij bukōt ro raikuij jibañ, ro im rej iōn jekjek ko elap air ebben ñōn ir, im lelōñtak ir kin jitōb in yokwe ñōn loan Kabuñ in, ijo im be ko rekajur im yokwe ko ilo buru im renaj kemenen ir ie, kainemōn ir, keberan ir, im likit ir ilo juōn mour in yokwe im kejbarok” (ilo Conference Report, Oct. 1996, 118; ak Ensign, Nov. 1996, 86).

- Ewi wewein ad naj kōmōn ñōn roltok eo an juōn eo ear jako? (Ba uwan kilaj eo en bukōt jet lōmnak ko rej bar eliji ilo Luk 15:5, 6, im 9. Lale bar eon 7 im 10 im D&C 18:15–16.)

2. Jisōs ej katakin bwe Jemedwij Ilañ ej mōnōnō in jolōk an ro rej ukwelōk bwir.

Konono im kemleleik Luk 15:11–32. Kejo pija eo me nejin eo ejerwan.

- Ilo parebōl eo kin nejin eo ejerwan, ta eo leo edrik ear kōmōne kin jolet ko an? (Lale Luk 15:13. Kemleleik bwe nan in nejin eo ejerwan ej juōn eo ejej tokjen ilo mour eo an.) Ewi wewein ko jet armij in ran kein rej kōmōni ñōn juōn eo nejin eo ejerwan?
- Ta eo ear walōk ñōn nejin eo ejerwan elikin an mat aolepen men ko mweine? (Lale Luk 15:14–16.) Ta eo jermal in ej kōmōne nan kij ran kein?
- Ke nejin eo ejerwan ear aikuij, wōn eo ilo aelōñ eo etolōk ear lōmnak kake? (Lale Luk 15:16.) Ta eo jemaroñ katak jen men in?
- Wōn eo ladrik eo ear lōmnake ke ear lo bwe ejelōk armij ilo drelōñ eo ettolok ear lōmnak kake? (Lale Luk 15:17.) Ta eo jemaroñ jelā kin ukwelōk jen nejin eo ejerwan? (Lale 15:18–19.)

- Ta eo jemen ear kōmōne ke ear lo an ladrik eo nejin bar jeblak? (Lale Luk 15:20.) Ta eo jemen ear kōmōne ññon ladrik eo nejin elikin an kemleleik kin aolepen men ko ear iōni? (Lale Luk 15:21–24.) Ekijkan an jemen uok einwōt an Iroj uwak ñe jej ukwelok? (Lale Luk 15:7; Mosiah 26:30; D&C 58:42.)
- Ilo wewein et ko jej einwōt nejin eo ejerwan? (Lale nan kein ilal.) Ta kejatdrikdrik eo kin parebōl eo kin nejin eo ejerwan ej letok nan kij?
Kōbaik lōk iben parebōl eo kin nejin eo ejerwan, Dri Kanan Gordon B. Hinckley ear ba: “Ij kajitok ibam bwe kwon konono bwebwenato in. Aolep ro ewōr nejier ren konono im bar konono kin bwebwenato in. Ebwe an lap men in ññon an kejbwebweik kij ilo moko imōd, im bareinwōt bwe nan kejbwebweik aolep armij, im ejab aoleped im rej einwōt nejin eo ejerwan im eaikuij ukwelōk nan an bōk jolōk bwir eo an Jemedwij Ilañ im lor wanjoñak ko An?” (Of You It Is Required to Forgive,” Ensign, June 1991, 5).
- Etke ladrik eo erito ear ilu ke ej lo an jemen kōmōn ññon ladrik eo edrik ke ej bar jeblaktok? (Lale Luk 15:25–30.) Ta eo jemen ear ba kin abnono eo an leo eritto? (Lale Luk 15:31–32.) Etke jet ien ebbin nan karuwaineneik juōn eo me nejin eo ejerwan ilo an ukwelōk im bar jeblaklōk? Ta eo jemarōñ jelā jen lein ikijen uwak eo an ññon leo nejin? (Lale Luk 15:32.)

3. Juōn eman Jisōs ear kemori jen naninmij in lepa ear rol im kamōlol E.

Konono im kemleleik Luk 17:11–19. Kwalok pija in joñoul dri lepa ro.

- Ke Dri Lomor ear etal ññon Jerusalem, ear kemour joñoul dri lepa (Luk 17:11–14). Ijelōk rein joñoul dri lepa, jete ear rol im kwalok an kamōlol? (Lale Luk 17:15–16.) Ta jet un ko kij jej einwōt armij rein, ilo am jab likuin in kile im kamōlol kin men in jerammōn ko rej litok ññon kij? Ta unin an aurok bwe jen kwalok ad kamōlol ññon Iroj?
- Meñe aolepen dri lepa ro joñoul rar erre, juōn wōt iair ear juōn eo eio an erre (Luk 17:14, 19). Ta oktak eo ikōtan erre, im eio an erre? (Lale nan kein ilal.) Ekijkan ilo ad kamōlol im tōmak ej kōmōn bwe jen juōn eo eio an erre?
Bisōp Merrill J. Bateman ear katakin: “Ññon am juōn armij eo eio, dri lepa eo ear ej mour ilo ilowa, kab ilik. Ilo ran eo ewōr dri lepa lor kemour ir jen nañinmij ko air, ilo kilier, ak juōn wōt iair ear lukkun mour, ilo kil, kab ilo tu lowa” (ilo Conference Report, Apr. 1955, 16; ak Ensign, May 1995, 14).

Jemlokin

Kamol bwe elap am lo mōnōnō elañe jej ukwelōk im jeblak ññon Iroj, im ñe jej jibañ ro jet ññon air bar jeblak. Komarōñ kwalok am mōnōnō kin parebōl ko an Jisōs im katak ko jet rej kwalok an yokwe ññon ro nejin im ilo an kōnan bwe jen yokwe droñ.

**Jet Melele Ko
Ññon Katakin**

Wewein kein rej ññon jibañ im kōkōmōnmōnlōk kilen katakin. Komarōñ kōjeral juōn ak ruo ian wewein kein ilo am kōmōne katak eo.

1. Parebōl eo kin dri korijeran eo e jowan

Konono im kemleleik pareböl eo kin dri korijeran eo e jowan (Luk 17:5–10).

- Jisös ir kwalok pareböl in elikin an dri jilök ro kajitok iben, “Iroj, kolap lök am tōmak” (Luk 17:5). Ta jemaroñ katak jen pareböl in ñōn kolap lök ad toman? (Uwak eo emaroñ ilo ad edrök lök ilo tōmak ilo ad jermal ñōn Iroj.)
- Etke jej dri jermal ro ejelök tobrak en rej kōmōne, meñe jej kōmōni aolep men ko Iroj ej jiroñ kij? (Lale Mosiah 2:20–25.) Ekijkan an kwalok an Iroj yokwe kij?

2. Pareböl eo kin dri jermal ro ilo jikin kallip eo

Konono im kemleleik pareböl eo kin dri jermal ro ilo jikin kallip eo (Mattu 20:1–16).

- Ilo pareböl in ta eo dri jermal ro rar bōke?

Kemleleik bwe ro rar jermal juōn awa, rar bōk wōneir joñan wōt ro rar jermal aolepen ran eo. Jej jab aikuij in inebata kin wōn eo elap an bōk wōnen, ak wōn eo elap an jermal ñōn Iroj. Eo ej etale men kein aolep, ejelā kin buruōd, enaj etale kin kin jouij im letok ñōn kij “ta eo ejimwe” (Mattu 20:4, 7).

3. Kwalok pija eo (video)

Motan eo kein kemen ilo “New Testament Customs” mōttan eo ilo New Testament Video Presentations (53914), emaroñ eman ñōn kemleleik ekijkan dri lepa ro ilo air lömnak kake ir ilo Kalimur Ekāl, im kin wewein an mour ko air oktak elikin an Jisös kemour ir.

Ilo pija in ej kwalok kin wewein an Dri Ju ro ilo Kalimur Ekāl jone ien. Komaroñ kwalok ijin ñōn am kemleleik pareböl kin dri jermal ro ilo jikin kallip eo (lale kakōbaba kin kilen katakin eo), ñōn jibañ uwan kilaj eo melele kin dri lale mweo eo ear “wōnman lök wōt tarrin jilu awa”, im jiljino, riwatimjuōn, im joñouljuōn awa ko (Mattu 20:5–6).

Luk 18:1–8, 35–43; 19:1–10; Jon 11

Un eo Ññon jibañ ro uwan kilaj kolaplök air tōmak ilo Jemedwij Ilañ im Jisōs Kraist.

Kebojakjak

1. Konono, kōlmenlokijen, im jar kin lajrak in jeje ko rekwojarjar kein:
 - a. Luk 18:1–8. Ilo parebōl kin dri ekajet eo ejab jejet an jerbāl im kin kōrā eo ejako belen, Jisōs ej katakin kin aurok eo bwe en jab jokod ad jar.
 - b. Luk 18:35–43. Juōn dri bilo ej kwalok an tōmak Jisōs im ej mour.
 - c. Luk 19:1–10. Jisōs ej bed ilo mweo imōn Zakkios.
 - d. Jon 11:1–54. Jisōs ej kwalok an kajur im kōjerkak Lazeros jen mij.
2. Kakobaba ññon riit: Mark 10:46–52; Luk 11:5–13.
3. Elañe pija eo kin Kemour Dri Bilo [healing the blind] (62145; Gospel Art Picture Kit 213) im Jesus Raising Lazarus from the Dead (62148; Gospel Art Picture Kit 222) ealika, kōjerbale ilo am kwalok katak eo.
4. Lōmnak ko ññon katakin: Dri Kanan David O. McKay ear ba, “Komaroñ katakin ilo wewein eo emōn elañe kwoj eñjake kile bwe komaroñ” (Gospel Ideals [1953], 190). Bukōte ilo katak, jar, bōkake ññon kokajur lōk nan in kamōl eo am kin bedbed in ta eo kwōj katakin kake.

**Elmokōt In Katak
Ññon Edrōklōk**

Makitkit Ko Bwe
En Wōr Itoklimo

Elañe ekkar, kōjerbāl lajrak in makitkit kein ak juōn eo kwōj lōmnake mokta jen am jino katak eo.

Mokta jen Elder Hugh B. Brown etal ññon mijen eo an, jinen ear jiroñ e:

“Hugh, kwoj kememej ke ien ko kwōj drik kokin etonak im ruj im mijak kin etonak eo am? Kokin ikir jen rum eo am, ‘Mama, kobed ke ijene?’ im ikon iwoj im kainemōne yuk. Kiō kwōj iten etal ññon mijen eo am, enaj wōr ien ko kwonaj mijak, im iōn elōñ men ko men in kabber yuk. I kōnan bwe kwon kir ññon Jemedwij Ilañ, einwōt am kin kir iō, ‘Jema Ilañ, I aikuij jibañ?’ Kwon kab kōmōne men in ilo am jelā bwe ebojak in jibañ jabdrewōt ien. Ikōnan kalikar ññon yuk bwe ebed ijen ññon an jibañ yuk ilo aolepen jar ko am ikijen aikuij ko am” (Marvin J. Ashton, “Know He Is There,” *Ensign*, Feb. 1994, 50).

Kemleleik bwe ilo katak in jenaj katak kin bwebwenato ko renaj kōmōn bwe tōmak ko ad ren maroñ in edrōk lōk ilo ad jelā bwe Jemedwij Ilañ im Jisōs Kraist rejelā kin aikuij ko ad im rej yokwe kij.

Konono Jen Jeje
Ko Rekwojarjar
im Kōjerbali

Jar im kelet jet eon ko, kajitok ko, ak wewein ko ññon kōmōne katak eo enaj emōn ññon am katakin ro ilo uwan kilaj eo. Kemleleik ekijkan an eon ko jelāt mour ko ad. Kōketak ro ilo ro uwan kilaj ññon air kwalok iminene ko air im rej bedbed wōt ilo katak eo.

1. Jisōs ej kwalok kin parebōl eo kin dri ekajet eo ejab jejet an jermal, im kin kōrā eo ejako belen.

Konono im kemleleik Luk 18:1–8. Kemleleik bwe Jisōs ear kwalok parebōl in ñōn juōn jelbju in Parisi.

- Ekkar ñōn Luk 18:1, etke Jisōs ej kwalok kin dri ekajet eo ejab jejet an jermal, kab kōrā eo ejako bellen? Ekijkan an parebōl katakin kij bwe jen “jar ien otemjej?” (Lale Luk 18:1–8.)

Elder James E. Talmage ear ba, “Jisōs ear jab kwalok bwe einwōt an dri ekajet eo enana eliktata ear roñjake nan in kajitōk jouij ko eindrein naj bar Anij; ak ej kalikar bwe meñe juōn eo einwōt dri ekajet eo, ejab mijak Anij, im kea kin armij, emaroñ roñjake im lelok kōnan eo an kōrā eo ejako belen, en ejelōk en ej bere Anij eo e ejimwe im tiriamo enaj roñjake im uwak jar ko” (Jesus the Christ, 3rd ed. [1916], 436).

- Ta melelein ad jar ien otemjej? (Lale Luk 18:7; Alma 34:27.) Ta jerammōn ko re maroñ itok ñōn kij ilo an emakijki ad jar? (Lale Luk 18:7–8; 2 Nephi 32:9; D&C 90:24.)
- Ekijkan kijenmij ilo jar ej jermal in tōmak? Ta eo jej aikuij in kōmōne elañe jej kijenmij im jar im ejab uwak jar ko ad?

Elder Richard G. Scott ear ba:

“Ej juōn men eo ebwir elañe jej lōmnak bwe aolep ien jej jar enaj wōr uwak in jar ko ad. Jet ien jej jar ewōr ijo konad bwe en maroñ in wōr tokjen jar ko ad. . . .

“Ilo ad kemlele kake juōn abañ eo im kwalok wewein bwe en maroñ in tobrak [ñōn Jemedwij Ilañ], jet ien ej uwak, jet ien ejab. Jet ien ej kotar kin uwak eo, ejab bwe ejelōk an kea kake kij, ak kinke ej yokwe kij. E kōnan bwe jen kōjermal mōl eo ear letok ñōn kij. Bwe jen kōmōne ta eo jej kile bwe ejimwe. Im ilo ien eo ejejet, enaj uwak jar ko ad, eban likjab jen kij” (ilo Conference Report, Oct. 1989, 38; ak Ensign, Nov. 1989, 30–31).

- Ta eo kwar katak ilo am kotar uwak in jar eo am?

2. Eman eo ebilo ear kwalok an tōmak in Jisōs ear kemour e.

Konono im kemleleik Luk 18:35–43. Kwalok pija in Jisōs ej kololōkjen dri bilo eo.

- Ekijkan dri bilo eo iturin Jeriko kwalok an tōmak ilo Iroj? (Lale Luk 18:38–42.) Ekijkan am jerammōn ilo am kwalok am tōmak ilo Jisōs Kraist.
- Ewi wewein an leo kwalok an kamōlol ke ej lolōkjen? (Lale Luk 18:43; lale bar Mark 10:52.) Ewi wewein ad kwalok ad kamōlol ñōn Iroj?

3. Jisōs ej bed ilo mweo imōn Zakkios.

Konono im kemleleik Luk 19:1–10.

- Wōn eo Zakkios? (Lale Luk 19:2. Kemlele bwe ro rej lale moko an kien Dri Ju, im jermal eo an ej ritoltol ewoj ñōn kien eo an Rom. Dri Ju rar redike armij rōt in, im rej watoke ir drietao im dri jerawiwi, im re jab yokwe ailliñ eo air.)
- Ekijkan an Zakkios kwalok an kōnan loe Jisōs? (Lale Luk 19:3–4.) Ta eo Jisōs ear jiroñ lōk Zakkios elikin an loe ilo wijki eo? (Lale Luk 19:5.) Ekijkan an Zakkios

uwak nan ko an Jisōs? (Lale Luk 19:6.) Ta eo jemaroñ kōmōne bwe jen bōk mōnōnō eo an Dri Lomor ilo imoko imōd?

- Ta eo armij ro rar kōmōne ke Jisōs ear etal ñōn imweo imom Zakkios? (Lale Luk 19:7.) Ekijkan an Jisōs uwak ñōn Zakkios kin oktak eo an jen armij ro? (Lale Luk 19:5.) Ta eo jemaroñ katak jen wanjoñak eo an Jisōs kil bwebwenato in?
- Jete armij rar bwilōñ kin jermal eo an Zakkios einwōt juōn dri jermal ñōn kien eo an Rom (Luk 19:2, 7). Ilo wewein rōt jet ien jej kōmōn lōmnak ko ñōn ro jet? Ta unin an lap tokjen bwe jen jab lōmnak bwe jemōnlōk jen ro jet? (Lale Alma 5:54–56; 38:13–14.) Ekijkan bwe jen maroñ anjo jen lōmnak ko nae ro jet?

Elder Joe J. Christensen ear ba: “Elōñ ro rej ruj in jibōn im mijak in etal ñōn jikin jikul ak etal ñōn makitkit ko an Kabuñ ko elañe enaj nana an armij ro kōmōn ñōn ir. Komaroñ kōmōn oktak ko ñōn mour ko air bwe ren emōnlōk. . . . Iroj ej kejatdrikdrik kake yuk ñōn am kotak lintak ir. Jab lōmnak kin kwe make, ak kwon lōmnak kin ro komaroñ jibañ ir, ekōba ro ilo bamle eo am make” (ilo Conference Report, Oct. 1996, 54; Ensign, Nov. 1966, 39).

4. Jisōs ej kōjerkak Lazeros jen mij.

Konono im kemleleik eon ko emōj kwaloki ñōn konono jen Jon 11:1–54.

Kemleleik bwe elikin an Jisōs etal ñōn mweo imōn Zakkios, ear etal juōn enan jen iben Meri im Marta bwe leo jeir Lazeros im ej bar jeran Jisōs ej bed ilo an naninmij (Jon 11:1–5). Ruo ran ko elikin, Jisōs ear jiroñ ro dri kaloran bwe ren etal ñōn Betani juōn kikin ej bed ilo Judia ijo Meri, Marta, im Lazeros rej jokwe ie (Jon 11:6–7).

- Ke Jisōs ej rol ñōn Betani, emotlōk emen ran jen ke Lazeros ear mij? (Lale Jon 11:17.) Ta eo Marta ear kōmōne ke ej roñ bwe Jisōs ej itok? (Lale Jon 11:20.) Ta eo koj kile kin nan in kamōl eo an Marta kajur eo an jermal eo an Dri Lomor? (Lale Jon 11; 21–27.)
- Ta eo Jisōs ear kōmōn ke ej loe an Meri im armij ro jan? (Lale Jon 11:33–35.) Ekijkan an bwebwenato in kōmōn bwe kile im eñjake kin Jisōs?
- Ijelōk an lap kamōl im liki eo an Marta, tōmak eo an ewōr an bere ke Jisōs ej ba ren kebellōk lup eo ((Jon 11:39). Ekijkan an Jisōs jibañ e? (Lale Jon 11:40.) Ta eo jemaroñ katak jen wewein in, kin ta eo Iroj ekōnan bwe jen kōmōne?
- Ta eo emaroñ katakin kij kin jar eo an Jisōs mokta jen an kōjerkak Lazeros kin kōtan eo An im Jemen? (Lale Jon 11:41–42.) Ekijkan ad maroñ anek wanjoñak in ilo jar ko an bamle ko ad?

Kwalok pija in an Jisōs kōjerkak Lazeros jen mij, im rejañ uwan kilaj eo bwe ren konono jen Jon 11:43–44.

- Jisōs emōj an kar kejerkak ruo armij jen mij (Mark 5:22–24, 35–43; Luk 7:11–17). Ekijkan an oktak jerkak eo an Lazeros jen ro ruo mokta lōk? (Ledrik eo nejin Jairos, im ladrik eo nejin kōrā eo ejako belen ilo jikon kwalok Nein ro im Jisōs ear kemour ir elikin wōt an jitōb eo air jebil jen enbwinier. Enbwinier re janin kar bed ilo lup. Lazeros emotlōk emen ran jen ke ear mij, im enbwinin ear bed ilo lup.)
- Ekijkan an menin bwilōñ eo kin jerkak eo an Lazeros jen mij kamōl kin itok eo an Dri Lomor? Ta eo ear jelet armij ro kin men in bwilōñ in? (Lale Jon 11:45–46.) Ekijkan an men in bwilōñ in kokajur lōk tōmak eo am ilo Dri Lomor?

Jemlokin

Kemleleik bwe katak ko emōj ad katak kaki re maroñ kokajur lõk tõmak ko ad kin Jemedwij Ilañ im Jisōs Kraist. Elikin bar etale bwebwenato eo, konono nan kein jen Elder Thomas S. Monson:

“Konono ko jen ien ko etto reban okot maroñ eo an Dri Binmour ilo an ukõt mour an armij. Einwõt an ba ñõn Lazeros, ej bar ba ñõn kwe im ña: ‘ . . . kwon itok.’ (Jon 11:43.) Itok jen inebata im bere. Itok jen burumōj im jerawiwi. Itok jen mij in jab tõmak. Itok ñõn juõn mour eo ekāl. Kwon itok” (ilo Conference Report, Apr. 1974, 72; ak Ensign, May 1974, 50).

Kõketak ilo ro uwan kilaj bwe ren bukõt wewein ko re maroñ kolap lõk tõmak ko air ilo Jemedwij Ilañ im Jisōs Kraist.

**Jet Melele Ko
Ñõn Katak**

Wewein kein rej ñõn jibañ im kõkõmõnmõnlõk kilen katakin. Komaroñ kõjerbal juõn ak ruo ian wewein kein ilo am kõmõne katak eo.

Parebõl eo kin Parisi im dri tõl owoj

Konono im kemleleik parebõl eo kin Parisi im dri tõl owoj eo (Luk 18:9–14).

- Ekijkan am kemleleik jar eo an Parisi eo ilo parebõl in? Ekijkan am kemleleik jar eo an dri tõl owoj eo?
- Ta melelein “jabdrewõt eo ej make kautiej e, naj kõttaik e, im jabdrewõt eo ej make kõttaik e naj kautiej e”? (Lale Luk 18:14; Ether 12:27.)

Un eo Ñõn jibañ ro ilo kilaj bwe ren kile im jab bo iben ro dri jelã mon, im kokajur lõk kotobar ko air ñõn Jisõs Kraist.

Kebojakjak

1. Konono, kõlmenlokijen, im jar kin lajrak in jeje ko rekwojarjar kein:
 - a. Jon 12:1–8. Jisõs ej etal ñõn Betani, ijo Meri ej kabit neen. Judas juõn ian dri kalor ej ba etke Meri ej kõjberbal oil eo elap wõnen.
 - b. Mattu 21:1–11. Jisõs ej jeblak ñõn Jerusalem ñõn Kwojkwoj in Kijone. Ear drelõñ lõk ilo Jerusalem ilo juõn wewein eo elap, ilo an iuwe iõn juõn kon in ass.
 - c. Mattu 21:23–46. Pris ro reutiej im elder ro rej itok ñõn Jisõs ilo tempel im kajitok maroñ ta eo iben. E jab uwake kajitok eo air ak ekwalok parebõl eo kin eo ruo nejin ladrik, im parebõl eo kin atok eo.
 - d. Mattu 22:15–46. Skraib im Parisi ro rej kajeoñ in aujidi Jisõs bwe en kwalok jet nan ko re maroñ na ruõn kaki.
 - e. Mattu 23. Jisõs ear kabwir skraib im Parisi ro kin air jelã mon.
2. Kakobaba ñõn riit: Mattu 26:6–13; Mark 11–12; 14:3–9; Luk 11:37–51; 19:29–48; 20; Jon 12:12–18.
3. Elañe kwõj kõjberbal makitkit ko bwe en wõr itok limo ko, bõktok juõn kap eo erreto tulik im tulowa, kab juõn kap eo erreto tulik im etton lowan.
4. Elañe pija in drelõñ lõk ilo Jerusalem (62173; Gospel Art Picture Kit 223) ealika kõjberbal ilo am koane kilaj eo.
5. Lõmnak ko ñõn katakin: Ilo am kõmõne katak eo, en laplõk jen am konono jen jeje ko rekwojarjar ñõn keboj katak eo. Katak jen eon ko jilu alen. Motan eo iman, kajeoñ in melele kin ta eo eon ko rej konono kake. Elañe emõj etale ta ko rej katakin kaki. Elañe emõj bar etali ñõn lale ewi wõt eon ko renaj ekkar ñõn katakin ro ilo kilaj eo, im bukõt wewein ko re naj emõn ñõn kemleleik ro ilo kilaj eo kin ta eo eon ko rej kwalok kake.

**Elmokõt In Katak
Ñõn Edrõklõk**

Makitkit Ko Bwe
En Wõr Itoklimo

Elañe ekkar, kõjberbal lajrak in makitkit kein ak juõn eo kwõj lõmnake mokta jen am jino katak eo.

Kwalok ruo kap (lale kilen kõmõni “Kebojakjak”). Lale bwe ro ilo kilaj eo ren loe wõt likin kap ko.

- Kap ta eo kwonaj kar idak jen e?

Kwalok ñõn kilaj eo loan kajojo kap.

- Kiõ ewi wõt kap eo kwonaj idrak jen? Ebajet?

Kemleleik bwe Jisōs ej wanjoñak kin Parisi ro einwōt juōn kap eo erre tulik ak tuloa etton (Mattu 23:25–26). Parisi ro elap wōt air lōmnak kin men ko armij rej loi air kōmōni im einwōt ne rej mōl, im jab lukkun lōmnak kin mōl eo ilo buruer. Kin men in Jisōs ej na etair dri jelā mon. Katak in ej kwalok kin an Dri Lomor kabwir armij ro rej kajeoñ in kwalok bwe ir armij emōn iman mejen armij ak ilo mōl rejab mour jimwe.

Konono Jen Jeje
Ko Rekwojarjar
im Kōjerbali

Ilo am katakin kin jeje ko rekwojarjar im eon ko, kemleleik ewi wewein air katakin kij bwe jen jab kōmōn im einwōt ne kij armij tōmak ak kenbar bwe jen bōk nebar jen armij. Kōketak kilaj eo bwe ren kalimjiki wōt men ko rejimwe ilo mour ko air, im jab men ko armij ren kile ir kaki.

1. Meri ej kabit neen Jisōs.

Konono im kemleleik Jon 12:1–8. Kemleleik bwe lalim ran mokta jen an mij, Jisōs ear ber juōn bon iben ro mōttan ilo Bethany. Ijo Meri, jatin Martha im Lazarus, ear kabit neen Dri Lomor eo kin juōn bōka eo elap wōnen (Jon 12:1–3). Elder James E. Talmage ear kemleleik ta unin an kōmōn rōt in:

“Ñōn kabit bōran juōn armij kin oil ej juōn menin kwalok ad kautiej; ñōn kabit neen juōn armij ej kwalok kin juōn men eo enaj walōk; ak kabit neen ak bōran kin juōn bōka eo elap wōnen, ej juōn wewein eo ej kwalok ke ejeja en ej kōmōne ñōn king ro. Ilo wewein an Meri kōmōne ej kalikar an kautiej; kin juōn bōka eo elap wōnen ej kalikar jen tu mulal in buruen ñōn an kautiej im kabuñ nane” (Jesus the Christ, 3rd ed. [1916], 512).

- Meri ej kabit neen Iroiñ ñōn kwalok yokwe eo an ñōn e. Ewi wewein ad kwalok yokwe eo ad ñōn Iroiñ?
- Wewein eo Meri ej kōmōne ñōn Jisōs ekeinebataik Judas. Ta eo Judas ej ba bwe ren kar kōmōne kin bōka in elap wōnen? (Lale Jon 12:4–5.) Ewi wewein an Judas einwōt juōn eo ejelā mon? (Lale Jon 12:6. Elañe kōbban kōjербal makitkit ko bwe en itoklimo in kilaj eo, kōjербal melelel ko ilo makitkit eo ñōn am kemleleik ta in dri jelā mon. Kwalok bwe jemlokinlōk katak in jenaj konono kin wewein an Dri Lomor kile ro dri jelā mon.)

2. Drelōñ lōk eo an Jisōs ilo Jerusalem.

Konono im kemleleik Mattu 21:1–11. Kejo pija eo pija in an Jisōs drelōñ lōk. Kemleleik bwe ke Jisōs ej bar rol ñōn Jerusalem ñōn kwojkwoj in kijone eo, elōñ armij rar kōnan loe kinke rar roñ bwe ear kemour Lazarus jen mij (Jon 12:17–18). Ke Jisōs ej drelōñlōk ilo jikin kwalok eo, jarlebiju in armij ro rar karuwaineneiki im erlōkwe nuknuk ko air iōn ial eo im kejobelbel kimij in ni palm ko im lamij im kautieje bwe ej king ñōn ir. Wewein in ear kakirmol kanan eo an dri kanan Zakeraias (Zakeraias 9:9) im bareinwōt ear kein kamōl bwe Jisōs ej Messaia eo kar kalimur kake.

- Ta eo kwōj lōmnake kin drelōñ lōk eo an Jisōs ñōn Jerusalem? Ta eo kwōj lōmnake kin eñjake eo am ne kwon kar bed ijo?
- Armij ro rar kejobelbel ran wijki palm ko im lamij rej kile bwe e ej juōn dri kanan im juōn king (Mattu 21:9, 11; Luk 19:38), ak jet rejab melele kin itok eo an im rar kowane. Ilo wewein et armij rejab melele im jab bōk Dri Lomor eo rainin? Ewi wewein ad maroñ bōke im kadrelōñ tok ilo buruwōr?

3. Jisōs ear kwalok kin wanjoñak eo kin ruo jemjenjemjatin im bar juōn wanjoñak kin dri lale mweo.

Konono im kemleleik eon kein emōj kejenolōki jen Mattu 21:23–46.

- Ilo parebōl eo kin ladrik ro ruo, ekijkan an ladrik eo juōn kamōl bwe ej bōkake jen ladrik eo juōn? (Lale Mattu 21:28–30.) Ewi wewein an Jisōs kōmōne wanjoñak in bwe ro rej roñjake ren bōke? (Lale Mattu 21:31–32.) Ewi wewein an dri telewoj ro im ro rekijon einwōt ladrik eo kein kajuōn? (Rejab bōk nan in jiroñ ko an Anij, ak ke Jon ear kwalok ñōn ir, rar bōk Kraist im ukwelōk jen jerawiwi ko air.) Ewi wewein an pris eo elap kab elder ro einwōt ladrik eo kein karuo? (Rej kwalok bwe rej lor Anij, ak rarjab bōk nan in katakin ko an Jon im jab bar bōk Jisōs elikin air lo kin mejer.) Ewi wewein in ladrik eo kein einwōt juōn eo ejelā mon?
- Ewi kalimur ko jar kōmōni ñōn Iroj? (Komaroñ kwalok kalimur ko einwōt juōn eo emōj an baptais, ilo ad bōk kwojkwoj ko, im ilo ad bōk priesthood eo.) Ewi wewein jet ien jej einwōt ladrik eo kein karuo? Ewi wewein ad maroñ kamōl kalimur ko ad ñōn Anij? Ewi wewein ad maroñ jibañ droñ kejbarok kalimur ko ad ñōn Anij?
- Ilo wanjoñak eo kin dri lale eo eo (Mattu 21:33–41), wōn eo ej jutak kin dri lale mweo, ak iroj eo an jikin kallip eo? (Jemedwij Ilañ.) Wōn dri lale jikin kalib eo? (Dri tel ro ilo kabuñ ko an dri Ju ilo tore ko an Jisōs.) Wōn ro rej dri jermal? (Dri kanan ro.) Wōn ladrik eo dri lale jikin kallip ro rar mane? (Jisōs Kraist.)
- Ewi wewein an dri tel ro ilo kabuñ ko an dri Ju einwōt dri lale jikin kalip eo? Ta eo pris eo elap kab elder ro rar jelā bwe enaj walōk ñōn dri lale jikin kalip eo ne Iroj eo an enaj itok? (Lale Mattu 21:41.)
- Wōn eo “dreka eo dri kal ro rar jab bōke”? (Lale Mattu 21:42; Jermal 4:10–12.) Wōn ro dri kal? Ta eo Jisōs ear ba enaj walōk ñōn dri kal ro rar jolōk dreka in kona eo? (Lale Mattu 21:43–44.) Ewi wewein an ñōn ko an Jisōs ilo eon 43 jermal nan kij?
- Ewi wewein an pris eo elap im Parisi ro uwak ke rej lo an Jisōs kenan kin ir ilo wanjoñak kein? (Lale Mattu 21:45–46.) Ewi wewein jen anjo iōn utiej buru im rej rejañ kij bwe jen ukwelōk?

4. Skraib ro im Parisi ro rej kajeoñ in bukōt ruōn Jisōs.

Konono im kemleleik eon kein emōj keleti jen Mattu 22:15–46. Kemleleik bwe eon kein rej kwalok jilu allen ke Parisi ro im Sadduees ro rar kajeoñ in kabukōt ruōn Jisōs na air maroñ in na ruōn im liakelōk.

- Ewi wewein an Parisi ro kar jino kajeoñ in aujidi Jisōs? (Lale Mattu 22:15–17. Kemleleik bwe elañe Jisōs ear ba aet ñōn kajitok ko, renaj na ruōn kin an ba ej kile im kautiej kien eo an Rome. Ak elañe ear ba jab, renaj kar kinaklōk im ba ej jumae kien eo.) Ta eo Jisōs ear uwake kajitok ko air? (Lale Mattu 22:18. Kwalok bwe Iroj ejelā buruwōr im lōmnak ko ad. Jibañ noj jabdrewōt jen e.) Ewi wewein an Jisōs uwak kajitok eo? (Lale Mattu 22:19–21.) Ewi wewein an uwak in tel kij ilo ad kwalok ke jej erre iben Anij im lor kien ko an lal? (Lale Articles of Faith 1:12.)

- Ewi wewein an Sadduees ro kajeoñ in buköt ruõn Jisõs? (Lale Mattu 22:23–28.) Ewi wewein an Sadducees ro dri jelã mon ilo kajitok ko air? (Lale Mattu 22:23. Rej kõmõn einwõt ne rej inebata kin mare ilo jerkakbije, ak ilo mõl rejab tõmak ilo jerkakbiji.) Ewi wewein an Jisõs uwak kajitok ko air? (Lale Mattu 22:29–30. Kemleleik bwe D&C 132:15–16, 19 rej kalikar katak ko an Jisõs. Ro rejab kõmõn ak kejbarok bujen in belele ko air ilo tempel renaj make iair ilo lañ. Nan ro rej kejbarok bujen kalimur ko air ilo tempel renaj iben droñ nan indrio.)
- Ta eo rar kajeoñ in kabõik Jisõs kein kajilu? (Lale Mattu 22:34–36.) Ewi wewein an uwak eo an Jisõs kemleleik kajitok in? (Lale Mattu 22:37–40.) Etke kwõj lõmnak nan in jiroñ kein ruo relap elap tokjeir? Ta eo jemaroñ kõmõne bwe jen mour kin nan in jiroñ kein?
- Elder Howard W. Hunter ear ba: “Eo ej yokwe Iroj kin aolepen buruõn . . . ebojak in jolõk men otemjej, im kõmõn ak intañ kin jabdrewõt bwe en maroñ in kamnonoik ak kaibujwoj Iroj. Eo ej yokwe Anij kin aolepen an . . . ebojak in lelõk mour eo an im julõk men otemjej remõn iben ak binin mour in ñõn an kaibuijuij Anij. Eo ej yokwe Anij kin aolepen an maroñ im kajur ej lelõk enbwinin im an ñõn jermal eo an Anij. Eo ej yokwe Anij ilo aolepen lõmnak ko an ej lelõk aolepen an ñõn jelã Anij im kõnan ko an Anij, im bukõt Anij ilo aolepen men otemjej ilo jelãlõkjen im ial otemjej” (ilo Conference Report, Apr. 1965, 58; ak Improvement Era, June 1965, 512).

5. Jisõs ej kwalok jerawiwi eo ilo jelã mon.

Konono im kemleleik eon kein emõj keleti jen Mattu 23.

- Skraib ro im Parisi ro rej kõlla juõn mõttan joñoul, im lelõk ñõn dri jeramol ro, im bed ilo ien kabuñ ko, im ikutkut lõk ñõn tempel. Etke Iroj ej na ruer im kabwir ir kin men in? (Lale Mattu 23:5, 14, 23–28. Rej kõmõni men kein ejab ilo tõmak, ak ilo kõnan ko air bwe armij ren loi im ba bwe ir armij emõn.) Ta “men ko rerebakbklõk” im Iroj ear ba rar jab kõmõni? (Lale Mattu 23:23.) Ewi wewein ad kamõl bwe jen jab jolõk “men kein raurok lõk” ilo mour ko ad?
- Ewi wewein kij ro ilo Kabuñ in jet ien jej einwõt ro rejelã mon? (Ñõn wanjoñak, ne jej ilõk ñõn kwalok ko ilo imõn jar ko jej men bwe armij ren lo ke jar ilõk im jar ak ilo mõl ejab bwe jen Kabuñ ñõn Anij. Jemaroñ kwalok abnõnõ ko ad kin kir ko rej litok ñõn kij ilo Kabuñ in ijo jejab bõk nebar ko jen jermal ko jej kõmõni. Jemaroñ kwalok ad kile dri tel ro ad ak ilo mõl jej kenanaik ir.)
- Ewi wewein ad maroñ in jolõk jelã mon? Kajitok iben kilaj bwe ren lõmnake kajitok kein: Ij ke kõmõn juõn mõttan joñoul, lelõk nan dri jeramol, bed ilo ien jar ko, im jermal ke nan jen nan aibuijuij eo aõ ak aibuijuij eo an Anij? Ilo aolep kõmõn ko aõ, ij ke bukõt bwe in ebakelõk Jemedwij Ilañ im Jisõs Kraist?

Jemlokin

Kõketak kilaj eo bwe ren etale mour ko air ne ewõr jelã mon bwe ren jolõke. Kamõl bwe ilo ad kõnan jermal im bõkake Jisõs Kraist, jej emakit kin yokwe eo im tõmak eo ilo e, eo enaj kõmõn bwe jen ebake im laplõk yokwe im tõmak eo ilo kij.

Wewein kein rej ñõn jibañ im kōkōmōnmōnlōk kilen katakin. Komaroñ kōjērbal juõn ak ruo ian wewein kein ilo am kōmōne katak eo.

1. Jisōs ej kole wijke fig eo, eo ej jutak kin jelā mon

Konono im kemleleik Mattu 21:17–22. Kemleleik bwe juõn men ear bar walōk einwōt dri jelā mon ilo ial eo an Jisōs ñõn Jerusalem ej wijki fig eo.

- Ta eo Jisōs ear kōmōne ke ej lo wijki fig eo ebol bilikon ak ejelōk leen ak mōna iõn? (Lale Mattu 21:19.) Ewi wewein an wijki eo einwōt juõn eo ejelā mon?

Elder James E. Talmage ear ba: “[Wijki eo] ear kōmōn einwōt juõn men eo emōj kole ak kaliaiki ekkar ñõn karōk eo an Anij, kinke, ebol bilkon, ak ejelōk leen. Emenin ko aikuij ñõn wijki eo bwe en jutak ilo wewein in ejelōk tokjen, ej einwōt juõn eo ejelā mon; ej kwalok ejelōk leen im einwōt armij rōt en emōj kaliaiki im ejelōk nejin im einwōt dri jelā mon” (Jesus the Christ, 3rd ed. [1916], 527).

2. Kwalok video ak pija eo

Mōttan eo kein karuo ilo “New Testament Customs,” juõn selection jen New Testament Video Presentation (53914), ej kemleleik bwe dri Ju ro rej kōjērbal phylacteries im fringes ko. Elañe kojab kwalok mōttan eo ilo katak 9, komaroñ kwaloke kiõ bwe kilaj eo en melele kin Mattu 23:5 (“rej kōmōn kein jar ko air ilo beier im kolaplōk torerein ak idren nuknuk ko air”). Kemleleik ewi wewein an menin annane juõn skraib im Parisi ro rejelā mon.

3. “Re kōnan nebar ko jen armij” (Jon 12:43)

- Jon ear kwalok bwe elõñ armij rar tōmak kin Jisōs reban kotlōk bwe ren tōmak ir kinke “raikuij nebar ko jen armij elap jen nebar ko jen Anij” (Jon 12:42–43). Ewi wewein jet ien jej kōnan bōk “nebar jen armij”? Ta ko rej kōmōn bwe jen bukōt nebar jen armij? Ewi wewein an lap ad kōnan bukōt nebar im utiej jen ro jet? (Lale D&C 82:19; 88:67.)

“Ta Kōkale Eo Kin Naj Itok Eo Am?”

Katak 21

Mattu 24

Un eo Ññon jibañe kilaj eo ññon air kile kakale ko renaj bōk jikier ilo itok eo an Dri Lomor Kein Karuo im kōketak ir bwe ren keboj ir ññon ien in elap enaj walōk.

Kebojakjak

1. Konono, kōlmenlokijen, im jar kin lajrak in jeje ko rekwojarjar kein:
 - a. Mattu 24:1–5, 9–13, 15–22. Jisōs ej kwalok kin ta eo enaj bōk jikin ilo naj joran eo an Jerusalem.
 - b. Mattu 24:6–8, 14, 23–51. Jisōs ej kwalok kōkale ko renaj bōk jikieer ilo naj itok eo an Kein Karuo im katakin kin ro kelet ir im renaj bojak nan itok eo an.
2. Kakobaba ññon riit: Mark 13; Luk 21:5–36; D&C 45:15–55.
3. Elañe pija eo Itok eo an The Second Coming (Itok eo an Kein Karuo) (62562; Gospel Art Picture Kit 238) ealika, kōjerbale ilo ien katak eo.
4. Lōmnak ko ññon katakin: Juōn kir ññon katakin ejab bwe kojelā men otemjej kin gospel, inem kojab aikuij in eliklik elañe juōn ian kilaj eo enaj kajitok juōn kajitok im kōbban uwake. Ijelōkin bukōt juōn uwak ññon kajitok eo, kwalok bwe kōbbane kajitok eo im kwōj kajeoñ in bar bukōt juōn uwak eo ebidodolōk.

Elmokōt In Katak Ññon Edrōklōk

Makitkit Ko Bwe En Wōr Itoklimo Elañe ekkar, kōjermal lajrak in makitkit kein ak juōn eo kwōj lōmnake mokta jen am jino katak eo.

Ba uwan kilaj eo en reinabijlōk ilo juōn window im etale koro ko. Elañe ejelōk window ilo kilaj eo, kajitokin kilaj eo ewi mejatoto eo in lañ ke rej bo lōk ilo imōn jar eo. Ñe emōj kōmōne jet antoon ko kin ta eo enaj walōk ikijen mejatoto in lañ eo elañe enaj wōt ak jab. Ññon wanjoñak, elañe emōn lañ im ebwil inabij, kwōj antoon bwe enaj wōtlōk snow jet awa jen kiō. Im elañe emolo im wōt inabij emaroñ wōnmanlōk wōt an wōt jidrik ien, kwalok bwe emaroñ bwil im mora nabwij elikin lalim minit.

Kajitok iben kilaj eo kin ta eo kwōj lōmnak enaj bōk jikin. Elikin air kwalok lōmnak ko air, kajitok kajitok kein iber.

- Ta eo kwōj lōmnake enaj bōk jikin kin mejatoto in lañ eo ilo awa ko tokelik? Ta eo ej jibañ yok kin ta eo enaj bōk jikin?
- Ewi an kōkale ko rej kwalok kin ta eo enaj bōk jikin jet ien jen kiō? (Uwak ko remaroñ jelet men ko ekka ad bojak ññon ikijen sign rōt kein. Nan wanjoñak, jemaroñ lōmnak in kōmōn jet jermal ko inaboj elañe emōn loñ ran eo, ak jemaroñ kōmōn jet bojak ko elañe jejelā ke enaj wōr koto ak men ko eierlōk wōt.

Kwalok bwe ilo ad antone ta ko renaj walōk ilo mejatoto ej jibañ kij ññon ta ko renaj walon ññon kij tokelik. Ilo ad etali kōkale ko im kili, ej kadriklōk eo emaroñ jelet kij elañe jejab bojak. Eja bareinwōt, lale kōkale ko ilo naj itok eo an Jisōs

Kraist Kein Karuo emaroñ jibañ kij ñõn ad bojak ñõn ien in elap iõn löl. Katak bwe renaj bök jikier ilo itok eo an Kein Karuo. (Komaroñ kõnan kalikare ilo jet ko renaj bök jikier, ak juõn dri kanan ej kwalok bwe renaj walök im bök jikier. Jet ien jej lõmnak bwe emaroñ nana lañ ak jet ien emaroñ jab jejet ad lõmnake ak antone, ak ilo jeje ko rekwojarjar kin kanan ko kin itok eo an Kein Karuo enaj walök ak jejet im bök jikin.)

Konono Jen Jeje
Ko Rekwojarjar
im Kõjrbali

Ilo am katakin kin eo kein, jibañ kilaj eo bwe ren melele bwe Iroj ej letok jet ko bwe jen keboj kij ñõn itok eo an Kein Karuo. Ijelökin men ko rebbin ilo ran ko eliktata, jemaroñ reimanlök ilo mõnõnõ kin in enaj bök jikin ilo itok eo an kein karuo.

Kemleleik bwe Mattu 24 ebed jet ian kanan ko an Dri Lomor kin naj joran eo an Jerusalem im bareinwõt kin itok eo an Jisõs Kein Karuo. Elõñ ien, eon kein ilo jebta in emõj ukõti im karõki, menin ekõmõn bwe jet ien en bin ad melele kin ien kein im konono kaki ilo eon kein. Ijoker, en mõttan ukok eo an kin Bible, Dri Kanan eo Joseph Smith ej kamõl bwe ruo kanan ko emõj air likiti im kõbaik tok iben melele ko. Ilo ukok eo an Dri Kanan eo ilo Mattu 24 emõj loe ilo Joseph Smith—Matthew ilo in Pearl of Great Price. Katak in ej einlök wõt eon eo emõj kõjrbale ilo Joseph Smith—Matthew im ewõr melele ko emõj kõbaik ilo ukok in emõj letok.

Kwalok pija eo The Second Coming ilo ein katak eo.

1. Jisõs ej kwalok kin ta eo enaj walök ilo joren eo an Jerusalem.

Kemleleik Mattu 24:1–5, 9–13, 15–22. Kir kilaj eo ñõn air konono im kelet jet iõn. (Kememej bwe ekkar ñõn Dri Kanan Joseph Smith, ilo eon 6–8 im 14 ikijen itok eo an Jisõs Kraist Kein Karuo. Renaj konono kake ilo mõttan in tok juõn.)

- Jet ran mokta jen an Jisõs kar drebbail, jet an dri kalor ro an rar lore lök ñõn tõl Mount of Olives. Ta kajitok ko ruo dri kalor ro rar kajitok iben Jisõs? (Lale Mattu 24:3.) Kemleleik bwe kajitok eo air kein kajuõn, “Net eo men kein renaj walök?” rej konono kin net eo enaj joran tempel eo im jikin kwalok Jerusalem, eo Jisõs ej kanan kake (lale Mattu 24:1–2; im Luk 19:41–44; 21:5–6.) Kajitok eo kein karuo, “Ta kõkale ko renaj walök ilo itok eo an kein karuo, im jemlök eo an löl?” wewein lök wõt itok eo an Dri Lomor Kein Karuo. Kemleleik bwe ilo ukok eo an Joseph Smith ej kalikar bwe “jemlök eo an löl in” melemen naj julök aolep nana ko ilo löl ilo naj itok eo an Kein Karuo, ejab melemen bwe enaj jako löl in (Joseph Smith—Matthew 1:4).
- Ta kõkale ko an Dri Lomor ilo kanan eo an kin men eo enaj bök jikin ilo joran eo an Jerusalem? (Lale Mattu 24:4–5, 9–12.)
- Ta eo Jisõs ear jiroñ lök dri kalor ro an bwe ren kõmõne bwe ren jab drelõñ ilo joren in? (Lale Mattu 24:13, 15–18.) Ta aurok eo bwe ren jab bar naj rol ñõn imoko imwer elañe emõj air jino ko? (Lale Luk 9:62; D&C 133:14–15.)

Kemleleik bwe meñe elõñ ian dri Ju ro rar jab tõmak bwe enaj joren jikin kwalok eo air elap kab tempel eo, kanan ko an Iroj rar kirmol ilo 70 yiõ elikin an mij. Ilo air kar tõmak bwe Messaia eo enaj itok im jibañ ir ilo tarinae, dri Ju ro rar kajeõñ in jumae Rome ilo 66 yiõ eo elikin an Kraist mij. Emen yiõ tokelik aolepen jikin kwalok eo air ear joren im jebelbök iben Dri Rome. Ro rar roñ nan in jiroñ eo an Dri Lomor im ko nan tõl ko rar jor jen joren in. Ak ro rar jab lor nan in jiroñ eo rar joren im ejebleklek.

2. Jisōs ej kemleleik kin kōkale ko renaj walōk mokta jen Itok Eo An Kein Karuo.

Konono im kemleleik eon kein emōj kelet jen Mattu 24:6–8, 14, 23–51.

Kakememej ro ilo kilaj eo bwe kajitok eo kein karuo an dri kalor ro kin itok eo an Dri Lomor Kein Karuo. Ej kwalok bwe ilo ukok eo an Joseph Smith ilo Mattu ej kwalok bwe kōkale ko ilo itok eo an Jisōs Kein Karuo renaj einwōt ko rar walōk ilo jorren eo an Jerusalem 70 yiō elikin an Iroj mij. Jerusalem enaj bar jorren mokta jen jeblak tok eo an Dri Lomor eo.

Ilo am kemleleik kin kōkale ko im jorren ko renaj walōk ilo itok eo an Kein Karuo, kelajraki iōn chalkboard eo.

- Ta kōkale ko ilo itok eo an Jisōs Kein Karuo im rej walōk ilo Mattu 24:6? Ta kamōl ko ilo kanan in kwōj loi bwe emōj air bōk jikier? Dri Lomor ear katakin kij bwe jen “jab inebata” kin tarinae ko im ennan ko kin tarinae. Ewi ad naj lo ainemōn ilo ien bōktak kein? (Lale Mattu 11:28–30; 1 Jon 4:16–18; D&C 6:34–36; 45:34–35; 59:23.)

Elder M. Russell Ballard ear letok ñōn in jiroñ kein kin kejatdrikdrik im kōketak:

“Meñe dri kanan rein rej kwalok ñōn kij bwe men kein renaj bōk jikier, elōñ lōk armij rej kwalok air mijak kin ta eo enaj bōk jikin ilo jorren eo an lal in. . . . Ilo mōl ewōr un ko ñōn ad lōmnak kake men in kinke ejelōk uwak en jemaroñ loe im emaroñ na kein jij bojak in iōni. Ijoke ilo ad kalimjok juōn pija eo emarok jej lōmnak bwe enaj nana lōk, ak jen jab aikuij in kōmōn bwe en jako ad kejatdrikdrik! . . .

“ . . . Iroj ej kōmōn joñan men otemjej. Ejelā jen jinoin ñōn jemlokin. Emōj an letok ial ko im melele ko, bwe elañe jenaj lori, naj lo ad ela jen aolepen intañ kein. Un eo nan men kein ñōn air jejet, im juōn ien jenaj melele eliktata kin ta unin aolep men kein. Ijoke, jen lukin lale im etale elañe jenaj jab bojak ilo men in bojak ko; ak jej aikuij in kejbarok nan in jiroñ ko an Anij im jab luji tōmak eo!

“Ak ia eo jenaj lo kejatriktrik nana im jorren kein? Men eo ebidodo tata; kejatriktrik eo ad juōn ñōn mour in jitōb enaj kejbarok kij ilo ien intañ kein ej ñōn ukōt lōmnak ko ad im buruwōr ñōn Jisōs Kraist. . . . Tarinae kin toran tōmak, jej aikuij in anjo iōn men ko rej jumae kij aolep ran, im ele iōn mōjno ko ad ilo mijak, jen jelā bwe elañe jenaj kate kij ilo ad bōk nan in jiroñ ko an Anij, ne enaj iton ien eo, aolep men renaj emōn” (ilo Conference Report, Oct. 1992, 41–43; ak *Ensign*, Nov. 1992, 31–32).

- Ta kōkale ko an ilo itok eo an Kein Karuo rej kemleleik ilo Mattu 24:7? Ta kamōl ko kwōj loi kin kanan ko emōj air bōk jikier? Ta ko dri kanan ro ilo ran kein eliktata rej jiroñ kij bwe jen kōmōne bwe jen bojak ñōn joran kein renaj bōk jikier ilo naj itok eo an Kein Karuo?
- Ta kōkale eo ilo jeblaktok eo an Kein Karuo ej kemleleik ilo Mattu 24:14? Ewi an kanan in bōk jikin ran kein? (Jermal ko an mijinede relap lōk, im rej katakin kin gospel eo im elōñ jikin ibelakin lōl in rej bōke.) Ta eo kajojo iar jaikuij in kōmōne ñōn jibañ kajejet kanan in?
- Ta kakkōle in itok eo an Dri Lomor Kein Karuo ej kemleleik ilo Mattu 24:24? Ta eo kwōj loe bwe kanan in emōj an bōk ijo jikin? Ewe ad maroñ jab bo ilo kanan ko rejab mōl? (Lale Mattu 7:15–20; D&C 45:57; 46:7–8.)
- Ilo ukok eo an Joseph Smith ilo Mattu 24, Jisōs ej ba, elañe jenaj kaurōke nan ko an, jebañ bo ilo kabō ilo ran ko elik (Joseph Smith—Matthew 1:37). Ekijkan

ad kaurōk nan ko an Iroj? Ekijkan am kaurōk nan ko an Iroj jibañ yuk jen am bo ilo kabō?

- Iroj ear jiroñ ro rej lore ilo Jerusalem bwe ren “jutak ilo jikin eo ekwojarjar” (Mattu 24:15), im emōj an letok nan in jiroñ ilo ran kein (D&C 87:8; 101:22.) Ewi jikin kein rekwojarjar im konono kaki bwe jen jutak ie? Ewi an naj jikin kein kejbarok kij ilo men ko rebbin ilo ran eo eliktata?

Dri Kanan Ezra Taft Benson ear ba, “Kōrā ro im eman ro rekwojarjar rej jutak ilo jikin ekwojarjar, im jikin kein rekwojarjar rej tempel ko ad, mon jar ko, moko imōd, im stake ko an Zion, ko im, emōj an Iroj kalikare, ‘bwe rej jikin ko rainemōn ilo ad iōn koto ko im lañ ko, im jen men ko renana na renaj buñit kij im ejelōk kereir iōn aolepen lal in’ (D&C 115:6)” (“Prepare Yourself for the Great Day of the Lord,” *Brigham Young University 1981 Fireside and Devotional Speeches* [1981], 68; lale kab *The Teachings of Ezra Taft Benson* [1988], 106).

- Ta eo Jisōs ej katakin ilo lajrak in peij kein nan jibañ keboj kij nan itok eo an Kein Karuo?
 - a. Wanjoñak eo kin wijki fig eo (Mattu 24:32–36).
 - b. Keidi itok eo an Kein Karuo ñōn ien ko an Noa (eon 37–39).
 - c. Wanjoñak eo kin armij ro ruo rej jermal ilo jikin kallip eo im armij ro ruo rej irir ilo jikin irir eo ak mill eo (eon 40–41).
 - d. Wanjoñak eo kin armij eo emōn im dri kwōt eo (eon 42–44).
 - e. Wanjoñak kin iroj eo im dri jermal ro an (eon 45–51).
- Etko euarok bwe jen wōnmanlōk wōt im etale im keboj kij ñōn itok eo an Iroj? Ewi ad etale im bojak in iōn Iroj?
- Ta eo enaj walōk nan ro remōn elañe Iroj enaj itok? (Lale Mattu 24:31, 45–37; 1 Thessalonica 4:16–18; D&C 88:96–98.)

Jemlokin

Kamōl bwe wanjoñak kein ilo eon kein rej kemleleik kin itok eo an Jisōs Kraist Kein Karuo renaj bōk jikier. Kalikar bwe ilo ad katak kein an Dri Lomor im lor nan in jiroñ ko an dri kanan ro jemaroñ keboj kin ñōn itok eo an Kraist. Elañe jebojak, itok eo Kein Karuo an Jisōs enaj juōn ran eo elemōnōnō ñōn kij.

**Jet Melele Ko
Nan Katakin**

Wewein kein rej ñōn jibañ im kōkōmōnmōnlōk kilen katakin. Komaroñ kōjermal juōn ak ruo ian wewein kein ilo am kōmōne katak eo.

Kōkale ko kin itok eo an kein karuo rej walōk ran kein

Kemleleik bwe Dri Kanan Joseph Smith ear bōk reveleson ko ñōn kalikar ñōn kanan ko Jisōs ear lilōk ñōn dri jilōk ro mokta. Reveleson in ej walōk ilo Doctrine and Covenants 45. Ba uwan kilaj eo an compare e Doctrine and Covenants 45:15–55 nan Mattu 24. (Komaroñ kwalok bwe Doctrine and Covenants 45:60–61 ej konono kin melele ko Iroj ear lilōk ñōn Joseph Smith ñōn an jino ukōt jen ian mōttan ko ilo Kalimur Ekāl.)

“Jolet Ailliñ Eo Emōj Keboj Ñõn Yuk”

Katak
22

Mattu 25

Un eo Nan jibañ ro ilo kilaj eo bwe ren keboj ir ñõn itok eo Kein Karuo ikijen mour jimwe, im kolaplök tolañ ko air, im jibañ ro jet.

- Kebojakjak**
1. Konono, kölmenlokijen, im jar kin lajrak in jeje ko rekwojarjar kein:
 - a. Mattu 25:1–13. Ilo wanjoñak eo kin virgin ro joñoul, Jisōs ej katakin bwe jen bojak ñõn Itok eo an Kein Karuo.
 - b. Mattu 25:14–30. Ilo wanjoñak eo kin kabel im jelälökjen, Jisōs ej katakin menin letok eo jar bök jen Anij.
 - c. Mattu 25:31–46. Ilo wanjoñak eo kin sip ko im goat ko, Jisōs ej katakin bwe jen maroñ in jibañ ak jermal iben droñ.
 2. Elañe kwonaj kõjermal makitkit ko ñõn itoklimo eo an kilaj eo, bōktok juõn bato jidrikdrik, ak juõn nien oil ak dren kauno, im, elañe ewōr, pija eo The Second Coming (62562; Gospel Art Picture Kit 238).
 3. Lelök juõn beba im juõn binjel ak ben ñõn kajojo ro uwan kilaj eo.
 4. Lōmnak ko ñõn katakin: Eka ad kõjermal nan ko jen dri kanan ro, ko jemaroñ loi ilo bök ko an Kabuñ in, ñõn jibañ im kalikar ta ko jej konono kaki im kajeoñ kemleleiki im Iroj ekōnan kalikari ñõn kij ran kein. Kõjermal kajitok kein nan jibañ, im jab nan bök jikin, eon ko konono kaki ilo katak eo.
-

Elmokōt In Katak Ñõn Edrōklök

Makitkit Ko Bwe En Wōr Itoklimo Elañe ekkar, kõjermal lajrak in makitkit kein ak juõn eo kwōj lōmnake mokta jen am jino katak eo.

Kwalok juõn bato jidrikdrik, juõn nien oil ak dren kauno, im pija eo kin itok eo an Kein Karuo.

Kemleleik bwe katak in ej bedbed iõn jilu wanjoñak ko Dri Lomor ear katakin ilo uwak ko an ñõn kajitok ko an Dri Jilök ro kin Itok eo an Kein Karuo. Ba nan kilaj eo bwe kwonaj kõjermal bato eo im oil ak dren kauno eo, im renaj jutak kin bojak eo ad ñõn itok eo an Kein Karuo.

Konono Jen Jeje Ko Rekwojarjar im Kõjembali

Ilo am katakin kin eon kein, etali ewi air jermal ñõn mour ko ad ran kein. Kōketak kilaj eo bwe ren jermal iben droñ kin lōmnak ko air im rej möttan wōt bedbed in katak kein.

1. Jisōs ej kõjermal wanjoñak eo kin virgin ro joñoul.

Konono im kemleleik Mattu 25:1–13. Kemleleik bwe wanjoñak eo kin virgin ro joñoul ej base iõn mantin mare ko an Dri Ju ro. Ilo ran ak ien ko an Jisōs, leo

belele im ro jeran rej tel löl ilo belele jen mweo imõn ñõn mweo imõn leo belele. Ilo ial eo lõk, ro mōttan liõ belele rej kōttar in kōba lõk ibeir. Elañe renaj tokeak tok ilo mweo imõn leo belele, aolepen renaj drelõñ lõk ñõn ien komare eo. Komare kein ekka air kōmõn ilo jota, im ro rej kōttartok liõ belele im leo belele rej ebōktok lamp iber im emōj teini kin oil.

- Ilo wanjoñak eo kin virgin ro joñoul, wõn eo leo belele ej jutak kake? (Dri Lomor eo.) Wõn eo virgin ro rej jutak kake? (Ro uwan Kabuñ eo.) Ta eo kwojkwoj in kamare eo ej jutak kake? (Itok eo an Dri Lomor Kein Karuo.) Ta eo ilo eo ilo lamp ko ej jutak kake? (Bojak eo ad nan itok eo an Kein Karuo.)
- Ta eo virgin ro lalim rar kōmõne im ebod? (Lale Mattu 25:3.) Ta tokjen bod eo air im rar kōmõne ilo air jab bojak? (Lale Mattu 25:8–12.) Ewi jet ien jej kōmõne bod in im einwõt virgin ro rebwebwe?
- Ta eo virgin ro lalim rar kōmõne im remeletlet kake? (Mattu 25:4.) Ta tokjen eo air ilo air kar bojak? (Lale Mattu 25:10.) Ta ko jemaroñ katak jen makitkit ko an virgin ro remeletlet? (Lale D&C 45:56–57. Jej aikuuj in bojak ñõn itok eo Kein Karuo an Jisõs Kraist.)
- Likit ilo lõmnak ko bwe oil eo ilo wanjoñak eo ej kin bojak eo ad ñõn itok eo Kein Karuo, ewi ko jet jemaroñ bar etein “oil” ilo “lamp” ko ad? (Uwak ko emaroñ kōba tok mour jimwe, einwõt kamineneik tōmak ko ad, bōk kalimur, kejbarok nan in jiroñ ko, ak koani jerbal ko an kabuñ.)

Elañe kwōj kōjerbal bato eo ak dren kauno eo (lale ej kwalok ñõn kōmõne), kemleleik bwe bato eo ej jutak kin lamp eo ilo wanjoñak eo. Likit juõn bilin in oil ak dren iloan bato eo kajojo ien ko juõn ian ro ilo kilaj eo ej kwalok ta ko rej kōnan kōmõni ñõn air bojak. Komaroñ kōnan kwalok lõmnak ko an Dri Kanan Spencer W. Kimball:

“Ilo wanjoñak eo, oil ko jemaroñ wiaki jen imõn wia ko. Ilo mour ko ad oil in bojak ko ad rej edrok lõk einwõt ibilbil ko ilo mour jimwe. Ilo ad etal ñõn ien kwalok in kwojkwoj ko jej tein oil ilo lamp ko ad, jidrik kin jidrik iumwin yiõ, jitlõk ko, nukin ko, ien katak ko ilo moko, kejbarok emõn ko an enbwiniir, kwalok kin gospel eo, katak kin jeje ko ko rekwojarjar, kajojo ian men kein ilo ad bōkake rej einwõt bilin ko im rej kane tok kij kaki. Jerbal ko remnan, kola mōttan joñoul ko, mour jimwe im lõmnak ko remõn, mare im kōmõn bujen ko nan indrio—men kein, bareinwõt, men ko rej kōbaik aurok eo ñõn oil eo jemaroñ teini lamp ko ad ne rej mōjno” (*Faith Precedes the Miracle* [1972], 256).

Kajitok iben kilaj eo bwe ren lõmnak kin kajitok kein:

- Ta eo kwar kōmõne ilo wik eo lõk ñõn am teini lamp eo am? Ta ko kwonaj kōmõni ilo wik in ej itok ñõn teini lamp eo am?

2. Jisõs ej kwalok wanjoñak eo kin kabel ko.

Konono im kemleleik Mattu 25:14–30. Kemleleik bwe ilo ien ko an Kalimur Ekāl, kabel ej juõn ian mōttan mani.

- Ilo wanjoñak eo kin kabel, wõn leo ear etal ñõn juõn etolõk ej jutak kake? (Iroj.) Wõn ro dri jerbal ro rej jutak kake? (Kij kajojo.) Ta eo kabel ej jutak kake? (Men in letok jen Anij.)

- Ta eo dri jermal eo rar lelök lalim kabel ko nane im ruo ian talen ko rar kōmōni nan mani ko? (Lale Mattu 25:16-17.) Ta menin nebar eo rar jimor bōke? (Lale Mattu 25:21, 23.) Ta eo wanjoñak in ej katakin kin menin nebar eo eliktata Jemedwij Ilañ enaj kōjerammōn kij kake? (Uwak ko remaroñ jelet, jet ro rej einwōt ne edrik menin lelök ko air jen Anij ir eo renaj bōk aolep menin kōjerammōn ko elañe renaj kōjembali aolepen kin mōl in buruweer.)

Elder James E. Faust ej kwalok kin ro rej bōk kabel ko reietlök:

“Elañe rar kōjermal kabel ko air nan kalök ailōñ eo an Anij im jermal nan ro jet, renaj kar lañlon kin menin kalimur ko an Dri Lomor. Men in kalimur eo elap an Dri Lomor ej bwe ‘renaj bōk menin nebar ko air, bareinwōt ainemōn eo ilo lōl in, im mour indreo ilo lōl eo enak itok’ (D&C 59:23)” (ilo Conference Report, Apr. 1994, 5; ak *Ensign*, May 1994, 6).

- Ta eo dri jermal eo rar lelök juōn kabel nane ear kōmōne ñōn mani eo an? (Lale Mattu 25:24–25.) Ta eo mejta eo an ear ba nane? (Lale Mattu 25:26–30.) Etke jet ien jej etal im mōjno ñōn kolaplök kabel im men in letok ko jen Anij? Ewi bwe jen maroñ in anjo iōn kein ñōn ad kolaplök men in letok kein ñōn kij jen Anij?
- Elder Marvin J. Ashton ear katakin bwe “ej ad jimwe im edro ñōn bōk menin letok ko ad im share i iben droñ” (ilo Conference Report, Oct. 1987, 23; ak *Ensign*, Nov. 1987, 20). Ewi ad maroñ killi im bōk kabel ak menin letok ko Anij ej litok ñōn kij? Etke kwōj lōmnak elap tokjen bwe jen share i kabel ko ak menin letok ko ñōn kij? Ta kōjerammōn ko kwōj bōki ilo mour eo am ilo am kolaplök im share kabel ko ak menin letok ko jen Anij? Ewi am bōk jerammōn ilo an ro jet kōjermal kabel ko ak menin letok ko air?
- Aolep armij emōj lelök ñōn ir eban driklök jen juōn menin lelök jen Anij (D&C 46:11–12), botab jet menin letok ebidodolök ad kili jen ko jet. Ewi jet ian menin letok ko emaroñ bin ad kili ak remaroñ jermal im jibañ ro jet im kaibuijuij Anij?

Elder Marvin J. Ashton ear kwalok:

“Kotlök bwe in kwalok jet ian menin letok ko rejab kanuij in alikar im jejab lukkun lōmnak kaki ak ilo mōl elap tokjer. Ilubiljin men kein emaroñ menin letok eo am—emaroñ ejab lukkun alikar ak elap an aurok.

“Jen etale jet ian menin letok kein rejab alikar: menin letok ñōn kajitok; menin letok eo ñōn roñjake; menin letok eo ñōn roñjake im kōjembali, ainikien emera; menin letok eo bwe jen maroñ in jan; menin letok ko bwe jen jab bo ilo iakwelel ko; menin letok eo kin erre iben droñ; menin letok eo bwe jen jab bo ilo men in ba nae ko; menin letok eo bwe jen bukōt ilo jimwe; menin letok eo bwe jen jab ekajete droñ; menin letok eo ñōn bukōt Anij bwe en tel kij; menin letok eo ñōn dri kalor im kea kin ro jet; menin letok eo ñōn kabukōt; menin letok eo ñōn kōmōn jar; menin letok eo ñōn kwalok nan in kamōl ko rekajur; im menin letok eo ñōn bōk Jitōb Kwojarjar” (ilo Conference Report, Oct. 1987, 23; ak *Ensign*, Nov. 1987, 20).

Lelök ñōn kajojo ian kilaj eo juōn binjel im juōn mōttan beba. Kajitok iber bwe ren je juōn ak ruo ian kabel ko ak menin letok air ak bareinwōt kalikar jet ko renaj kōmōni ilo wik in ej itok ñōn air jermal ñōn ro jet.

Elañe kwoj kōjberbal bato eo im oil eo ak dren eo ekauno, kōbaik tok bar jet bilin ññ loan bato eo. Kemleleik bwe ilo ad kolaplōk kabel ko ak menin letok ko ad jen Anij, jet tein lamp eo ad kin oil.

3. Jisōs ej kwalok wanjoñak eo kin sip im goat ko.

Konono im kemleleik Mattu 25:31–46.

- Jisōs ej katakin bwe ilo naj itok eo an Kein Karuo enaj kejbil kij einwōt an juōn shepherd kejbil sip ko jen goat ko (Mattu 25:31–32). Ilo wanjoñak eo kin sip ko im goat ko, sip ko rej jutak kin wōn? (Lale Mattu 25:33–34.) Goat ko rej jutak kin wōn? (Lale Mattu 25:33, 41.)
- Ta eo wanjoñak in katakin bwe jen keboj kij nan itok eo Kein Karuo im ran in ekajet eo an? (Lale Mattu 25:35–46.)

Elder Marion D. Hanks ear ba:

“Jisōs ear katakin dri kalor ro an kin wanjoñak eo kin sip ko im goat ko, ko rej jutak kin naj ien ekajet eo enaj itok, eo im enaj kalikar kin wōn ro im renaj bōk jolet ‘mour indreo im ro renaj itok ññ intañ indreo’ (Mattu 25:46). Oktak eo bwe ro renaj bed ilo ailōñ eo iben rar kolaplōk iminene in jibañ ko, iminene in mōnōnō in lelōk ko im kabel ilo jibañ. Rej mōnōnō in uwak ro rej kwele, maro, ejelōk mwer, kelwan, naninmij, im ro ilo prison. . . .

“Ejelōk men en kalikar lōk jen joñan aurōk eo Dri Lomor ear likit bwe jen jermal ññ ro jet einwōt juōn men eo elap an aurōk ññ makitkit in Dri Christian ññ air mōnōnō. Einwōt jibañ, lelōk, im karmijite rej, ak aikuij, ej einwōt edrek lōk im menwan mour” (ilo Conference Report, Apr. 1992, 10; ak *Ensign*, May 1992, 9).

Elañe kwōj kōjberbal bato eo im oil ak dren eo ekolar, kōbaik tok bar jet bilin in oil eo na iloan bato eo. Kemleleik bwe ilo ad jermal nan ro jet, jej bar kalaplōk oil eo ilo lamp eo ad. Jemaroñ bar jibañ ro jet tein lamp ko air make kin oil. Kwalok wanjoñak in jermal ko emōj am loi, im kirtok kilaj eo bwe ren kwalok wanjoñak ko emōj air loi.

- Ewi ad maroñ kōjerammōn ro jet kin jermal ko ad? Ewi am jermal nan armij ro jet ej kōjerammōn yok? Ewi am lōmnak kin ro rej jermal? Ewi am lōmnak kin ro rej jermal nan yok? Ewi ad maroñ lukkun inebata kin aikuij ko an ro jet? Ewi bwe jen kile elaplōk ikijen aikuij ko air?
- Kwojelā ke ta melelein an Dri Lomor eo ba, “Ilo am kōmōn ññ rein jeu im jatu redrik tata, kwar bar kōmōne ññ iō”? (Mattu 25:40; lale kab Mosiah 2:17).

Jemlokin

Kwalok am kamōl bwe jej aikuij kij nan itok eo an Jisōs Kraist Kein Karuo. Jej aikuij in kalaplōk menin letok ko ad jen Anij im lor wanjoñak ko an Dri Lomor im kelet bwe jen mour in jibañ ro jet. Kalikar bwe jemaroñ aolep kōmōne men kein, mekarta jekjek eo jej bed ie.

Jet Melele Ko Ñõn Katak

Men kein rej ñõn jibañ kōkōmōnmōnlōk kilen katakin. Komaroñ kōjerbal juõn ak ruo ian kein ilo am kōmōne katak eo.

“Juõn Dri Itotak eo Ejerata im Kaburumōjmōj”

Uwan ro ilo kilaj eo, al ak riit nan ko ilo buk in al eo. Inem riiti Mattu 25:40. Kir ro uwan kilaj bwe ren kwalok eñjake ko air kake ennan eo ilo al eo im eon eo ilo jeje ko rekwojarjar.

2. Kwalok pija eo

Komaroñ bar kōnan kōjerbal mōttan eo kein kalalim ilo “New Testament Customs,” juõn ian selection ko jen *New Testament Video Presentation* (53914), nan wanjoñak kin jet ian manit ko ilo kwojkwoj in mare ko ilo ien ko an Kalimur Ekāl.

Un eo Nan kakjur ro ilo kilaj eo bwe ren lor wanjoñak ko an Jisös kin yokwe droñ im jermal nan droñ.

- Kebojakjak**
1. Konono, kölmenlokijen, im jar kin lajrak in jeje ko rekwojarjar kein:
 - a. Luk 22:7–30. Jisös ej kwaloklök iben Dri Jilök ro an Joñoulruo nan Kwojkwoj in Kijone eo. Ej kōmōne kwojkwoj eo im katakin Dri Jilök ro bwe rej aikuij in jermal iben droñ.
 - b. Jon 13. Jisös ej kwal neen ro Dri Jilök im katakin ir bwe ren yokwe droñ.
 - c. Jon 14:1–15; 15. Jisös ej katakin, “Na ial eo, mōl eo, im mour eo.” Ekkar keidi e nan juōn wijki im dri kalor ro an nan ra ko ilo wijki eo. (Kwalok: eon ko jen jebta 14 im 15 ko im rej kin Dri Kainemōn eo naj konono kake ilo katak 24.)
 2. Kakobaba ñōn riit: Mattu 26:1–5, 14–35; Mark 14:1–2, 10–31.
 3. Elañe kwonaj kōjermal ko ñōn itok limo, likit ro rejal al ak juōn droulul jidrikdrik in dritto ak ajiri bwe ren al kin al eo “Love One Another” (*Hymns*, no. 308) ilo jinoin kilaj eo. Ak ne ejab, bōktok juōn cassette eo emōj kane al eo ie ak ne ejab keboj kilaj eo bwe ren al kake iben droñ.
 4. Elañe kein ralikar, kōjembali ilo ien kilaj eo.
 - a. Pija eo The Last Supper (62174; Gospel Art Picture Kit 225) im Jesus Washing the Apostles Feet (62550; Gospel Art Picture Kit 226).
 - b. Juōn wijki jidrikdrik ñōn am kalikar kemlele ko ilo Jon 15:1–8.
 5. Lōmnak ko ñōn katakin: Al ak ikkure kin al ko an Primary ko im rej konono wõt kin unin katak eo ej juōn eo emōn ñōn kaienaktok Jitōb ilo katak eo. Iroj ear ba, “Aō ejj mōnōnō ilo ak ko jen buro; im, al eo kin jimwe ej juōn jar nan iō, im emaroñ juōn uwak kin juōn jerammōn iōn bōrair” (D&C 25:12; lale kab Colossee 3:16). Al im Primary al ko remaroñ jibañ kilaj eo jelā kin katak ko ilo gospel.

**Elmokōt In Katak
Ñōn Edrōklök**

Makitkit Ko Bwe En Wōr Itoklimo Elañe ekkar, kōjermal lajrak in makitkit kein ak juōn eo kwōj lōmnake mokta jen am jino katak eo.

Ba dri al ro ak juōn droulul jidrikdrik ren al kin “Yokwe Ro Jet,” ak kejo juōn cassette eo emōj kane kinal in ak kilaj eo en al kake iben droñ. (Lale mōttan eo “Kebojakjak”).

Kemleleik bwe nan ko ilo al in rej itok jen Jon 13:34–35. Ba ro ilo kilaj eo ren elök lök ñōn eon in, im kajitok iben juōn bwe en konono ilo an kalap ainikien.

Kwalon bwe Jisōs ear konono nan kein ilo kejota eo an eliktata. Katak in enaj kemleleik kin nan in jiroñ ko im men ko jet Jisōs ear ba im kōmōni ilo ien kwalok in an iben Dri Kalor ro an.

Konono Jen Jeje
Ko Rekwojarjar
im Kōjebali

Ilo am katakin kin eon kein. Kemleleik ewi nan ko im makitkit ko an Dri Lomor eo ilo kejjota eo eliktata ej kwalok kin yokwe eo an ñōn Dri Jilok ro an im ñōn kij. Jibañ kilaj eo bwe ren melele bwe Jisōs ekōnan bwe jen lor wanjoñak ko an ikijen yokwe droñ im jermal ñōn droñ.

1. Jisōs ej kōmōne kwojkwoj eo.

Kemleleik Luk 22:7–30. Kir ro ilo kilaj eo bwe ren konono eon ko emōj keleti ilo air kalap ainikier. Kwalok bwe kejota in Kwojkwoj in Kijone eo, an Jisōs iben Dri Jilok ro an ilo ran eo mokta jen an Jisōs drebail, ekka air naetan kejjota eo eliktata. Kejo pija eo kin kejjota eo eliktata.

- Ke Jisōs im Dri Jilok ro an rar iben droñ nan air mōna Kwojkwoj in Kijone eo, Jisōs ear kemleleik kin kien eo ikijen kwojkwoj. Ta eo ear ba nan Dri Jilok ro kin unun kwojkwoj eo? (Lale Luk 22:19–20. Ej nan jibañ ir kememeje mij im binmour eo an.) Ewi ne jej bōk kwojkwoj in ej jibañ kij kemejmej Dri Lomor eo?

Elder Jeffrey R. Holland ear ba: “Kinke kejota eo ilo rum eo ilōñ ej kwalok kin ien eo mokta jen jikin kalib Getsemani im Golgotha, ro nejin kalimur rej bed iumwin bujen kalimur eo ñōn air kememej Kraist ilo intañ eo an ilo men in ekāl lōk, utiej lōk, im ekwojarjar lōk im ir make. . . . Elañe kememej ej eo in mokta jen kij, ta eo enaj iton ñōn kakememej elañe men ko dreio im aibujwoj emōj litok ñōn kij?” (ilo Conference Report, Oct. 1995, 88, 90; ak *Ensign*, Nov. 1995, 67, 68).

Kemleleik uwak ko nan Elder Holland ikijen kajitok ko an ikijen jet ian men kein ear ba jen kememej kin Dri Lomor eo (ilo Conference Report, Oct. 1995, 90–91; ak *Ensign*, Nov. 1995, 68–69).

- a. Yokwe eo an im kajur eo an ilo Grand Council eo ilo Nan.
 - b. E eo ear kōmōnman lañ im lōl.
 - c. Aolep men ko ear kōmōni mokta einwōt ke E ej Jeova.
 - d. Eo ebidodo lelōk nan lotak eo an.
 - e. Katak ko an.
 - f. Men in kablonlon ko an im kemour ko.
 - g. Bwe “aolep menko remōn rej itok jen Kraist” (Moroni 7:24).
 - h. Kōmōn ko rejab emōn, kowane, im jolōk e ilo an niknik.
 - i. Ear walallōk ilubuljin men kein bwe en wanlintok im utiejtata jeni.
 - j. Ear kōmōne menin katok eo an im bōk aolep bwir ko ad.
- Etke eaurok bwe jen bōk kwojkwoj in aolep wik? Ewi bwe jen keboj kij ilo mour in jitōb mokta jen ad bōk kwojkwoj in?
 - Ilo kejota eo eliktata iben Dri Jilok ro rar bar kajitok kin “wōn eo enaj laptata” (Luk 22:24; lale kab Mattu 18:1; Luk 9:46). Ilo et jet ien jej kōnan bwe jen utiej jen ro jet? Ewi ad maroñ lolōk lōmnak kein?
 - Ta eo Iroj ear katakin kin wōn eo eutiejtata? (Lale Luk 22:25–27; Mattu 20:25–28.) Ewi an kalikare ilo katak in? Ewi ad maroñ lor wanjoñak kien an?

2. Elikin an kwal neer, Jisōs ej ba ñōn Dri Jilok ro bwe ren yokwe droñ.

Konono im kemleleik eon kein jen Jon 13. Kwalok pija eo kin Jisōs ilo an kwal neen Dri Jilok ro an. Kemleleik bwe ke Jisōs im Dri Jilok ro an rar mōna kejota eo eliktata, Jisōs ear kwal neen kajojo ian Dri Jilok ro an (Jon 13:4–5). In eka an bōk jikin ñōn juōn dri jermal eo ne ej lontok drilotok. Un eo juōn an Jisōs kōmōne in ej ñōn katakin ir koteik im jermal ñōn droñ.

- Etke kwōj lōmnak Simon Piter ear jab erra ke Jisōs ear iten kwal neen? (Lale Jon 13:6, 8. Ej lōmnak ejab ekkar ñōn Iroj bwe en kōmōn einwōt juōn dri jermal.) Ta eo Jisōs ear ba? (Lale Jon 13:8).
- Ta eo Jisōs ear ba ñōn Dri Jilok rokin winin an kwal neer? (Lale Jon 13:12–17. Ear ba nan ir bwe ren lor wanjoñak ko an ilo jermal.) Ewi an jermal ñōn ro jet bōktok nan yok mōnōnō?
- Ta eo jemaroñ jelā kin nan im jermal ko an Jisōs kin dretan juōn dri tōl eo emōn? Ewi ad maroñ lor wanjoñak ko an elañe jenaj juōn dri tōl?
- Ilo kejota eo eliktata, Jisōs ear bar ba ñōn dri kalor ro bwe ren yokwe droñ (Jon 13:34–45; 15:12, 17). Ewi ko jet jemaroñ kōmōni bwe jen lor wanjoñak eo an Kraist kin yokwe?

3. Jisōs ear katakin “Na ial eo, im mōl, im mour” im “Na eo wijki eo emol.”

Kemleleik Jon 14:1–15. Kir ro ilo kilaj bwe ren konono ilo elaj eon kein.

- Etke Thomas ear tarbōk kin an Jisōs ba ñōn Dri Jilok ro, “Ijo ij ilōk ielōk kom jelā”? (Lale Jon 14:4–5.) Ta eo Jisōs ear ba ñōn Thomas? (Lale Jon 14:6.) Etke Jisōs wōt ial eo bwe jen maroñ itok ñōn iben Jemedwij Ilañ?
- Jisōs ear katakin dri kalor ro an bwe ren kwalok yokwe ilo jermal ko air. Ta eo ear ba ñōn ir bwe ren kwalok yokwe eo air ñōn e? (Lale Jon 14:15.) Ewi ilo ad bōkake ej kwalok yokwe eo ad ñōn Anij?
- Ke ej katakin Dri Jilok eo an, Jisōs ej kōjermal juōn wanjoñak kin vine (Jon 15:1–8). Wōn eo ej jutak kin vine eo? Leo imōn mweo (dri kalip ro)? ran wijki ko? (Lale Jon 15:1–5.)

Elañe kwar bōktok juōn menin edek ñōn kilaj, kōjerbale ko.

- Ta eo enaj walōk ñōn juōn bwilik ak juōn ra eo rej mwijit jen wijki eo? Ewi kōtan eo am nab Dri Lomor eo einwōt kōtan eo an bwilik eo im ken wijki eo?
- Ilo an Iroj keidi men ken, ta eo dri kalip ro rar kōmōne nan ra ko ilo wijki eo rejab kalle kin mōna? (Lale Jon 15:2.) Ta eo ear kōmōne nan ra ko rej kalle kin mōna? Ta eo in ej jelet kij kake?
- Jisōs ear katakin, “Jabdrewōt eo ejab iba, im ijjab iben eban kale kin elōñ len ko, im jabdrewōt eo iba im na iben naj kale kin elōñ len ko: bwe elañe ejab na kom ban kōmōn jabdrewōt” (Jon 15:5). Ewi am lo menin emol?
- Ekkar ñōn Jon 15:13, ta juōn ian kamōl ko an elap kin yokwe? Ta eo menin ej jiroñ kij kin yokwe eo an Dri Lomor ñōn kij?

Jet Melele Ko ñõn Katak

Wewein kein rej ñõn jibañ im kōkōmōnmōnlōk kilen katakin. Komaroñ kōjberbal juõn ak ruo ian wewein kein ilo am kōmōne katak eo.

1. Bōk ibed etan Kraist

Ilo ien eo kwōj kemlelik kin kwojkwoj eo, komaroñ kōnan kemleleik kajitok kein kin bōk ibed etan Kraist. Jet ian uwak kein rej itok jen konono ko an Elder Dallin H. Oaks ilo April 1985 general conference (lale Conference Report, Apr. 1985, 101–5; ak *Ensign*, May 1985, 80–83).

- Net eo jej bōk etan Kraist ibed?
 - a. Elañe jenaj baptais ilo Kabuñ eo an (2 Nephi 31:13; Mosiah 25:23; Moroni 6:3; D&C 18:22–25; 20:37).
 - b. Ilo ad kōkal bujen kalimur ko ilo ad bōk kwojkwoj eo (Moroni 4:3; 5:2; D&C 20:77, 79).
 - c. Ilo ad kwalok ad tōmak ilo e.
 - d. Ilo ad bōk ibed maroñ eo ñõn jberbal ilo etan im kōjberbal maroñ in.
 - e. Ilo ad bōk kunar ilo kien ko ilo tempel.
- Ta ko jej kalimur kaki ilo ad bōk etan Kraist?
 - a. Jej kamōl maroñ ko ad nan kōmōniijerbal ko an ailõñ eo an im lõmnak ko ad bwe jen jberbal ñõn e na jemlokin (D&C 20:37; Moroni 6:3).
 - b. Jar kalimur bwe jenaj lore ilo ad lukkun kōnan bōkake e im ukwelōk jen jerawiwi ad (2 Nephi 31:13; Mosiah 5:8).
- Ta eo Jisōs Kraist ear kalimuri kij kake elañe jenaj bōk etan ibed? (Jenaj erom ro nejìn kōrā im man, kwalok kin etan. Ro nan kir ir ilo etan ilo ran eo eliktata renaj bōk mour indreo; lale Mosiah 5:7–9; 15:12; Alma 5:14; 3 Nephi 27:5–6; D&C 76:55, 58, 62.)

2. Juõn pija nan kwalok

Mōttan eo kein kalalim eo “New Testament Customs,” juõn mōttan jen *New Testament Video Presentations* (53914), ekōba melele eo kin kejota eo ilo Kalimur Ekāl. Mōttan in emaroñ jibañ ro ilo kilaj eo loe lajrak ko ilo kejota eo eliktata im melele kin katak ko ñõn dri kalor ro “atrok ion upõn Jisōs” (Jon 13:23).

3. Men ko kilaj ear kōmōni

Men in etale ko einwõt “Na vain emol” emaroñ bin ñõn an ro emõn drettair melele kake. Ñõn kalikar yokwe eo an Jisōs ñõn kij, kir juõn ak ruo ian kilaj eo ñõn air kwalok ekijkan an Jisōs kwalok an yokwe ir, im lelōk kajur einwõt an vain eo lelōk kajur ñõn ra ko. Lelōk ien ñõn air keboje juõn wiik iman, im jiroñ ir bwe ren bukõt jibañ jen Jitōb Kwojarjar ñõn jibañ ir kelet iminene eo enaj emõn.

Un eo Ññon kōketak kilaj ññon air bukōt Jitōb Kwojarjar im kebak lōk Jemedwij Ilañ im Jisōs Kraist.

- Kebojakjak**
1. Konono, kōlmenlokijen, im kar kin lajrak in jeje ko rekwojarjar kein:
 - a. Jon 16:1–15. Jisōs ej keboj Dri Jilōk ro ññon air naj iōn ien ko rebin elikin an naj drebal. Ej katakin ir kin jerbal eo an Jitōb Kwojarjar, im kalimur ko renaj bōki kin Jitōb Kwojarjar, im kalimur ko renaj bōki kin Jitōb Kwojarjar.
 - b. Jon 16:16–33. Jisōs ej kwalok kin an naj mij im jerkakbiji, im ej karōñ Dri Jilōk ro bwe ilo “e ren kab ainemōn.”
 - c. Jon 17. Jisōs ej jar kin ro Dri Jilok im aolep ro rej tōmak ilo e.
 2. Kakobaba ññon riit: Jon 14:16–31; 15:18–27; 3 Nephi 19:19–36; Doctrine and Covenants 132:21–24.
 3. Elañe kwōj kōjerbal makitkit ko bwe en wōr an kilaj eo itok limo, bōktok ruo bōk (ak pijaik ruo bōk ko ilo chalkboard eo). Kōmōni ruo pepa ko ññon an jei nan ko ie, *Jitōb Kwojarjar*, im eo juōn me ej ba *Mour Indreo*.
 4. Lōmnak ko ññon katakin: Kōba am jar ññon tōl an Jitōb, im kajitok bwe kilaj eo an maroñ bōk tōl an Jitōb kin mōl eo ilo katak eo.

**Elmokot In Katak
ññon Edroklōk**

Makitkit Ko Bwe
En Wōr Itoklimo

Elañe ekkar, kōjerbal lajrak in makitkit kein ak juōn eo kwōj lōmnake mokta jen am jino katak eo.

Kwalok bōk ko ruo (ak jei bōk ko iōn chalkboard eo). Ba uwan kilaj eo en konono kin kain menin lelōk kar kōnan.

Kemleleik bwe juōn ian men ko ilo bōk ro rej juōn ian men ko ilo mour in im jekōnan bōki. Menin letok eo ilo bōk eo juōn ej men eo Irojij ej ba, “men in letok eo elap tata jen Anij” (D&C 14:7).

Kemleleik bwe ilo katak in kilaj eo enaj jelā ta men in letok kein, im ewi wewein kōjerbali.

Konono Jen Jeje
Ko Rekwojarjar I
m Kōjerbali

Ilo am katakin kin eon kein walōk ekijkan an nan ko an Jisōs ññon Dri Jilok ro jerbal ññon kij. Kōketak kilaj eo ññon air kwalok iminene ko air ikijen katak eo.

1. Jisōs ear kalimuri Dri Jilok ro an bwe renaj bōk menin letok eo kin Jitōb Kwojarjar.

Kemleleiki Jon 16:1–15. Kir kilaj eo bwe ren konono eon ko emōj keleti ilo air kelap ainikier.

- Ilo awa ko eliktata in an walōk ilo mour in, Jisōs ear katakin im kōkajur Dri Jilok ro an. Etke Dri Jilok ro rar aikuij in kōkajur ilo tōre in? (Lale Jon 14:26; 15:26; 16:7–14. Kelajraki uwak iōn chalkboard eo einwōt in ilal.)

Dri Lomor ear jiroñ lok Dri Jilok ro bwe enaj jilkintok Dri Kainemōn eo (Jitōb Kwojarjar) ñōn ir (Jon 16:7). Ta jerbāl eo an Jitōb Kwojarjar? (Lale Jon 14:26; 15:26; 16:7–14. Kolajrak uwak ko ion chalkboard eo einwōt an walok ijin ilōl.)

Jitōb Kwojarjar eo:

- a. Kainemōn (Jon 14:26).
 - b. Katakin (Jon 14:26).
 - c. Bōktok mōl ñōn men ko jej kememeji (Jon 14:26).
 - d. Kamōl kin Dri Lomor eo (Jon 15:26).
 - e. Tel kij ñōn aolep jimwe (Jon 16:13).
 - f. Kwalok ñōn kij men ko renaj itok (Jon 16:13).
 - g. Kaibuijuij Dri Lomor eo (Jon 16:14).
- Dri Jilok ro Joñoulruo rar loe im kamōl kin Jitōb Kwojarjar ilo tōre ko Jisōs ear jerbāl ilo mour in, bōtab rar jab bōk menin letok eo kin Jitōb Kwojarjar mae ien elikin mij im jerkakbije eo an Kraist (Jon 20:22). Ta oktak eo ikōtan kamōl kin Jitōb Kwojarjar im menin letok eo kin Jitōb Kwojarjar? (Lale tokjen kein ilal.) Ekijkan am bōk kin menin letok eo kin Jitōb Kwojarjar ej jibañ yok?

Elder Dallin H. Oaks ear katakin:

“Kamōl ko kin Jitōb Kwojarjar rar letok ñōn tel ro rej mōl im bukōt mōl eo ilo gospel im enaj kemleleik ir bwe ren ukwelōk im baptais. Menin letok eo kin Jitōb Kwojarjar ej juōn eo elap an aurok. . . . [Ej] kōba jimwe eo ñōn bōk ijoko kunar ñōn ro jet, eo im 'jekōnan bwe Jitōb eo an en bed wōt [ibed]’ (D&C 20:77).

“Juōn eo ekāl ilo kabuñ im im ear baptais ear jiroñ tok iō kin men ear eñjake ke ej bōk menin lelōk eo Jitōb Kwojarjar. Ej juōn kōrā eo elap an tōmak im dri Christian im elap an jolōk ien ko an im jibañ ro jet. Ejelā im yokwe Iroj, em emōj an eñjake kamōl ko kin Jitōb eo an Kraist. Ke ej bōk meram eo ear kōba tok im bōk jikin gospel, inem ear baptais im elder ro rar likit beier iōn bōran im lelōk menin letok eo kin Jitōb Kwojarjar. Inem ear kwalok nan kein, 'Iar eñjake emakit eo an Jitōb Kwojarjar ilo an bed iba im ej juōn eo ekajurlōk jen aō kar eñjake mokta. Ear einwōt juōn jera eo mokta eo ear tel iō moktalōk ak kiō ej itok im bed wōt iba” (ilo Conference Report, Oct. 1996, 80; ak *Ensign*, Nov. 1996, 60).

Elañe kwonaj kōjerbāl makitkit ko ñon itoklimo, dror juōn ian gift bōk ko im kwar dror nan eo, *Menin Letok eo Jitōb Kwojarjar*.

- Elikin ad bōk menin letok eo Jitōb Kwojarjar, ewi ad naj jet ro rej bed ilo juōn mour eo emōn ilo an Jitōb Kwojarjar eo mōttad? (Lale Jerbāl 5:32; D&C 6:14; 20:77, 79; 76:116; 121:45–46.) Ewi ad maroñ kile kin eñjake eo an Jitōb Kwojarjar? (Lale Galatia 5:22–23; D&C 6:15, 23; 11:13.)

Dri Kanan Boyd K. Packer ear kwalok: “Jitōb Kwojarjar ej konono ilo juōn ainikien eo elaplōk an eñjake jen ñe kwōj roñjake. Ej kalikar bwe juōn ‘ainikien eo edrik.’ Im ilo ad kenan kin ‘roñjake’ ainikien ak unojdrikdrik eo an Jitōb, eka an kemleleik kin juōn eo jej *eñjake* ilo kij. . . . Mōdenlōk ro rej itok nan ko jej *eñjake* elaplōk jen nan ko jej roñ kin *lojilñir*” (ilo Conference Report, Oct. 1994, 77; ak *Ensign*, Nov. 1994, 60).

Ilo juōn etōnak eo ear etal ñōn Dri Kanan Brigham Young, Dri Kanan eo Joseph Smith ear jiroñ e bwe en katakin ro remōn me “Jitōb in Iroj . . . enaj unojdrikdrik ilo ainemōn im mōnōnō ñōn air ñōñ kōmōn emōn, bōk mantak jimwe im kalek ailōñ eo an Anij” (*Manuscript History of Brigham Young, 1846–1847*, comp. Elden J. Watson [1971], 529).

2. Jisōs ej kwalok kin naj mij im jerkakbije eo an.

Konono im kemleleik eon kein emōj bōk jen Jon 16:16–33.

- Elikin an Jisōs katakin Dri Jilok ro an kin Jitōb Kwojarjar, eba ñōn ir bwe mōttan tok jidrik ien em enaj mij im jerkakbije (Jon 16:16–20). Inem eba, “Men kein emōj aō jiroñ kom kaki, eo ilo an naj ainemōn” (Jon 16:33). Ta melelein an ba ainemōn ilo e? Ta eo jemaroñ jelā kin katak eo an Jisōs ilo Jon 16 im enaj jibañ kij bwe jen ainemōn ilo e? (Lale kab Pilippi 4:7–9; D&C 59:23.)
- Jisōs ear jiroñlōk Dri Jilōk ro, “Ilo lal komij iñtan: ak komin mōnōnō; Na ikar bōk anjo jen jal” (Jon 16:33). Ewi jelālōkjen eo Jisōs ear anjo kake jen lal in ej jibañ kij bwe jen mōnōnō elañe jej iōn bōktak ko an lal? Ewi an aurōk bwe jen ro rej mōnōnō?

3. Jisōs ej kōmōne kelajrak in jar eo elap.

Konono im kemleleik Jon 17, eo im ebed juōn an Jisōs jar ear kōmōne mokta jen an intañ ilo jikin kalib Getsemani im iōn drebail eo. Jar in ekka air naetan jar in kelajrak eo elap kinke ilo an Jisōs jar, ej bōk jikin, ak jutak ikōtad im Jemedwij Ilañ, bwe en akwelap kin lomor eo ñōn kij. Bukōt Jitōb bwe en kwalok ñōn yok eon ko kwōj bukuti ñōn konono im etale.

- Ilo an Jisōs jino jar eo an, ewi an kemleleiki kin jermal eo an iōn lal? (Lale Jon 17:1–2; lale kab Moses 1:39.) Ewi an kar kadedelōk jermal eo an?
- Ilo jar eo an, Dri Lomor eo ear ba, “Enin ej mour eo ñōn indreo, bwe ren jelā bwe kwe wōt juōn im Anij emol, im Jisōs Kraist, eo kwar jilkin tok” (Jon 17:3). Ewe jelā kin Jemedwij Ilañ im Jisōs Kraist eoktak jen jelā wōt im bed bajok? Ewi ad maroñ itok im jelā kake erro? (Lale 1 Jon 4:7–8; Mosiah 5:10–13; Alma 22:18; D&C 18:33–36; 132:21–24.)

Elañe kwonaj kōjermal makitkit ko ñōñ itoklimo, likit nan eo kwar je *Mour Indreo* iōn gift bōk eo kein karuo. Kir juōn ian ro uwan kilaj eo bwe en konono *Doctrine and Covenants* 14:7.

- Ilo mōttan eo jinoin ilo jar eo an, Jisōs ear kemleleiki kin men ko ear kōmōni ñōn an dredrelōk jermal eo rar kiri ñōn e (Jon 17:4–8). Ewi ad kwalok ñōn Jemedwij Ilañ kin jermal ko jej kōmōni? Ewi an maroñ jelet kommon ko ad elañe aolep boñ jej kwalok tokjen jermal ko ad jar kōmōni ñōn e ilo ran eo ej jemlōk ilo jar ko ad?
- Mane Jisōs ear jelā bwe enaj lap an iñtan, wōn eo ear jar ñōn e? (Lale Jon 17:6–9, 20.) Ta eo jemaroñ jelā jen menin?
- Ewi bwe jen maroñ, einwōt Jisōs im Dri Jilōk ro an, mour ilo lōl im “jab bo iben lōl”? (Jon 17:14; lale bar eon 15–16).

Elder M. Russell Ballard ear ba:

“Ilo Kabuñ in, ekka ad kwalok ilo ruo ko, ‘Bed ilo lalin ak jab jen lalin.’ Ilo ad etale pija ko ilo TV ko rej kwalok kin men ko rejab emōn, irre ko, moro ko im

elõñ men ko rejekar, jet ien ej kwalok kin jet men ko remõn im ejelõk ilo mour ko ad im remenin aurõk ilo mour ko ad. Jet ien jej lõmnak im kõnan bwe jen kalbuiji lõl in ilo jet ko im bõk bamle ko ad jene. . . .

“Bõlen jemaroñ kwalok men kein ruo mokta im ej kemleleik bwe rej einwõt ruo kein kamõl ko rejibel jen droñ. Mokta, ‘*Bed ilo lalin.*’ Jej aikuij bõk kunar; jej aikuij in bõk melele. Jej aikuij in melele im jelã kin manit im bõk men ko rekka. Kõmõne jet jibañ ko elap tokjer ñõn jukjuk in bed eo jen jeral ko im men ko jej bõk kunar jeni. Kein karuo, ‘*Einwõt ñe jejab bed ilo lalin.*’ Jab lor ial ko rejab jimwe ak ankeke me renaj kõmõn bwe jen jab lor jejjet im jimwe eo.

“Jej aikuij iñtan ñõn ukõt men ko rejab emõn ilo kelet ko ad im rej walõk ilo pija ko im jukjuk in bed ko ad ilo ad debij wõt ilulu ko im jumae ko ilo moko imõd. Ikijen aolep men kein renana ilo lal in, im ikijen aolep men ko remõn jej loi iben aolep, jejab aikuij in bõk kij ak ro nejid jen lalin. Jisõs ear ba, ‘Ailõñ in lañ ej einwõt juõn kein kawe ak yeast (Mattu 13:33). Jar iten lelõñ tak lal in im jibañ aolep bwe ren wanloñtak jen nana ko rej kabõl kij. Dri Lomor eo ear jar ñan Jemen:

“ ‘Ij jar bwe kwon jab bõk ir jen lalin, ak bwe kwon kejbarok ir jen eo enana’ (Jon 17:15)” (ilo Conference Report, Apr. 1989, 101; ak *Ensign*, May 1989, 80).

- Ewi an Jemedwij Ilañ im Jisõs Kraist “juõn,” ej kwalok ilo Jon 17:21–22?

Konono kin Jemedwij Ilañ, Jisõs Kraist, im Jitõb Kwojarjar, Dri Kanan Gordon B. Hinckley ear ba: “Rej jibil jen droñ, ak rej juõn wõt ilo lõmnak im kõtobar. Rej kõba im winwõt juõn ilo air bõktok tokjen ko, im kõmõn bwe karõk eo en bõk jikin ñan lomor im mour eo ejelõk jemlokin ñan ro nejin Anij. . . . Ej juõn iben droñ eo ebolemen ikõtã Jemen, Nejin, im Jitõb Kwojarjar im ej kabin rein jilu ñan juõn wõt ilo aibuijuij eo an Anij eutiejtata” (ilo Conference Report, Oct. 1986, 69; ak *Ensign*, Nov. 1986, 51).

- Etke emenin aurõk ñan Dri Jilõk ro bwe ren juõn wõt? (Lale Jon 17:22–23.)
Etke jej aikuij in kõba iben Jemedwij Ilañ im Jisõs Kraist? iben ro jet ilo Kabuñ in? ilo bamle ko ad? Ewi wewein ad maroñ jibañ kalaplõk iben droñ eo ilo kadkad kein? (Lale Jon 17:26; Mosiah 18:21; D&C 35:2.)

Jemlokin

Kajitõk iben ro uwan kilaj eo bwe ren kwalok kin wewein air eñjake elañe rejelã bwe juõn ej jar kin ir. Kirtok ir bwe ren etale ewi air maroñ eñjake elañe Jisõs ear bed iber ilo an kwalok jar eo an kin kij. Kemleleik bwe jar in kelajrak eo emaroñ jibañ kij bwe jen bõk menin letok eo emõn im ejjej uwan eo ej mour indreo im Dri Lomor eo ear letok ñan kij. Kamõl bwe jenaj kejamõn ilo an iñtan im lor kalimur ko an Jitõb Kwojarjar im erom juõn wõt iben Jemedwij Ilañ im Jisõs Kraist.

Jet Melele Ko Ñõn Katak

Wewein kein rej ñõn jibañ im kõkõmõnmõnlõk kilen katakin. Komaroñ kõjeral juõn ak ruo ian wewein kein ilo am kõmõne katak eo.

Kirtok Jitõb eo

Ñõn jibañ ro ilo kilaj eo bwe ren kile im eñjake emakit eo an Jitõb Kwojarjar, konono kake jet iair mokta jen katak eo, ba kajojo iair ren itok im kelet juõn ian men kein kwar keboji ñõn kõmõni ilo katak eo:

- a. Konono ilo eon ko remõn ilo katak eo.
- b. Kwalok nan in kamõl ko.
- c. Al juõn al ebidroro kin Dri Lomor eo.
- d. Kwalok yokwe ñõn Jemedwij Ilañ im Jisõs Kraist.
- e. Kwalok juõn ian jermal ko an jitõb emõj air loi (elañe ekkar).

Elikin an dredrelok kõmõne katak eo ilo kilaj, kir tok ro uwan kilaj eo ñõn air kwalok ewi air eñjake ilo katak eo ear walõk. Konono nan ko jen Dri Kanan Boyd K. Packer ilo peij 99–100, im jibañ ro uwan kilaj eo ñõn kile eñjake ko rej itok jen Jitõb Kwojarjar. Kananik ir kin ewi am eñjake elañe Jitõb Kwojarjar ej tel yok.

“A En Jab Ankil Aō, A Ankil Am”

Katak
25

Mattu 26:36–46; Mark 14:32–42; Luk 22:39–46

Un eo Ññon kakajur nan in kamōl ko an ro ilo kilaj eo bwe ren maroñ in bōk jolōk bwir, ainemōn, im mour indreo ej kin Binmour eo an Jisōs Kraist.

Kebojakjak

1. Konono, kōlmenlokijen, im jar kin lajrak in jeje ko rekwojarjar kein, im rej kemleleik kin men ko Dri Lomor eo ear kōmōni ilo jikin kallip Getsemani: *Mattu 26:36–46; Mark 14:32–42; im Luk 22:39–46.*
2. Kakobaba ññon riit: 2 Nephi 2:5–8; Alma 7:11–14; 34:8–16; 42:1–31; Doctrine and Covenants 19:15–24.
3. Elañe pija eo me Jisōs Praying in Gethsemane (16275; Gospel Art Picture Kit 227) ebed, kōjerbale ilo katak eo.
4. Kir jet ian ro ilo kilaj eo ññon air bojak in kwalok ikijen melele ko im eñjake ko air kin Binmour eo an Jisōs Kraist ilo air konono ilo eon ko rej konono kake Binmour ro an, bareinwōt kin melele ko rej walōk ilo al in sacrament eo.
5. Lōmnak ko ññon katakin: Iroj ear ba, “Komin jab bukōt mokta ñan kwalok kin nan ko aō, ak komin bukōt mokta ñan ami mour kaki” (D&C 11:21). Nan katakin ilo juōn wewein eo ejimwe, kwo aikuij katak im etali aolep ien. Ññon kakajur nan in kamōl eo am kin kajur im mōl eo ko ie.

Elmokot In Katak Ññon Edroklōk

**Makitkit Ko Bwe
En Ewōr Itoklimo** Elañe ekkar, kōjербal lajrak in makitkit kein ak juōn eo kwōj lōmnake mokta jen am jino katak eo.

Jet yiō ko mokta jen an Elder Orson F. Whitney ekkar ikabit einwōt juōn Dri Jilōk, ear lo juōn madenlok kin Dri Lomor eo ilo jikin Kallip Getsemani. Konono ñan kein, me rej an Elder Whitney kin men ko rar walōk ilo madenlok eo an.

“Iar lo aō bed ilo jikin Kallip Getsemani, juōn dri kamōl kin iñtan ko an Dri Lomor eo. Iar lo e einwōt ñe ij lo juōn kin meja. Ke ij jutak idebin juōn wijki ilo melaj eo, ij lo Jisōs, iben Piter, Jemes im Jon, ke rej drelōk tok ilo juōn . . . kejem jidrikdrik itu anbijmaroñu. Ej likid Dri Jilōk ro jilu ijo, elikin an jiroñ ir bwe bukelolo im jar, Nejin Anij ear wōnmanlōk wōt im jar ilo side eo rejet, ijo ea bareinwōt bukelolo im jar ie. Eja jar in wōt ilo Bible eo im ekka ad roñjake: ‘O Jema, elañe ekkar, kwon bōk cup in jen iō, enjab an kilao, ak en ankilam.’

“Ke Ej jar drenin kemjalal ej tor laltak jen turin mejen, ilo an jujeltok ññon eo. Ear juōn men eo ear kamakit iō im iar bareinwōt jañ, kin aō ban drebij aō burumōj. Aolepen buruo ear bareinwōt etal ññon iben; kin aolepen aō, im iar bareinwōt kōnan bwe in bed iben jekdroñ ta.

“Kiō Ej jutak im etal ññon ijo Dri Jilōk ro jet rej bukelolo—emōkaj air kiki! Ej jibwe airair, im karuj ir, im ilo juōn ainikien eo emera, ejab illu, ak ej kajitōk ibeir

bwe ren bar kijen mij iben ilo bar juōn awa. Ien in Ej inek aolepen jerawiwi ko an lōl iōn airan, ikijen an iñtan kin aolep armij emōn ro, kōrā ro, ajiri ro ilo an inek kij ilo mour in jitōb eo an—im rejab kōnan emmej iben men iumwin juōn wōt awa!

“Ke ej bar ilōk ñōn ijo jikin, Ej bar kōmōne eja jar eo wōt an mokta; ke ej bar roltok ej bar lo bwe rej kiki. Ej bar karuj ir bwe ren bar emej jidrik iben, im ej bar rol lōk im bar jar. Jilu allen an kōmōn endrein” (*Through Memory’s Halls* [1930], 82).

Kōmōne pija eo pija in an Jisōs jar ilo Getsemani. Kajitōk ibe ro uwan kilaj eo bwe ren lōmnak kin yokwe eo air ñōn Dri Lomor eo im wewein air eñjake elañe rar lo an jar ilo jikin Kallip Getsemani boñen eo mokta jen an mij. Kir jet ian ro ilo kilaj eo bwe ren kwalok lōmnak ko air.

Konono Jen Jeje
Ko Rekwojarjar
im Kōjembali

Katak in katak 26 rej konono kin Binmour eo an—Jisōs Kraist ilo an kar ejelōk e make einwōt juōn menin lelōk kin jerawiwi ko ad. Katak in ej bedbed iōn makitkit ko an Dri Lomor eo ilo jikin Kallip Getsemani, ak katak 26 ej kwalok kin drebail eo. Emenin aurōk bwe jen kememej kin Binmour eo an kab iñtan ko an Dri Lomor eo jimor ilo jikin kallip eo kab iōn drebail.

Dri Kanan Ezra Taft Benson ear katakin: “Ilo Getsemani im iōn Calvary, Ear kōmōne juōn jemlōk eo elap ikijen binmour eo an. Ear juōn jermal in yokwe eo elap im emake wōt ilo bwebwenato. Ear erom juōn Dri Kōllaik muri ko ad—kōtlōk kij jen lōkjar an mij, im kotlōk kij jen mij ilo jitōb renaj bōkaki nan in kalimur ko an Anij im nan in jiroñ ko an ilo gospel eo” (*The Teachings of Ezra Taft Benson* [1988], 140).

1. Dri Lomor eo ear likit iōn aolep jerawiwi ko ad im jab wenok ko otemjej.

Konono Mattu 26:36–46; Mark 14:32–42; im Luk 22:39–46. Kir kilaj eo bwe ren konono eon ko emōj keleti ilo air kolap ainikier.

- Ta eo Jisōs ear ba Dri Jilok ro an ren kōmōne ilo jikin Kallip Getsemani? (Lale Luk 22:39–40.) Etke Jisōs ear kajitōk iben Dri Jilok ro bwe ren jar? (Lale Luk 22:40.) Ewi wewein an jar kōkajur kij ilo menin kabō ko.
- Ta eo Jisōs ear kajitōk iben Piter, Jemes im Jon ilo Jikin Kallip Getsemani? (Lale Mattu 26:38, 41. Kwalok bwe nan in waje ej melelein emejrake.) Ewi wewein an nan in jiroñ in waje, ak emejrake, jelet kij ilo ad iñtan kin gospel in? (Lale 2 Nephi 4:28; Alma 7:22; 32:26–27.)
- Etke Jisōs ear mōnōnō in etal bwe en iōn menin iñtan ko ilo an jelā bwe men kein renaj walōk ilo Jikin Kallip Getsemani? (Lale Mattu 26:39, 42, 44.) Ta eo jemaroñ katak jen jar eo an Dri Lomor ilo Getsemani? Ewi wewein ad jeramoñ ilo ad make lelōk kij ñan kōnan eo an Jemedwij Ilañ?
- Elikin an Jisōs ba bwe enaj kōmōne kōnan eo an Jemedwij Ilañ, “Juōn enjel ear walōk ñane jen lañ, im kakajur e” (Luk 22:43). Ta eo men in emaroñ katakin kij ikijen Jemedwij Ilañ? (Uwak ko rej, ilo ad kokajur kij bwe jen kōmōnmōn ankil an.)
- Ta eo Dri Lomor ear iōne ilo Getsemani? (Lale D&C 19:16–19; Luk 22:44; Mosiah 3:7; Alma 7:11–13.)

Elder James E. Talmage ear ba: “Iñtan eo an Kraist ilo Jikin Kallip Getsemani ej juōn men eo ebin lōmnak kake, kin joñan wewein eo ear walōk. . . . Ear iōn

juõn iñtan eo elap im abañ ñõn e im ejelõk juõn armij jen jinoin kõmõnmõn lol enañin tõbar joñan iñtan an in. Ejab ilo metak an enbwin, ak ilo lõmnak make, rar kõmõn bwe en iñtan ñõn an tõbar joñan menokaru eo ear erom bõtõklõk, ak bareinwõt iñtan ilo jitõb, einwõt an Anij, e wõt emaroñ iõn iñtan rõt in. . . . Ilo awa in intañ eo an Jisõs ear itok elõñ menin kalelnon ko an Setan, Iroj in lõl, ear iõne. . . . Ilo juõn wewein eo emol im ebin ñan melele kake, Iroj ear likit iõn aolep iñtan im jerawiwi ko ad jen Adam mantak ñõn jemlokin lõl” (*Jesus the Christ*, 3rd ed. [1916], 613).

Elder Neal A. Maxwell ear ba: “Einwõt ej mõttan karõk eo kin iñtan eo an, Jisõs ejelã bwe ekkar kaniekid wõj jenaj ella (Alma 7:11–12). Ear mij kin jerawiwi ko, iñtan ko, im . . . metak ko an aolep eman, kõrã im ajiri (lale 2 Nephi 9:21)” (ilo Conference Report, Apr. 1987, 89; ak *Ensign*, May 1987, 72).

2. Jaikuiji Binmour eo an Jisõs Kraist.

- Etke jaikuki Binmour eo an Jisõs Kraist? (Lale Alma 34:9.)
 - a. Kin wõtõlõk eo an Adam im Eve, jar ilõk ñõn mij, eo ej kin jibil eo an enbwin im jitõb (Moses 6:48).
 - b. Ñe jej jerawiwi, jej bõktok mij ilo jitõb ior kinke jej kõmõn bwe jen jibil jen Anij. Jerawiwi ko ad rej kõmõn bwe jen etton im jejab maroñ in mour iben Anij bwe e erre wõt em erre (1 Nephi 10:21).
 - c. Kinke jejab maroñ anjo iõn mij eo ad ak mij ilo jitõb ibed make, Jemedwij Ilañ ear jilkintok juõn eo ej make Wõt Nejin bwe iñtan Binmour kin kij (Jon 3:16; 2 Nephi 2:5–9).
- Ta jerammõn ko rej ñõn kij kin an kar Dri Lomor eo mij kin kij? Ewi wewein ad maroñ bõk jerammõn kein?
 - a. Kinke Dri Lomor ear make lelõk e ñõn mij inem jerkakbije, aoleped jenaj bar jerkakbije, im anjo jin mij (Mosiah 16:7–8).
 - b. Kinke ear dror aolep jerawiwi ko ad iõn, jemaroñ ukwelõk jen jerawiwi ko im enaj julak, im kõmõn bwe jen erre im mour iben Anij (Alma 7:13–14; Articles of Faith 1:3).
 - c. Kinke ear bõk aolep jab wenik ko ad otemjej, emelele kin iñtan im abañ ko ad im ejelã wewein an jibañ kij (Alma 7:11–12). Jej bõk ainemõn eo jen e ilo ad kijemij im lore (D&C 19:23).

Elder Marion G. Romney ear kemleleik bwe ilo Binmour eo an Kraist, aolep armij rej ella jen mij ilo kaniek im ukwelõk im bõkake bwe ren maroñ in mour jen jerawiwi ko air:

“Ej bõk binmour eo an Jisõs Kraist ñõn an kõbaik kaniek im jitõb k oad ilo jerkakbije. Im aolepen lõl, dri tõmak im dri jab tõmak, ir aolep rej maroñ in itok ñõn binmour eo an bwe ren jerkakbije, kinke jerkakbije enaj juõn eo edrebakbak einwõt buñ eo, ear bõktok aolep armij ñõn mij.

“Ewõr juõn bar eon kin binmour eo an im ej kõmõn bwe in yokwe Dri Lomor eo elaplõk, im kobrak aõ kin kile eo ele jen joñan aõ maroñ kemleleiki. Ej mõttan eo kin binmour eo ñõn kien eo Adam ear rube, eñin ej bõktok jerkakbije, kin iñtan ko an Dri Lomor ej kõllaik muri ko aõ kin jerawiwi ko aõ make. Ear kolaik muro ko am im aolep armij ikijen jerawiwi bwe jen maroñ in bar mour im tõbar bar mour eo tokelik. Wewein in ear karõke. Wõnen iñtan in kin jerawiwi ko ad kajojo eban itok ñõn kij ilo an kar jab karõk ejja ilo melele

in wõt bwe jerkakbije enaj itok ekkar ñõn ta ko jej kômõne. Elañe jenaj bök jerammõn ko ikijen binmour eo ñõn kajojo ilo ad bökake kien ko an.

“. . . Ñe jej kômõn jerawiwi, jej kõtollök kij jen Anij im jejab ekkar ñõn bed iman mejen. Ejelök juõn men etton enaj drelõñ lõk iben. Jekdroñ ewi joñan ad kate kij, julök ko ilo kij make me rej jen kômõn ko ad, aj jekdroñ. Ak nana in emaroñ wõt jako kin kwalok eo kin bõtõktõkin Dri Lomor eo, inem emaroñ ba bwe emõj an jako nana eo. Ial in ej gospel eo an Jisõs Kraist. Ej gospel eo nan rej tõmak kin Dri Lomor, bök binmour eo an, ukwelök jen jerawiwi ko ad, baptais im tulök ñan kwalok jerawiwi ko ad, im bök minin letok eo Jitõb Kwojarjar ilo air likit beier ion bõram, im wõnmanlök wõt ilo tõmak im bökake bedbed in gospel eo ilo aolepen mour ko air” (ilo Conference Report, Oct. 1953, 35–36).

Kir ro kwar kir ir ilo kilaj bwe ren kwalok jet wewein ko rar bojak kaki (lale section eo “Kebojakjak”).

Jemlokin

Kwalok am kamõl im kemleleik aurök in Binmour eo an Jisõs Kraist. Elañe ekkar, kajitök iben ro ilo kilaj bwe ren kômõne eja wewein in wõt.

**Jet Melele Ko
Ñõn Katak**

Wewein kein rej ñõn jibañ im kõkõmõnmõnlök kilen katakin. Komaroñ kõjberbal juõn ak ruo ian wewein kein ilo am kômõne katak eo.

1. Kwalok video eo

Mõttan eo kein kolalim “New Testament Customs, juõn ian mõttan ko ilo New Testament Video Presentation (53914), kemleleik bwe Gethsemane melemen “olive ilo air kene.” Elañe kwonaj kwalok pija in, konono kin an jejet ijo Dri Lomor ear jar kin jerawiwi ko ad ie.

2. “Dri Kolejarak”

Elder Boyd K. Packer ear kõjberbal parebõl in kin ekijkan an Binmour eo an Jisõs Kraist korolak kij jen jerawiwi ilo ad ukwelök im bökake nan in jiroñ ko an Anij. Komaroñ kõjberbal parebõl in ñõn jibañ kilaj melele kin aurök eo an Binmour eo. Parebõl in ebed ilo lajtrak kein:

a. Gospel Principles [1997], peij 75–77.

“Ñõn Kiõ Jen Ke Iar Lotak”

Katak
26

Mattu 26:47–27:66; Mark 14:43–15:39; Luk 22:47–23:56; Jon 18–19

Un eo Ñõn jibañ kilaj eñjake yokwe eo an Dri Lomor ñõn ir, im noñ air kõlap lõk yokwe eo air ñõn E kin binmour eo an ñõn kij.

Kebojakjak

1. Konono, kõlmenlokijen, im jar kin lajrak in jeje ko rekwojarjar kein:
 - a. Mattu 26:47–75; Mark 14:43–72; Luk 22:47–71; Jon 18:1–27. Jet wõt ien elikin an intañ ilo Getsemani, Judas ear karmijete Jisõs, im itok iben pris im Parisi ro, kab dri tarinae ro. Jisõs ear make lelõk E make, im rar bõk e im ekajete E. Rar bõklõk ñõn Annas, kar juõn pris eo eutiey, inem rar bõklõk ñõn Keiapas, eo ej bõk jikin Annas, im ej belele iben liõ nehin Annas. Armij ro ijo rar kõmõni men ko renana ñõn Jisõs, im onan bwe en mij. I nõbjen mweo imõn Keiapas, Piter ej karmijete Jisõs im ba bwe ejaje E.
 - b. Mattu 27:1–26; Mark 15:1–15; Luk 23:1–25; Jon 18:28–19:16. Kin an ejellõk an dri tel ro an pris ro im elder ro an armij ro maroñ in na ruõn Jisõs, rar jilkinlõk ñõn iben Pailat, eo ej governor in Judea. Iman Pailat rej na ruõn bwe ejab erra iben Sizar. Ke Pailat ej roñ bwe E dri Galili ear jilkinlõk ñõn iben Herod. Herod emakoko in ekajete Jisõs im ear bar jilkinlõk ñõn iben Pailat, im armij ro rej lamij bwe ren drebail E.
 - c. Mattu 27:27–66; Mark 15:16–39; Luk 23:25–56; Jon 19:17–42. Rar kõmõni men ko renana ñõn Jisõs im drebail E. Iõn drebail eo ear bõk elapintañ ilo an lelõk E make menin katok ñõn lõl.
2. Kakobaba ñõn riit: Aiseia 53; Mark 15:39–47; Jon 3:16; 15:13; 1 Nephi 11:32–33; 19:7–9; 2 Nephi 9:21–22.
3. Kõmõn nan ko jiljilimjuõn (7) einwõt an walõk ilo peij 00 [110] (ak jei na iõn chalkboard eo)
4. Elañe men kein ralikar, kõjerbali iloam kõmõne katak eo:
 - a. Pija eo The Betrayal of Jesus (62468; Gospel Art Picture Kit 228); Piter’s Denial (62177; Gospel Art Picture Kit 229); kab The Crucifixion (62505; Gospel Art Picture Kit 230).
 - b. “To This End Was I Born,” juõn ian mõttan ko ilo *New Testament Video Presentations* (53914) (16 minit aetokan).
5. Lõmnak ko ñõn katakin: Ilo an dri kaki eo im dri katak rokautiej Anij, Jitõb enaj bed ilo katak ko. Kilaj ej aikuijin in anemkwoj ñõn air kõnono, bõk kunaer, ilo makitkit ko ilo kilaj eo kõmõn jabdrewõt wewein ko renaj kõmõn bwe ro jet ren jorren air katak” (David O. McKay, *Gospel Ideals* [1954], 224). Kõmõne juõn wanjoñak ñõn Anij, im kile kajojo ro ilo kilaj eo.

Elmokõt In Katak ñõn Edrõklõk

Makitkit Ko Bwe
En Wõr Itoklimo

Elañe ekkar kõjербal, lajrak in makitkit kein ak juõn eo kwõj lõmnake mokta jen am jino katak eo.

Ba uwan kilaj eo en eleklōk ñon map eo “Jerusalem in Jesus Time” (map 17 ebed ilo LDS King James Version ilo Bible eo.)

Kemleleik bwe katak in ej konono kin ien eo rar Drebaile Dri Lomor, imtako rar bōk jikier ilo ien ko. Ien kein rar kōmōn ilo ijoko im rej walōk ilo map eo. Jibañ kilaj bukōt jikin kein; (1) jikin kallip Getsemani, (2) mweo imōn Keiapas, (3) court eo an Dri Ailōñ ko, (4) Wōrwōr Antonia (mweo imōn Pailat), im (5) Bat eo Golgota (Latin Bor).

Elañe kilaj eo ej kwalok Bat eo Golgota, kemleleik bwe ijo Jisōs ear drebaile ie. Kwalok pija eo ke ej Drebaile. Ba uwan kilaj eo en lōmnake juōn ajiri eo ej lale pija eo im kajitōk, “Etke Jisōs ear mij?” Kir ñōn kilaj eo bwe en lōmnake naj kar ta uwak ko air ñōn kajitok eo an ajiri eo. Jiroñ ir bwe kwonaj kajitok men kein ilo jemlokin lōk katak eo.

Konono Jen Jeje
Ko Rekwojarjar
Im Kōjebali

Ilo am katakin kin eon kein, jibañ kilaj ñōn air melele kin yokwe eo an Dri Lomor ilo an kwalok kin ro rej mane im drebaile E.

1. Rej karmijete Jisōs, jibwe im naruōn im ba ej konejne; Piter ej karmijete jilu alen.

Konono Mattu 26:47–75; Mark 14:43–72; Luk 22:47–71; im Jon 18:1–27. Kir ñōn kilaj ñōn air konono eon ko emōj kojelōki ñōn air konono ilo air kōlap ainikier. Komarñ bar konono kin katak in einwōt an walōk ilo la ilo “Kebojakjak” section eo. Kwalok pijain Jisōs ilo air liakake lōk ilo jikin kallip Getsemani.

- Ekijan an Piter kōmōn ñōn armij ro rar itok ñōn jikin Kallip Getsemani ñōn air bōk Jisōs? (Lale Jon 18:10.) Ekijkan an Jisōs kōmōn ñōn armij rein? (Lale Luk 22:51–53; Jon 18:11–12.) Etke Jisōs ear make lelōk E bwe ren bōke? (Lale Mattu 26:53–54; Jon 10:17–18. Kemleleik bwe ej kōnan eo an Jemedwij Ilañ bwe Jisōs en likit mour eo an kin kij.)
- Dri tel ro an pris im elder ro an Dri Ju ro rej na ruōn Jisōs im ba ej konejne; juōn kakien eo ej ñōn mij (Mark 14:64). Ekijkan wewein kōnejne? (Einwōt oktak jen Anij, ba joñan wōt Anij.) Ta eo Jisōs ej ba pris im elder ro rej lōmnak bwe ej konejne? (Lale Mark 14:60–63.)
- Ke rej eninlōk Jisōs jen jikin kallip eo, elōñ wōt ian ro dri kaloran rar ellōk jen E im ko jen e (Mattu 26:56). Ijoke Piter im Jon rar lore E (Mattu 26:58; Jon 18:15; ewōr lōmnak ko bwe dri kalor eo rejab ba etan ilo Jon 18:15 ej Jon). Ta eo Piter ear kōmōn ke armij ro iturin mweo imōn Keiapas rej bwe ejala kin Jisōs? (Mattu 26:69–74.) Ta eo Piter ear kōmōne ke ej kile bwe ear karmijete Jisōs? (Lale Mattu 26:75; kab lale eon 33–35.)

Kwalok pija in an Piter ilo an karmijete Jisōs.

- Ekijkan jet iad Piter, jet ien jej karmijete tōmak eo ad? Ta eo jemaroñ katak jen Piter elikin an kar karmijete Iroj?

Dri Kanan Gordon B. Hinckley ear ba:

Buruō eburyomōj kin Piter. Elōñ iadwij jej einwōt. Jekōnan bwe jen mōl; im jej kate kij bwe jen beran, jet jej kwalok meñe ijoko elōn armij ie, bwe jenaj kōmōn men ko rejejet jekdon ta eitok iman, im bwe jenaj mōl ñōn kij make im ñōn ro jet.

“Elikin men ko rebin rej jino air laplök. Jet ien men ko rej jen makitkit in ko ad make. Jet ien men ko im je kōnan. Jet rebwir im jekkar. Jet ien ej kwaruj lõmnak ko ad, kōmōjnoik kij. Jino ebwer jen ad kate kij bin. Ejab etto im enan ko bwe ewōr na ruōn kin jet wewein ko, im ejino an dren in kemjalal wōtlök kin burumōj. . . .

“ . . . Elaņe ewōr ro ilo Kabuņ in ilo air kōmōn, rej kariab tōmak in, I jar bwe kōmaroņ lõmnak kin wanjoņak eo kin Piter, eo ear lõmnak bwe ear etetal iben Jisōs aolepen ran ko, ak ilo awa eo ebin ñon e, ear karmije Iroj eo an, im kamōl eo ear bōk iben ilo ran in mour ko an. Ak ear bar jerkak jen men in kwalok an kamōl kin Jisōs ilo an kajur. Kin men in ewōr ial ñon ro rej ettōr ilo ial eo Piter ear bōke, emaroņ bar kokajur lōk e ñon an kalek ailin eo an Anij” (“And Peter Went Out and Wept Bitterly,” *Ensign*, Mar. 1995, 2–4, 6).

2. Jisōs Emōj na ruōn bwe en drebail.

Konono im kemleleik eon kein emōj kōjōnlōki jen Mattu 27:1–26; Mark 15:1–15; Luk 23:1–25; im Jon 18:28–19:16. Komaroņ bar kemleleik kin bwebwenato eo ej walök ilo 1*b* ilo “Kebojakjak” eo.

- Ke Pailat ej jelā bwe Jisōs ej jen Galili, ear jilkinlök ñon iben Herod, eo im ej governor in Galili (Luk 23:6–7). Etke Herod “ear lap an mōnōnō” in loe Jisōs? (Lale Luk 23:8.) Ekijkan an Dri Lomor uwak kajitök ko an Herod? (Lale Luk 23:9; keidi eon in ñon kanan eo an Aiseia 53:7.)
- Elikin an Herod im ro mōttan na ruōn Jisōs, rar bar korole ñon iben Pailat (Luk 23:11). Ta jemlök eo an Pailat kin Jisōs? (Lale Luk 23:13–17; kab lale Luk 23:4.) Etke Pailat ear ba ren drebail e Jisōs? (Lale Mattu 27:15–24; Mark 15:6–15; Luk 23:18–25; Jon 19:1–16.) Ekijkan ad maroņ einwōt Pailat jet ien jej kajeoņ in ko jen ad kōmōni jemlök ko rebin?
- Juōn ian kajitök ko an Pailat ñon Jisōs elaņe E ej juōn king, Jisōs E uwak, “Ñon kiō jen ke iar lotak, im kin men in iar itok ñon lōl, bwe in kamōl kin mōl eo” (Jon 18:37). Ilo wewein rōt Jisōs ej juōn King? (Lale Sam 24:10; Aiseia 44:6; Reveleson 11:15; 15:3; 2 Nephi 10:14.) Ta melelein men in “ailin eo aō e jab jen lōl”? (Jon 18:36).

3. Rej drenlōke im drebail Jisōs

Konono im kemleleik eon ko emōj kojenołōki jen Mattu 27:27–66; Mark 15:16–39; Luk 23:26–56; im Jon 19:17–42. Kwalok pija in air Drebaile E.

- Ta eo armij ro rar kōmōne ñon Jisōs ke rej ba bwe en drebail? (Lale Mattu 27:27–44; Luk 23:34–39.) Etke Jisōs ear kotlök bwe armij ro ren liakake lōk? (Lale 1 Nephi 19:9.)

Jeje ko rej kwalok jiljilimjuōn (7) nan ko Jisōs ear kwaloki ke ej bed iōn drebail eo. Konono im etali eon kien rej elajrak ijin ilal. Ilo ami konono kwalok nan ko emōj jei, ak jeje iōn chalkboard eo.

1. Luk 23:34. “Jema kwon jolök rueir; bwe re jaje ta eo rej kōmōne.”

- Jen ukok eo an Joseph Smith jej jelā bwe ke Jisōs ej kwalok nan kein ej jar kin dri tarinae ro an Rom im rar drebail E. Tao eo ej kwalok in E? Ekijkan ad kōmōn ñon ro rej kōmōn ñon kij ekkar ñon mour in? Ekijan ad naj jerammōn elaņe jenaj lor wanjoņak eo an Jisōs?

2. Luk 23:43. *Ñõn dri kowadon eo ear ukwelõk: “Emol Ij ba ñõn yuk, rainin kwonaj bed iba ilo paredais.”*

3. Jon 19:26–27. *Ñõn jinen Meri: “Kõrã lo nejim! Ñõn Jon: “Lo jimon!”*

- Wõn eo Jisõs ej lõmnak kake ilo ien eo ej intañ iõn drebail? (Lale Luk 23:43; Jon 19:26–27.) Ta eo jemaroñ katak jen men in? (Elañe ewõr kajitok ko ikijen nan ko an Jisõs ilo Luk 23:43, lale kilen katak eo kein kajilu.)

4. *Mattu 27:46; Mark 15:34, “Aõ Anij, aõ Anij, etke kwar ellõk jen Iõ?”*

- Ta eo Jisõs ear iõne iõn drebail ñõn an melele im jibañ kij ilo ad make iad? Etke emenin aurok ñõn ad jelã bwe Dri Lomor ear jab intañ wõt kin jerawiwi ko ad, ak kin ad make iad im burumõj im mijak?

“Elder Jeffrey R. Holland ear ba: “Kinke E ar juri kein joniok wain ilo an make ian ikijen binmour eo, emaroñ ke intañ ilo wewein eo ebin tata im metak? Wewein in ejab kin relõklõk, im drila, ak kin an make ian im bõk intañ in. . . . “Aõ Anij, aõ Anij, etke kwar ellõk jen iõ?” (Mark 15:34). Emaroñ ke bõk aolepen jerawiwi ko ad, mijak ko ad, kab jol ko ad? “E ar, im E naj” (ilo Conference Report, Oct. 1989, 32, ak *Ensign*, Nob. 1989, 26).

5. Jon 19:28. *“Imaro.”*

- Meñe elõñ men ko men in kaintañ E, juõn wõt men eo ear kwalok an aikuiji. Ta eo rar lelõk ñõn E ke ej ba emaro? (Lale Jon 19:29.)

6. Jon 19:30. *“Emõj.”*

- Ekkar ñõn ukok eo an Joseph Smith, Jisõs ear ba, “Jema, emõj, men otemjej kwar kõnan” (Mattu 27:50 footnote 50a.) Etke Dri Lomor ej aikuij in mij ñõn kajijet kõnan eo an Jemedwij Ilañ? (Lale 2 Nephi 9:5; 3 Nephi 27:13–16. Elañe kwõj kõjberbal makitkit ko ñõn kõmõn bwe en itok limon kilaj eo, kir kilaj bwe ren kwalok melele ko air ilo air uwake kajitok eo an ajiri eo.)

Dri Kanan Spencer W. Kimball ear ba: “Emenin aikuij bwe en mij, bwe en maroñ kobellõk lup ko, einwõt an lup eo an bellõk. Elañe ear jab kin marok eo kin drebail eo, eban kar wõr jerkak jen lup” (ilo Conference Report, Apr. 1975, 4; ak *Ensign*, May 1975, 4).

7. Luk 23:46. *“Jema, ilo peim Ij lewoj aõ.”*

Elañe kwõj kõjberbal video eo “To This End Was I Born,” komaroñ kwaloke kiõ.

Jemlokin

Kemleleik bwe nan ko an Dri Lomor jinoin tata ej, ilo mour eo mokta, “Na E, kwon jilkinlõk iõ” (Abraham 3:27). Nan ko an ke ear jino mour ilo mour in ej, “Ij aikuij in kõmõne jermal ko an Jema” (Luk 2:49). Ibwiljin nan ko an eliktata, ilo mour in, “Jema emõj aõ kõmõnmõn Ankilam” (Joseph Smith Translation—Matthew 27:54; lale Mattu 27:50 footnote 50a). Jisõs ear jab likjab jen kõnan eo an Jemen kin jermal eo E ar itok kake. Emaroñ kar kir ñõn enjel ro bwe ren jibañ E, ak ear jab (Mattu 26:53–54). Meñe ear intañ, ear jab ebwer im ear lelõk E make ñõn an kadede lõk jermal eo an bwe en juõn men in katok kin kij.

Kwalok in mõi eo ilo katak eo. Elañe ekkar, kir kilaj eo bwe ren kwalok kamõi ko air.

Jet Melele Ko ñõn Katak

Wewein kein rej ñõn jibañ im kōkōmōnmōnlōk kilen katakin. Kōmaroñ kōjerbal juõn ak ruo ian wewein kein ilo am kōmōne katak eo.

1. Lore wanjoñak ko an Dri Lomor ilo ien ko rebin

Wewein ko rar walōk ñõn Dri Lomor ilo ran in mour ko an eliktata rej kwalok kain armij rōt. Bar etale jet ian wewein ko rar walōk ñõn E. Elañe emōj kajitokin kajitok kein:

- Ta kain jejek in mour eo an Jisōs im emōn ilo mour eo an einwōt air kamōl kin wewein an iõn men ko re bin? (Uwak ko remaroñ, ilo an lap wōt an lōmnak kin armij ro, im jab kin mour eo an make, im ilo an make lelōk E make ñõn Jemedwij Ilañ, im ear jab kabwir ro jet kin men ko rar kōmōne ñõn E. Jei uwak ko an kilaj eo iõn chalkboard eo. Ba uwan kilaj eo en kwalok jet wewein ko ñõn kamōl kin an kōmōni wewein kein.)
- Ta ko jej kōmōne im remōn ilo ien ko jej iõn men ko rebin? Ewi wewein bwe jen maroñ lor wanjoñak ko an Dri Lomor ilo ien ko rebin?

2. “I ar karmijete bōtōktōk eo ejelōk ruõn” (Mattu 27:4).

- Ta eo Judas ear kōmōn ilo an kajeoñ in ukwelōk kin an kar liakeke lōk Dri Lomor? (Lale Mattu 27:3–5.) Ta eo jemaroñ katak jen ta eo ear walōk ñõn e, ikijen men ko lōl in ej litok ñõn kij bwe jen kōmōn jerawiwi?

3. “Rainin wōt kwonaj bed iba ilo paredais” (Luk 23:43)

Lale melele kein elañe kwōj lōmnak in kemleleik nan ko an Dri Lomor ilo Luk 23:43.

Dri Kanan Joseph Smith ear ba Jisōs ej jiroñ lōk dri kowadroñ eo, “Rainin wōt kwonaj bed iba ilo lal eo an jitōb” (*Teachings of the Prophet Joseph Smith*, sel. Joseph Fielding Smith [1976], 309).

Jen Doctrine and Covenants 138:36–37 ej kwalok bwe Jisōs ear etal ñõn lōl eo an jitōb, ilo kotan eo jen ke ear mij, kab Jerkakbiji im ear na wewein bwe jitōb ro re tōmak ren maroñ in ilōk im kwalok ñõn jitōb ro rar jab roñ kin gospel eo ilo ien eo rar mour iõn lōl in.

Mattu 28; Luk 24; Jon 20–21

Un eo Ñõn jibañ ro ilo kilaj eo eñjake im kamolol kin Jerkakbiji eo an Dri Lomor im kin jerammõn ko rej itok ñõn kij.

Kebojakjak

1. Konono, kõlmenlokijen jar kin lajrak in jeje ko rekwojarjar kein:
 - a. Mattu 28:1–15; Luk 24:1–12; Jon 20:1–10. Meri Magdalini im kõrã ro jet rej itok ñõn lup eo an Jisõs im lo an ejellõk kõbban. Enjel eo ej ba, emōj an Jisõs jerkak. Piter im Jon rej lo an lup eo ejellõk kõbban. Irojij ej walõk ñõn kõrã eo.
 - b. Luk 24:13–35. Jisõs ej etetal konono iben ruo ian dri kalor ro ilo ial eo lõk ñõn Emmaus. Re jab kile E mae ien eo ej ruje bred ñõn ir.
 - c. Mattu 28:16–20; Luk 24:33–53; Jon 20:19–31. Jisõs ej walõk ñõn Dri Jilõk ro im kwalok bwe emōj an jerkakbiji, im jiroñ ir bwe ren ilõk im kwalok gospel ñõn aolepen lõl. Tomas ej kadelõñ pein ilo kinej ko ineen im pein, kab katin.
 - d. Jon 21. Jisõs ej walõk ñõn jet ian Dri Jilõk ro ilo Lomalo in Tiberias (lomalo in Galili). Ear jiroñ lõk Piter, “Najidrik sip ko aõ.”
2. Kakobaba ñõn riit: Mark 16.
3. Kajitok iben kilaj ñõn air kwalok ilo tu-kadu in bwebwenato in Jisõs im dri kalor ro ruo ilo ial eo lõk ñõn Emmaus (Luk 24:13–32).
4. Elañe pija kein ralikar, kõjerbali ilo am kõmõn kilaj eo: Burial of Jesus (62180; Gospel Art Picture Kit 231); Jesus’ Tomb (62111; Gospel Art Picture Kit 232); or The Empty Tomb (Gospel Art Picture Kit 245); Mary and the Resurrected Lord (62186; Gospel Art Picture Kit 233); Jesus Show His Wounds (62503; Gospel Art Picture Kit 234); im The Resurrected Jesus Christ (62187; Gospel Art Picture Kit 239).
5. Lõmnak ko ñõn katakin: Nan in jiroñ eo an Irojij ñõn Piter, “Najidik sip ko aõ” (Jon 21:6–17), ej jermal ñõn aolep ro rej katakin. Jar ñõn bukõt bwe kanin jitoñ eo an itoklimo in kilaj eo ñõn air bõke. (*Lale Teaching—No Greater Call*, 3.)

Elmokot In Katak ñõn Edroklõk

Makitkit Ko Bwe En Wõr Itoklimo

Elañe ekkar, kõjermal lajrak in makitkit kein ak juõn eo kwoj lõmnake mokta jen am jino katak eo.

Kalikar kin bwebwenato in jen Elder James M. Paramore:

“Elõñ yiõ ko remotlõk . . . juõn dri jeje nuj Pepa ear kajitok juõn kajitok eo elap tokjen, “Ta enan eo elap tata ñõn an lõl in jelã kake?”

- Ewi wewein am maroñ in uwak kajitok in?

Elder Paramore ear wōnmanlōk wōt: “Dri jeje eo [lōmnak im bar lōmnak, ear kajitok iben jabdrewōt armij ñōn an bukōt uwak eo. Elikata ear je uwak eo an, ‘Ñōn jelā bwe Jisōs Kraist ej mour rainin enaj enan eo ewōr im lap tata tokjen ñōn lōl in. Ilo mōl elañe emour rainin, inem jenaj mour ñōn indreo einwōt An ba’ “ (ilo Conference Report, Oct. 1990, 80; ak *Ensign*, Nov. 1990, 64).

Kwalok pija eo ilo “Kebojakjak” section eo. Kemleleik bwe burumōj eo an dri kalor ro ear oktak im juōn mōnōnō eo elap ke Jisōs ear Jerkabbiji. Jemaroñ mōnōnō ilo ad jelā kin jerkabbije an Kraist.

Kwaloke pija eo. Kwalok ñōn ir bwe ekkar ñōn katak eo.

Konono Jen Jeje
Ko Im Kōjrbali

Ilo am katakin kin eon kein, kajitok iben kilaj eo ekijkan an Jerkabbiji jelet mour ko air. Ilo air kar jab kolajrak ikijen ien im ta ko rar bōk jikier ikijen Jerkabbiji eo, (kajojo dri jeje ro an Gospel ewōr oktak ko ilo wewein air jei bwebenato ko air, ilo lajraquier), lale wōt kamōl ko rej kwalok kin Jerkabbiji eo.

1. Meri Magdalini im kōrā ro jet rej kamōl kin jerkabbiji eo an Iroj.

Konono Mattu 28:1–15; Luk 24:1–12; Jon 20:1–10. Ba uwan kilaj en konono eon ko emōj kwaloki ilo air kwalok ainikier. Kemleleik bwe elikin an Jisōs drebail, rar kitim enbwinin ilo nuknuk emouj im likiti ilo juōn lup an Josep dri Arimetia, juōn ian dri kalor ro an Jisōs (Mattu 27:57–60; Luk 23:50–53; Jon 19:38–42). Men in ear mōkaj bwe ebak tok ran in Sabbot. Jibonin ran eo juōn Meri Magdalini im kōrā ro jet rej itok ñōn lup eo kin kein kwonajnaj ko, ñōn air kōnaje Jisōs, im kabiti.

- Ta eo Meri Magdalini im kōrā ro rar loe ke rej itok ñōn lup eo? (Lale Mattu 28:1–4; Luk 24:1–4. Lale bwe ilo Joseph Smith Translation kin Mattu 28 ej kwalok einwōt an Luk, bwe ear wōr ruo enjel. Ta eo enjel ro rar ba ñōn kōrā ro? (Lale Mattu 28:5–7; Luk 24:5–8.)
- Ta melelen an enjel ro ba, “Emōj an jerkak”? (Jisōs emōj an jerkabbiji.) Ta melelen emōj an jerkabbiji? (Lale Alma 11:42–45.) Ta jerammōn eo jenaj bōk kin Jerkabbij eo an Jisōs? (Lale I Korint 15:22, 50–58; Alma 11:42–45. Jenaj maroñ jerkabbiji im bōk enbwinin jitōb.)
- Dri Kanan Howard W. Hunter ear ba bwen nan in “Ejako ijin, emōj an jerkak” (Luk 24:6)” ej kitbuh aolep kojatdrikdrik, jelā, im tōmak eo eke ñōn ad jelmae men ko ilo mour” (ilo Conference Report, Apr. 1986, 18; ak *Ensign*, May 1986, 15–16). Ekijkan kamōl eo am kin Binmour im Jerkabbiji eo ej jibañ yuk jelmae men ko rebin?
- Ta eo kōrā ro rar kōmōne elikin an enjel eo jonono ñōn ir? (Lale Mattu 28:8; Luk 24:8–9.) Ta eo jemaroñ katak jen wanjoñak eo air?
- Meri im kōrā ro kar ir eo maktata rar loe Jisōs Kraist elikin an Jerkabbiji (lale kilen katakin eo kein karuo im kajilu). Ta unin an lap tokjen bwe Iroj en walōk ñōn armij bwe ren loe? (Lale 2 Korint 13:1.)

2. Ruo dri kalor ro ilo ial eo ñōn Emmaus rar kamōl kin jerkabbiji eo an Iroj.

Konono Luk 24:13–35. Ba ro rar bojak ikijen katak eo ren kwalok kin tarlep in eon ko.

- Etké Kliopas im eo mōttan rej inebata ke rej etal ilo ial eo ñōn Emmaus? (Lale Luk 24:13–24.) Ta Iroj ej katakin ir ilo air etal, mōjin an jerkakbiji? (Lale Luk 24:25–27.)
- Ekijkan airro eñjake ke Jisōs ej katakin erro? (Lale Luk 24:32.) Ta eo ej lelōk eñjake in? (Eñjake eo an Jitōb Kwojarjar.) Kir kilaj eo ñōn air kwalok eñjake ko air ilo an jitōb komakit ir, ilo air katak jen gospel eo im ilo air roñjake an ro jet kwalok.

3. Dri Jilōk ro rej kamōl kin jerkakbiji eo an Iroj.

Konono im kemleleik eon ko emōj kojendlōki jen Mattu 28:16–20; Luk 24:33–53; im Jon 20:19–31.

- Ta eo Dri Jilōk ro rej lōmnak ke rej loe Dri Lomor jotan eo elikin an jerkakbiji? (Lale Luk 24:36–37.) Ekijkan an Jisōs kalikar ñōn ir bwe E ej juōn eo emōj an jerkakbiji im ejab jitōb? (Lale Luk 24:38–43.)
- Ta uwak eo an Tomas ke Dri Jilōk ro rej kwalok bwe emōj an Iroj jerkakbiji? (Lale Jon 20:24–25.) Ekijkan an maroñ in tōmak bwe Iroj emōj an jerkakbiji? (Lale Jon 20:26–29.) Ewi wewein jet ien jej einwōt Tomas?

Elder Gordon B. Hinckley ear ba:

“Kwōjanin ke roñ an armij konono einwōt Tomas?” Kwalok ‘ñōn na kamōl eo, kwaloke bwe in loe, im in roñ, kab loe, elañe jab iban tōmak!’ Nan kein ekka ad roñjake ilo ran kein. Tomas Dri Bere ej wanjoñak eo ñōn aolep armij jen jinoin elañe jeban kwalok men in kamōl ko—elañe komaroñ kwalok am kamōl im kemleleik, yokwe, tōmak im men in kabwilōñlon einwōt jarom. . . .

“Ñōn ro otemjej im remaroñ roñjake ainikio im ewōr bere ibeir, ij eliji nan ko rar ba ñōn Tomas ilo an kadrelōñ pein ilo kinej ko kinjen Iroj, ‘Kwon jab bere ak kwon tōmak’ “ (ilo Conference Report, Apr. 1978, 90; ak *Ensign*, May 1987, 59).

- Ekijkan bwe jen maroñ in lore Iroj ñōn ad, “jab mōjno ilo tōmak, ak jen kajur wōt ilo tōmak”? (Jon 20:27).

4. Jet ian Dri Jilōk ro rar loe Jisōs ilo Lomalo in Tiberias (Lomalo in Galili)

Konono im etali eon ko jen Jon 21.

- Iroj ear bar walōk ñōn jiljilimjuōn Dri Jilok elikin an jerkakbiji ke rej enwod. Ewi wewein bwe ren maroñ jelā bwe Jisōs eo ej jutak iberijet? (Lale Jon 21:4–7.) Elikin air mōna, ta eo Jisōs ear kajitok iben Piter im Dri Jilōk ro bwe ren kōmōne? (Lale Jon 21:15–17.) Ekijkan ad maroñ najidrik sip ko an Iroj?
- Ta un eo bwe Jon en jei jet ian men ko Jisōs ear kōmōne elikin an jerkakbiji? (Lale Jon 20:30–31.) Ewi wewein an wōr tokjen ñōn yuk ilo am katak jen jeje ko kin Jerkakbiji eo an Jisōs?

Jemlokin

Kwalok bwe kin jerkakbiji eo an Jisōs Kraist kij jenaj bar maroñ in jerkak. Kwalok am kamōl kin kajur eo ej itok jen am jelā im melele kin Jerkakbiji im aurok eo an ñōn yuk.

Jet Mele Ko ñōn Katakin

Wewein kein rej ñōn jibañ im kōkōmōnmōnlōk kilen katakin. Komaroñ kōjeral juōn ak ruo ian wewein kein ilo am kōmōne katak eo.

1. “Emōj an jerkak” (Mattu 28:6)

Kōmōn karōk ko ñōn juōn kumi ñōn air al “He is Risen” (*Hymns*, no. 199) ak “Christ the Lord Is Risen Today” (*Hymns*, no. 200) ilo jemlokin katak eo. Ak jet ien ajiri ro ren al “Did Jesus Really Live Again”? (*Children’s Songbook*, 64.)

2. “Kōrā etke kwōj jan?” (Jon 20:15)

Kemleleik bwe gospel eo an Jon ej make wōt ian gospel ko ej kemleleik kin walōk eo an Jisōs ñōn Mari Magdalini elikin an jerkakbiji. Ba uwan kilaj eo en konono ilo air kolap ainikier kin bwebwenato in ilo Jon 20:11–18. Kajitok iben kilaj eo bwe ren kwalok kin eñjake ko air kin wewein in.

3. Dri kamōl ro jet kin jerkakbiji eo an Iroj

- Ibwiljin dri kamōl ro kin jerkakbiji eo ilo an Gospel eo konono kake, wōn ro jet rar loe Iroj elikin an jerkakbiji? (Jet ian uwak ko rej elajrak ijin ilal.)

Stipen (Jeral 7:55)

Elōñ lōk jen 500 armij (1 Korint 15:6)

Dri Jilōk Jemes (1 Korint 15:7)

Dri Jilōk Paul (1 Korint 15:8)

2,500 Armij ro remōn ilo tore ko ilo America (3 Nephi 11:8–15; 17:25)

Dri Kanan Joseph Smith (Joseph Smith—History 1:17; D&C 76:22–24)

Sidney Rigdon (D&C 76:22–24)

4. Jeje Ko kin Jerkakbiji eo

Jet ian eon ko jen Buk in Mormon im Katak im Kalimur Ko (D&C) rej kolap lōk ad melel kin Jerkakbiji eo. Konono kake im kemleleik unin konono kein elañe ebwe ien.

- Jisōs ej E eo maktata ear jerkakbiji (2 Nephi 2:8) im kin Jerkakbiji eo an, aolep armij renaj jerkak (2 Nephi 9:22; Alma 11:42, 44).
- Elikin Jisōs Kraist, ro renaj bōk aibuijuij eo an al (celestial glory) renaj jerkak, elikin ro renaj bōk aibuijuij eo (terrestrial), re renaj bōk aibujubj eo na etan (telestial), im ro nejin kakure (D&C 88:96–102).
- Elañe jenaj jerkakbiji, enbwinir enaj bar kōba iben jitōb, im e jamin bar jebil (Alma 11:43, 45).
- Jelālōkjen eo jej tōbar ilo mour in “enaj jerkak iben ilo jerkakbiji” (D&C 130:18–19).
- Jitōb ko an ro re mij rej lale jebil eo jen kanniek einwōt juōn men in mōjno; jerkakbiji ej kōmōn bwe jen maroñ in tōbar mōnōnō eo elap (D&C 138:12–17, 50).

Un eo Ññon kakemejmej ro uwan kilaj eo edro ko air bwe rej aikuij dri kamōl ro kin Jisōs Kraist im jibañ ro jet ññon maroñin jelā ewi wewein an menin letok eo an Jitōb air Kwojarjar jibañ ir.

Kebojakjak

1. Konono, kōlmenlokijen, kin lajrak in jeje ko rekwojarjar kein:
 - a. Jerbal 1. Elikin an jermal ibwiljin dri kalor ro iumin ran ko 40, Iroj eo ear jerkakbiji ekkar walonlōk ññon lon. Mattaias rekkar kalete bwe en bōk jikin Judas ññon uwan ro Joñoul Im ruo Dri Jilok.
 - b. Jerbal 2. Ilo ran in Pentecost, eo Dri Jilok ro rar obrak kin Jitōb Kwojarjar im rar konono kin elōñ lo ko ak kajin ko. Elōñ ian armij ro me rar roñjake air konono rar oktak.
 - c. Jerbal 3–4. Piter im Jon rej kemour juōn armij eo me ear ban etetal eo me ej kwalok ke ear mour kin kajur eo an Jitōb Kwojarjar ak kajur eo me iben Jisōs Kraist. Dri Jilok ro rar jar ññon air bōk kajur ko kin Jitōb Kwojarjar.
 - d. Jerbal 5:12–42. Dri Jilok ro rar wōnmanlōk wōt im katkin im kemour elōñ armij kin kajur in. Rekkar jibwe ir im kalbuiji ir im bareinwōt rolōk jen prison kin kajur eo an Anij ilo an jilkin tok enjel ro bwe ren kotlōk ire. Rar kwalok ññon pris ro rellap bwe rej aikuij in bōkake Anij elap lōk jen air bōkake armij Gamaliel ear jiroñ lōk Parisi ro bwe ren jab mon Dri Jilok ro.
2. Kakobaba ññon riit: Mark 16:19–20; Luk 24:49–53; Joseph Smith—History 1:21–25.
3. Elañe pija eo The Ascension of Jesus (62497; Gospel Art Picture Kit 236) ealihar, kōjerbale ilo am kōmōne katak eo.
4. Elañe kwōj kōmōne makitkit ko bwe en itok limo in ri jikul ro, kōmōn kon bwe ruo armij ren itok ññon kilaj eo ilo ien eo me dri jikul ro rej itok ññon air bōjak in katak, armij ro rej aikuij ro ome rejab bed ilo kilaj eo. Kōmōn bwe ren drelōñtok ilo room eo, ññon air ar kōmōne jet wewein ko (non wanjoñak, konono ibam ak jet men ko me rej bukitok ññon loan kilaj room eo), em lak moj drij em etal. Rejab aikuij in konono ññon ro ilo kilaj eo, ak men bwe jar ko ren melele kin ta eo rej itok kake.
5. Lōmnak ko ññon katakin: Dri kaki eo ej aikuij in kwalok bwemen ko rej katak rej jetmen ko remol. Kwalok am kamōl kin Jisōs Kraist im gospel eo bwe jabdrewōt ien Jitōb ej komaki juōn, enaj maroñ in wōnmanlōk immenin ejab ilo jemlōk in katak eo. Kwalok am nan in kamōl im kwalok kajur eo ilo wewein katakin. (*Lale Teaching—No Greater Call*, 11–12, 111–12.)

**Elmokot In Katak
ññon Edroklōk**

Makitkit ko Elañe ekkar, kōjermal lajrak in makitkit kein ak juōn eo kwōj lōmnake mokta jen
Bwe en Wōr am jino katak eo.

Kajitok iben kilaj eo elañe ewōr air kile armij ro ruo me rekkar drelōñ tok ilo room eo im driwojlōk mokta jen an ijino kilaj (lale Menin bojak ko.) Elañe ewōr ian ro ilo kilaj eo rar kile armij ro, ba ren kwalok ta eo armij ro rar kōmōne ilo ien rar itok ñōn room eo, einwōt wōn ro, nuknuk rōt ko rej kōnaki, imta ko rekkar kōmōni. Kalikar bwe jabdrewōt eo me ekile im jelā ta ko me armij ro rar kōmōni rej dri kamōl ro kin armij ro. (Elañe ejjelōk ian kilaj ekkar lōmnak kake itok eo an armij ro, kemleleiki bwe rej jet dri kamōl ro.) Juōn armij eo ej lo juōn men im eñjake im melele kake ej juōn dri kamōl.

Kajitok iben ro uwan kilaj eo ta eo me rekkar jab loe me armij ro rekkar bōktok:

- Komij tōmak ke ta eo me dri kamōl rein rej kwalok ñōn kom? Etke komij tōmak ak jab?

Kemleleiki bwe katak eomejej katak kake rainin ej kin Dri Jilok ro, ro me ar kamōl kin jerkakbiji eo an Jisōs Kraist. Ien eome rekkar kwalok kin an jerkakbiji, elōñ armij rekkar tōmak ir im baptais im kōba tok ilo Kabuñ in.

Konono Jen Jeje
Ko Rekwojarjar
im Kōjebali

Ilo am katakin kin eon kein, kalikar bwe tōmak im kajur eo ibiben Dri Jilok ro rej kamōl kin jerkakbiji eo an Iroj. Kemleleiki iben kilaj uwan ro ewi wewein bwe ren maroñ in jet dri kamōl ro kin Jisōs Kraist.

Kemleleiki bwe ilo buk in Jerbal yiō ej kwalok kin bwebwenato in men ko me elap tokjeir me rekkar bōk jikin ilo Kabuñ in ilo an Luk kemleleiki ilo ko 30 im elikin an kar Jisōs Kraist bed ilo mour in. Luk ej kemleleiki kejerkakbiji eo an iroj elikin 40 ran ko me ekkar bed ibwiljid wōj kab kin weaklinlōk eo An. Ekkar bareinwōt kemleleiki kin wewein an kar Jitōb Kwojarjar lutok tok ilo ran in Pentecost eo, kab kotan eo an Piter ilo an tel Kabuñ in, kab kin wewein makitkit ko an Dri Jilok ro, kabōktak eo an Paul. Jimettan in buk in Luk ej komlele kin wewein ioitak ko an Paul ilo an jermal ilubwiljin ri-ae-lon ko.

1. Iroj ej Waloñlok ñōn lōñ. Mattaias rej kuri bwe en juōn ian Dri Jilok ro.

Konono im etale Jerbal 1. Kir ro ilo kilaj eo ñōn air konono eo on ko emwij kejenolōki. Kwalok pija in weaklinlōk eo.

- Elikin an Jisōs kar jerkakbiji, ekkar bedwōt iben dri kalor ro iumin 40 ran, “konono ñōn ir kin ailōñ eo an” (Jermal 1:3). Mokta wōt jen an rol ñōn iben Jemen Ilon, ta eo ear kalimuri Dri Jilok ro bwe renaj bōke? (Lale Jerbal 1:4–5; bareinwōt Luk 24:49. Kalikar bwe meñe Dri Jilok ro rekon lo *wewein* an Jitōb Kwojarjar jermal, ak rejañin kar bōk menin *letok* eo an Jitōb Kwojarjar.)
- Ta eo Jisōs ear jiroñlōk Dri Jilok ro bwe renaj bōke elikin air bōk menin letok eo an Jitōb Kwojarjar? (Lale Jerbal 1:8.) Ekijkan ad keidi wewein edro in rar lelōk ñōn Dri Jilok ro ñōn kij rainin? (Lale D&C 107:23, 35.) Ekijkan an Dri Jilok ro kajetjet edro in elikin an Jisōs Jerkakbiji? (Lale, wanjoñak ko, kin jet kajur koome rej kwalok ilo Jerbal 2–5.) Ekijkan an Dri Jilok ro kōmōne menin ak kajet jet menin ilo edro ko air ran kein?
- Ekijkan an Jitōb Kwojarjar jibañ Dri Jilok ro ilo edro ko air ñōn air kamōl kin Jisōs Kraist? (Lale Jon 15:26–27; 1 Korinthians 12:3.) Ta jermal eo an Jitōb Kwojarjar ilo wewein ad katakin kin gospel eo? (Lale 2 Nephi 33:1; D&C 42:14.)
- Ke Dri Jilok ro rej lale an Jisōs weaklonlōk, ruo emmaan rej jutak iturier im nuknuk ko air remouj. Ta eo me rekkar jiroñlōk Dri Jilok ro? (Lale Jerbal

1:10–11.) Kwalok am kamöl bwe Itok eo an Kraist Kein Karuo ej juön men eo me emol im enaj bök jikin. Kraist enaj bar itok ññ lal in ilo Juön Tausin Yiö ññ an kotbal lal in ilo tore in.

- Elikin an Iroj Walonlök, juön ian bar Dri Jilok ro rar bar kōbaiki lök ññ an binej jenkwon Judas. Ekijkan an Mattaias maroñ in kar juön Dri Jilok ro im dri tel ro ilo Kabuñ ko kelet ilo ran kein? (Lale Articles of Faith 1:5.)

2. Ilo ran in Pentecost eo, Dri Jilok ro rar obrak kin Jitōb Kwojarjar.

Konono im etale eo on ko emwij kejnolōki jen Jerbal 2. Kom leleiki bwe Kwojkwoj in Pentecost eo ekkar juön kwojkwoj eo ññ kakemejmej 50 ran ko elikin Kwojkwoj in kijone eo. Dri Ju ro jen elōñ lal ko rej itok ññ Jerusalem ññ air bed ilo kwojkwoj in. (Lale Bible Dictionary, "Feast," 673.)

- Ta eo me ewōr tokjen ilo an kar walök ilo ran in Pentecost eo, juön wiik elikin an Jisōs Walonlök? (Lale Jerbal 2:1–4. Ekijkan an menin kajetjet kalimur ko an Iroj ilo Jon 14:26, 15:26, im 16:7–14 im ilo Jerbal 1:5.)
- Ta eo Dri Jilok ro rekkar kōmōne ke rar bōke Jitōb Kwojarjar? (Lale Jerbal 2:4.) Ekijkan an kar armij ro emakit ke rej roñjake an Dri Jilok rokonono elōñ kain konono ko? (Lale Jerbal 2:5–13.) Ekijkan ilo wewein adkatakan kin gospel eo rainin enañin eierlök wōt wewein katak ko rar kwaloki ilo ien Pentecost eo? (Lale D&C 90:11;100:5–8.)
- Ekijkan an Piter iua ak ññ ro otemej me rekar kōmōni men ko renana nae Dri Jilok roilo wewein air konono kin lōko? (Lale Jerbal 2:14–24, 36.) Ta eo me kwōj lömnak kake ikijen uwak ko an Piter? Tauninan lap tokjen bwe jen kwalok kamöl ko ad kin Jisōs Kraist im kin kajur eo an im kin jermal eo an? Ta eo ej kōmōn bwe en wōr tokjen ññ ad kwalok nan in kamöl ko ad ññ ro jet? Ekijkan an Jitōb Kwojarjar maroñ in jibañ kij kwalok nan in kamöl ko ad?
- Ekijkan nan in kamöl eo Piter an jelet ro rar roñjake? (Lale Jerbal 2:37.) Ta eo Piter ej katakin armij ro bwe ren tōmak ilo nan in kamöl eo? (Lale Jerbal 2:38.) Ba ro ilo kili eo ren keidi Jerbal 2:38 ññ fourth article of faith im 3 Nephi 27:19–22. Kalikar ññ ir ke bedbed ko im kien ko an gospel rej juön wōt jen ien ññ ien.
- Enañin 3,000 armij rar tōmak nan ko an Piter im rar baptais. Ekijkan an armij rein kwalok ke rej kōbalök ilo gospel eo an Jisōs Kraist? (Lale Jerbal 2:41–47. Kolajrak uwak ko an ro uwan kilaj eo iōn chalkboard eo.) Ta eo me jemaroñ katak jen wanjoñak kein air?

3. Piter im Jon rej kemour juön armij eo me ejaje etetal kin kajur eo an Jisōs Kraist.

Konono im etale eon ko emōj kojenołōki jen Jerbal 3–4. Komaroñ ba kilaj eo en konono Jerbal 3:1–11 ilo air kolap ainikier.

- Meñe Piter im Jon ejjelök mani ibeir ññ air lelök ññ leo me ejaje etetal ilo mejen kejem in tempel eo, ak ta eo me rar lelök ññ e? Kajur ta eo me ear kommon bwe leo en juön eo me erol ññ jekjek eo an mokta? (Lale Jerbal 3:6, 12–13, 16; 4:10.) Ekijkan an mōj am eñjake kajur eo an Jisōs Kraist ilo mour eo am.

- Piter ekkar kōjberbal menin bwilōñ in im kwalok an kamōl kin Jisōs Kraist (Jermal 3:12–26; 4:5–12). Ta maroñ ko ibed me jearoñ kwalok kamōl ko ad kin Kraist? Ekijkan ad jerammōn ilo ad dri kamōl ro kin Jisōs Kraist (as ilo ad roñjake kin ro jet bwer rej dri kamōl ro) kin Jisōs Kraist?
- Ekijkan ro an pris ir im Sadduees ro lōmnak kin nan ko an Piter? (Lale Jermal 4:1–3. Rar ba ren jibwe Piter im Jon ñōn air kalbuiji.) Ta uwak eo an armij ro? (Lale Jermal 4:4.) Etke armij rein reotak jen droñ ilo lōmnak ko air ikijen nan ko an Piter? Ekijkan lōmnak ko ad ñōn nan ko an dri tel ro ad ilo Kabuñ in ikijen men ko me jej enjaki ilo buruod?
- Leo ear jaje etetal en maroñ jutak im air Sadduees ro ejelōk men en remaroñ in ba kin menin bwilōñ in ear walōk (Jermal 4:13–14, 16.) Kin menin ke ejelōk a maroñ ñōn kalbuiji Piter im Jon, ta eo rar kōmōne? (Jermal 4:15–18.) Kalikar bwe Dri Ju ro me rej dri tel ilo Kabuñ rar lōmnak bwe katak ko an Jisōs renaj jako elikin wōt an drebwel. Ke Dri Jilok ro rej wōnmanlōk wōt im katakin kin gospel eo an Jisōs Kraist, Dri Ju ro rar kajuōn in kabōjrak ir.
- Ekijkan an Piter im air Jon uwak pris im Sadducees ro bwe rej aikuij in bōjrak a kwalok kin gospel eo? (Lale Jermal 4:19–20.) Ta jet wewein ko ilo mour eo am im emenin aikuij ñōn amberan im dri kamōl kin Jisōs Kraist?
- Elikin an Piter im Jon rollōk, rar bareinwōt rollōk ñōn iben ro uwan Kabuñ eo im jar ibeir (Jermal 4:23–30). Ta eo rar kajitok ilo air jar? (Lale Jermal 4:29–30.) Ta eo ear walōk elikin jar im Dri Jilok ro rar kōmōne? (Lale Jermal 4:31–35; 5:12–16.)

4. Dri Jilok ro rar wōnmanlōk wōt im katakin im kemour kin kajur.

Konono im etale eon ko emwij kejonolōki jen Jermal 5:12–42.

- Ke Dri Jilok ro rar wōnmanlōk wōt im katakin im kōmōni menin bwilōñ ko pris ro im air Sadducees ro rar kalbuiji (Jermal 5:17–18). Ekijkan maroñ in rolōk jen kalbuij? (Lale Jermal 19–20.) Ta eo rekkar kōmōne elikin air rolōk? (Lale Jermal 5:21, 25.) Etke Dri Jilok ro rar wōnmanlōk wōt im kwalok kin gospel eo meñe rej jibwe ir im kalbuiji ir? (Lale Jermal 5:39–42.)
- Ta nan in jiroñ eo Gamaliel ear jiroñlōk Dri Ju ro me rekkar kōnan man Dri Jilok ro? (Lale Jermal 5:33–39.) Ta wewein eo me ear walōk ñōn iuk im kwōj kamōl kin nan in rōjañ ko an Gamaliel?
- Ta otkak eo ikijen menin letok eo an Jitōb Kwojarjar im ej walōk iben Dri Jilok ro? (Lale Matthew 26:47–56, 69–75 kab Jermal 4:5–21; 5:17–18, 26–42.) Ekijkan kin wanjoñak ko an Dri Jilok ro ej komakit kij bwe jen jet dri kamōl ro remol?

Jemlokin

Kemleleiki bwe elikin an Dri Jilok ro bōk menin letok eo an Jitōb Kwojarjar, rar kajur air ilo kwalok air kamōl kin Jisōs Kraist. Ilo ien eo Dri Jilok ro ekkar etal jermal eo ñōn ir bwe ren kamōl kin Kraist, kajojo, uwan ro ir ilo Kabuñ eo rar bareinwōt air edro ñōn air bōk ilo ir ñōn kamōl kake e. Kwalok am nan in kamōl bwe Jitōb Kwojarjar emaroñ jibañ yuk ñōn am maroñ in jelā ekijkan am kamōl kin Kraist. Ilo am lor an Jitōb komakit, tōmak ko ad rej edreklōk, im Jitōb ej bed ilo kij yuk im jearoñ in dri kamōl ro an Iroj Jisōs Kraist.

Wewein kein rej ñõn jibañ kokõmõnmõnlõk wewein katakin. Komaroñ kõjberbal juõn ak ruo ian wewein kein ilo am kõmõne katak eo.

1. Wewein an Jitõb Kwojarjar jerbal ilo Tempel eo ilo Kirtland ilo ien eo rar kõjerammõne

Kemleleiki bwe Jitõb ear lutok leplep ilo ien eo rar kõjerammõn tempel eo ilo Kirtland ilo 27 March 1836 einwõt an kar walõk ilo an Jerbal 2:1–4 kemleleiki. Ba ro ilo kilaj eo ren kononon jen Doctrine and Covenants 109:36–37 ilo air kolap ainikier, einwõt mõttan jar in kõjerammõn eo ilo ien eo rej kõjerammõn tempel eo ilo Kirtland, Dri Kanan Joseph Smith ekkar kwalok. Kajitok iben ro uwan kilaj eo bwe ren konono statement in ilo nan ko an Joseph Smith, eo me ej kwalok ewi wewein an kar Anij uwake kajitok eo.

“Dri Kanan Joseph Smith ekkar kwalok ilo kwalok eo jotan eo ilo ien eo rej kõjerammõne, “Bro. George A. Smith ekkar jutak im jinõe an kanan, ke rej roñjake juõn ainikien eo me einwõt ainikien koto, me ej kabwe loan Tempel eo, aolepen ro ilo ien eo rar jutak, rar emakit kin juõn kajur eo me rejab loe; elõñ iair rar jino konono kin lo ko im kwalok nan in kanan ko; elõñ rar loi visiõn ko; inm iar loe ilo Tempel eobrak kin enjel, eo me ikar kwalok ñõn aolep ro ilo ien eo. Armij ro rebake ijo rar etõr tok (ilo air roñjake ainikien ko me rej walõk iloan mweo, rar meram eo elap ej jutok ilo Tempel eo einwõt kijek), im rar bwilõñ kin ta eo ear walõk” (*History of the Church*, 2:428).

2. “Ien ñõn kalimjek men otemjej” (Jermal 3:21).

Ba ro ilo kilaj eo ren konono Jermal 3:20–21.

- Ta eo Piter ear loe ilo an kar kanan kake “ien eo me renaj kajetjet men otemjej”? (Ekkar loe bwe ilo ran ko eliktata jeblaktok in talep in gospel ni Jisõs Kraist eo enaj bar itok iben Dri Kanan Joseph Smith.)

3. “Im rej bed wõt ilo juõn wõt bõro im lõmnak” (Jermal 4:32)

Konono im etale Jermal 4:32–5:11. Kemleleik bwe ro uwan Kabuñ eo ilo jinoin “rekkar juõn wõt lõmnak” (Jermal 2:44; im bareinwõt Jermal 4:32, 34–37). Rej kõbaiki men otemjej air ñõn ro rej aikuij iben droñ kaki. (Kwomaroñ bareinwõt keidijikin kwalok eo an Enoch einwõt ilo an walõk ilo [Moses 7:18], kab ro me rej bwijin Lehi [4 Nephi 1:1–3], im uwan ro ilo jinoin kabuñ in ilo tore kein [D&C 42:30–34].)

- Ekijkan an Barnabas kõmõne wewein eo me roj ar juõn wõt lõmnak ikijen men ko mweier? (Jermal 4:36–37.) Ekijkan an Anannas im Sapphira rube karõk in? (Lale Jermal 5:1–2.) Ta eo me Piter ear jiroñlõk Anannas im Sapphira kin men eo rar kõmõne? (Lale Jermal 5:3–4, 8–9.) Ewi wewein an maroñ in kommon bwe jen jet ro merej mõi ñõn Anij?
- Meñe jejab mour ilo juõn karõk eo me jej aji lõk men ko mweier, ak ta eo me jej kajitkin kij ñõn ad maroñ in lelõk ñõn Anij no ad jibañ ro jet? (Lale Omni 1:26; Mosiah 4:16; D&C 4:2; 119:4 ñõn wanjoñak ko.) Ekijkan ad maroñ in jen ien “drebij ijoko jen kij”?

Elder Neal A. Maxwell ear kwalok:

“Anannas im Sappihira . . . ar kejnuk jidrikin ijo me ren kar lelök (Lale Jerbal 5:1–11). Jet rejab maroñ in wia *kake* Jisös kin jet möttan mani ko, ak rejab maroñ in lelök nane aolepen men ko wöjeir bareinwöt!

“ . . . Jet ien jej lõmnak kin men ko jej lilök nane ikijen mweiuk bareinwöt mani. Ak ekaniu j lon wewein ko me jemaroñ in drebiji men ko jene. Juõn emaroñ lelök nane mani im ien im bareinwöt drebij mottoan ko jen e make. Jet emaroñ kabel ko an ñõn public im drebiji utej eo an. Jet remaroñ drebij air bukelolo iman Anij ilo throne eo an im bukelolo ñõn men ko ejelök tokjeir ak bareinwöt ñõn ro me rej bök nebar jen ir. Jet remaroñ buk kur ko an gospel ak buruõn ej drebiji wöt men ko an lal” (ilo Conference Report, Oct. 1992, 90; *Ensign*, Nov. 1992, 66).

- Ekijkan admaroñ in anjo jen ad “kojenik ijoko kundad”? Ta jerammõn ko jemaroñ buki jen ad lilöki ñõn Iroj?

4. Makitkit ko an Jödrikdrik

Dri kaki ro an riman dren remaroñ kõjebal wewein katakin eo ilo katak in (eo me ej kemleleiki ilo *Teaching—No Greater Call*, peij 147–48). Ñõn wanjoñak, kwomaroñ kõjebal ro uwan kilaj eo ñõn air kelet jet unin konono ko im uwak ko remaroñ uwak kin “aet” ak “jab.”

Un eo Ññon jibañ ro uwan kilaj eo ññon air kile jerbal eo ilo kabuñ eo ilo an edreklōk, im ro me ewōr kabel ko iber im nan in kamōl ko ññon an kokajur lōk kabuñ eo.

Kebojakjak

1. Konono, kōlmenlokijen, im jar kin lajrak in jeje ko rekwojarjar kein:
 - a. Jerbal 6:1–7. Dri Jilok ro Joñoul im ruo rar bar kabit jiljilimjuōn eman ro ññon air kōmōni jerbal ko ikijen edro ko an kabuñ eo.
 - b. Jerbal 6:8–7; 60. Stipen, juōn ian ro jiljilimjuōn, ekkar kwalok an kamōl iman Sanhedrin. Nan ko an ekōmōn bwe armij ro ren illu ke rej roñjake im rar bōke im kade kin dreka.
 - c. Jerbal 8:4–40. Philip, juōn ian ro jiljilimjuōn, ej katakin im kwalok menin kabailōñlon ko ilo Sameria. Ej bareinwōt kwalok kin baptais im eunuch eo jen Ethiopia.
 - d. Jerbal 8:1–3; 9:1–31. Saul ej liakelōk ro ilo Kabuñ eo mae ien eo ej loe visiōn eo jen Jisōs Kraist. Saul ej oktak im baptais im jino an kwalok kin gospel.
2. Kakobaba ññon riit: Jerbal 22:1–16; 26:1–5, 9–18.
3. Lōmnak ko ññon katakin: Kememej bwe kwōj katakin ro kilaj kin kajojo armij ro remaroñ oktak ilo wewein iminene ko air, aetok in air bed ilo Kabuñ eo, melele kin gospel im katak ko ie, kab maroñ eo ikijen jelā ko iber. Kajion bwe kwon kin ro ilo kilaj ikijen ukoktak ko im jibañ ir melele kin mōl eo me kwōj katak kake. (*Lale Teaching—No Greater Call*, 25–31; lale kab 39–42.)

Elmokot In Katak ññon Edroklōk

Makitkit Ko Bwe En Wōr Itōklimo

Elañe ekkar, kōjerbal lajrak in makitkit kein ak juōn eo kwōj lōmnake mokta jen am jino katak eo.

Kajitok iben ro uwan kilaj eo:

- Part ta eo ilo enbwinim kwōj lo bwe elap tokjen? Ebajiet?

Elikin an jet uwak ko, kajitok:

- Wōn eo ilo Kabuñ in im kwōj lōmnak bwe elap an wōr tokjen? Ebajiet?

Lelōk ien ññon jet ian ro ilo kilaj ññon air uwak. Elañe emwij baren konono 1 Korint 12:14–21, im ba jet iair ren konono 1 Korint 12:12–13. Kemleleik bwe ilo eo on kein Dri Jilok Paul ej compare e ro uwan kabuñ eo ññon mōttan ko ilo kabuñ eo. Einwōt ne, ba, lojilni im mej ññon air kōmōne edro ka air, ejjelōk oktak jen ro ilo Kabuñ eo ewo tokjen ikijen kabel ko air wōj kajojo.

Konono Jen Jeje
Ko Rekwojarjar
im Kōjerbali

Ilo am katakin kin lajrak in eo on kein ilo jeje rekwojarjar, kemleleik ekijkan air jerbal ññon mour eo air. Kōketak kilaj eo ilo air kwalok iminene ko air ko me rej walōk ilo bedbed in katak ko.

1. Jiljilimjuōn emōn rar kabit ir ññon jerbal ko ilo Kabuñ in

Konono im kemleleik Jerbal 6:1–7. Kemleleiki bwe iumin tel an Dri Jilok ro ilo air tel Kabuñ eo, rar ukōt elōñ armij jen elōñ jikin ko. Menin ekkar juōn menin mōnōnō, im ear bareinwōt juōn menin kotobar. Einwōt an edreklōk Kabuñ eo, Dri Jilok ro rar aikuiji uwan ro ññon jibañ kadreklōk ailōñ eo an Anij.

- Ilo an Kabuñ eo edreklōk, elōñ lajrak in armij ro jet ien rej jab erre iben droñ ilo elōñ wewein ko. Etke jet ian armij ro jen Greek rekkar kōnanaiki armij ro jen Hebrew? (Lale Jerbal 6:1.) Ekijkan ad maroñ einwōt uwan ro ilo Kabuñ eo jab erre iben droñ ibwiljid wōj, bedbed wōt iion ia ko jar itok jeni, manit ko ad, mour ko ad im ukoktak ko ad? Etke emenin aurok bwe jen maroñ in anjo iōn jibel jen droñ ko rej walōk? (Lale 2 Nephi 26:33; D&C 38:26–27.)

Dri Kanan Howard W. Hunter ekkar kwalok nan kein: “Ej juōn men eo me jemelele kake im aolep im melele ke juōn wōt jemedwoj jojej nehin Anij im kotan eo ad wōj ññon droñ jej juōn wōt. Enan in ej mour eo kab yokwe eo me ej imwe kij wōj aolep jekdroñ manit rōt, kajin rōt ako wewein ad wōj mour jelā jelālōkjen ak kij wōj aolep jej Jitōb ro nejin Anij” (ilo Conference Report, Oct. 1991, 22; ak *Ensign*, Nov. 1991, 18.)

- Ekijkan mekar ta ne kij wōj ukoktak jen droñ an enaj kōmōn bwe kajur eo an Kabuñ en bed? Ekijkan bwe oktak in ad wōj jen droñ emaroñ kōbaiki kij wōj ilo juōn wōt?
- Dri Jilok ro rar jelā ke ilo ad katakin kin gospel eo emaroñ kōmōn ainemōn ko ikōtan men ko bwinir ilo mour (Jermal 6:2). Ewi wewein air maroñ kommon bwe problem ko ren maroñ in jako? (Lale Jerbal 6:3–6.) Ta unin an menin aurok bwe jen jermalnon Kabuñ eo, jemaroñ jerbal ññon armij ro ewi wewein ad maroñ bōk jerammōn ko ikijen wewein ko ilo ad jerbal ññon Kabuñ in?
- Ta oktak ko Iroj ear jiroñ lōk dri tōl ro an Kabuñ in ññon air kōmōne ilo an Kabuñ in edrok lōk? (Uwak ko emaroñ kakōbaba in Droulul eo an ro Jiljilimjuōnnoul ro ilo air edroik ijoko ibelakin lōl in.) Ekijkan an oktak kein jibañ bwe en bidodo ññon uwan ro ibelakin lōl in?

2. Stipen ej kwalok an kamōl iman Sanderin ro im rej kade bwe en mij.

Konono Jerbal 6:8–7:60. Kir kilaj eo bwe ren konono eon ko emōj kalikari ilo air kwalok ainikier.

- Stipen, juōn ian ro jiljilimjuōn rar kir ir bwe ren jibañ Dri Jilok ro, ear kalbuij kin air ña ruōn ilo jab mōl ikijen kwonajnaj, im rar bōklok imōn Jantiroin Sanhedrin konjel eo an Dri Ju ro (Jermal 6:11–15; elañe ekkar kemleleik wewein kwonajnaj bwe ej juōn wewein eo ejab emōn nae Anij im men ko raurok.) Ta eo Stipen ear kōmōne ke ej jutak imōn mejen Jantiroin ro? (Lale Jerbal 7:1–53. Ear kwalōk kin bwebwenato in mour eo an Dri Israel.)
- Etke kwōj lōmnak Stipen ej bareinwōt kwalok kajur ko an Iroj ikijen bwebwenato in ro Dri Israel? Ekijkan bwe jen jab melōklōk wewein an Iroj kwalok an kajur ilo mour ko ad? Ekijkan elañe jenaj kememej men in jerammōn ko enaj jibañ kij bin wōt ilo tōmak.

- Etke kwōj lōmnak Stipen ej bareinwōt kwalok kin an Dri Israel ro ekka air melōklōk im jab bōkake Anij? Ta kotak eo Stipen ej kwalokikotan ro rej roñjake im Dri Israel ro mokta rar jab bōkake? (Lale Jerbal 7:51–53.) Ekijkan an armij ro lōmnak kin an kwalok kotan armij ro? (Lale Jerbal 7:54.)
- Ta visiōn eo Stipen ear bōke elikin an konono? (Lale Jerbal 7:55–56.) Ta eo armij ro rar kōmōne ke rej roñ an kwalok kin visiōn eo? (Lale Jerbal 7:57–58.) Ta nan eo eo an Stipen imej kalikar bwe e ej juōn dri kalor? (Lale Jerbal 7:59–60.)

3. Philip ej kwalok im kōmōni men in bwilōñ ko ilo Sameria.

Konono im kemleleik eon ko jen buk in Jerbal 8:4–40.

- Philip ej juōn ian ro jiljilimjuōn rar kelet ir ñōn jibañ Dri Jilōk ro, ear kwalok im kōmōn men in bwilōñ ko ilo Sameria. Ekijkan an armij in Sameria rar kōmōn ko rej lo an Philip kwalok? (Lale Jerbal 8:6–8, 12.) Ekijkan an armij rein bōk Jitōb Kwojarjar? (Lale Jerbal 8:14–17.)
- Juōn ian armij ro ilo Sameria etan Simon e dri marmir. Elap an bunbuñ kin an jermal in marmir (Jermal 8:9–11.) Wōn eo Dri Jilok ro rej lelōk nebar ko ilo air kemour armij? (Lale Jerbal 4:7–10.) Etke elap oktak ilo wewein in? (Kemleleiki bwe elōñ armij rej kōnan kōmōni men ko bwe armij ren nebar ir. Ak ilo wewein in armij ro an Anij rej lelōk nebar ko ñōn E. Melele kake men in enaj jibañ kij ilo mour ko ad.
- Ta eo Simon ear kōmōne ke ej loe an Dri Jilok ro kōjermal Jitōb Kwojarjar? (Lale Jerbal 8:18–19.) Ekijkan an Piter uwake kajitok eo an Simon? (Lale Jerbal 8:20–23.) Ewi wewein an juōn armij maroñ in bōk kajur eo an priesthood eo? (Lale Hibru 5:4; D&C 121:36.)

Dri Kanan James E. Faust ear ba: “Enin ej kajur eo ilon in aolep kajur, ej priesthood eo jeban keidi iben kajur ko an lōl. Kwojab maroñ wiaiki, ak wia kake. . . . Kajur an lōl jetien ej bwir an jermal. Priesthood eo ej jermal wōt ilo men ko rejimwe” (ilo Conference Report, Apr. 1997, 59–60; ak *Ensign*, May 1997, 43).

- Ekijkan an Philip iōn eunuch in Etopia eo? (Lale Jerbal 8:25–29.) Ta jerammōn eo ear itok ñōn Philip im eunich eo kin an Philip lor jitōb? (Lale Jerbal 8:30–38.) Ta jerammōn ko emōj air itok ñōn yuk (ak juōn eo kwojelā) ilo am lore Jitōb?
- Ekijkan an Dri Ethiopia eo kwalokan kōttaiki? (Lale Jerbal 8:30–39.) Ekijkan ilo ad kota ej jibañ kij melele im bōk nan ko an Anij?

4. Saul e ukwelōk im baptais im jino an kwalok kin gospel.

Konono im kemleleik eon ko emōj kojlenlōki jen Jerbal 8:1–3 im 9:1–31.

Kemleleik bwe Saul ear juōn Parisi eo ekin kakurre ro remōn. Ear bed ilo ien eo rara kade Stipen (Jermal 8:58) elap konon ilo kakure elōñ ian ro ilo Kabuñ in. Ear iōn juōn wewein eo ekabwilōñlon ñōn eim ear oktak im juōn dri jermal ñōn Anij (Jermal 8:3; 22:4).

- Ta eo ear kōmōn bwe Saul en oktak jen juōn eo ej kakure Kabuñ in ñōn juōn eo ej jermal ñōn Iroj? (Lale Jerbal 9:1–9, 17.) Kalikar bwe Saul ear oktak ke ear roñ ainikien Iroj. Ekijkan ad maroñ roñ ainikien Iroj? (Lale D&C 1:38; 6:23; 18:34–36.) Ekijkan ad roñ ainikienej jibañ kij bwe jen oktak?

Kakememej kilaj bwe ilo ad oktak ej itok ilo juōn eñjake eo emera, im ejab mōkaj ilo ad oktak, einwōt an kar walōk ñōn Saul. Elder Robert D. Hales ear ba, “Jabdrewōt ien jemaroñ eñjake einwōt Saul, ak ekka an bōk juōn ien ilo ad jar, katak, iminene kake ilo an tōmak jermal im kokajur kamōl ko ad ñōn komakit kij ñōn adukwelōk” (ilo Conference Report, Apr. 1977, 111; ak *Ensign*, May 1977, 80).

- Elder Ezra Taft Benson ear ba kin kajitok eo an Paul, “Iroj, ta eo koknan bwe in kōmōne?” Ej kajitok eo elap tokjen je maroñ kajitok ilo mour in (ilo Conference Report, Oct. 1972, 53; ak *Ensign* Jan. 1973, 57). Ta unin an lap tokjen bwe jen kajitok kin kajitok in? Ekijkan am bōk jerammōn ko ilo am lelōk yuk ñōn kōnan eo an Anij?
- Etke Anannas ear bin an etal in iōn Saul? (Lale Jerbal 9:10–14.) Etke Anannas ear etal meñe emakoko? (Lale Jerbal 9:15–16.) Ta eo je maroñ katak jen Anannas? (Uwak ko emaroñ kōba, Anij ej letok kajur ñōn kij ilo jabdrewōt men ej kajitok iben kake, ñōn jibañ ro jet, meñe emaroñ jet wewein ko jej lōmnak re bin.)
- Ta eo Anannas ear kōmōne ñōn Saul? (Lale Jerbal 9:17–18.) Ta eo Saul ear kōmōne elikin an baptais? (Lale Jerbal 9:19–22, 26–29.) Ta edro ko ad elañe ej moj ad baptais ñōn gospel eo an Jisōs Kraist? (Lale Luk 22:32; Jon 8:31; Mosiah 18:3–10; D&C 88:81.)

Jemlokin

Kemleleik bwe kij einwōt Stipen, Philip, im Saul, ilo admour ilo ran kein im Kabuñ in elap an edrok lōk. Kalikar bwe Iroj E kōnan bwe jen bōk kunad ilo an Kabuñ in edrok. Kōketak ro ilo kilaj eo ñōn air kile ijoko kunaer ikijen jelā ko air, im tolan ko air, ñōn air kōmōni ijoko kunair ilo jikin ko rej bed ie.

Jet Melele Ko ñōn Katak

Wewein kein rej ñōn jibañ im kōkōmōnmōnlōk wewein katakin. Komaroñ kōjerbal juōn ak ruo ian wewein kein ilo am kōmōne katak eo.

1. “Ekadik bin ñōn jab bōmōne juōn men eo emij jiroñ kij bwe jen kōmōne” (Jermal 9:5)

- Jiroñ kilaj eo bwe ren konono Jerbal 9:5. Ta melelein “kōmōn juōn men eo emij” (Ilo jab roñjake nan in jiroñ ko. Ilo ad jab kōmōne men ko emōj jiroñ kij bwe jen kōmōni, enaj juōn men eo enaj jelet kij tokelik.) Ekijkan mour eo an Saul ear juōn men eo men in kakure e? Ekijkan ad make kakure kij make ilo ad kōmōni men ko rebwir?

2. Makitkit ko an ro emōn drettair

Jei nan kein ilo juōn pepa, ak iōn chalkboard eo: *Anannas, kajur, ak maroñ, men ko re nana, mej ko, Jitōb Kwojarjar, meram, katakin, jonak, ban konono, udidrid, wan, ainikien.*

Ba ro ilo kilaj eo ren katak kin Jerbal 9:1–22 im etale ta aurok eo an nan kein ilo air walōk ilo bwebwenato eo kin oktak eo an Saul. Elañe emōj ba ren kwalok bwebwenato eo ilo air kōjerbal nan kein.

Un eo Ññon an kilaj eo kile bwe gospel eo ej ññon aolep, im bwe Kabuñ ej ej tōl ilo an itok modeenlōk ko.

Kebojakjak

1. Konono, kōlmenlokijen, im jar kin lajrak in jeje ko rekwojarjar kein:
 - a. Jerbal 10:11–18. Enjel eo ej walōk ññon Cornelius ilo visiōn im ba ññon e bwe en kir Dri Jilōk Piter. Piter ear bareinwōt jelā ilo juōn visiōn bwe gospel eo ej aikuij in etal ññon dri Ailin ko, ro re jab Dri Ju. Ear etal ññon Sizarea im katakin Cornelius im bamle eo an im ro jeran. Jitōb Kwojarjar ear buñ iōn Cornelius im ro jet im rar baptais. Jet ian uwan ro ilo kabuñ eo rar kenanaik Piter kin an bōklōk gospel eo an Dri Ailliñ ko, ak ke ej kemleleik kin visiōn eo ear walōk ññon e rar kile ke ej itok jen Kabuñ eo.
 - b. Jerbal 12. King Herod ear man Jemes im kalbuiji Piter. Armij ro remōn rar jar bwe Piter en maroñ in rolōk im juōn enjel in Iroj ear korlōke. Juōn enjel in Iroj ear mane Herod.
 - c. Jerbal 13–14. (Saul eo im emōj at kelen im ej Paul) im Barnabas, rar kōmōne ial eo air kein kajuōn, im jino kajutak Kabuñ eo ibwiljin Dri Ailliñ ko.
 - d. Jerbal 15:1–35. Jet ian Dri Ju ro remōn rar bar einwōt katakin Dri Ailliñ ko ro rar kōba tok ilo Kabuñ eo, im rej kejbarok kien ko an Moses, ekōba mwijmwij eo ññon eman. Dri Jilōk ro rar kwalok bwe men in ejab juōn men eo e aurok ekkar ññon Iroj.
2. Elañe map in ial eo an Paul jinoin tata ilo an kar kōmōne mijinede eo an ealika (map 19 ilo buk ko an LDS ilo King James Bible eo), komaroñ kōjerbale ilo ien eo kwoj kōmōne katak eo.
3. Jet lōmnak ko ññon katakin: Bwebwenato ko ak nan ko an Elder Gordon B. Hinckley: “Ekkar ba dri jikul ko raikuiji elaplōk jen jelā eo kwoj lelōk ññon ir. Raikuij in tōbare ikijen wewein eo me kwoj komakit er kake. Raikuij in bōk okmenen in kotan eo am nan ir. Menin ej juōn kolal nan er einwōt juōn dri kaki eo me eman” (ilo Conference Report, Oct. 1965, 52; ak *Improvement Era*, Dec. 1965, 1124). Jar im kajieon in kajitok ekijkan bwe kwon maroñ in kalikar yokwe eo am ññon kajojo uwan ro ilo kilaj eo. (Lale *Teaching—No Greater Call*, 6–7, 29, 167).

Elmokot In Katak ññon Edroklōk

Makitkit Ko Bwe En Wōr Itōklimo

Elañe ekkar kōjerbale lajrak in makitkit kein ak juōn eo kwōj lōmnake mokta jen am jino katak eo.

Kwalok lajrak in ien kein juōn in lōk juōn im kajitok iben kilaj im uwan ro ññon air lale net ien kein konono kaki rekkar bōk jikin ilo bwebwenato in Kabuñ in.

1. ak Madenlōk
2. 8 June 1978

3. Dri Kanan Spencer W. Kimball
4. Priesthood
5. Official Declaration 2

Jiroñ kilaj uwan ro bwe ren kobelök ññ Official Declaration 2 (eo me ej bed ijemlokin lõk Katak im Kalimur ko) im konono eon eo kein karuo (eo me ej ijino kin nan kein ilo “Jinoin June”). Kalikar bwe Official Declaration 2 ej kin madenlok eo me ekkar kõmõn kin priesthood eo me ej ññ aolep emõn ro merej mour jimwe ilo Kabuñ in.

Elañe uwan ro ilo kilaj eo emelele im rej kemejmej ran eo me reveleson in ear walök, kajitok ibeir ekijkan an menin jelet ir ke rar jelã kake.

- Wõn eo ear kõmõne bwe priesthood in en maroñ etal ññ aolep ro me rekkar bwe ren bõki ilo air mour jimwe aolep emõn ro ilo Kabuñ in? (Iroj). Ewi wewein an Iroj kwalok kõnan ko an ññ Kabuñ in? (Ej lelök ññ iben dri kanan ro im rej kwalok ññ uwan ro ilo Kabuñ in). Ekijkan an madenlök in jelet Kabuñ in?

Kemleleik bwe madenlok in ej juõn wanjoñak eo kin wawin an Iroj wõnmanlök wõt im tel Kabuñ eo an kin madenlök ko. Katak in ej kemleleik kin juõn madenlök eo me rar lelök ññ uwan ro ilo Kabuñ in elikin wo an Jisõs Kraist Jerkabbiji.

Kemlele ko
im Katak ko
im Edro ko.

Ilo am katakin kin katak kein, kalikar aurök eo kin wewein an madenlok itok jen Anij ññ Kabuñ in. Kõketak uwan ro ilo kilaj eo ññ air jer iben droñ nan in kamõl ko air kin madenlok ko rej walök.

1. Piter ej katak ilo juõn visiõn kin gospel eo bwe ej aikuij in kwalok nan Dri ailliñ ko.

Konono im katak iben droñ ilo buk in Jerbal 10:1–11:18. Kir nan kilaj eo bwe ren kelet jet eo ko nan konono kake.

- Kar kain armij rõt Cornelius? (Lale Jerbal 10:1–2, 30–31. Ear juõn armij eo me ejimwe im ej tõmak ilo Anij botab ear juõn dri ailliñ ko ear jab juõn dri.) Ta enan eo an enjel eo ññ Cornelius? (Lale Jerbal 10:3–6.) Ekijkan an kar Cornelius roñjake enan eo? (Lale Jerbal 10:7–8, 33.) Ta unin an menin aurok ññ kõmõne ilo mojak jabdrewõt men eo me ej itok jen Anij?
- Ilo ien eo ro mõttan Cornelius rej etal ilo ial eo lõk ññ Joppa, Piter ear bareinwõt lo juõn visiõn (lale Jerbal 10:9–16). Ta eo Piter ear lo ilo visiõn in? (Lale Jerbal 10:11–12.) Ta eo rar jiroñ lõk Piter bwe em kõmõne? (Lale Jerbal 10:13.) Etke Piter ear abin? (Lale Jerbal 10:14. Ekkar makoko in mõna menin mour ko me ej kile ke rettoon ekkar ññ kein Moses.) Ewi uwak eo an Iroj ññ Piter ilo wewein in? (Lale Jerbal 10:15–16.)
- Ke ej iõn Cornelius, Piter ekkar melele kin etonak eo an. Ta melelein? (Lale Jerbal 10:28, 34–35. gospel eo ññ armij otemjej ejab nan dri Ju ro wõt. Kemleleik bwe “ejjelök kalijoklök iben Anij ikijen armij” melelein bwe Anij ej kake ññ aolep armij jabdrewõt menin jerammõn ko me rej ekkar ññ e ilo karök in lomoro eo an.) Etke ak Dri Ailliñ ko rekkar jutak ilo visiõn einwõt menin mour ko rettoon? (Iben Dri Ju ro Dri Ailliñ ko ilo jitõb rettoon rejab jet ro me re-erreo, einwõt menin mour ko ilo kein ko an Moses ejab melim mõña. Im jen etonak en ej kwalok bwe re-erreo im Iroj ej jiroñ lõk Piter bwe gospel eo ej aikuij in bareinwõt etal imkwalok nan aolep armij ro.)

- Elikin an Piter kemleleik etonak eo an, ear bareinwõt jino an katakin Cornelius im ro jeran. Ta eo ear jino katakin ir ilo katak eo an jinoin tata ñõn ir? (Lale Jerbal 10:36–43.) Ta eo ear walök ke Piter ear katakin ir? (Lale Jerbal 10:44, 46.) Ta eo me ekkar kômõn bwe Piter en kile ke Cornelius im ro möttan rej aikuij baptais? (Lale Jerbal 10:47–48; bareinwõt Jerbal 11:15–17.)
- Ekijkan an uwan ro jet kar roñ ke rej jelã ke Piter ear katakin gospel ñõn dri Ailliñ? (Lale Jerbal 11:1–3.) Etke armij rein rar jab buñ buruer? (Kinke rar watak dri aillõñ ko bwe rejelök ak rejokar ñõn air drilõñ ak bök kunaer ilo droulul an Anij.)
- Ekijkan an uwan ro ukõt lemnak ko air elikin an Piter kemleleik ir kin visiõn eo ear walök ñõn e im eñjake eo an kin Cornelius? (Lale Jerbal 11:4–18.) Ta eo jej aikuij in kômõne elañe jej bök nan in jiroñ ko jen dri tel ro ad ilo Kabuñ in ilo ad drike men ta ko me rej ba ñõn kij imebin air melele kaki? (Lale Jon 7:17; 2 Nephi 28:30; D&C 6:11, 14–15.)
- Etke Piter eo ear bök madenlok ko ñõn an kwalok gospel ñõn dri ailliñ ko? (Ekkar e eo me ekkar tel Kabuñ in ilo ien eo.) Wõn eo ej bök madenlok ko rainin ilo Kabuñ in? Ta eo emenin aurok bwe en juõn wõt armij eo me ej bök madenlok ko ilo Kabuñ in? (Lale D&C 43:2–6.)

2. Piter ilo kabilõñlõñ ekkar rolök jen ilowan prison.

Konono jen bök in Jerbal 12 jobta.

- King Herod ear man Dri Jilök Jemes inem ear likit Piter ilo prison im drode elõñ waj ñõn air waje (Jeral 12:1–4). Ekijkan an uwan ilo kabuñ in kar eñjake ke Piter ej kalbuij? (Lale Jerbal 12:5.) Ekijkan ad maroñ in jar bwe en maroñ in jibañ dri kanan im bareinwõt dri tel ro jet ilo Kabuñ in rainin? (Lale D&C 43:12; 93:51; 107:22.)

Dri Kanan Joseph F. Smith ear ba, “Ejab aikuij in wõr juõn ran eo en ella jen an aolep armij ro ilo Kabuñ in kõba iben droñ im kotak ainikier ilo jar ñõn Iroj ñõn kile im jibañ dri jeral ro an” (*Gospel Doctrine*, 5th ed. [1939], 223).

- Ekijkan an kar Piter maroñ in ko jen kalbuij? (Lale Jerbal 12:6–10.) Ebar wõr ien ta Iroj ekkar kômõn menin bilõñ ko ñõn an maroñ in kader bar jet ilo mour ko air mae ien rej dedelök air kômõne mijen ko emõj kir ir nan e. (Nan wañjonak, lale jeje ko ekõba Daniel; Shadrach, Meshach, im Abednego; Abinadi; Alma im Amulek, im Joseph Smith.)
- Ta eo ear walök ñõn King Herod elikin an Piter drolök jen kalbuij? (Lale Jerbal 12:21–23). Keidi ta eo ear walök ñõn Herod ñõn ta eo ear walök ñõn Kabuñ in einwõt an walök ilo (Jeral 12:24). Ta eo kwar lo ilo an Kabuñ in edroklök meñe ear lon men ko me menin kaberer im elõñ armij rar kõnan kakure?

3. Saul (eo me jej melele kake ke ej Paul) im Barnabas rar kwalok kin gospel ñõn dri ailliñ ko.

Katak im kelet jet ian eon ko ilo Jerbal 13–14 elañe kwõj kõjerbale map eo, kalikar ia ko me Paul im Barnabas rekkar etal nan e ilo am kemlele trip eo air nan kilaj eo.

- Ta eo kir eo ñõn Saul im Barnabas ej kalikar kin wewein an uwan re jeral ak kômõne jeral eo an Anij? (Lale Jerbal 13:1–3. Konono kake aurök eo ikijen jar

im jitolok im madenlok im maroñ eo kin priesthood eo im kir ko uwan ro rej kōmōne ilo Kabuñ in. Ta iminene ko am im rekkar jibañ yok nan am jelā bwe kir ko ilo Kabuñ in rej itok jen Jitōb?

- Dri tel ro ilo synogogue ilo Antioch rar kirlōk Paul ñōn an konono ilo ien kwalok ko air rar in Jabot. (Jermal 13:14–15). Ta nan ko Paul ear konono kaki? (Lale Jermal 13:23–31, 38–41.) Ekijkan an Dri Ailliñ ko ilo Antioch kar eñjake nan ak enan ko an? (Jermal 13:42–44, 48). Etke jet ian Dri Ju rar kōnan na ruñ im ekajete Paul im Barnabas? (Lale Jermal 13:45–47.)
- Ta eo armij in Listra rar kōmōne ke Paul ej kemouri emōn eo jen an kirro? (Jermal 14:8–13. Kemleleik bwe Jupiter im Merkurios rej anij ko rewan armij ro rej Kabuñ nani.) Ewi wewein an Paul im Barnebas kōmōn ke rej lo an armij ro nebar irro? (Lale Jermal 14:14–18.) Kalikar bwe dri kaki ro re mōl ilo nan ko an Anij aolep ien rej lelok nebar ko ñōn Anij. Ekijkan am loe ilo ran kein wewein in iben dri tōl ro ran kein?
- Ilo enañin jikin ko me Paul im Barnabas rekkar etal ñōn e, rekkar lo elōñ armij ro rekanuj in mōnōnō in roñjake gospel eo, rar bareinwōt iōn elōñ armij ro im rekōnan liakelōk ir im nae Kabuñ eo. (Jermal 13:43–45, 50; 14:1–6, 19). Etke Paul im Barnabas rekon bar rool lōk ñōn jikin ko meñe rekōnan liakelōk erro? (Lale Jermal 14:21–23. Rekkar kajutak branch ko an Kabuñ in ilo jikin kein, im rekkar rool lōk ñōn air kokotak uwan ro rekāl ilo branch kein.) Ta eo jemaroñ kōmōne ñōn ar jibañ uwan ro ilo ward ak branch ko ad?

Dri Kanan Gordon B. Hinckley ekkar kwalok ñan kein ilo an lonlōk uwan ro rej kōba tok jej aikuij in kolaplōk edro ko ad ñōn ad jibañ ir im bukōt jet wewein ko. Aolepen armij rein raikuij jibañ ko im ewōr jilu (3) men ko me raikuiji: rej raikuij jerair, raikuij ro me rej edro ñōn er, raikuij ro me rej najidkier kin nan ko an Anij (Moroni 6:4). Ej ar edro ñōn ar kake men kein ñōn ir (ilo Conference Report, Apr. 1997, 66; ak *Ensign*, May 1997, 47.)

4. Dri Jilōk ro rar rejañ Dri Ailliñ ko bwe rejab aikuh in drebiji wōt kein ko an Moses.

Konono im kemleleik kin eon kein jen bōk in Jermal 15:1–35.

- Ta iakwelel ko Paul im Barnabas ilo ien eo rar etal ñōn Jerusalem rekkar iōn i? (Lale Jermal 15:1–2. Kemleleik bwe mwijmwij jabin ej juñ ian kein ko an Moses. Jabdrewōt maan ro rej mwijmwij rej kejbarok kein ko. Meñe Jisōs Kraist ekkar itok im kajetjet aolepen kien ko an Moses, jet ian dri Christian ro, dri Ju ro im rej dri Christian rar kajeoñ in drebiji wōt wewein in im kōnan bwe dri Aillōñ ro rej kōba tok ren bareinwōt kōmōne.) Ewi wewein an kar limotak in jako? (Elikin elōñ katak ko, Dri Jilōk ro rekkar bōk eñjake ko ke ejab juñ men eo me aurōk.)
- Ewi wewein an men in ear bōk jikin ilo buk in Jermal 15:6–31 kalikar jekjekin im wewein karōk ko ilo Kabuñ in elañe ej walōk wewein rōt in?
 - a. Dri tel ro an Kabuñ in rej kōba iben droñ ñōn air etale jabdrewōt men eo ej walōk (eon 6).
 - b. Rej etale men eo iben droñ ilo juñ ien eo aetok (eon 7–21).
 - c. Rej kōmōne jemlōk ko air ekkar ñōn ta eo ak kōnan ko an Iroj (eon 19–21).
 - d. Jitōb Kwojarjar eo ej kalikar lōmnak ko air elañe ejimwe (eon 28).
 - e. Jemelōkin walōk eo rej kwalok ñōn Armij ro ñōn air erra ie (eon 22–31).

Jemlokin

Kamōl bwe Kabuñ in aolep ien ej tel jen madenlok ko me rej itok ñõn e ilo ran kein. Kōketak uwan ro ilo kilaj eo nan air lor nan in jiroñ ko rej itok jen dri kanan eo ej mour im dri tel ro an Kabuñ in.

Jet Melele Ko ñõn Katak

Wewein kein rej ñõn jibañ im kōkōmōnmōnlok kilen katak eo. Komaroñ kōjerbale juõn ak ruo ian wewein kein ilo am kōmōne katak eo.

Kabuñ in ibelakin lal in

Ñõn kwalok ñõn uwan ro ekijkan an Kabuñ in edrok, kwalok map eo map in lal in. Im kalikar tu ia ko me uwan ro ilo Kabuñ in rej mour ilo tore ko an Cornelius (ran kein ej walōk Israel, Turkey, Greece, kab area ko me ibelakin). Elikin kōmōn bwe kilaj uwan ro ren kwalok ia ko me uwan ro ilo Kabuñ in rej mour ie rainin. Kemleleiki jikin ko, ewōr elōñlōk jen 57,000 mijinede ro rej jermal ilo 116 lōl ko im emotlōk jen 45 kain kajin ko im reotak air konono jen droñ. (Komaroñ loe bar jet kemlele ko ikijen wewein in ilo buk ko an Kabuñ in).

“Kin Menin Kabuñ Ko Rar Jutak Ilo Tōmak Eo”

Katak
31

Jerbal 15:36–18:22; 1 im 2 Tessalonika

Un eo Ñõn jibañ ro uwan kilaj ro katak jen wewein an Paul kwalok gospel eo im kin wewein an mour einwõt juõn Armij ak juõn uwan in kabuñ in.

Kebojakjak

1. Konono, kölmenlokijen im jar kin lajrak in jeje ko rekwojarjar kein:
 - a. Jerbal 15:36–41; 16; 17:1–15; 18:1–22. Elikin an wõr lakwelel ko kin an dri ailõñ ko oktak im kein Moses ilo an melele, Paul im Barnabas rekkar kobojak ñõn air jino ial eo aerro kein karuo. Rar jab erra iben droñ kin mijinede ro me rej etal ippaer im kin menin rar jibel. Paul ebõk Silas im Timote im jino ial eo an ilo Macedonia im Greece. Ekka air na-ruaer bõtáp elõñ ro im rar oktak ippaer.
 - b. Jerbal 17:16–34. Paul ej etal ñõn Athens im lo jikin kwalok eo an jab wanik. Ekkar kwalok ñõn ir ilo Athens ilo an jutak ilo Mars’ Hill im kemleleik kin kadkad in Anij, im iben droñ eo an aõlep armij einwõt ro nejin Anij im bareinwõt kin Jerkakbeji.
 - c. 1 im 2 Dri Tessalonika. Paul ear je leta kein karuo non ro remõn ilo Tessalonika, juõn jikin kwalok ilo Macedonia. Ekkar rejañ ir non air tilmake gospel eo im keboj ir non itõk eo an Kraist Kein Karuo im mour einwõt juõn armij eo emõn.
2. Kakobaba nan riit: 1 Korint 2:4–5, 10–13.
3. Elañe men kein kalikar, kwo maroñ kõjerbale ilo am kõmõne katak eo.
 - a. Map eo an Paul ilo itoitak eo an kein karuo (map 20 ilo Jeje ko an LDS ilo King James Bible eo)
 - b. “The Second Coming,” Jilu (3) minit kin *New Testament Video Presentations* (53914).
4. Lõmnak ko ñõn katakin: Uwan ro ilo kilaj eo ewõr air edro ñõn air itõk ñõn kilaj ilo air bojak ñõn air kajitõk kajitõk ko im lõmnak ko ñõn air koba iben droñ im kwalok iminene ko air im kwalok nan in kamõl ko air. Kõketak ro ilo kilaj eo ñõn air katak kin jeje ko im jar ran otemjej. Kwalok itõklimo ko air im kile ta ko rej kõmõne ilo kilaj eo.

Elmokõt In Katak ñõn Edrõklok

Makitkit Ko Bwe
En Wõr Itõklimo

Elañe ekkar, kõjербal lajrak in makitkit kein ak juõn eo kwõj lõmnake mokta am jen katak eo.

Kwalok bwebwenato in:

Ke ikar jokwe iben juõn bamle eo na-etan Heywood ilo Salt Lake City ilo 1800 yiõ ko, John Morgan ekkar etõnak juõn boñ ilo an etaltal ilo juõn ial ilo Georgia.

Ear kile ial eo kinke e kijoñ kōjerbale ilo ien ke ear kar dri tarinae ilo Civil War ak bata eo ikōtan States. Ear itōk ñōn ijo me ial eo jibel im ear lo Brigham Young ej jutak. Meñe mweia ñōn ial eo juōn ej iok lōk town ak Dri Kanan Young ear jiroñe bwe en bōk ial eo tu-anmin.

Mr. Morgan eo me ekkar jab uwan in Kabuñ in ilo ien in, ekkar jiroñ lōk Sister Heywood kin etōnak eo an im kajitōk ewi wewein an lōmnak kake. Ekkar ba nane ke ej tōmak ej aikuij in kōba tok ilo Kabuñ in im jermal einwōt juōn mijinede ilo bukōn ko ilo tu-rok im juōn ran enaj loe ial eo me ear lo ilo etōnak eo an. Im ñe enaj walōk, ej aikuij in kemejmej Brigham Young ikijen nan in jiroñ ko an bwe en bōk ial eo tu-anmin.

Yiō ko tokelik, elikin an John Morgan baptais im rar kir e bwe en juōn mijinede ñōn bukōn ko ilo tu-ra ear, ekkar itōk ñōn juōn ial eo me ej jibel im ruo mōttan im ej kemejmej etōnak eo an. Ekkar kemejmej nan in jiroñ eo bwe en bōk ial eo tu-anmin im ekkar kōmōne. Juōn awa tokalik, ekkar itak lōk ilo juōn town eo rej na-etan Heywood Valley—juōn jikin eo ekanuij in aibojoj im etan ej bōk etan bamle eo ekkar jokwe iben ilo tōre eo me etōnak in ear walōk.

Ke ej etal ibiljin jikin eo im katakin, ekkar lo bwe armij ro ijo rar bojak ñōn air roñjake gospel eo. Ke erro ar katak iben, jet ian bamle ko rar jiroñ lōk ke ekkar wōr juōn eman ear itōk iman lōk, joñoul ran ko lōk iman im kajitōk ippaer elañe emaroñ in lor jet kōkale ko ilo Bible ko air im ekkar jiroñ lōk ir ke ewōr juōn eo ej itōk eliku tok. Enaj itōk im kemleleik kom kin ijokien me na ij kōkaleiki. John Morgan ekkar kemleleik ke ijoko me emōj kōkaleiki ekkar katakin armij ro kaki im kemlele ñōn ir. Ilo wiik ko tokelik, Elder Morgan ekkar katakin im elōñ armij ro ear katakin ir enañin 20 jima ak 23 bamle ko ak jilu wōt ian bamle kein 23 rar jab baptais ak aolepen bamle kein rekkar baptais. (Bryant S. Hinckley, *The Faith of Our Pioneer Fathers* [1956], 242–244.)

- Ta tōbrak ko ñōn John Morgan ke ear juōn mijinede? (Uwak ko emaroñ kōba ke ear mōnōnō in lap an jermal im mōnōnō in roñjake Jitōb im armij ro rar bojak in roñjake gospel eo.)

Kemleleik ñōn kilaj eo kin Dri Jilōk Paul eo me enañin einlok wōt John Morgan ear roñjake wewein an Jitōb unoj drikdrik ñōne ñōn an maroñ erom juōn mijinede eo me eboloman. Ilo ial eo an kein karuo, Paul ear ion elōñ nan in konono ko bōtap elōñ ro me rar bareinwōt bojak ñōn air bōk gospel an Jisōs Kraist.

Konono Jen Jeje
Ko Im Kōjerbali

Ilo an katakin kin ial eo an Paul, konno ippaer ta eo kwar katak jen katak ko an Paul kin gospel eo. Jej aikuij kobjoj kwoj make ñōn ar katak kin gospel im kōkajur lōk kamōl ko ad ak nan in kamōl ko ar.

1. Paul, Silas, im Timote rar kwalok ibelakin aolepen Macedonia im Greece.

Konono im etale Jerbal 15:36–41; 16; 17:1–15; 18:1–22. Kajitōk iben kilaj eo bwe ren kelet jet eon ko. Kwomaroñ kakemejmej kilaj eo bwe buk ko ilo buk in Jerbal ekkar jeje Luk. Ej kalikar bwe ekkaretatal iben Paul ilo jet ian ial ko an Paul. Kinke ej kalikar wewein nan ko ej kōjerbali elañe ej konono kin makitkit ko an Paul im eo mōttan me ej itoitak iben (Jermal 16:10).

- Ilo ial eo an kein karuo, Paul ear kwalok ilo jikin kein, Macedonia im Greek ekōba Pilippai, Tessonika, Berea, Korint, im Athens. (Kalikar jikin kein ilo

map eo) Ewi wewein an Jitōb tel Paul im leo mōttan ilo ial kein air? (Lale Jerbal 16:6–10; 18:9–11.) Ewi wewein an Jitōb tel yōk ilo am jermal ñōn Iroj?

- Jeje ko rej kwalok ke Lydia ear roñjake im tōmak Paul kinke Iroj ear keblok buruen (Jermal 16:14–15). Ta unin an aurōk ñe ej belok buruwōd ñōn an gospel eo dreloñ? (Lale Mosiah 2:9; D&C 64:34.) Kajitōk iben uwan ro ilo kilaj eo ñōn air kwalok iminene ko air ilo an Iroj kobelok buruwer im lōmnak ko air (ak juōn eo me kojelā kake ilo an bello) ñōn gospel eo.
- Etke Paul im leo mōttan rar kalbuij ilo Thyatira? (Lale Jerbal 16:16–24.) Ekijkan air kar maroñ in deer? (Lale Jerbal 16:25–26.) Ewi wewein ear kar kōjermal wewein in einwōt juōn mijinede? (Lale Jerbal 16:27–34.) Ta wanjoñak ko jet ekkar ñōn bwebwenato in Kabuñ in ak kin mour eo am ijo me ear wōr liakelok ko?
- Ta eo Paul ear katakin armij ro ilo Tessalonika ke ear jolok jilu (3) Jabot ilo menin kwalok ko air ie? (Lale Jerbal 17:1–3.) Ta tōbrak in katak ko an Paul ilo Tessalonika? (Lale Jerbal 17:4–10.)
- Ekijkan an armij ro ilo ñōn kwalok ko ilo Berea bōk katak ko an Paul? (Lale Jerbal 17:10–12.) Ewi wewein ad maroñ in kaloblok jelā eo ad ilo ad katak jen jeje ko kin gospel eo?

2. Paul ej kwalok ion Mars' Hill ej juōn tol jidrikrik ñōn armij ro ilo Athen.

Konono iben droñ im kelet jet eon ko jen buk in Jerbal 17:16–34. Kemleleik bwe elikin an Paul etal jen Berea, ekkar itōk ñōn Athens eo meilo tōre kein ekkar juōn center eo ñōn lal in ekkar ñōn manit. Elōñ dri meletlet ro rej kile Anij bwe ejab juōn Anij eo me ej Anij emol imej jemed wōj. Rej kabuñ ñōn Anij ko me kōmōn im jab kabuñ ñōn Anij eo emol. Rej likit meletlet ko an armij im bōk jikin reveleson ko jen Anij im iakwelel jelālokjen ko an armij make jen mōl eo jen iben Anij.

- Dri jelālokjen rein ilo Athens rej “jolok ien ko air ilo ejjelok men en rej kōmōne” ikijen iakwelel ak bwebwenato iben droñ kin men ko (Jermal 17:21). Ewi wewein an menin mōl rainin? Ta jorren eo emaroñ in walōk ilo ad bukōti men ko me rekal?
- Ta eo me Paul ej katakin armij ro ilo Athens kake? (Jermal 17:22–31; bareinwōt lale Ukok eo an Joseph Smith ilo Jerbal 17:27) Ta unin an lap tokjen bwe jen jelā bwe jej ro nejin Anij? (Jermal 17:28). Ewi wewein ad melele kin mōl eo an Anij kin role eo an Jemed ilo an jibañ kij bwe jen yokwe e?
- Paul ear kwalok im jelmae melele ko an dri meletlet ro ikijen lōmnak ko air imkamōl kin Anij. Ilo an katakin kin gospel eo im kemleleik ke nan in kamōl ko ad ak kile ko ad elap air aurōk lōk jen men ko jej lōmnak kaki? (Lale 1 Korint 2:4–5, 10–13.)
- Etke dri jelālokjen ro ilo Athens rar roñjake Paul? (Lale Jerbal 17:18–21.) Ewi wewein am lōmnak kin wewein ilo an jelet uwak ko an Paul? (Lale Jerbal 17:32–33.) Ekijkan ad maroñ in kobj kij make ñōn roñjake im melele kin nan ko an Anij jen dri tel ro ad ilo Kabuñ in?

3. Paul ear je leta ko im ñōn in jiroñ ko ñōn ro remōn ilo Tessalonika.

Konono im etale iben droñ eon ko emōj kaleti jen 1 Tessalonika im 2 Tessalonika.

- Paul ear bwe an inebata kin ro remōn ilo Tessalonika ak ear jab maroñ in etal ñōn ippaer, kin menin ear jilninlok Timote (1 Tessalonika 2:17–18; 3:1–2, 5–7). Elikin an Timote roltok, Paul ear bar je ruo 2 leta ko im nan in jiroñ ko im nan in kōkajur ko nan armij ro ilo Tessalonika. Ta eo jemaroñ katak jen tokjen ko Paul ear lilok nan Dri Tessalonika nan kij ilo uwan ro ilo kabuñ in rainin?
- Ta eo Paul ej katakin ilo 1 Tessalonika 1:5 im 2:2–12 kin wewein katakin kin gospel eo ñōn ro jet? (Je uwak ko an uwan ro ilo kilaj eo ilo blackboard eo.) Ekijkan an wewein kein maroñ in jibañ yōk katak kin gospel eo?
- Ta aikuij ko an armij ro ilo Tessalonika ilo an alikar ikijen kemlele ko an Paul kin itōk eo an kein Karuo? (Lale 1 Tessalonika 4:13–18; 5:1–3.) Ta eo Paul ej kemleleik Dri Tessalonika enaj walōk ilo Itōk eo Kein Karuo? (Lale 2 Tessalonika 2:1–4.) Ewi wewein an kanan in bōk jikin? (D&C 1:15–16; 112:23; Joseph Smith—History 1:19.)
- Ta eo Paul ear jiroñ Armij in Tessalonika bwe ren kobojak ñōn Itōk eo Kein Karuo? (Lale 1 Tessalonika 5:4–8.) Ta eo jej aikuij in kōmōne im kobojak nan itōk eo Kein Karuo?

Elañe kwōj kōjberbal video eo “The Second Coming,” kwo maroñ kwaloke. Kemleleik ilo tu-kadru in nan ko an Elder Packer im Elder Maxwell kin Itōk eo Kein Karuo im jab inebata elañe enaj walōk.

- Ta nan in jiroñ ko Paul ear lilok ñōn Armij in Tessalonika? (Lale 1 Tessalonika 4:9–12; 5:11–22.) Je uwak ko an uwan ro ilo kilaj eo ilo blackboard eo. Einwōt an jitōb tel, konono iben droñ kin melele ko im nan in jiroñ ko emōj kolajraki. Im etale ekijkan bwe jen maroñ in lor nan in jiroñ ko nan ad maroñ in bōk jerammōn ko.

Jemlokin

Kwalok nan in kamōl eo am kin mōl eo ilo an Paul katakin kin aurōk eo an mijinede im ro ilo kabuñ in rej aikuij in bōke. Kōketak uwan ro ilo kilaj eo ñōn air edrōklok ñōn bōk aurōk ko bwe ren maroñ kobojar make imro jet nan Itōk eo an Iroj Kein Karuo.

Jet Melele Ko ñōn Katakin

Wewein kein rej ñōn jibañ im kokomōnmōnlok kilen katakin. Katakin kōjberbal juōn ak ruo ian wewein kein ilo am kōmōne katak eo.

Katakin kin gospel eo ilo wewein mejatoto eo ejimwe

Kajitōk iben kilaj eo bwe ren konono 1 Tessalonika 2:2–3. Kalikar ñōn ir bwe Paul ej ba ke gospel eo jej aikuij in katakin ilo jetjet im ejelok ijen me enojak ie. Elder James E. Talmage ekkar kōbaitōk ke jej aikuij in lukkin in kwalok ilo mōl ilo ad jab kononoik im kwalok kin ro jet kin tōmak ko air. Kwalok bwebwenato in einwōt an walōk ijin:

Ke Elder Talmage ear juōn dri jikul, ear ion juōn emaan eo me ekkar kajeoñ in wia kake kin juōn lamp. Elder Talmage ekkar wōr juōn an lamp kadede eo me ekanoj in lap an eman bōtap ear kōtlok an dri wiakake lamp eo etal nan mwe imōn im kwalok ñōn e kin lamp eo me ej ton wia kake.

Ekkar kwalok ilo nan kein, ke kemij dreloñ ilo room eo aõ, dri lotok eo ekkar kanuij in kwalok an nebare. Ekkar ba ke ej juõn lamp eo me emõn im eba ejanin kar elolo juõn lamp eman air kar kõmõnmõn wik eo ie. Ekkar le-lon le-lal wik eo im kwalok ke ekanuij in lapan eman.

“ ‘Elikin,’ ear ba, ‘elañe emõn ippam inaj tile lamp,’ e aõ im ekkar bõk jen ijo jikin imtileimekkar kõmaram aolepen kona ko eman (4) iloan room eo. Merameo an ekkar aikuni meram in lamp eo aõ mae tõre eo ke iar kile ke wewein eo ijanin kar ion e kin joñan emõn eo an im iar katak kake im kile.”

Elder Talmage ekkar wiaki lamp eo ekal im elikin ear kwalok ke ear katak jen iben dri wia kake lamp eo ilo wewein an katakin kin gospel eo: “Leo ear wia kake lamp eo ekkar jab kwalok an jab erra ippa ak ear likit im kalikar juõn meram eo me emeram lõk iturin lamp eo aõ im ikar jab kõttar ak ikar kõnan bõke.

Mijinede ro an Kabuñ eo an Jisõs Kraist rainin rej jilkinlok ir, ejab bwe ren kõnanaik im kajrere kin tõmak ko an ro jet ak ñõn air door iman lal in meram eo emeram lõk eo me baat ko rej kobinjak mejen armij nan air maroñ in kile meram in katak ko me rej ion e. Jerbal eo an Kabuñ in ej ñõn kalok, ejab ñõn kakkure (ilo ALbert L. Zobell Jr., *Story Gems* [1953], 45–48; bareinwõt lala *The Parables of James E. Talmage*, comp. Albert L. Zobell Jr. [1973], 1–6).

Jerbal 18:23–20: 38; Galetia

Un eo Ññon kōketak uwan ro kilaj ro ññon air bukōt kajur eo jen Jitōb Kwojarjar ññon air maroñ in jab bo ilo wewein makitkit ko me enaj kōmōn bwe ren jab bōke edrōklok kein.

Kebojakjak

1. Konono, kōlmenlokijen im jar kin lajrak in jeje ko rekwojarjar kein:
 - a. Jerbal 18:23; 19:41. Paul ekkar jino ial in mijinede eo an kein ka-jilu. Aquila im Priscilla rar kwalok gospel eo ññon Apollos. Paul ej katakin, baptais, im lelok Jitōb Kwojarjar ññon ro me rej tōmak ilo Epesōs. Demetrius im bareinwōt ro me rej kōmōn jermal ko im kōmōn bōktak ko iben armij in Epesōs nae Paul.
 - b. Jerbal 20. Paul ej etal jen Epesōs im kwalok ilo Macedonia im Greece. Ilo ial eo an lōk nan Jerusalem, ear kōmōne juōn enan eo me ej konono ññon dri tel ro an ekelesia eo an Epsos im kakkōl ir ekijen an naj armij ellok jen ial eo ejimwe.
 - c. Galetia. Paul ear je leta eo an ññon an karōn Dri Galetia bwe rej aikuij in roñjake ilo air jablak ññon kein ko an Moses. Ear kakkōl ir im kakemejmej ir kin aurōk eo ilo tōmak ilo Iroj Jisōs Kraist im kōkajur ir ññon air bukōt leen jitōb.
2. Elañe map in itoitak eo an Paul kein kajilu ealika (map 21 ilo LDS edition eo ilo King James Bible eo), kwo maroñ kōjerbale ilo ien in kwōj kōmōne katak in.
3. Lōmnak ko ññon katakin: Jet ian bwebwenato ko me remōn im wanjoñak ko ej ko me rej itōk jen mour eo am make. Bedbed wōt ilo jitōb ilo an jibañ yōk ikijen iminene ko me kwar ion im kwōj tōmak renaj wōr tōkjaier ññon am kwalok iben uwan ro ilo kilaj eo. (*Lale Teaching—No Greater Call*, 87, 127.)

Elmokōt In Katak ññon Edrōklok

Makitkit Ko Bwe En Wōr Itōklimo Elañe ekkar, kōjermal lajrak in makitkit kein ak juōn eo kwōj lōmnake mokta jen am jino katak eo.

Kajitōk iben kilaj kin air lōmnak kin kabel ak jelā ko air (einwōt ikkure kin kein ikkure ko, keke, jeje, ak ikkure kin ikkure ko jet) ko me rekkar jelā kaki ak rejañin kōmōne iumin juōn ien. Kajitōk:

- Komōnōnō ke in kōjerbale kabel eo am ak jelā eo am rainin? Ewi joñan am maroñ? Ta eo kwōj aikuij in kōmōne nan kōjerbale kabel eo am einwōt am kar kōmōne ilo ien ko rej motlok? (Elañe ejjelok juōn ian ro ilo kijal eo remaroñ kwalok kabel im jelā ko air, konono kake jet wonjonak ko ilo mour eo am). Kalika bwe ilo ad kile wewein an Jitōb Kwojarjar jermal emaroñ bōktok ññon kij

eñjake ko ilo jelã ko ad ilo jitõb im maroñ ko. Ilo ad kõjberbal telent in, jej edrõklok kake.

Kalikar bwe wewein ad kile Jerbal Ko an Jitõb Kwojarjar emaroñ ilo kõjerbale kabel ak maroñ ko ilo jitõb. Ñe ej lap ad kõjerbale jelã eo ej itõk ñõn kij jej edrõk lok ilo ad jermal.

- Ewi wewein ad maroñ in kolaplok jelã ko ad im eñjake wewein an jitõb jibañ kij? (Uwak eo emaroñ kõba ilo admour jimwe im bukõt eñjake ko ilo an Jitõb Kwojarjar litõk nan kij ilo ad buki.) Ta eo enaj walõk elañe enaj letok maroñ in im jej kowaan e?

Kemleleik bwe rainin ilo ad konono kin ial eo an Paul kein ka jilu im leta eo an Dri Galetia ekõba konono kin wewein eo me jaikuiji jibañ eo jen Jitõb Kwojarjar im ewi wewein bwe maroñ in jerammõn ilo ad kõmõne.

Konono Jen Jeje
Ko Im Kõjembali

Jar im kelet eon ta ko ewi im kajitõk ta ko me ewõr tokjaer nan an kilaj eo konono kaki. Ekijkan im ewi wewein an eon kein jelet mour ko ad rainin. Kõketak ro uwan kilaj eo nan air kwalok iminene ko air me rej uwan lõk wõt ta kein me jeje kein rej konono kaki.

1. Paul ej katakin, baptais im lelok Jitõb Kwojarjar ñõn ro rej tõmak ilo Epesõs.

Konono kake Jerbal 18:23–19:41. Im kajitõk iben uwan ro kilaj ro bwe ren kelet jet eon ko. Kemlele nan ir bwe elikin an Paul rol jen mission eo an kein karuo ear jolok jetien ko ilo Antioch im lak moj etal ilo ial eo an ak trip eo an kein ka-jilu. (Jermal 18:22–23.) Ilo ial in an kein ka-jilu, ekkar jolok aolepen ien ko an—enañin jilu (3) yiõ—ilo an katakin ilo Epesõs. (Elañe kwõj kõjberbal map eo, kalikar ial eo im ia eo Paul ekkar bed ie ilo tõre in kwõj konono kake kin trip eo an kein ka-jilu.)

- Apollos ear juõn dri Ju eo me ear jelã kin baptais einwõt an kar roñ an John Baptist konono kake bõtap ear jab jelã kin men in letok eo an Jitõb Kwojarjar. Ke Aquila im Priscilla, ruo (2) uwan in ekelesia eo rekkar bed ilo Epesõs rar roñ an Apollos kwalok, rar katakini “ial eo ejimwe an Anij” (Jermal 18:26). Ta aurõk eo im wewein eo me ear kõmõn bwe Apollos en maroñ in katakin? (Jermal 18:26). Ta aurõk eo im wewein eo me ear kõmõn bwe Apollos en maroñ in katakin? (Lale Jerbal 18:24–28.) Ewi wewein an wewein kein maroñ in kõmõn bwe en juõn dri kaki eo me ejala katakin? Ewi wewein ad maroñ in bõki jelã kein?
- Ta emakit eo an Jitõb ear walõk ñõn armij ro ilo Epesõs ilo ien eo rar bõk men in letok eo Jitõb Kwojarjar? (Lale Jerbal 19:6.) Bar naat ekkar bareinwõt walõk kain emakit rõt in? (Lale Jerbal 2:1–4; 10:44–46. Dri Jilõk ro rar konono kin lo ko ke rar emakit kin men in letok eo an Jitõb Kwojarjar ilo ran in Pentecost eo. Jet ian Dri ailõñ ko ilo Caesarea rar bareinwõt konono kin lo ko elikin an Piter lelok visiõn bwe gospel eo ej aikuij in kwalok nan dri ailõñ ko.) Ta emakit ko im kõkajur ko ilo an Jitõb itõk kin Jitõb Kwojarjar rej walõk nan kij ran kein? (Lale D&C 6:15, 23; 8:2 nan jet wanjoñak ko; lale bareinwõt 1 Kings 19:12.)
- Etke Paul ekkar duojilõk jen synagogue ak mon kwalok ko an dri Epesõs im jino an katakin ilo jikul eo ilo Tyrannus? (Lale Jerbal 19:8–9. Lale bõk in ikõtãn eon kein ej melelein katakin kab kõlmanlokjen kaki). Ewi wewein ad maroñ in uwak ñõn armij ro merej kononoik ak jab erra ilo gospel eo? (Lale 3 Nephi 11:29–30.)

Elder Marvin J. Ashton ekkar kwalok: “Elañe rojet rejab erra iben ijo me jej jutak kake, jej jab aikuij in akweel. Jej aikuij in konono ippaier ilo nan ko re-joij ññ ad kemlele ippaier. Edro eo ad ej ññ ad kemleleiki ia eo jej bed ie ikijen melele ko ilo joij im melele ko rejimwe. Jej aikuij in jutak bin ikijen men ko an mour in ilo ran kein keidi ññ bedbed in tōmak ko ññ mour in dreo an gospel ak ññ iakwelel, jej jab aikuij in kōmōne ññ jabdrewōt. Akwel ko rej kalok wōrwōr ko im kōmōn kōtan ko. Yokwe ej kobelok kojām ko im iakwelel eban im ejamin juōn ial eo ññ edrōklok (ilo Conference Report April 1978,10; kab *Ensign*, May 1978, 7–8).

- Etkē Demetrius im silver smiths rekkar inebata iben Paul ilo an katakin? (Lale Jerbal 19:23–28. Rekkar kōmōne juōn jikin eo ññ air wia kake ekojab eo Diana, juōn riab in Anij im rar inebata bwe renaj luji customer ro air einwōt an Paul itōk imukōt ir ññ gospel eo an Jisōs Kraist). Ekijkan an men ko buñin mour in kijien mweie im men ko an lal jelet ad yokwe Anij? Ekijkan an men kein maroñ in jelete maroñ eo nan an armij roñjake mōl eo an Jitōb?
- Keidi eñjake eo an Demetrius im dri kōmōn jelba ro nan eñjake ak lōmnak ko an armij in Epesōs ilo ien eo rar kakure buk ko air ke rar jino air lor Jisōs Kraist (Jerbal 19:18–19). Ewi wewein ad maroñ in kejbarok ial eo ejimwe ikijen men ko an mour in?

2. Paul ekkar lelok ññ eo an ññ dri tel ro ilo ekelesia eo ilo Epesōs.

Konono im katak eon ko me emōj kōjenoloki jen Jerbal 20. Kalikar im kemleleik ke elikin an Paul etal jen Epesōs im etal ññ Macedonia im Greece im kwalok kin gospel ear bareinwōt lōmnak ññ an rol ññ Jerusalem ññ ien Pentecost eo. Ilo ial eo an lōk ke ej jeblak ññ Jerusalem, ekkar jilinlok juōn ññ an kajitōk iben ekelesia eo Epesōs ññ air ion e ilo Miletus. Ekkar kwalok juōn ññ eo elap ññ ir im wōnmanlōk ilo ial eo an.

- Ekkar kile im tōmak bwe bolen enaj ien eo elikatata im ej konono ññ ir ilo Epesōs nan Elder ro. Ta eo Paul ear lukin kalikar e ilo ññ eo an eliktata ke ear konono nan ir? (Lale Jerbal 20:28–35.) Won ro me rej wolves ko relaj ilo an Paul konono kaki? (Jerbal 20:29. Dri kojrat ro an Ekelesia.) Won ro jet Paul ekkar kakkōl kake ir? (Jerbal 20:30. Uwan ro ilo ekelesia ko ro me renaj ellok jen ial eo renaj kajeoñ in tel biloik uwan ro jet.) Ewi wewein ad maroñ in kobj kij make bwe jen jab ion ak buñ jen tōmak in ilo mour ko ad?
- Ta eo Paul ear jiroñ lōk edler ro ilo Epesōs bwe rej aikuij in jibañ ekelesia eo bwe ren jab bo im ellok jen kabuñ eo? (Lale Jerbal 20:28; lale Jon 21:15–17). Ewi wewein ad maroñ in kejbarok sip ko an jen wolve ko relaj?
- Paul ear ko jemlok nan ko an ññ dri Epesōs ilo an kakemejmej ir kin katak ko an Iroj ko me jej bōk ad jerammōn jeni. (Jerbal 20:35.) Ewi wewein am kile men in bwe ej juōn men eo emol ilo mour eo am?

3. Paul ej na-ruōn im kemleleik ro remōn ilo Galetia.

Konono im kemleleik eon ko emōj kojnoloki jen leta eo an Paul nan dri Galetia. Kemleleik bwe ilo ien eo Paul ej etal ilo trip eo an kein ka-jilu, ekkar jeje ññ ro remōn ilo Galetia. Elōñ wōt iaer rekkar kejbarok kein ko an Moses. Ekkar kakkōl ir bwe ren jab bōk melele in bwe lomor ej itōk kin jerbal ko me remōn ekkar ññ kein ko an Moses im jab tōmak ilo Iroj Jisōs Kraist.

- Ta eo kein ko oan Moses rej jutak kake? (Lale Galetia 3:23–26; Jakob 4:4–5; Mosiah 13:29–30.) Iroj ear lelok ññ dri Israel ro kien ko ññ an jibañ ir kemejmej im koboj ir ññ air bök lomor eo ikijen mij eo an Kraist ion drebel. Ewi wewein an kien ko an Moses jejet? (Lale 3 Nephi 15:2–5; Alma 34:10; 3 Nephi 9:19. Jisōs ekkar kajetjet aolepen kien ko an Moses ilo bin-mour eo an eo me ear alikar kin aolepen kakien ko ilo kien ko.)
- Paul ekkar kanuij in lap an bwilōñ kin armij ro ilo Galetia kin air jeblak ññ kien ko an Moses elikin wōt air kar katak kin gospel eo an Jisōs Kraist. (Galetia 1:6; 4:9.) Ta unin air rol ññ kien ko an Moses ej kalikar bwe rar jabwe ilo tōmak ilo Iroj. (Lale Galetia 2:16; 3:1–5; 5:1–6.)
- Ilo ran ko an Paul, elōñ armij ro rekkar kajeoñ in ukōt gospel eo an Jisōs Kraist. (Galetia 1:7–8). Ta eo me ej walōk ilo ran kien ilo wewein in? Ekijkan im ewi wewein ad maroñ in uwak kin ro me rej kajeoñ in kejbarok gospel eo?
- Ta eo me jemaroñ katak jen dri Galetia einwōt an walōk ilo 1:11–12 kin wewein air bök kamōl ko air kin gospel? Ta unin an lap tokjen bwe kamōl ko ad ren bedbed wōt ion reveleson ko an Jisōs Kraist? (Kwo maroñ konono kake menin kin wewein an kamōl ko ad jutak ion bedbed ko me remol ilo mour ko ad im ilo lōmnak ko rejetjet ilo ad ion men ko me rebin im drebij tōmak.)
- Paul ear kakkōl dri Galetia ikijen jebal ko an kaniek. (Lale Galetia 5:19–21.) Ta ko me rej ikijen kaniek? (Lale Galetia 5:19–21.) Ta eo enaj walōk ilo ad kōmōne jebal kien? (Lale Galetia 5:21.) Ikijen men kien keidi ññ rainin, ta eo me jemaroñ kōmōne ilo wiik in ññ ad maroñ edrōklok ilo Jitōb im kōkōmōnmōnlōk mour eo jej mour ie?
- Paul ekkar karōn dri Galetia ro bwe bukōt leen wijki ko ak uwak in mour ilo Jitōb? (Galetia 5:16, 25). Ta jet ian leen wijki kien? (Lale Galetia 5:22–23.) Ewi wewein an leen wijki kein jelet mour eo am? Ewi wewein am eñjake ñe ejako leen wijki kien ilo mour ko ad?
- Ta eo Paul ear katakin ro remōn ilo Galetia ññ air maroñ kōmōn nan ro nukier? (Lale Galetia 5:14, 6:2; im lale Mosia 18:8–10.) Ewi wewein ad maroñ in jibañ droñ? Ewi wewein an naj menin kebak lōk kij nan Jisōs Kraist?
- Ta melelein an Paul ba ññ dri Galetia bwe Anij ejab door bwe ren kajirere kake. (Lale Galetia 6:7; lale D&C 63:58). Juōn ian melele ko bwe jabdrewōt eo ejab bōkake Anij im jab ukwalok ej kenebataki im enaj bōk wonen. Ewi wewein an armij kajirere kin Anij im jab bōkake Anij rainin?
- Ta melelein men in “Jabdrewōt men eo armij ej jeer enaj madmōde” (Lale Galetia 6:7–9.) Ewi wewein an katak in jebal ññ mour eo ad rainin ilo ad roñkajek an Jitōb Kwojarjar komakit kij? Ewi wewein an jebal ññ kadkad eo ad ññ ro jet ak ññ mour eo ad make?

Jemlokin

Kalikar bwe men ko rebwir jebal ko, akwel ko, nan in ruruwe ko rej ial eo me rej ellok jen jimwe eo im rej kōmōn bwe jen jab bök Jitōb Kwojarjar. Ak elañe jenaj kate kij ilo mour jimwe im lor men ko remōn im kile, jenaj edrōklok. Kōketak uwan ro ilo kilaj eo ññ air lor im kajeoñ bwe Jitōb Kwojarjar en mour ilo ir.

**Jet Melele Ko
ñõn Katakín**

Wewein kein rej ñõn jibañ im kokomõnmõnlok kilen katakin. Katakín kõjerval juõn ak ruo ian wewein kein ilo am kõmõne katak eo.

Kwalok kin gospel eo ej einwõt an kar Paul katakin.

- Ta eo jemaroñ katak jen Paul ilo an kar kwalok kin gospel eo? (Lale Jerbal 19:8–10, 21; 20:7–12, 18–24, 27, 31, 35–36; lale bareinwõt 1 Tessalonika 1:5; 2:2–12 ilo katak 31.)

Je uwak ko an uwan ro ilo kilaj eo ion blackboard eo im kemleleik ewi wewein ad maroñ lor wanjoñak ko an Paul ilo katak ko ad.

1 Korint 1–6

Un eo Ññon kōketak kilaj eo bwe ren bukete jerammōn ko me rej itōk jen ad juōn wōt ilo Kraist, lor Jitōb im mour jimwe.

Kebojakjak

1. Konono, etale, im jar kin lajrakin bōk kein.
 - 1 Korint 1:10–13; 3:1–11. Paul ej rejañ Armij ro remōn bwe ren jab dreloñ ilo akwel ko im juōn wōt ilo lōmnak.
 - 1 Korint 1:17–31; 2:1–16. Paul ej rejañ Armij ro remōn ññon air wawa ion Jitōb im jab ion jelā ko an armij ak katak ko jen lal.
 - 1 Korint 3:16–17; 5; 6:9–20. Paul ej kemramlok ro remōn bwe ren bed ilo juōn mour eo erre.
2. Kakobaba nan riit: 1 Korint 7–10.
3. Lōmnak ko nan katakin: Elder Boyd K. Packer ear kwalok: “Emenin aurōk ññon juōn dri kaki ññon an emōn, im emenin aurōk nan an jelā kin jimwe, ilo lōmnak ko ññon edrōk lōk ilo tōmak, elap kōtan eo ilo ad jijet jutak iman kilaj eo ak ajiri ro nejid nan ad katakin ir” (*Teach Ye Diligently* [1975], 73).

Elmokōt In Katak ññon Edrōklok

Makitkit Ko Bwe en Wōr Itōklimo

Elañe ekkar, kōjerbal lajrak in makitkit kein ak juōn eo kwōj lōmnake mokta jen am jino katak eo.

Je juōn ial ion chalkboard eo, inem je bar juōn ear ion ial eo. Ñe emōj kwalok bwebwenato in einwōt an Elder Joseph B. Wirthlin kwaloke.

“ ‘Ke ikar etōr ion ial eo ion tol eo juōn jotan eo enanan lañ im lap an jorur im jejaromrom, Sister Wirthlin im na ekadrik ben am lo ial eo, jen tu jab eo rejet ilo anmin kab tu anmon. Elap wōt aō lale lain eo ilo ial jen aolep ien ij etōr. Ailo am lale lain eo ekōmōn bwe kimin jab wōtlok jen ial eo im itak ilo tol eo. Elañe ewōr rolok inem enaj wōr jorran, kin men in iar lōmnak juōn armij eo ejelā kelmanlokjen emaroñ ke kōmōn bwir elañe ejelā ta eo enaj walōk nane. Elañe ej kaurōk mour eo an emol enaj bed ilo kōtan lain ko.’

“Wewein eo ilo air etōr ion tol kein ej einwōt mour eo ad elañe jej bed wōt ilo lain eo Anij ear kalikare enaj kejbarok kij im jenaj tōbare ijo ilo ainemōn” (ilo Conference Report, Oct. 1990, 80; ak *Ensign*, Nov. 1990, 64).

Kemleleik bwe ien eo Paul ej je letter eo an ññon Armij ro ilo Korint, jet iaer rar ellok jen ial eo me an gospel eo. Katak in ej kemleleik an Paul jiroñ Armij ro remōn bwe ren oktak jen ial ko me emōj air jerlok nani. Je jilu lain ko ion chalkboard eo im ej kwalok ia eo wa eo etōr im le jen ial eo. Ilo lain eo kein kajuōn je *iakwelel* im *jibil*. Ilo jemlokin lain eo kein karuo je *bedbed ion meletlet an lal*. Ilo jemlokin lain eo kein kajilu je *wujwan ko an mour in*.

Ilo am katakin kin jeje kein kemleleik ekijkan an Paul katakin ilo an jermal nan mour eo ad kajojo ran.

1. Kajeoñ ko jen iakwelel ko im kōba wōt iben droñ.

Konono im etale 1 Korint 1:10–13; 3:1–11.

- Ta un eo bwe Paul en konono ilo 1 Korint 1:10–13? Ta melelein bwe armij ro ren claim bwe jet rej “mōttan Paul” im jet rej “mōttan Apollos”, im jet “mōttan Cephas [Piter],” im jet rej “mōttan Kraist”? (Ilo air jab juōn wōt ilo air jab lor Jisōs Kraist, jet ian Armij rein rar jibel ibuljin droulul ko ilo Kabuñ eo.) Ewi wewein an men in juōn men eo ebwir? Ta ko me emaroñ walōk ilo kain jekjek rōt in im kōmōn elōñ kain droulul ko? Ewi wewein an droulul ko jelt akwel im iben droñ eo an ro droñ Kraist? (Lale Mosiah 18:21–22; 3 Nephi 11:29–30; D&C 38:27.)
- Ta eo Paul ej katakin Armij ro bwe rej aikuij in kōba iben droñ? (Lale 1 Korint 1:10. Einwōt juōn uwan kilaj eo konono eon in im je mōttan ko me Paul ej katakin armij ro na ion chalkboard.) Ewi wewein ad maroñ in kōjerbal nan in jiroñ ko an Paul imoko imōd ak ilo Kabuñ eo.
 - a. “Konono juōn wōt.”
 - b. En “ejelok jibil ko ibuljidwōj.”
 - c. “Jei aikuij in kōba iben droñ ilo juōn lōmnak im juōn wōt bōro.
- Etke Armij ro ilo Korint rar buki katak ko me rejab kanuj “elap” ilo gospel eo? (Lale 1 Korint 3:1–4.) Etke iakwelel ko rej bōbrae kij jen ad buki katak ko relaplok ilo gospel eo? Ewi wewein ad keboj kij nan ad maroñ in mōna jen katak ko me “relaplok” ilo gospel?
- Paul ej kwalok bwe elap an lōñ dri jermal ro an gospel ak Jisōs Kraist ej make wōt bedbed eo (1 Korint 3:5–11). Ta unin an aurōk bwe jej aikuij in likit bwe dri lomor en e eo ej bedbed nan tōmak ko ad? (Lale Helaman 5:12.)

2. Reilok ñōn Jitōb im jab ñōn meletlet ko an lal.

Konono 1 Korint 1:17–31; 2:1–16. Kir uwan ro kilaj ro ñōn air kelet eon ko.

- Paul ej kwalok bwe meletlet an Anij enaj kōmōn bwe meletlet an armij en men in bwebwe (1 Korint 1:18–21). Ewi wewein an menin meletlet an Anij oktak jen men in meletlet an lal? (Lale Aiseia 55:8–9; D&C 38:1–2.) Ta jet wanjoñak ko kin meletlet an Anij ilo an kōmōn bwe meletlet an lal en men in bwebwe?
- Ilo wewein et ak katak ko kin men ko an mour in rej kōjerammōn kij? Ak ilo wewein rōt katak ko nan mour in remaroñ men in kabin ad edrōklok ilo Jitōb? Ewi wewein bwe jen maroñ in bukōt kilen bwe en jokin wōt juōn wewein kein ilo ad edoklok kin katak kin jitōb? (Lale 2 Nephi 28:29)

Dri Kanan Spencer W. Kimball ear kwalok nan kein: “Ear wewein ko ñōn kij nan ad bōk aolep men kein [katak ko ñōn mour in kab katak ko ñōn mour in jitōb.] Elañe jenaj jolok wōt ien ko relap ñōn men ko bwinin mour in wōt ñōn jelālokjen kin men ko an mour in kaniak im meloklok tu jab eo ikijen mour in jitōb inem jenaj etōr im bōjrak iman ial in, bwe kiō ej ien ñōn an armij keboj ir ñōn air ion Anij; ej ien ñōn ad kolaplok jitōb ko ad ak tōmak ko ad, ikijen baptais ñōn ad maroñ in bōk Jitōb Kwojarjar im bōk kakien ko im emōj litōk

ññon kij. Iben aolep men kein jej aikuij in bareinwõt katak kin katak ko ilo mour in kaniek bwe bareinwõt ilo mour in jitõb meñe jemij ak jitõb ko ad rej katak” (*The Teachings of Spencer W. Kimball*, ed. Edward L. Kimball [1982], 390).

- Ta melelein an Paul ba bwe Anij ar kelet bwe “meletlet ko an lal ren kejajelokjen ro remletlet” im “mõjno ko an lal ññon kamojnoik ro rekajur”? (1 Korint 1:27). Etke Anij ekke wõt an kõjberbal “mõjno ko an lal ññon” an kajeon in kemleleik un ko ej kwaloki?
- Ta mõjno eo Paul ej loe ilo an katakin kin gospel eo? (Lale 1 Korint 2:1–3.) Ewe wewein ad lo mõjno in im ukõt ññon kajur? (Lale 1 Korint 2:2, 4–5.) Ewi wewein an Iroj jibañ yõk ilo am eñjake am mõjno im mijak ññon am kõmõne jerbal eo?
- Ekkar ññon Paul ekijkan bwe jen jelã men ko an Anij? (Lale 1 Korint 2:10–13.) Etke jet ien ekke wõt ad bedbed ion jelã ko an armij elaplok jen reveleson ko im rej itõk jen Jitõb? Ta eo kwõj kile ikõtã katak ko jen men ko rej itõk jen Jitõb im kab men ko rej itõk jen meletlet an ko ad make?

Elder Bruce R. McConkie ar kwalok: “Juõn kabuñ eo emol ej men ko an Jitõb im jab men ko rej itõk jen jelã an armij, im mõl eo ej wõnmanlõk wõt ilo buruõn ro rej roñjake kin kajur eo an Jitõb, elañe jab an armij eban oktak . . . im ro rej bukõt lomor rejamin mour ilo Kraist” (*Doctrinal New Testament Commentary*, 3 vol. [1966-73], 2:318).

- Paul ej kwalok bwe elap an bin ññon an armij maroñ in tõbar men ko an Anij (1 Korint 2:14). Ebaj et? Ewi wewein bwe jen maroñ in anjo ion armij eo? (Lale Mosiah 3:19.)

3. Mour erre.

Konono im etale eon kein emõj kejenoloki jen 1 Korint 3:16–17; 5; 6:9–20.

- Ta eo Paul ej keidi enbwinin ññone? (Lale 1 Korint 3:16–17; 6:19–20.) Ta eo kwõj lõmnak ejejet ññon men in Paul ej keidi? Ta eo emaroñ katon enbwin eo? Ta eo jemaroñ kõmõne bwe enbwinin en tempel eo?
- Ilo an Paul kakel ikijen jerawiwi ko ilo raan ko an, Paul ear kakkõlbaik elõñ jerawiwi ko rej kin lõñ (1 Korint 6:9). Ta kakien eo an Iroj kin lõñ? (Lale D&C 42:23; 59:6.)

Elder Richard G. Scott ear ba: “Jabdrewõt lun ilikin mare im belele—ak ba jabdrewõt wewein makitkit ko ikijen ijoko ma raurõk ilo enbwinin armij ilo air nuknuk ak jab nuknuk ej juõn jerawiwi im enanna iben Anij. Ej rube kien eo im ej kõmõn eñjake ko an enbwin” (ilo Conference Report, Oct. 1994, 51; ak *Ensign*, Nov. 1994, 38).

- Etke lun ej juõn jerawiwi elap? (Lale nan kein.) Ta jerammõn eo jej bõke jen ad bed ilo juõn mour eo erre?

Elder Joseph B. Wirthlin ear kwalok: “Juõn ian lõmnak ko me rebwir ilo ran kein kin melele eo bwe mour in ej juõn mour eo ejejet im eman im ejelok wewein eo enaj walõk ie. Ilo mõl, mour in kaniek ej kalikar jabdrewõt wewein ko rej walõk jen problem ko im rej walõk ran kein, ekõba operation ko, naninmij ko jibil in bamle, bamle ko ejako jemeir, kõrã ro ewõr nejier einwõt an kwalok” (ilo Conference Report, Oct. 1994, 100–101; ak *Ensign*, Nov. 1994, 76).

Elder Boyd K. Packer ear kwalok: “[Setan] ejelā bwe kajur eo ad ilo dri kōmōnmōn eo ejab juōn wewein eo ej ilo karōk eo ak ej key eo ñōn karōk eo. Ejelā bwe ñe enaj kabō yuk ñōn am kōjērbal kajur eo an im kōjērbale ilo jabdrewōt ien ilo jabdrewōt wewein, kwo maroñ luji ial eo ñōn am maroñ bōk mour eo ñōn edrek lōk” (ilo Conference Report, Apr. 1972, 137; ak *Ensign*, July 1972, 112).

- Paul ear rejañ ro remōn bwe ren jab [kōba] lōk iben ro dri lun” (1 Korint 5:9). Ewi wewein an ñōn in jelet kij rainin? (Konono kake wewein an ro jerar kōmōne men in kamōnōnō ko im jemaroñ keleti ñōn ad maroñ in bo ilo men in kabō ko ilo mour in im rejab erre.) Ewi wewein ad maroñ in anjo im jeor jen men ko rej kabō kij?
- Ta kil eo Setan ej kōjērbale ñōn an kajeoñ in kabōik kij bwe jen bo im kōmōne men ko retton ilo mour in? (Lale ñōn kein ilal.) Ewi wewein ad maroñ in jelmae men in kabō kein? Ta kōjatdrikdrik eo 1 Korint 10:13 ej letok ñōn kij ikijen men in kabō kein ikijen lōñ? Ewi wewein ad bōk jerammōn ilo ad lor Iroj kin jibañ eo an ñōn ad maroñ in jelmae menin kabō kein?

Elder Richard G. Scott ear ba: “Setan ej kabō kij im ekōnan bwe jen tōmak bwe ewōr jet jonak ko elañe jenaj kōmōne ilo ad ion ro jet mōttad jenaj ion jet eñjake ko renaj walōk im rej kōmōn bwe eban wōr joran enaj walōk. Einwōt juōn dri kamōl an Jisōs Kraist, ij kamōl im kwalok ke men in ejab juōn men eo emol. . . . Emenin aurōk ñōn am kelet ta eo kwōj kōmōne im ta eo kwōj jab aikuuj in kōmōne. Elañe kabō ej itōk, jab oktak jen bedbed in jimwe eo” (ilo Conference Report, Oct. 1994, 51; ak *Ensign*, Nov. 1994, 38.)

- Ta kalimur eo kin Binmour eo an Jisōs Kraist ñōn ro otemjej renaj ukelok jen lōñ im jerawiwi? (Lale 1 Korint 6:11; Aiseia 1:18; D&C 58:42.)

Jemlokin

Kwalok an kamōl bwe Paul, dri jilōk ro im dri kanan ro ilo ran kein rej wōnmanlōk wōt im katakin kij bwe jej aikuuj in bed etolok jen ijoko emōj an Iroj kwalok bwe jen jab etal nani. Kwo maroñ wōnmanlōk wōt im konono kake nan ko rej walōk ilo ien kwalok ko im dri kanan ro ak dri jilōk ro rej konono kin unin konono ko im Paul ekkar konono kaki ilo letter ko an ñōn Dri Korint, ilo air jiroñ ir bwe ren jab kōbalok ilo iakwelel ko ak bedbed ion Jitōb ko rejab mōl ak ren bed wōt ilo juōn mour eo erre. Elañe ekkar, kwon kwalok ekijkan am bōk jerammōn ilo am kōjērbal im roñjake nan in jiroñ kein jen Paul im dri jilōk ro joñoulrou kab dri kanan eo.

Jet Melele Ko ñōn Katakin

Wewein kein rej ñōn jibañ im kokomōnmōnlōk kilen katakin. Katakin kōjērbal juōn ak ruo ian wewein kein ilo am kōmōne katak eo.

1. “Men ko emōj an Anij keboji ñōn ro rej yokwe E” (1 Korint 2:9)

- Ta eo elap an wōr tokjen ak aibuijuj im emōj am loe im iminene ilo mour eo am?

Ba kilaj eo en konono 1 Korint 2:9. Kamōl bwe jerammōn eo Anij ej keboje ñōn kij kin ad yokwe im kejbarok nan in jiroñ ko an elap an eman lōk jen jabdrewōt men eo jemaroñ lōmnake.

2. "Jemjenjemjatin ro rej akwele droñ ilo kien" (1 Korint 6:6)

Konono im etale 1 Korint 6:1–8.

- Ekijkan an ro remõn ilo Kabuñ eo ilo Korint kokõmõnmõn buktak ko ikõtair? (Lale 1Korint 6:1–8.) Ewi wewein an men in kõmõn bwe en wõr jibil ko? Ewi wewein an menin bõk jikin ran kein? Ta eo jemaroñ bõk ilo nan in jiroñ kein an Paul?


Un eo Nñon jibañ uwan ro kilaj ro kile aurök eo an mour ekkar nñon katak ko ak bedbed ko an gospel im bök kakien ko kin priesthood.

- Kebojakjak**
1. Konono, kölmenlokijen, im jar kin lajrak in jeje ko rekwojarjar kein.
 - a. 1 Korint 11:1–3, 11–12. Paul ej katakin kin kōtan leo im lio im kōttaero nñon Iroj.
 - b. 1 Korint 11:17–29. Paul ej katakin bwe kwojkwoj eo ej juñ anañin menin katok eo an Dri Lomor im jej böke nñon ad kememej e.
 - c. 1 Korint 12–14. Paul ej katakin bwe eloñ menin letok ko an jitōb im remenin aurök nñon Kabuñ eo. Ej katakin bwe yokwe elap an aurök lõk jen aolepen menin letok ko raurök. Ej kwalok bwe menin letok ko an jitōb rej aikuij in jermal nan eman an aolep.
 - d. 1 Korint 15. Paul ej katakin bwe kin Jisōs Kraist ekkar jerkakbije. Ej bareinwõt konono kin baptais kin ro remij im kin aibujbuj an lal ko jilu.
 2. Kakkōlbaba nñon riit: 3 Nephi 18:1–14; Moroni 7:44–48; 10:8–18; Doctrine and Covenants 46:1–26; 76:50–119; 88:27–32, 95–102.
 3. Elañe pija kein ralikar kwalok jet iaer ilo ien eo im kwōj kōmōne katak eo am kin yokwe: Je pija eo Our Turn (62316), Sharing the Tricycle (62317); Family Fun (62384); Administering to the Sick (62342; Gospel Art Picture Kit 613); Home Teaching (Gospel Art Picture Kit 614); Serving One Another (Gospel Art Picture Kit 615).
 4. Lōmnak ko nñon katakin: nñon am katakin kin gospel eo ilo wewein eo enaj emōn, dri kaki ro rej aikuij jelā kin eñjake an buru. Nñon melele kin aikuij ko an kilaj, dri kaki ro rej aikuij bwe en wōr yokwe ilo ir, im rej aikuij bök tel jen Jitōb Kwojarjar. Rej aikuij in jar ien otemjej nñon lōmnak kin aikuij ko an kilaj im ewi wewein air jibañ ro raikuij jibañ. (*Lale Teaching—No Greater Call*, 25–26.)
-

Elmokōt In Katak nñon Edröklok

Makitkit Ko Bwe En Wōr Itōklimo Elañe ekkar, kōjermal lajrak in makitkit kein ak juñ eo kwōj lomanke mokta jen am jino katak eo.

Kajitōk iben kilaj elañe rejelā ta in ial in train switch point (jikin kojat ial in torein ko). Je juñ ion chalkboard (einwõt an walök ilo peij in tok juñ), im kemleleik bwe ej ijo im rej kōmōn bwe train eo en maroñ in jal jen ial eo ej etōr ie nñon bar juñ ial.



Kwalok wewein in ear walök ñõn Elder Gordon B. Hinckley:

“Elõñ yiõ ko remotlok I ar jermal ilo juõn ian opij ko an juõn ian ial in train ko. Juõn ran iar uwake juõn talpon jen dri jermal eo juõn ilo Newark, New Jersey, im ej ba bwe train eo ear jikrök lõk ilo an jako ijo jikin mweiuk ko. Dri bõk edron jermal eo ear lap in illu.

“Kim ar loe bwe train eo ear etör lõk ilo Oakland, California, im jujen etal wõt ñõn St. Louis, im jen ijo ñõn east coast (tu rilik). Ilo St. Louis juõn ian ro rej jermal ie ear bwir an komakit men eo ej kõmõn bwe en oktak ial in train eo. Motan metal jõdrikdrik eo ej switch point eo, im wa eo en kar bed ilo Newark, New Jersey, etal ñõn New Orleans ilo Louisiana, 1,300 mail ettolok” (ilo Conference Report, Oct. 1972, 106–7, ak *Ensign*, Jan. 1973, 91).

Elañe emõj am kwalok bwebwenato eo, rol lõk ñõn ial in train switch point eo ilo chalkboard eo im kajitök kajitök kein:

- Ekijkan juõn rolok eo edik maroñ in jelet juõn rolok eo elap ikijen ial eo an train eo? Ta jet oktak ko rellap ilo mour ko ad? (Uwak ko re maroñ, ien ko, lõmnak ko, ak jabdrewõt wewein ko remaroñ ukõt mour ko ad. Oktak kein remaroñ ilo ial ko rebwir elañe rej tel kij jen jimwe eo, im ñõn jimwe elañe rej kõrol kij ñõn ial eo ejimwe.)

Jepta eo eliktata ilo letta eo an Paul ñõn Dri Korint ej konono kin katak ko ikijen switch point ikijen an armij in Korint ellok jen jimwe eo ñõn ial ko re mõi. Kemleleik bwe ilo ad katak jen letta kein an Paul, jemaroñ kajetjet mour ko ad ñõn ad lore ial eo ejimwe eo enaj tel kij ñõn iben Jemedwij Ilañ ilo lañ.

Konono Jen Jeje
Ko Rekwojarjar
Im Kõjebali

Ilo am katakin kin bwebwenato kein, kemleleik ewi wewein air jermal ilo mour ko ad. Kõketak kilaj ñõn air kwalok iminene ko air im rej einwõt ta eo eon kein rej konono kake.

1. Kõtan eo an leo im lio iben droñ im iben Iroj

Konono im etale 1 Korint 11:1–3, 11–12.

- Ta jilu kadkad ko Paul ej konono kaki ilo 1 Korint 11:1–3. Ta unin an Paul konono kin kadkad kein iben droñ? Ta aurök eo ikõtan Jisõs Kraist im Jemen? (Lale Jon 5:20; 8:29; 17:21–22.) Ewi wewein ad kolaplok wewein kein ilo kõtan

eo ad iben Jisōs Kraist? Ewi wewein an leo im lio kolaplok aurōk kein ilo kōtan eo air?

- Ta melemen an ba, “ijoke kōrā ejab jibel jen man ak man jibel jen kōrā ilo Iroj”? (1 Korint 11:11). Etke kōtan eo an eman im kōrā elap an aurōk ilo ailōñ eo an Anij? Ta melemen an menin katakin kij kin kōtan leo belele kab lio belele ilo wewein air kōmōn ñōn droñ?

Dri Kanan Marion G. Romney ear katakin bwe: “[Lio im leo] rej aikuij in juōn wōt, kautiej droñ ilo lōmnak ko air. Rejab aikuij in jibel jen droñ ilo ial im makitkit ko air. Rej aikuij in kemleleik droñ im jar im etale iben droñ. . . . Kememej bwe ejab lio ak leo ej kuli ñōn eo juōn. Leo belele im lio belele rej jonon erro wōt juōn” (“In the Image of God,” *Ensign*, Mar. 1978, 2, 4).

Elañe kwōj kōjeral makitkit ko bwe en itōklimo in dri jikul ro. Kemleleik ekijkan an kōtan kein maroñ kōmōn oktak ko ikijen switch point in mour ko air ak mour ko ad.

2. Ruo un eo bwe jen kwojkwoj

Konono im etale 1 Korint 11:17–29. Kemleleik bwe ekanuj in lōñ ian Armij ro remōn ilo Korint rejab lukkun kōmōn ekkar ñōn unin kwojkwoj eo. Ijelokin air lelok air lōmnak ikijen kien kwojkwoj rej akwel iben droñ im mōna im idrak dren in kadrek ko (1 Korint 11:18–22).

- Ta lukin wun lebleb eo ilo ien kwalok eo im kwojkwoj eo? (Lale 1 Korint 11:20, eo ej kalikar Joseph Smith Translation ilo eon in: “Ta ejab ñōn ad mōna kejota eo an Iroj ke?”)
Elder Jeffrey R. Holland ear ba: “Kin wōt an lap ijo ejako, [kwojkwoj eo] jaikuij bōke elaplok jen ad kōlmenlakjen kake jen joñan eo jej bōke kiō. Ej aikuij in kajur nan kautiej, kōlmenlakjen, ej aikuij kektak jitōb im eñjake. Ejab aikuij in juōn menin kōkairir. Ejab aikuij in kōmōn bwe en mōkaj an jemlok ien kwojkwoj eo ak en wōnmanlōk wōt. Enin ej un leplep eo bwe jen kōba iben droñ” (ilo Conference Report, Oct. 1995, 89; ak *Ensign*, Nov. 1995, 68).
- Ekkar ñōn Paul, ta aurōk eo an kwojkwoj eo? (Lale 1 Korint 11:23–26; bareinwōt Luk 22:19–20.) Ewi wewein bwejen maroñ in lōmnak ilo buruer bwe jen maroñ in reilok nan Jisōs ilo ar bōk kwojkwoj eo?
- Ta eo Paul ej kwalok kin aurōk eo ilo ad bōk kwojkwoj eo? (Lale 1 Korint 11:27–29.) Ta melemen ad bōk kwojkwoj eo ilo ad jab erreō? Etke emenin aurōk bwe jen etale kij mokta jen ad bōk kwojkwoj eo?
- Ekijkan ad bōk kwojkwoj eo ej kōjerrammōn kij? Ewi wewein bwe jen kōmōne kien in ilo wewein eo eaurōk ilo mour eo ad?

Elañe kwōj kōjeral makitkit ko bwe en itōklimo ñōn dri jikul ro, kemleleiki ekijkan bwe eñjake eo ad ikijen kwojkwoj eo emaroñ juōn switch point ilo mour ko ad.

3. Aurōk eo ilo menin letok koan jitōb

Konono im etale 1 Korint 12–14. Kir tok uwan ro kilaj ro bwe ren konono eon ko emōj air keleti ilo air kolap ainikier. Kemleleik bwe leta eo an Paul ej rejañ ro remōn ilo Korint bwe elap wōt air lōmnak kake konono kin lo ko (1 Korint

14:2–14, 27–28). Ilo jebta 12–14, Paul ej kemleleik bwe aolep menin letok ko an jitōb elap air aurōk, ak ro remōn rej aikuij in bukete menin letok ko rej nan emanlok eo an aolep.

- Ta menin letok ko an jitōb? (Jerammōn ko jen jitōb rej maroñ ko letok kin kajur eo an Jitōb Kwojarjar. Lale 1 Korint 12:7–11; D&C 46:11.) Etke Anij ej letok menin letok ko an jitōb? (Lale D&C 46:26.)
- Ta menin letok ko an Jitōb emōj am ioni ak eñjaki? (Kwo maroñ kelajraki im konono kaki kin menin letok ko an Jitōb Kwojarjar einwōt an walōk ilo 1 Korint 12:8–10, Moroni 10:8–17, im D&C 46:13–25.) Ekijkan an menin letok kein kōjerammōn yōk im ro jet?
- Ta eo kwōj lōmnake etke Paul ejam wanjoñak kin Kabuñ in ñōn mōttan ko ilo enbwinin? (1 Korint 12:12–25. Ñōn kwalok bwe kajojo uwan ro ilo Kabuñ eo im ewōr tokjeir ñōn ro jet im ñōn kabuñ eo.) Ewi wewein ad maroñ in kōjermal ñōn ad kile oktak ko ikijen menin letok ko an Jitōb?
- Jeje ko rej katakin kij bwe jen bukōt menin letok ko an jitōb (1 Korint 12:31; D&C 46:8). Ta un eo bwe jen maroñ in bukōt menin letok ko an jitōb? (Lale 1 Korint 14:12; D&C 46:9. Elañe ekkar, kemlele bwe ñōn kolaplok ak kōkōmōnmōnlōk im kemramlok.)
- Ta eo Paul ej katakin im ej menin letok eo an jitōb elaptata? (Lale 1 Korint 13. Kemleleik kōtan eo ikijen yokwe eo ej konono kake ilo eon 4–7, im kwalok ekijkan bwe jen maroñ in kōjerbale ilo mour ko ad. Kwo maroñ kelajrake jet ian men kein ilo chalkboard eo.) Ta unin an lap tokjen menin letok eo yokwe jen ko jet? (Lale 1 Korint 13:1–3, 8–13.)
- Ekijkan am bōk jerammōn jen jet armij ro rej kwalok elap yokwe ñōn yuk? Ewi wewein am kōmōne yokwe eo elaplok? (Lale Moroni 7:44–48.)

Elañe kwōj kōjermal makitkit bwe en wōr an dri jikul ro itōklimo ier, konono kake yokwe eo emaroñ switch point ilo mour ko ad.

4. Jerkabbiji im joñan aibuijuij eo

Konono im etale eon ko emōj keleti ilo 1Korint 15. Kemleleik bwe elōñ armij ro ilo Korint rar jino air bōk ikijen katak eo kin Jerkabbiji (1 Korint 15:12).

- Ta kamōl eo kin Jerkabbiji im Paul ej konono kake? (Lale 1 Korint 15:5–8.) Etke kwojke lōmnak Paul ear kelet dri kamōl ro kin Jerkabbiji? (Lale 2 Korint 13:1.) Etke dri kamōl ro kin Jerkabbiji ela tokjeir ñōn kwe?
- Ta eo Paul ej katakin kin kōtan kadkad eo ikōtan Wōklok eo an Adam im Jerkabbiji? (Lale 1 Korint 15:20–23.)
- Ewi wewein an Paul kōjermal kin katak eo kin baptais kin ro remij? (Lale 1 Korint 15:29. Nan in jiroñ eo kin baptais kin ro remij emaroñ ejelok melelein elañe ejake Jerkabbiji.)
- Ta eo Paul ej katakin kin aibuijuij ko? (Lale 1 Korint 15:35–44. Jej jerkak tok ñōn elōñ jikin aibuijuij ko—jelistōl, terrestrial, ak telestial. Bareinwōt D&C 88:27–32.) Ewi wewein am lōmnak kin im jelā kin Jerkabbiji im hikin ko im aibuijuij ko renaj jelet wewein am mour?

Jemlokin

Kamōl kin aurōk eo kin katak eo ej til kij ñōn ad maroñ in rol nan iben Jemedwij Ilañ. Elañe kwōj kōjberbal makitkit ko bwe en itōklimo, kir uwan ro kilaj ro nan air etale mour ko air elañe ewōr switch point ko remaroñ ukōt ialin mour ko air. Kōketak ir nan air kelet ial eo ejimwe im enaj tel lōk ir nan mour eman.

**Jet Melele Ko
ñōn Katak**

Wewein kein rej ñōn jibañ im kokomōnmōnlōk kilen katakin. Katak kōjberbal juōn ak ruo ian wewein kein ilo am kōmōne katak eo.

1. "Anij ejab Anij in aerwaro" (1 Korint 14:33)

Kōmōn bwe uwan ro kilaj ren riti 1 Korint 14:33. Inem kajitōk kajitōk kein:

- Ewi jet wewein ko im ekanuj kōmōn kabokbok im iakwelel ilo lōl in? (Etke kwōj lōmnak elōñ bōktak ko ilo lōl? Ewi wewein an Iroj Anij in ainemōn?)

2. Makitkit ko an drimanded

Mokta jen kilaj eo, lōmnake jet wewein makitkit ko ilo mour ko an ro emōn dred im ealikal yokwe ie (ñōn wanjoñak, bukōt juōn eo ilo jikul im eakuj jibañ, ejab erre iben jein ak jatin, ak juōn mōttam eo ejelok en emōnōnlōk iben.) Kwalok wewein kein nan jodrikdrik ro, im kajitōk ewi wewein air maroñ in kwalok kin yokwe, einwōt an Paul kwalok ilo 1 Korint 13, nan kōkōmōnmōnlōk wewein eo.

2 Korint

Un eo Ñõn kōketak ro uwan ro kilaj eo ñõn air dri kalor ro remol an Jisōs Kraist ilo air kōjerbal nan in jiroñ ko an Paul ilo 2 Korint.

Kebojakjak

1. Konono, kōlmenlokijen im jar kin lajrak in jeje ko rekwojarjar kein.
 - a. 2 Korint 1:3–11; 4; 6:1–10; 11:21–33; 12:1–10. Paul ej katakin bwe jen maroñ in anjo jen menin melejon ko.
 - b. 2 Korint 2:5–11. Paul ej rejañ ro remõn bwe ren jolok an droñ bwir.
 - c. 2 Korint 7:8–10. Paul ej katakin nan ad maroñ eñjake wewein an Anij burumōj kin bwod ko ad.
 - d. 2 Korint 5:17–21. Paul ej kōketak ro remõn bwe ren jeblak nan Anij.
2. Elañe *New Testament Video Presentations* (53914) alikar, kwalok “Godly Sorrow,” eo ej joñoul juõn minit aetokan ilo ien katak eo.
3. Elañe kwōj kōjerbal makitkit ko bwe en wōr itōklimo, bōktok jidrik bōk (sand) nan kilaj eo.
4. Lōmnak ko ñõn katakin: Lik jidrik ien jemlokin kilaj eo bwe kwon bōk ilo talebin ta eo kwar bōk ilo am katakin. Lale elañe emõn am kar karōke enaj jibañ uwan ro ilo kilaj eo nan air kileta ko rar katak ñõn air maroñ in jerbali nan mour ko air. (Lale *Teaching—No Greater Call*, peij 81, ñõn jet wewein ko ñõn am bōk ilo tu taleb in katak eo im katakin ir.)

Elmokōt In Katak ñõn Edrōklok

Makitkit Ko Bwe En Wōr Itōklimo Elañe ekkar, kōjerbal lajrak in makitkit kein ak juõn eo im kwōj lōmnake mokta jen am jino katak eo.

Kwalok nan kilaj eo bōk (sand) ko kwar buktok nan kilaj eo.

- Elañe juõn eo, kwōj tōmake ebbol bein kin bōk (sand) im ej lewōj imba ewōr gold ie, ta eo kwonaj kōmōne?

Lelok jidrik ien nan ro ilo kilaj eo uwak kajitōk in. Inem read nan ir bwebwenato in jen Elder Henry B. Eyring kin wewein ad bōk nan in jiroñ ko jen dri kanan ro.

“Jab kowan nan in jiroñ ko, akbuki im kejbaroki. Elañe juõn eo kwōj tōmak e ej lewōj nan yōk juõn men eo ejelok tokjen jen jet bōk ilo an kalimuri yuk ke enaj wōr gold ko ie, kwōj aikuij in kōjerbal melele im jelā eo am im roñjake. Aolep ien ij kōmōne wewein in ilo aō bōk nan in jiroñ ko jen dri kanan eo, enañin aolep ien ij ju buruo kin ta eo ej walōk” (ilo Conference Report, Apr. 1997, 35; ak *Ensign*, May 1997, 26).

- Ta melelin nan ko an Elder Eyring?

Kemleleik ke buk in 2 Korint ej konono kin nan in kakel ko ilo ran kein ad. Paul ej katakin ilo letter in an enañin einlokwõt ko jej roñjaki ilo ien kwalok elap ko. Elder Eyring ear ba, “Meñe nan ko an ro dri kanan relij im men, emminin aikuij bwe jen lukkun kelmanlokjen kaki im likit ta eo rej konono kake” (ilo Conference Report, Apr. 1997, 32; ak *Ensign*, May 1997, 25). Kõketak uwan ro kilaj ro nan air buki nan in jiroñ ko rej itõk jen katak in.

Konono Jen Jeje
Ko Rekwojarjar
Im Kõjebali

Katak in ej ajej ilo emen möttan ko im elaptokjer nan unin konono ko ilo 2 Korint. Jar imkelet ewi unin konono eo ñõn konono kake iben ro ilo kilaj eo.

1. Anjo ion menin mele jon ko

Konono im etale 2 Korint 1:3–11; 4; 6:1–10; 11:21–33; 12:1–10. Kir uwan ro kilajro bwe ren riit im kolap ainikier eon ko emõj keleti.

- Leta eo an Paul ñõn dri Korint ear jeje elikin air katak Paul im Timote “ejako ketmene kin mour” (2 Korint 1:8). Etke Paul im Timote rar maroñ in ela jen jorren ak ion wewein kein rar walõk ñõn air maroñ in tan ekajet ir im jolok ir? (Lale 2 Korint 1:3–5; 4:5–15.) Etke Jemedwij Ilañ im Jisõs Kraist reje ial eo nan kainemõn kij?

Elder Neal A. Maxwell ekkar kõkajur im kwalok ñõn kij bwe Jisõs Kraist enaj jibañ kij ilo aolep ien ko jej ion men ko rebin.

“Elañe jej bõk ine eo an Jisõs ior, wewein in ej kalikar bwe men eo Paul ej ba dri karejaran [Kraist] ilo intañ (Pilippai 3:10.) Meñe ilo ien nanninmij, ilo ad make iar, ak ilo ien ad ion ekajet ko rej na ruwod kaki, . . . Ak aolep intañ kein ad ilo ad etta buru enaj jokjok lõk iloan buruwõd. Elaplok ad naj kile ejab intañ eo an Jisõs wõt ak bareinwõt kile kar wewein mour ko an ko ar bareinwõt kakajurur, ej juõn men eo ñõn letok kajur ñõn kij ñõn ad maroñ in jelmae men ko rebin.

“Alma ej kalikar bwe Jisõs ejelã kin jorren ko rej walõk ñõn kij im naninmij ko im aolep men ko kinke Jisõs ear bareinwõt bõk aolep intañ im edro kein ad (lale Alma 7:11–12). Ejelã kaki bwe e ekkar tabari. Ilo mõl, jejab maroñ melele kin joñan eo im jemelele kin joñan intañ eo an kin jerawiwi ko ad, ak kin Binmour eo an ekõmõn bwe jen anemkwoj imkokoajur kij” (ilo Conference Report, Apr. 1997, 13; ak *Ensign*, May 1997, 12.)

- Ewi wewein an Jemedwij Ilañ im Jisõs Kraist jibañ yuk ilo ien ko rebin?
- Paul ej kwalok an kõnan ñõn an jibañ ro jet ejja ainemõn in wõt me ear bõk jen Anij (2 Korint 1:4). Ewi wewein ad maroñ jibañ ro jet bõk menin kainemõn eo jen Anij?
- Paul ej kamõlol Armij ro remõn rar jar kin erro Timote ilo ien ko rebin ñõn erro (2 Korint 1:11). Ta unin an aurõk bwe jen jar kin droñ? Ewi wewein an jar ko an ro jet kõjerammõn yõk imro jet kemlele kake ir? Ewi wewein ad kõjerammõn elañe jej jar kin ro jet?
- Ewi wewein an katak ko ilo 2 Korint 4:17–18 jibañ kij ilo ien ko rebin? (Lale D&C 121:7–8.) Etke emenin jibañ ñõn ad lale tõre ko rebin ilo ad erremõnlok ilo mejen jitõb? Ewi wewein ad maroñ in katak ilo ad lale ial ko jekkar ioni im rebin ilo ad reilok ilo mejen jitõb?
- Paul ekkar jiroñlok dri Korint kin ial eo ar bõke im ro remõn kin air tõmak ilo Jisõs Kraist (2 Korint 6:4–5; 11:23–33). Ewi jermal ko Paul ear katakin bwe jen

maroñ in jumaee men ko rebin? (Lale 2 Korint 6:4, 6–7.) Ewi wewein an juõn ak elõn lõk ian men kein jibañ yõk ilo ien ko rebin?

- Paul ear ba bwe Iroj ear lelok ñõne juõn ien eo ebbin—“keleklek ilo kaniiek” (2 Korint 12:7). Etke Iroj ear lelok ñõn Paul ien in im ebbin? (Lale 2 Korint 12:7.) Ta eo Paul ear katak ke Iroj ear jab bõk abañ eo jene ilo an kar kajitõk? (Lale 2 Korint 12:8–10.) Ewi wewein an mõjno ko ad jibañ kij maroñ in tõbar kajur ko jen Jisõs Kraist? (Lale Ether 12:27.) Ewi wewein am maroñ in lo mõl eo ilo nan ko an Paul “ke ikkar mõjno, kiõ ñaij kajur”?

2. Jolok bwir an ro jet

Konono im etale 2 Korint 2:5–11.

- Paul ej rejañ ro remõn nan air jolok an droñ bwir (2 Korint 2:5–8). Ta unin an laptokjen bwe jen jolok an droñ bwir? (Lale Mattu 6:14–15; 2 Korint 2:7–8; D&C 64:9–10. Kemleleik ewi wewein ad im ro jet eñjake elañe jenaj jolok an droñ bwir ak jab jolok an droñ bwir.)

Dri Kanan Gordon B. Hinckley ear ba:

“Jey lo aurõk eo an jolok bwir ilo moko imõd iben armij ro, ijo me bwir drikdrik ke im jab melele ko rej ejjak einwõt tol ko ñõn iakwelel. Jey lo ilubuljin ro motar, ijo bõktak ko rej laplok ñõn jet eñjake ko renana, Jey bareinwõt lo ilo jikin business ko, akwel ko im makoko in jolok an droñ bwir, ebin ñõn jijet ibe droñ im konono ilo ñõn ko remera ñõn droñ, eo im emaroñ bõktok jerammõn ñõn aolep. Ijelokin jey jolok elõn ran ko ñõn ad maroñ in lõmnake ta ko jemaroñ in nae droñ kaki. . . .

“Elañe ewõr juõn ej eik ilo buruoñ lõmnak ko ñõn an kakure eñjake an ro jet, ij akwelap nan yõk bwe kwon kajitõko iben Iroj ñõn kakajurur ñõn jolok bwir. Menin emaroñ kõmõn bwe kwon maroñ in ukelok. Emaroñ in jab juõn men eo ebidodo, im eban mõkaj an itõk. Ak elañe kwonaj bukõte ilo mol enaj edrek im naj itõk. . . .

“ . . . Ejelok ainemõn ilo kenjak in kinej ko remor. Ak ewõr wõt ainemõn ilo ukwalok im jolok bwir. Ej juõn men eo etonal ilo Kraist, eo ear ba, ‘emõnõnõ eo ej kainemõn: bwe enaj likit ir ro nejin Anij.’ (Mattu 5:9.)” (“Of You It is Required to Forgive,” *Ensign*, June 1991, 2, 5).

- Ta eo jemaroñ in kõmõne bwe jen jolok an ro jet bwir?

3. Eñjake burumõj an Anij kin jerawiwi ko

Konono im etale 2 Korint 7:8–10.

- Elikin roñjake bwe juõn ian letta ko an rekõman bwe dri Korint ren burumõj, Paul ear mõnõnõ (2 Korint 7:8–9). Etke Paul ear uwak ilo an armij ro ilo Korint burumõj? (Lale 2 Korint 7:9–10.) Ta melelein “burumõj an Anij” kin jerawiwi ko ad?

Elañe kwoj kõjerbal video eo, kin “Godly Sorrow,” kwo maroñ kwaloke.

- Ta oktak eo ikõtan burumõj an Anij, im “burumõj an lõl”? Etke burumõj an Anij elap an aurõk im ej motan ukwalok.

Dri Kanan Spencer W. Kimball ear ba: “Elañe juõn ej burumõj kinke armij ear loe an kõmõn bwir, ukwalok eo an ejab juõn eo emol. Burumõj ilo Anij ej

kõmõn bwe juõn en ukwalok meñe ejelok en ejelã kin bwir eo ear kõmõne. Burumõj rõt in ej juõn eo ejimwe im ej jerbal jolok bwir” (*Repentance Brings Forgiveness* [pamphlet, 1984], 8.)

4. Erom Oktak ñõn Anij

Konono im etale 2 Korint 5:17–21.

- Paul im Timote rar katakin dri Korint ñõn air “rol ñõn Anij” (2 Korint 5:20). Ta melelein bar rol ñõn Anij?

Elder Bruce R. McConkie ear katakin: “Bar rol ñõn Anij ej wewein eo ilo an armij oktak jen jerawiwi, im maroñ ikijen jitõb ñõn mour eo ejimwe im kõba iben Anij. . . . Armij eo ekkar ilo jab wenik im nana ilo mour in kanniek, ej erom juõn eo ekal kin Jitõb Kwojarjar; ej bar lotak; im einwõt juõn ajiri eo edrik, ej mour ilo Kraist” (*Doctrinal New Testament Commentary*, 3 vols [1965–73], 2:422–23).

- Ekijkan ad maroñ bar jeblak ñõn Anij? (Lale 2 Korint 5:17–19; 21; 2 Nephi 25:23; Jakob 4:10–11.)

Jemlokin

Kwalok an kamõl kin men ko kwar konono kaki. Kakememej kilaj ñõn air kememej im lor nan in jiroñ ko an Paul ilo 2 Korint.

Jet Melele Ko ñõn Katakin

Wewein kein rej ñõn jibañ im kõkõmõnmõnlõk. Kwo maroñ kõjerbal juõn ak ruo ian wewein kein ilo am kõmõne katak eo.

1. “Armij eo itulik” im “armij eo itulowa” (2 Korint 4:16)

- Paul ej konono kin “armij eo itulik” im “armij eo itulowa” (2 Korint 4:16). Ta melelein eon kein ruo? Ekijkan bwe armij eo ilowa en kõkal ran ñõn ran? (2 Korint 4:16).

2. “Dri Jilõk an Kraist” (2 Korint 5:20)

- Paul ej ba, e im Timote rej dri jilõk an Kraist” (2 Korint 5:20). Ta in dri jilõk an? (Juõn dri jelkan ej juõn eo ej bõk jikin im konono ilo etan dri tol eo jen bar juõn lõl, ak jarlelju. Juõn eo ej dri jellkan, ej an edro ñõn kõmõn kon ko ikõtãn armij ro ej itõk ilo etair im armij ro jet.) Ewi wewein Paul im Timote dri Jisõs Kraist? Ekijkan bwe jen dri jelkan Jisõs Kraist?

“Ro Anij Ej Yokwe Ir, Na Etair Ro Remõn”

Katak
36

Rom

Un eo Kakememej uwan ro kilaj ro bwe rej nejin Anij im kakememej ir bwe ren mour emõn bwe ren maroñ in mour indreo.

Kebojakjak

1. Konono, kölmenlokijen, im jar kin lajrak in jeje ko rekwojarjar kein
 - a. Rom 2–5. Paul ej katakin armij ro bwe aolep rej mour kin tõmak ilo Jisõs Kraist eo im ej itõk kin jermal ko remõn.
 - b. Rom 6; 8. Paul ej katakin bwe jej ro nejin Anij jemaroñ im bar lotak im kõba iben Kraist.
 - c. Rom 12–13; 15:1–7. Paul ej kakememej dri Rom bwe rej aikuij in jet ro remõn.

Kakobaba ñõn riit:

2. Kwo maroñ in kir tõk juõn dri organ ak juõn droulul in al bwe ren al kin al eo “Nejin Anij” (Bõk in al eo 301, ak bõk in al eo an ajiri, 2–3) ak “I Feel My Savior’s Love” (*Children’s Songbook*, 74–75). Elañe eman kwo maroñ in kwalok juõn ak ruo al kein iben uwan ro kilaj ro.
3. Lõmnak ko ñõn katakin: Ilo letter eo an Paul ñõn dri Rom, Paul ej kakememej dri kaki ro bwe elap an lap tõkjen ñõn air mour kin bedbed ko im rej katak kaki (Rom 2:21–22). Wanjoñak eo am ñõn kilaj eo ej kwalok ikejen nan in kamõl eo am ikijen bedbed ko an gospel ko im rej itõk kin mour eo am im kwoj kõmõne kajojo ran. (Lale Jon 7:17.) (*Lale Teaching—No Greater Call*, 9, 88–89.)

Elmokot In Katak ñõn Edrõklok

**Makitkit Ko Bwe
En Wõr Itõklimo**

Elañe ekkar, kõjermal lajrak in makitkit kein ak juõn eo kwõj lõmnake mokta jen am jino katak eo.

Kajitõk iben kilaj bwe ren riit Rom 3:10. Kemleleik ir bwe Paul ej jab kwalok ilo eon in bwe ejjelok juõn armij rej kõmõni men ko rejimwe, ej ak kwalok bwe ejjelok juõn eo ion lal ej jab wenik. Kraist wõt eo ear etetal ilo mour in im ejjelok libijinjin in jerawiwi ilo mour eo an. Aolep rej kõmõn Jerawiwi (lale bareinwot Rom 3:23).

- Ilo ad kõmõn jerawiwi, ta eo jemaroñ in kõmõne bwe jen maroñ in erre? (Jei aikuij in kõjermal tõmak eo ad ilo Kraist im ukwalok jen jerawiwi ko ad ñõn ad maroñ in kareo kin kajur eo an kin mij eo an ion drebwel.)

Kemleleik bwe ilo ad kõmõni Jerawiwi, jejab maroñ in bed inem bar erre. Katak ej kwalok ñõn kij ewi wewein kin Binmour eo an Jisõs Kraist, juõn wewein eo im Paul ej kwalok ñõn ad maroñ in erre jen bwir ko jej kõmõne.

Jar im kelet jet eon ko im kajitõk ko im remaroñ in kake ta ko im kilaj eo eakuji. Kõketak ro ilo kilaj eo kin nan in kamõl ko air kin katak ko im bedbed ko im emõj air konono kaki ilo katak eo.

1. Jej mour kin tõmak ilo Jisõs Kraist.

Konono Rom 2–5. Kirtõk uwan ro kilaj ro bwe ren kelet jet eon im konono ilo an lap ainikier. Kemleleik bwe Paul ej jeje ñõn uwan ro ilo kabuñ eo ilo jikin ko bwe ren maroñ in oktak jen air kõmõne kien ko an Moses, ko im jet kien ko im rar ben, ilo air tõmak bwe kien kein renaj bõk lomor kaki. Meñe ro remõn ilo Rom rekkar kajur ilo gospel eo (Rom 1:8), Paul ear je letter ko an ñõn an kalikar bwe rej aikuij in roñjake ñõn air maroñ in bõk lomor ñõn Kraist Jisõs im jab jen kien Moses.

- Ilo letter eo an Paul ear kajeoñ in jibañ dri Rom melele kin katak ko ñõn air maroñ in tõbar weben eo. Ta melelein an konono kin weben in? (Ñõn air maroñ in jeblak ñõn Anij, ikijen air kile jerawiwi ko air im ñõn air maroñ in bed ilo mour eo ekkal im ejelok etton ilo mour ko air.)
- Etke jej aikuij in kõmõne wewein in? (Lale Rom 3:10–12, 23; bar lale Alma 7:21. Kijwõj elõñ ien jej elok jen Anij im etton ilo lõmnak ko ad. Ejelok juõn men etton enaj bed iben Anij, jej aikuij in ukwalok ñõn ad maroñ in bed iben.)
- Ta eo Paul ej katakin ñõn ad maroñ in bõk wewein in? (Lale Rom 3:24, 28; 5:1–2; lale bareinwõt 2 Nephi 2:6. Jej maroñ in bõk wewein in ilo jouij eo an Jisõs Kraist im tõmak ilo e.) Ta in jouij? (Kalikar jibañ im jouij.) Ekijkan an wewein in jibañ kij melele kake? (Lale Rom 5:8–11; 2 Nephi 2:7–8. Jouij eo an Jisõs Kraist ej kõmõn bwen bidodo nan kij kin mij eo an ion drebwel.) Ewi wewein an aurõk ñõn kij bwe jen tõmak im bõk ilo jouij eo an Dri Lomor?
- Paul ej kalikar bwe erre jen jerawiwi ej itõk kin yokwe eo an Jisõs Kraist, im jab “kin tõkjen kien ko” (Rom 3:20, 24, 28). Etke jeban bõk eman ikijen lomor ikijen jermal ko ad? (Lale Mosiah 2:20–21, Alma 22:14.)
- Elõñ armij ro rej bõk melelein bwe ilo nan ko an Paul ej kemleleik bwe kin tõmak wõt innem jemaroñ mour im jab kin jermal. Ta eo ikõtan wewein ko ad (ak jermal ko) im yokwe an anij ilo Jisõs Kraist. (Lale Rom 3:31; Jemes 2:14–18, 24; 2 Nephi 25:23; D&C 88:38–39.)

Dri Kanan Joseph Smith ear ba: “Ñõn ad maroñ in erre jen jerawiwi iman mejen Anij jej aikuij in yokwe droñ: jej aikuij anjo ion men ko renana; jej aikuij lolok ro ejako ro jemeir im ro ejako beleir ilo ien air jerata, imjej aikuij kejbarok kij jen men ko an lõl in: bwe men ko remõn rej bedbed in juõn kabuñ eo emol, kajur ilo jitõb im ilo ad kõmõne men ko remõn ñõn ro nejin ñõn ad bõk jerammõn eo ilo Jisõs Kraist. Jemaroñ jar ilo ien jar ko; Jemaroñ yokwe ro dri turir einwõt kij, im tõmak ilo ad jelã bwe wened ej laplok ilañ. Juõn menin kamõnõnõ! Juõn menin lañlin. (*Teachings of the Prophet Joseph Smith*, Joseph Fielding Smith ear kwalok [1976], 76).

2. Jemaroñ bar lotak im juõn wõt iben Jisõs Kraist.

Konono im etale eon kein emõj kejonoloki Rom 6 im 8.

- Paul ej watak baptais ñõn mij eo, kalib eo, im jerkakbiji eo. Ewi wewein an baptais bõk jikin mij, kalib im jerkakbiji (bar lotak)? (Lale Rom 6:3–4; D&C 76:50–52.) Ewi wewein an baptais bar juõn lotak ñõn yõk?

Kemleleik bwe baptais ilo ad tulak anañinlok wõt lotak ilo jitõb. Ilo ad tulak ilo dren ej juõn kōkale eo einwõt jej kalbwin mour eo mokta ilo lub. Ilo ad walōk tōk jen dren eo kōkale juõn eo emōj kwole im erre. Inem jej juõn armij eo ekel im emōj an kōmōn kalimur ñõn an lor Kraist.

- Ewi wewein ad maroñ kejbarok erre in “mour eo ekal” (Rom 6:4) ilo ad kōmōne baptais in? (Uwak ko emaroñ kōba ilo ad kekel bujen kalimur ko jekkar kōmōne ilo kajojo wik, ilo ad ukwalok im bōk jolok bwir ko jen Iroj, im ilo ad jino juõn ran ekkal nan ad kōmōne ijo kunar ñõn Anij.)
- Ta melelein ad “lōmnak kin kij make”? (Lale Rom 8:5–6.) Ta eo enaj walōk ilo ad lōmnak kin kij make? (Lale Rom 8:6–8, 13.) Ewi wewein bwe jen jolok ad lōmnak kin kij make jen buruwōd? Ewi wewein bwe jen maroñ in jerammōn elañe jenaj lōmnak kin men ko an jitõb?
- Paul ej kalikar bwe “jej ro nejin anij” (Rom 8:16). Ewi wewein an jelet kij ilo ad melele bwe jej ro nejin Anij? Ewi wewein an jelet kij make?

Elder Dallin H. Oaks ear ba: “Bōk kajur eo im lōmnak eo ilo al eo eman ibed “Na Nejin Anij” (bōk in al 301). . . . Uwak eo ñõn juõn kajitōk ko ilo mour ko ad, ‘Won Na?’ Na ij nejin anij ilo jitõb. Ej kemleleik aurōk eo aō. Melelein ej letōk juõn kōjatdrik eo emaroñ kokajurlok kijwōj ñõn kelet kelet ko rejimwe ñõn ad bukōt mejlan abañ ko ad im bukōt remōn ñõn kij im ejake juõn lōmnak eo ekajur einwõt ke jej ro Nejin anij, emōj letōk ñõn kij juõn im kōjatdrik ñõn ad maroñ in ion men ko rebin an mour in” (ilo Conference Report, Oct. 1995, 31; ak *Ensign*, Nov. 1995, 25).

Elañe kwōj watōke bwe “Na Nejin Anij” al im kejañ al bwe juõn dri organ kake ak kwo maroñ al iben kilaj eo (lale kebojakjak ko).

- Ta kalimur eo Paul ej kwalok kake bwe ro nejin Anij renaj bōke? (Lale Rom 8:17.) Ta melelein an ba jenaj juõn wõt iben Kraist? (Lale D&C 76:50, 54–70.) Ta eo jenaj kōmōne bwe jen maroñ in bōk menin letōk in ak jolet in? (Lale D&C 76:51–53.)

Ekijkan an jibañ kij ilo ad jelā bwe jej nejin Anij im dri jelet ro iben Anij bwe jen kijennij ñõn jemlokin lal? (Lale Rom 8:18, 28, 31; lale Rom 5:3–5.) Ekijkan an mōj am loe aolep men ko rej jerbāl iben droñ ñõn air emōn ñõn Anij? (Rom 8:28).

- Ta eo Paul ej katakin Dri Rom ilo 8:35–39 kin yokwe eo an Jisōs Kraist? Ewi wewein am eñjake yokwe in ilo mour eo am? Ta oktak eo kwōj kile ilo an kōmōne nan mour eo am.

3. Jej aikuij mour bwe jen errom ro Remōn.

Konono im etale eon ko im emōj kejenoloki jen Rom 12–13; 15:1–7.

- Paul ej rejañ ro Remōn ilo Rom bwe ren bed ilo juõn mour eo eman im anij ej kile” (Rom 12:1). Ewi wewein ad maroñ kōmōn bwe mour ko ad bwe jen maroñ karmijete ñõn Anij? (Lale 3 Nephi 9:20; D&C 59:8.)

Elder Bruce R. McConkie ear kemleleik, “Ñõn ad maroñ bōk mour eo jej make karmijete kij jej aikuij in itōk ilo buru ko rerub im jitõb eman im bōkake” (*Doctrinal New Testament Commentary*, 3 vol. [1966–73], 2:292).

- Paul ej rejañ ro Remõn ilo Rom bwe ren jab bo ilo men ko an lõl in” (Rom 12:2). Ta ko rej kabõk kij ilo ran kein? Ewi wewein bwe jen maroñ in jelmaiki? (Lale Rom 12:2.)
- Rom 12 im 13 kelajrak ta ko im juõn eo emõn emaroñ kõmõne. Kõmõn bwe uwan ro kilaj ro ren kalikari wewein kein im jei ion board eo. (Kwo maroñ ajeje kilaj eo ilo jet droulul jidrik ko lelok bwe ren bukõt im etale im katak kin jepta eo.) Elañe emõj kajitikiner kin kajitõk ko kin ta ko im remaroñ in kõmõne im ta unin an aurõk ñõn air kõmõne ñõn air edreklok? Ta eo jemaroñ in kõmõne ilo wik in ñõn ad kolaplok jerbal kein remõn ilo mour ko ad?
- Ewi wewein an Paul kõketak kij ñõn ad kõmõn ñõn ro rej drike kij? (Lale Rom 12:19–21.) Ta jerammõn eo jenaj bõke ñõn mour ko ad elañe jenaj kõmõn eindrein ñõn ro dredike kij? Ta wanjoñak eo emõj am loe juõn eo eman ñõn yõk ikijen men ko renana ak lõmna k ko rebwir?
- Ta nan in jiroñ eo Paul ej kõbaiki ilo an kwalok nan in jiroñ kein? (Lale Rom 13:8–9.) Ekijkan an nan in jiroñ in kitbuj nan in jiroñ ko jet? (Lale Rom 13:10).
- Ta eo Paul ej katakin uwan ro rekajur ilo tõmak im rej aikuuj in kõmõne ñõn ro remõjno ilo tõmak? (Lale Rom 15:1–7.) Ewi wewein an juõn eo ekajur ilo tõmak jibañ eo emõjno ilo tõmak?

Jemlokin

Kalikar bwe kin tõmak ilo Jisõs Kraist im mour jimwe jemaroñ tõbar juõn webben eo ej kwalok bwe jemaroñ in atartar iben Anij. Kalikar ñõn ajiri ro bwe rej nejin Anij im ewõr ijo kunaer ñõn air maroñ in kõba iben Kraist elañe renaj tõmak im mour ekkar ñõn ko emõj jiroñlok ir.

Jet Melele Ko ñõn Katakin

Wewein kein rej ñõn jibañ im kõkõmõnmõnlok kilen katakin. Kwo maroñ kõjerbal juõn ak ruo ian wewein kein ilo am kõmõne katak eo.

1. "Ijab jok kin gospel eo an Kraist" (Rom 1:16)

Ba juõn uwan ro kilaj en riit Rom 1:16.

- Ewi wewein ad kwalok bwe jejab jok kin gospel eo an Jisõs Kraist? (Lale 1 Piter 3:15 ñõn elmokot. Kelajrak uwak ko an uwan ro ilo kilaj ion chalkboard eo, im kõketak kajojo iaer kin men kein ilo wik eo ej itõk.)

2. Makitkit ko an ro eman retaer

Lelok ñõn kajojo ro uwan kilaj eo juõn beba im binjel ak juõn ben. Ba ren jeje ilo beba in kajitõk kein jen Rom 8:31.

“Elañe Anij ejbed iber, won enaj jumae kij?” (Kwo maroñ kõjerbal ukok eo ilo nan eo an Joseph Smith, eo ej kwalok ilo jemlokin nan ko an ej ba “won emaroñ jumae?”)

Kemleik ekijkan an nan kein maroñ in kakjur kilaj ikijen mour ko air aolep ran. Kõketak ro uwan kilaj eo ñõn air likit card eo ijo remaroñ loe ien otemjej.

Jisōs Kraist: “Dri Tel im Dri Kwoweppen Tōmak”

Katak
37

Hibru

Un eo Ññon kakememej uwan ro kilaj bwe lomor ej itōk kin tōmak ilo Iroj Jisōs Kraist im bōkake nan in jiroñ ko.

Kebojakjak

1. Konono, kōlmenlokijen, im jar kin lajrak in jeje ko rekwojarjar kein:
 - a. Hibru 1–4. Paul ej kamōl kin Jisōs Kraist, ej make wōt Wejin Jemedwij Ilañ, ej ad Dri Lomor.
 - b. Hibru 5; 6:20; 7. Paul ej kemleleik kin Priesthood eo an Melkisetek ej mōttan jeblak tok in taleb in gospel eo.
 - c. Hibru 8:1–10:18. Paul ej katakin bwe kien Moses rej bujen kalimur ko mokta ikōtan Anij ññon ro nejin armij, im kiō gospel eo an Jisōs Kraist ej bujen eo ekal. Kalimur ko mokta rar ññon keboj kalimur eo ekal, im bujen kalimur eo ekkal kajur eo ie ññon lomor.
 - d. Hibru 10:19–11:40. Paul ej rejañ ro remōn bwe ren kōjberbal tōmak eo air ilo Jisōs Kraist ññon air maroñ in jolet ailōñ in Anij.
2. Kakobaba nan riit: Hibru 6;12–13.
3. Lōmnak ko ññon katakin: Lale bwe ilo am katakin kwon jab juōn eo im elap wōt an kemlele. Jet ien emenin aikuij ññon ad kemleleiki ta jej aikuij in kwaloke, ak juōn eo im elap an kemlele ej luji aurōk eo ikijen katakin. Elikin am kwalok melele ko im kemleleik bedbed in konono eo lale bwe kwon lelok ññon an kilaj eo kwalok uwak ko ññon ir bōk kunair ilo katak eo. (Lale *Teaching—No Greater Call*, 126.)

Elmokot In Katak ññon Edrōklok

Makitkit Ko Bwe En Wōr Itōklimo

Elañe ekkar, kōjberbal lajrak in makitkit kein ak juōn eo kwoj lōmnake mokta jen am jino katak eo.

Kemleleik wewein kein, im kajitōk iben kilaj eo ia ilo jeje ko remaroñ kōjberbale ññon wewein kein. (Ewōr jet buk emōj litōki im rej bed ilo parentheses kein.)

1. Einwōt juōn ajiri kwar katak ilo Primary bwe Jisōs Kraist ej dri kōmōnmōn lōl im kokōnan jelā ia ilo jeje ko rej kwalok men in. (Hibru 1:2; Jon 1:1–3, 10: Epesōs 3:9; Mosiah 3:8)
2. Juōn eo mōttam im ear an inebata im lōmnak ewi an Dri Lomor eo lōmnak kake e ikijen aolep men ko ioni. (Hibru 2:6–8,18; 2 Nephi 1:15; Alma 7:11–12)
3. Juōn eo im ej jab uwan ej lōmnake ejimwe ke im ekkar ke bwe juōn eo im priesthood eo ebed iben ej aikuij in e eo im aikuij in kōmōn baptais im kakien ko. (Hibru 5:1, 4; Exodus 28:41; Jon 15:16)

Kir juōn ian kilaj eo bwe en konono jeje ko me emōj kejenoloki ññon konono ekkar ññon katak in. Kalikar bwe leta eo an Paul ññon Dri Hibru ilo jeje ko elap

tōkjen ilo jilu wewein ko. Kirtōk uwan ro kilaj ro ññ air roñjake nan ko ilo jeje ko ilo air kemleleik kin buk in Hibru.

Konono Jen Jeje
Ko Rekwojarjar im
Kōjebali

Ilo am katakin kin jeje kein, jemleleik ekijkan air jermal ññ mour kein ad. Kōketak kilaj eo ññ air kwalok iminene ko air me rejelet bedbed ko ilo katak in. Kemleleik bwe ilo ial eo an Paul, ear kajeoñ in kemleleik uwan ro ilo Kabuñ eo im rej kōjebali wōt kien ko an Moses. Ilo ien kein dri Ju ro im rej dri Christan rej katakin bwe lomor ej itōk kin tōmak ilo Jisōs Kraist, elōñ ro wōt ilo tōre kein rej tōmak bwe bōkake wōt kien ko an Moses ej juōn men eo eaurōk ññ bōk lomor. Paul ear je leta eo an dri Hibru ññ an kemleleik ir bwe kien ko an Moses emōj air jejet im bōk jikier ilo itōk eo an Kraist.

1. Jisōs Kraist, ej Make wōt Nejin Jemedwij Ilañ, ej ad Dri Lomor.

Konono im etale Hibru 1–4. Kirtōk uwan ro kilaj ro bwe ren riti eon ko emōj keleti.

- Ta eo jej katak kin Jisōs Kraist jen dri Hibru 1? (Kelajrak uwak ko an uwan ro kilaj ion chalkboard eo. (Uwak ko remaroñ kōba jet ian lajrak kein ilal.)
 - a. Ear kōmōnmōn lōl in (eon 2, 10).
 - b. Ej ilo nememen Anij jemen (eon 3).
 - c. Ear mij kin jerawiwi ko ad (eon 3).
 - d. Ej Manjien Nejin Anij Jemen (eon 5–6).
 - e. Aibujuij eo an im kajur eo an rej ññ indrio im ban oktak (eon 8, 12).
- Paul ear kwalok bwe Nejin Anij, eo im “kōmōnmōne elaplok im emanlok jen enjel ro” (Hibru 1:4), bareinwōt “kōmōnmōn im etta lōk jen enjel ro” (Hibru 2:9). Ilo wewein et Jisōs rar “kōmōne im ettalok jen enjel ro”? (Lale Mosiah 13:34–35. Ear itōk ññ lōl einwōt juōn armij im bareinwōt ion intañ im mij.) Etke ear juōn men in aikuij? (Lale Hibru 2:9–10, 16–18; 4:15–16; lale bar Mattu 23:10–11).
- Paul ear kōketak Armij ro remōn bwe ren mour jimwe bwe ren maroñ in drelōñ lok ilo kakije eo an Anij (Hibru 3:7–19; 4:1–11). Ta melelein relōñlok ilo kakije eo an Anij? (Lale D&C 84:23–24; 3 Nephi 27:19.) Ta eo Paul ear kemleleik kin etke jet nejin Israel ilo ien eo an Moses reban relōñ ilo kakije eo an Anij? (Lale Hibru 3:7–11, 16–19; 4:1–2.) Ewi wewein ad maroñ kakjur droñ bwe jen maroñ in drelōñ ilo kakije eo an Anij? (Lale Hibru 3:13–14; 4:11; Alma 13:12–13, 16.)

2. Priesthood eo an Melkisetek eo ej motan wōt jeblaktōk in taleb in gospel eo.

Konono im etale eon ko emōj kejenoloki jen Hibru 5; 6:20; 7.

- Ta eo Paul ej katakin armij ññ air maroñ bōk priesthood eo? (Lale Hibru 5:1–4.) Etke ro rej kabjer priesthood eo rej aikuij in jet ro Anij ej kir ir, im jab ro rej bōk maroñ in jen ir make?
- Ta maroñ eo ilo priesthood eo ekōba iben kien ko an Moses? (Priesthood eo an Aaron, bareinwōt naetan Levitical, ettelok, ak eo ej itōk iman ññ an keboj priesthood eo. Lale D&C 84:25–27.) Priesthood ta eo eber iben Jisōs Kraist?

(Lale Hibru 5:5–6; 6:20.) Kemleleik bwe Jisōs ear itōk ññ an kejejet kien ko Moses ear bukitōk, ear bareinwōt im ññ bareinwōt kōjeblaktōk Priesthood eo an Melkisetek. Ta unin an aurōk? (Lale Hibru 7:11. Priesthood eo an Aaron ejelok maroñ eo iben ññ an kōmōni kakien ko ññ ad maroñ bōk lomor.)

“Meñe kien ko an Moses im priesthood eo an Aaron enaj jermal ejab maroñ in kake ññ ro nejin Anij ññ eman eo ejeje uwan. Priesthood eo an Aaron ej priesthood eo emōj nolok kajur eo an jen Priesthood eo an Melkisetek eo, ej bareinwōt ññ kejoj gospel eo iman. Priesthood eo an Melkisetek eo, jermal eo juōn ean, ej ññ kōmōne kakien ko ññ an kajijet tu kajur in ññ an maroñ in na rian mour an armij ikijen kakien ko ññ air maroñ in wōnmanlōk wōt im edrōk lōk im bōki kalimur ko ññ air maroñ bed iman Iroj” (*The Life and Teachings of Jesus and His Apostles* [Church Educational System manual, 1979], 385–86; lale bareinwōt D&C 107:18–20.)

- Etke jej naetan Priesthood eo an Melkisetek eo priesthood eo eutie j lōk? (Lale D&C 107:2–4.) Ewi wewein ad ro rej uwan in kabuñ in rainin jerammōn ilo ad bōk Priesthood eo an Melkisetek eo bareinwōt Priesthood eo an Aaron eo? Ewi wewein am jerammōn kin priesthood in?

3. Gospel eo an Jisōs Kraist ej juōn bujen kalimur ikōtan Anij im ro nejin.

Konono im etale eon ko emōj kejenoloki jen Hibru 8:1–10:18. Kemleleik bwe Paul ear rejañ ro uwan Kabuñ eo bwe ren kabuñ umin kien ko an Moses ilo air reilok nan Iroj Jisōs Kraist.

- Ekkar ññ Hibru 8:5, Ta eo Iroj ear jiroñ Moses ke ear kalek tabernacle eo ññ an ro nejin Israel kabuñ ie? (Kemleleiki bwe aolep makitkit ko ilo tabernacle eo rej annane “men ko ilañ” einwōt lajrak kein ilal.)

<p>Kakien ko ilo tabernacle:</p> <p>a. Pris ro ekka air katōk kin menin mour ko ilo air katōk ññ Anij (Hibru 10:1–4, 11).</p> <p>b. Pris ro rej likit botōktōk eo jen menin mour eo ak menin katōk eo na ion kein katōk eo ññ air annane air katōk im kareoik armij ro (Hibru 9:6–7, 19–23).</p> <p>c. Pris ro rej etal nan renel eo ijo im Ekwojarjar Otemkwojarjar (Hibru 9:1–7).</p>	<p>Ta eo ej anañne lōk:</p> <p>Jisōs ear lelok e make ññ mij kin jerawiwi ko ad (Hibru 9:26–28; 10:4–12).</p> <p>Pris ko rar likit bōtōktōk jen menin mour in katok ko ion lokatok eo ññ kwalok einwōt ñe ej karreo im jolok bwir ko an armij (Hibru 9:6–7, 19–23).</p> <p>Pris eo eutie ear dreloñ lok ññ jikin in naetan Ekwojarjar otem Ekwojarjar ijo ewōr nuknuk Katiñ ej jebole (Hibru 9:24).</p>
---	---

- Paul ej kemleleik bwe kein Moses rej bujen kalimur ko ikōtan Anij im ro nejin Israel (Hibru 8:9; lale bareinwōt Galatia 3:24–25). Ta bujen kalimur eo bōktōk jen Jisōs Kraist? (Lale Hibru 8:6–8, 10–13. Talep in gospel eo.) Kalikar bwe bujen eo mokta ej kwalok ilo Kalimur Mokta ilo Bible eo, einwōt an bujen eo ekel walōk ilo Kalimur Ekel.

- Etke bujen kalimur ko mokta rejab maroñ in kōmōn bwe jen bed ilo juōn jekjek eo elukkun weppen? (Lale Hibru 10:1–4.) Etke bujen kalimur eo ekal ej letōk kōjatdrikdrik eo elap kin ad maroñ in weppenlok? (Lale Hibru 10:9–18.)

4. Jabdrewōt enaj kōjerbal tōmak in ilo Jisōs Kraist enaj jolet ailōñ in Anij.

Konono im etale eon ko emōj kejenolok jen Hibru 10:9–11:40. Kwalok bwe elikin an Paul kwalok kin utiej in taleb in gospel eo, elōñlok kien ko dredrelok im rej bōk jikin kien Moses, ear kōketak ro remōn bwe ren mour ilo juōn “mour eo im ekel” ilo air liki Jisōs Kraist (Hibru 10:19–22).

- Ta eo maktata im aurōk ilo bedbed eo an gospel? (Lale Articles of Faith 1:4.) Ta in tōmak? (Lale Hibru 11:1; Alma 32:21; Ether 12:6.) Ekijkan an laplok tōmak jen bōkake? Etke tōmak ilo Jisōs Kraist ej juōn men eo elap ñōn lomor eo ad?
- Paul ej kwalok kin elōñ wanjoñak ko kin armij ro rej Kōtabar men ko relap ilo liki Jisōs Kraist. Won rein ej kennan kake ir? (Lale Hibru 11:4–12, 17–34.) Kelajrak ion chalkboard eo etan rein ej konono kake ir, im ekijkan air kōjerbal tōmak.

Kwo maroñ likit uwan ro kilaj ro ilo droulul ilo katak in. Lelok kunaer ñōn air kemleleik et ko rej walōk ilo Hibru 11. Lelok jet minit ñōn doulul ko ñōn air etale tōmak kein, im lelok bwe ren kwalok lōmnak ko air.

- Paul ej bar katakin bwe tōmak emaroñ jibañ kij ilo ien mōjno im ban ko ad (Lale Hibru 11:32–e8). Ewi wewein an tōmak jibañ kij ilo ien ko rebin? Ta kōjerammōn eo im emōj am bōke (ak juōn eo kojelā kajien) ilo an kōjerbal tōmak ilo Jisōs Kraist?

Jemlokin

Kalikar bwe jej bōk jerammōn ko ilo ad mour kin talep in gospel eo. Kalikar bwe lomor ej itōk kin tōmak ilo Jisōs Kraist im bōkake nan in jiroñ ko. Kōketak uwan ro kilaj ro ñōn air kejbarok bujen kalimur im nan in jiroñ ko ilo jeblaktōk in talep in gospel eo.

Jet Melele Ko ñōn Katakin

Wewein kein rej ñōn jibañ im kōkōmōnmōnlōk kilen katakin. Kwo maroñ kōjerbal juōn ak ruo ian wewein kein ilo am kōmōne katak eo.

1. Anij enaj kejbarok kalimur ko an

- Ta eo Hibru 6:10–19 ej katakin kin kalimur ko an Anij ñōn ro nejin? Ta eo eon 15 ej katakin kin kadkadin kōtan ilo ad ilon men ko rebin im bōki kalimur ko jen Anij? (Lale D&C 82:10.) Ewi immene ko emōj am bōki ilo an Anij kajijet kalimur ko an ñōn yuk?

2. “Iroj ej yokwe eo ej oktak jen bwir ko an” (Hibru 12:6)

Ba kilaj eo en konono Hibru 12:5–11.

- Ekijkan an Iroj katakin kij? Ekijkan katak ko an Iroj ñōn kij rej jet men ko ein jibañ kij”? (Lale Hibru 12:10; D&C 61:8; 95:1; 101:5.) Ewi wewein ad katak jen bwod ko ad im oktak jeni ej juōn men eo ñōn ad katak im edrōklok? Kir kilaj ñōn air kwalok ien ko iroj ej katakin ir ñōn air edrōklok ikijen edrōklok ko air.

Jerbal 21–28

Un eo Nñon kōketak kilaj eo nñon lor wanjoñak eo an Paul im tōmak einwōt juōn dri kamōl kin Jisōs Kriast ibuljin men ko rebin.

Kebojakjak

Konono, kōlmenlokijen im jar kin lajrak in jeje ko rekwojarjar kein

- a. Jerbal 21:1–22:21. Meñe eo mōttan ear kaberer im ekkar mijak kin mour eo an, Paul ear wōnmanlōk wōt nñon Jerusalem. Ear kwalok kin ial eo an nñon ro jein im jatin ijo. Ear ilok nñon tempel im jarlebju eo rar illu iben im jibwe. Leo jeban jarin tarinae ko ear jibwe im lelok bwe en konono nñon jarlebju eo. Paul ear kwalok nñon ir kin an oktak nñon gospel eo an Jisōs Kraist.
 - b. Jerbal 22:22–23:35. Jarlebju eo rar kowan nan ko an Paul im kōnan bōk mour eo an. Dri utiej eo an jarin tarinae eo ear bōk Paul jen jarlebju im likit ilo juōn em eutiej. Ran eo juōn Leo ear bōklok Paul nñon Sanhedrin ro. Elikin ear bar wōr juōn ien elap im jeban dri tarinae eo ear bōk Paul nñon bar jikin kwalok eo. Bonen eo Iroj ear walōk nñon Paul im ba bwe enaj juōn dri kamōl ilo Rom im Jerusalem. Elōñ lōk jen 40 dri Ju rar bukōt kilen air man Paul, im rar bōklok nñon Felix dri kien eo bwe en maroñ in ainemōn ijo.
 - c. Jerbal 26. Elikin jet io in air liakelok im kalbuiji. Paul ear kwalok iman King Agrippa. King Agrippa ear jab erra iben Paul im ear jilkin lōk nñon iben Sizar.
 - d. Jerbal 27–28. Paul ear rup wa eo wan ilo juōn koto ilo ial eo an nñon Rom elikin an captain eo jab bōkake nan ko an. Elikin an tōbar Rom rar bar kalibuji ak ear kwalok nan nñon ro rekōnan roñjake.
2. Elañe men kein ralikar, kōjerbali ilo ien eo kwoj kōmōne katak eo:
- a. “Paul—A Chosen Vessel,” kwalok juōn video tape eo ebed ilo *New Testament Video Presentations* (53914). Etale pija in elañe ekkar kwonaj jelā in eo ekkar kwonaj kabōjrake nñon kemleleiki
 - b. Juōn map in itoitak eo an Paul nñon Rom (map 22 ilo LDS edition eo ilo King James Bible).
3. Lōmnak ko nñon katakin: “Eminin aurōk nan ro kwoj katakin ir einwōt ne kwōj najdrik ir, bwe ren katak jet men ko. Kajojo ien rej itōk eaikuij in wōr juōn men eo rej lōmnake nan itōklimo im kōketak nñon air mōnōnō im itōk nan kilaj. Meñe edrik ak emaroñ juōn men eo elap tōkjen, ilo mol eaikuij wōr iber jet kōjatdrikdrik ko nñon air tōbar jet wewein ko” (Boyd K. Packer, *Teach Ye Diligently* [1975], 154).

**Elmokot In Katak
nñon Edrōklok**

**Makitkit Ko Bwe
En Wōr Itōklimo**

Elañe ekkar, kōjerbali lajrak in makitkit kein ak juōn eo kwōj lōmnake mōkta jen am jino katak eo.

- Ewōr ke juōn armij ilo jeje ko rekwojarjar im kwo maroñ kile kin lōmnak, ak iminene ko an, ak ilo wewein ko? Etke kwoj eñjake bwe kwōj bake armij in?

Lelok jidik ien ñõn an ro ilo kilaj eo uwak. Kalikar bwe elikin an lõmnak kin ta eo ear walõk ñõn e, Dri Kanan Joseph Smith ear kile wewein eo ear walõk ñõn e einwõt wewein eo ear walõk ñõn Dri Jilõk Paul. Lale Joseph Smith—History 1:23–25.

Kemleleik ke Paul ej jutak iman King Agrippa ej juõn ian ien ko me jenaj konono kake ilo katak in. Ilo wewein in ilo an kar kõmõne ial eo an ilo mijinede eo, meñe ekkar ion elõñ kabanban ko im rekkar liakelok ak Paul ear jutak bin ilo tõmak im kajur im kwalok nan in kamõl eo an kin Jisõs Kraist.

Konono Jen Jeje
Ko Rekwojarjar
Im Kõjerbali

Ilo am katakin kin eon kein, kemleleik wewein eo jemaroñ kelaplok tõmak ko ad ilo ad kajur im einwõt Paul. Kõketak kilaj eo ñõn air kwalok jet wewein ko me rar beran ilo air kwalok kamõl ko air ikijen nan im makitkit ko air.

1. Paul ej kemleleik kin ial eo an im ear jelmae jellebju eo me rar illu iben ilo Jerusalem.

Elañe kwonaj kõjerbali video tape eo kin bwebwenato in “Paul—A Chosen Vessel,” kwalok mõttan eo iman. Im kabõjrak video eo elikin an dri konono eo kwalok nan kein. Ear kajejet nan ko an Iroj, bwe enaj kwalok kin etan iman kin im dri tõl ro (elikin nan kein rekkar bõk Paul im aninlok jet dri tarinae ro.)

Konono im kemleleik Jerbal 21:1–22:21. Rõjañ kilaj uwan ro ñõn air konono eon ko emõj keleti. Kemleleik bwe elikin wõt an dredrelok an Paul kõmõne ial eo an, rekkar bõke ñõn Rom im Paul ekkar bar rol ñõn Jerusalem meñe ear jelã ke ej juõn ien eo me ekauatata ñõn e.

- Etke ro jeran Paul rar kajeoñ in kabõjrak Paul bwe en jab rol ñõn Jerusalem? (Lale Jerbal 21:10–12.) Ta uwak eo an Paul ta eo enaj jelete? (Lale Jerbal 21:13.) Ekijkan an men in kwalok kijeje to eo an Paul ñõn Kraist?
- Ta eo Paul ekkar kõmõne elikin an tõbar Jerusalem? (Lale Jerbal 21:17–19.) Ekijkan an menin ak wewein in ikijen wewein an mijinede ro ran kein jeblak jen mijen ko air? Rej kwalok kin ta ko me rar ioni ilo wewein an kar jermal ñõn presiduhn eo an stake im high council ro ilo ward ak branch ko rej bed ie ilo ien kwojkwoj ko. Ta eo me kwo maroñ bõk am jerammõn jane ilo am roñjake am mijinede in kwalok iminene ko air?
- Elõñ ian dri Ju ro rar jab erra iben Paul ilo an kwalok kin lomor eo bwe ej itõk jen Jisõs Kraist im jab kein ko an Moses (Jermal 15:1–35). Ñõn kamõnõnõik buruen armij ro rar jiroñ Paul bwe en etal ñõn Jerusalem im etal ñõn tempel ñõn an kõmõne wewein ko ñõn kareoki ej juõn kõkale eo me ej kejbarok wõt ilo kein ko (Jermal 21:20–25). Ta eo ear walõk ñõn Paul ke ej bed ilo tempel? (Lale Jerbal 21:26–30. Jellebju eo rar jibwe im na-ruõn bwe ej rubi kein ko an Moses im katon tempel ilo an bõktõk ro me rejab dri Ju ñõn tempel eo. Ewi wewein an kar Paul maroñ in ella jen jellebju eo? (Lale Jerbal 21:31–36.) Ta eo Paul ear kõmõne ke boss eo an dri tarinae ekkar kotlok bwe en konono iben armij ro? (Jermal 21:37–22:21. Etke menin ekkar aikuij in juõn eo me eberan?

Kwo maroñ jino juõn lajrak eo ion chalkboard eo kin aolep ien ko ilo Jerbal 21–28 me Paul ej kwalok an beran ilo am kamõl kin Jisõs Kraist. Im ilo wõnmanlõk ilo katak eo, kwo maroñ kolajraki men kein.

- Naat eo kwar kwalok kin nan in kamõl ak kamõl eo am ilo ien rot eo me kwõj ion men kein rebin im kwõj aikuij in kwalok ilo am beran? Ewi wewein am

maroñ tōbar beran jab in? Ewi wewein ad maroñ in katak kin makitkit ko an Paul emaroñ jibañ kij ñōn ad beran ñōn ad kwalok nan in kamōl ak kamōl ko ad ñōn ro jet?

2. Paul rej bōke im bōklok iman Sanhedrin ro

Konono im etale eon ko emōj kaleti ilo Jerbal 22:22–23:35.

- Kar ewi wewein an jellebju eo inabjen tempel eo uwak ñōn Paul kin an kar oktak? (Lale Jerbal 22:24.) Ta un eo bwe boss eo an dri tarinae en kōmakit Paul jen jellebju eo? (Lale Jerbal 22:24.) Ewi wewein an Paul marin in jeer? (Jermal 22:25–26. Ear kalikar ke e ej juōn citizen in Rom. Men in ear lelok ñōn e juōn maroñ iman kein eo an Rom im Jerusalem ej bed ie).
- Ta eo moktata me Paul ear ba ke ear itōk iman Sanhedrin ro ak council eo an dri Ju ro? (Lale Jerbal 23:1; lale bareinwōt Jerbal 24:16. Lale D&C 135:4 im ñōn melele ko jet lale ko nan Dri Kanan Joseph Smith). Ewi wewein am lōmnak kin mour eo an Paul ilo an iben Anij ilo an jibañ e ilo ien in? Kir ñōn kilaj ñōn air etale men in, ta oktak ko me rej aikuij in kōmōne ilo mour ko air ñōn eñjake ko air iman mejan Anij.
- Ta eo Iroj ear ba ñōn Paul elikin wōt an Sanhedrin ro joloke? (Lale Jerbal 23:11.) Ekijkan an Iroj jibañ yōk bwe kwon juōn eo me emōnono ilo ien ko me rebin?
- Ran eo elikin an Iroj walōk ñōn Paul, elōñlok jen 40 dri Ju ro rar kajeoñ in mane Paul, meñe rar kwole im maro ak rar kōnan kōmōni men in mae ien rej tōbare (Jermal 23:12–15). Ekijkan an Paul maroñ in jeer jen karōk ak karōk ko air? (Lale Jerbal 23:16–35. Kwo maroñ wōnmanlōk wōt im kalikar bwe ilo tōrein jilu (3) wōt ran ko jen an Paul jeer jen an mij.)

3. Paul ej jutak iman Agrippa, im nan in kamōl ko an rejab roñjaki.

Konono im etale eon ko me emōj keleti jen Jerbal 26. Kwo maroñ bōk ilo tu-kadu in melele kein jen Jerbal 24–25: Paul rekkar jilinlok nan Felix, governor eo im ekkar kwalok iman mejan im Paul ear juōn dri kalbuij iumin yiō ko ruo (2) ilo ien eo Felix ej kajeoñ bwe en bukōti mani (jaan) ko ñōn an kotloke. Ke Felix ej bōk jikin Festus bwe en jilninlok Paul ñōn Jerusalem bwe en ekajet. Paul ear makoko in etal, bwe ejelā ke eban juōn ekajet eo emol. Innem Paul ear kajitōk iben Sizar bwe en ekajete ilo Rom einwōt juōn citizen. Festus ekkar erra im jilkinlok Paul ñōn Rom, ijoke Paul ej aikuij in mokta jere iman Herod Agrippa, eo me ej ruler in Judea.

Elañe kwōj kōjermal tape ko ruo (2), kwalok part eo kein karuo. Kabōjrak video eo elikin nan ko an Paul “Kōnan eo aō ñōn Anij im ej jab na wōt ak bareinwōt ro me rej roñjake io rainin, ijo me ij bed ie ijellokin lokjak ko” (mokta jen an Paul etal ñōn court eo an King Agrippa).

- Ta nan ko an Paul me rej komakit yuk ilo an kwalok iman King Agrippa? (Lale Jerbal 26:2–27.) Ewi wewein an King Agrippa uwak Paul kin nan ko an? (Lale Jerbal 26:28.) Ta eo ekkar kōmōn bwe King Agrippa en jab erom juōn dri christian? Ta wewein ko ak men ko me rej kōmōn bwe armij in rainin ren jab bōke gospel eo an Jisōs Kraist?
- Ta ko me Festus im Agrippa rar kile ilo oktak ko an Paul? Ewi wewein air einwōt juōn? (Lale Jerbal 26:24, 28. Kemleleik bwe ejjelok juōn wewein ijelokin lelok kij make im bōk Iroj. Meñe Agrippa ear lo bwe nan ko an Paul ej tōmaki, im

ejja ien eo wōt Festus ear jab kili ak aolepeir ro kar likjab jen air ro kile tōmak eo iben Paul me ej kwalok.)

4. Paul ilo ial eo an lōk nan Rom ekkar rub wa eo waan.

Konono im etale eon ko emōj keleti jen Jerbal 27–28. Kemleleik bwe Agrippa ekkar kōnan kotlok Paul (Jerbal 26:32), ak Paul ekkar ba bwe Sizar en e eo en ekajete im ekkar etal ññ Rom. Ilo am konono kake ial eo an Paul lōk ññ Rom, kwalok map eo me ej kwalok ijokein einwōt Fair Havens, ijo Paul ear jiroñ lōk armij ro bwe ren bed ijo ilo ien molo eo im Malta (Malita), ijo me armij ro rar wonenelok elikin an rub.

- Ta eo ear walōk ilo ien eo me leo ej bōk edrōk in wa eo ear makoko in roñjake nan ko an Paul bwe ren jab jerak jen Fair Havens? (Lale Jerbal 27:7–20.) Ta eo ear kōmōn bwe leo en jab roñjake nan in jiroñ ko an Paul? (Lale Jerbal 27:11–12.) Etke jet ien ekka ad jab roñjake nan in jiroñ ko an dri tel ro an Kabuñ in? Ekijkan ad maroñ in katak men ko me ewōr tōkjaer jen dri tel ro jen Kabuñ in?
- Etke Paul ekkar jelā ke aolep ro ilo wa eo renaj aolep im tōbrak meñe wa eo enaj ion juōn koto? (Lale Jerbal 27:21–26.) Ewi wewein an kanan eo bōk jikin? (Lale Jerbal 27:27–44.)
- Ewi wewein an Paul kōjerbale priesthood eo an ilo ene eo me rar bo ie etan Melita? (Lale Jerbal 28:7–9.) Ta eo me wewein in ej kalikar kin kajur eo an priesthood eo? Ekijkan ilo wewein ad kautiej priesthood eo ej jibañ kij einwōt jet dri kamōl ro an Kraist?
- Elikin jet allōñ ko, Paul ear bareinwōt tōbar Rom ijo me ear bar kalbuij. Ewi wewein ad kōmōn bwe jorren eo an wa eo en juōn men eo ear emōn ññone? (Lale Jerbal 28:16–31. Rekkar lelok ññ e anemkwoj im ekkar jolok elōñ ien ko ññ an katakin kin gospel eo im kamōl kin Jisōs Kraist.) Ta eo me jemaroñ katak kin Paul ilo an kar tōmak im juōn dri kamōl kin Jisōs Kraist? (Elañe kwonaj kōmōne juōn lajrak ion chalkboard eo kin ien ko an Paul kwalok kin an kajur einwōt juōn dri kamōl, kwōj aikuij in kōmōne ilo wewein in.)

Elañe kwōj kōjerbale video eo, kwalok aolepen kiō.

Jemlokin

Ekkar ññ ro dri kōmōn bwebwenato rej kwalok ke Paul rekkar mane ilo Rom enañin 65 A.D. Ilo ran in mour ko an, ekkar kōmōni edrō ko an einwōt juōn dri jilōk “kom in ilok ññ aolepen lōl im katakin ir” (Mattu 28:19). Ekkar bareinwōt kadredrelok kanan eo im nan in rōjañ eo bwe ej aikuij in kwalok gospel ññ Dri Ailōñ ko, king ro im ro nejin Israel” (Jerbal 9:15). Ekkar bareinwōt juōn eo ej tōmak ilo an kamōl kin Kraist meñe ear ion men ko rebin, men ko renana ññ e im kalbuij im ion elōñ jorren ko.

Kamōl bwe elañe jenaj lor wanjoñak ko an Paul im tōmak im kamōl kin Jisōs Kraist ilo aolep wewein ko, enaj letōk ññ kij kajur ññ ad maroñ in ion men ko rebin jej ion.

Jet Melele Ko
ññ Katakin

Wewein kein rej ññ jibañ im kōkōmōnmōnlōk kilen katakin. Kwo maroñ kōjerbale juōn ak ruo ian wewein kein ilo am kōmōne katak eo.

Bar etale mour eo an Paul

Ñõn jibañ ro ilo kilaj eo ñõn air maroñ in kile ekijkan an Paul kar kajejet kir eo ñõne ilo mour eo an ilo an kamõl kin Kraist, ba ren rol lõk ñõn katak eo me iomwin “Paul” ilo Bible Dictionary (page 742–43). Ba kilaj uwan ak ro ilo kilaj eo ren kalet juõn ian tõre ko ilo mour eo an Paul me ekkar kamõl in Kraist. (Jet ian ien kein rej jab walõk ilo Bible Dictionary eo ak kom maroñ kõjembali.) Ba ro ilo kilaj eo ren kwalok lõmnak ko air ikijen katak in ñõn air share e ippan droñ im kwalok lajrak in ien ko ilo chalkboard eo. Ne emõj, kajitõk iban kilaj bwe ren eleklok ñõn map eo me ej kwalok kin ial ko an Paul (map 19–22 ilo LDS edition ilo King James Bible eo) im kalikare ia ko me jikin ien ko rekkar bõk jikier. Jibañ ro ilo kilaj eo ñõn air etale ñõn air kile jeje ko im aurõk eo air ñõn ien ko kab ijoko me men kein rar bõk jikier.

Un eo Ñõn jibañ ro ilo kilaj melele kin wewein eo ñõn kõkõmõnmõnlõk ro ilo kabuñ eo (Epesõs 4:12) eminin aikuij ñõn kij ñõn ad edrõk lõk ilo tõmak ilo Kraist, lor katak ko an dri jilõk ro kab dri kanan ro im kejbarok kij jen wijwan ko an mour in.

- Kebojakjak**
1. Konono, kõlmenlokijen, im jar kin lajrak in jeje ko rekwojarjar kein.
 - a. Epesõs 1:9–10. Paul ej katakin bwe un eo ilo tõre in ñõn kajetjet men otemjej ej ñõn ad kõbaik men otemjej ilo juõn wõt ilo Kraist.
 - b. Epesõs 2:12–22; 4:1–16. Paul ej katakin bwe Jisõs Kraist ej deka in jabõñ em. Ej katakin bwe Iroi emõj an letõk ñõn kij dri jilõk im dri kanan ñõn jibañ kij ñõn ad maroñ in emõnlõk ñõn ad juõn wõt ilo tõmak.
 - c. Epesõs 5:22–29; 6:1–4. Paul ej katakin aurõk eo ñõn ad iben droñ eo ikõtan leo im kab lio im ikõtan dritto im ajiri ro.
 - d. Epesõs 4:21–32; 6:10–18. Paul ej bareinwõt katakin bwe jej aikuij in bõk armij eo ekaal bõk likobejnak ko an Anij im kejbarok kij jen men ko bin in mour in.
 2. Kakobaba nan riit: Jon 17:11; Mosiah 18:21–22; Doctrine and Covenants 27:15–18; 38:25–27. “Dispensations,” 657-58.
 3. Elañe kwõj kõjerbal makitkit ko bwe en wõr itõklimo, bõktõk juõn to eo me emaroñ juõn (1 lõk ñõn jilu 3 aetõkan) im aidrik im juõn mõttan to eo me enañin bar aetõkan lõk wõt im ekilep lõk.
 4. Lõmnak ko ñõn katakin: Eon ko me jej kõkaleki rej jibañ dri kaki eo im bareinwõt kilaj uwan ro kin melele ko armij ro im jikin ko. Kwo maroñ kõketak ro ilo jilaj eo ñõn air kõkaleki ia ko ilo jeje ko ej kwalok kin unin konono ko, ak bareinwõt wewein ko jet.
-

Elmokat In Katak ñõn Edrõklok

Makitkit Ko Bwe
En Wõr Itõklimo

Elañe ekkar, kõjerbal lajrak in makitkit kein ak juõn eo kwõj lõmnake mokta jen am jino katak eo.

Kwalok ñõn ro ilo kilaj eo tõrej eo kab to eo (lale ilo ijo me ej ka “Kebojakjak”).

- Ta eo me tõrej eo kab to eo me ekilep lõk rej oktak jen droñ kake ak renañin erro wõt juõn? (Aolepair rar kõmõn jen wõt kain men). Ta oktak eo air? (Tõrej eo juõn wõt kon, to eo elõñ ko ilowan emõj air idabjok iben droñ). Ewi wõt iaer im ekajur?

Kemleleik tõkelik einwõt tõrej ko, jej mõjno ilo ad make lõk iar. Ijoke einwõt to eo jej maroñ kajur lõk ne jej kõba iben droñ ilo tõmak im jimwe. Ilo leta eo an lõk ñõn dri Epesõs, Paul ej kalikar aurõk eo an kõkõmõnmõnlõk ro ilo uwan kabuñ eo ilo air kotõbar kõba iben droñ ilo tõmak (Epesõs 4:12–13). Katak in ej

kwalok ekijkan an ro ilo Kabuñ eo maroñ in jermal iben droñ ikijen juõn wõt ilo air tõmak ilo Dri Lomor im lor dri jilõk im dri kanan ñõn air kajurlok ilo bamle im bõk likobejñak ko an Anij.

Konono Jen Jeje
Ko Rekwojarjar
Im Kõjrbali

Jar im kalet jeje ko im kajitõk ko me emaroñ wõr tõkjaer ñõn kilaj eo. Kõketak kilaj uwan ro ñõn air share iben droñ iminene ko air im rej bedbed ion bedbed in katak eo.

1. Tõre eo ñõn kajejet men otemjej

Konono im etale Epesõs 1:9–10.

- Ilo jepta eo jinoin ilo buk in Epesõs, Paul ej konono kin tõre eo ien kajejet men otemjej (Epesõs 1:10). Ta in tõre ak ien ilo an gospel eo konono kake? (Ej juõn ian ien ko me Iroj ear kalet ñõn ro dri karejeran ilo lõl ñõn air kabjor ki ko an priesthood im maroñ eo ñõn air kotbal gospel eo.
- Ta melelein tõre kein ilo an jejet kitier? (Juõn tõre ej ijino ilo jeblaktõk in gospel ñõn an jino jutak Kabuñ eo an Jisõs Kraist kin Joseph Smith). Etke tõre kein jej konono kaki im ba tõre ko me rejejet ilo ien ko?

Dri Kanan Gordon B. Hinckley ear katakin bwe: “Jei iminene kake im kile jerammõn eo me ej itõk ñõn kij ikijen tõre in me aolepen men kein im jejet. Ilo an kar jeblaktõk aolepen men kein ñõn lõlin, katak ko, kajur ko, jermon ko, kab ki ko jen aolepen tõre ko lõk iman (ilo Conference Report, Apr. 1992, 98; ak *Ensign*, May 1992, 70).

- Ta eo Paul ej kwalok kin Jamedwij ilañ enaj kõmõne ilo tõre kein? (Lale Epesõs 1:9–10.) Ta eo kwõj lõmnak melelein “kõbaik aolep men otemjej iben Kraist?” Ta jet men ko me ej konono kaki renaj kõbaik ilo ran kein? (Uwak eo emaroñ kõba jeje ko, Kabuñ eo, uwan ro, rekot an ro remij, bamle ko ñõn air liabe ilo tempel.) Ewi wewein ad maroñ in bõk ijo konar ilo ad jibañ ilo wewein in?

2. Jisõs Kraist ej dreka in jabõñ em eo.

Konono im etale eon kein emõj kojenoloki jen buk in Epesõs 2:12–22 im 4:1–16

- Konono Epesõs 2:12 im 2:19. Ekijkan an Paul kemleleik oktak eo enaj bõk jikin iben ro me renaj kile im lor Dri Lomor? Ewi wewein am maroñ in loe menin oktak kein rej bõk jikin ñõn kwe im ro jet? Ewi kõtan eo am ñõn Kabuñ in kab uwan ro ilo kabuñ in im ro jet ilo gospel eo emõj kõjerammõn yõk ilo mour in?
- Ta melelein an Paul katakin bwe Jisõs Kraist ej dreka in jabõñ em eo an Kabuñ in? (Epesõs 2:20). Elañe emenin aikuij, kemleleik bwe dreke in jabõñ em ej dreka eo me ej jino bedbed eo an juõn deman em me ej kajutak dam ko ruo (2) im rej kõba iben droñ. Im dreka in jabõñ em eo emenin aurõk ñõn drebiji kõba eo an mweo.) Ewi wewein an Jisõs Kraist juõn dreka in jabõñ em ilo tõmak?
- Ta eo Paul ej katakin dri Epesõs ilo 2:20 im 4:11–14 kin aurõk eo an dri jilõk ro emenin aikuij ñõn juõn Kabuñ eo emol? Ta jet ian katak ko me dri jilõk ro ran kein im dri kanan ro rej jibañ kij ñõn ad edoklok ñõn juõn mour eo eman ilo juõn wõt? (Kwo maroñ kolajrake uwak ko ilo chalkboard eo.)

Dri Kanan Boyd K. Packer ear katakin: “Ministry eo an dri kanan im dri jilõk rej tel kij ñõn ad aolep ien juõn wõt ilo juõn bamle. . . . Im aurõk eo ñõn ad tõmak

juōn iben droñ einwōt ilo juōn tōmak ilo Iroj Jisōs Kraist ilo juōn wewein eo me ekamōnōnō ilo ad liabe ilo marry ko rej ñōn indreo, kōbaiki bamle ko ad iben ro nukid ñōn ad tōbar mour eo me ejej uwan im bed iman mejan Jemedwij Ilañ” (ilo Conference Report, Apr. 1995, 8; ak *Ensign*, May 1995, 8.)

- Ta eo Paul ej katakin im ej melelein bwe “juōn Iroj, juōn tōmak, juōn baptais”? (Epesōs 4:5). Ta unin an aurōk bwe jen kōba iben droñ kin juōn wōt melele ilo katakin im bareinwōt ilo tōmak ilo Kabuñ in?

3. Kōba eo ikōtan lio im ikōtan jeman im jinen ñōn ajiri ro

Konono im etale Epesōs 5:22–29; 6:1–4.

- Ta kōtan eo Paul ej kōjerbali ilo an kemleleik kōtan eo ikōtan leo kab lio? (Lale Epesōs 5:22–29.) Ta eo leo belele im lio remaroñ katak jen kōtan in ilo air jibañ edrōkklok im kolaplok yokwe eo kōtan eo air ilo marry ko? (Kwalok jet wewein ko Jisōs ear kwaloki ilo yokwe eo an ñōn Kabuñ eo im ekijkan air jermal ñōn belele). Kwo maroñ kollajrak uwak ko an uwan ro ilo kilaj eo ion chalkboard eo).

Dri Kanan Spencer W. Kimball ear katakin bwe: “Ewōr ke ijen kwo maroñ lo ilo jeje ko me Iroj Jisōs Kraist ekkar likjab kin ijo kunan ñōn kabuñ? . . . Ekkar ke juōn eo me ej tōmak? Ekkar ke juōn eo me emol? Elañe elōñ men ko me remōn im ear jab lilok? Enin ej men ko me jej kajitōk ikijen kar an juōn eo me ej leo belele. . . .

“ . . . Kwo maroñ ke lōmnak ekijkan an yokwe Kabuñ in? Aolepen buñten ko rej wōr ke tōkjen ñōn e ilo edrōkklok, ilo men otemjej, ilo men ko reaurōk. Ekkar lelok aolep rej aikuij ilo kajur, aolepen maroñ eo an, aolepen kōnan ko an: Ear lelok mour eo an. Ta eo me elaplok juōn ej aikuij in lelok?” (*Men of Example* [adres eo ikijen religious educators, 12 Sept. 1975], 4–5.)

- Ta eo Paul ej katakin ajiri ro ilo Epesōs 6:1–3? Ta eo me katak in ewōr tōkjen ñōn kij ran kein? Ewi wewein ad jerammōn ilo ad kautiej ro jined im jemed?
- Ta melelein an Paul ba bwe nan in jiroñ ko an dritto ro rej kalek juōn ajiri ñōn an maroñ edrōkklok ilo Iroj? (Epesōs 6:4). Ewi wewein an juōn jinen im jemem kokajiriri ajiri ro ilo jītōb? Ewi wewein an jinen im jemen lori wanjoñak ko an Iroj ilo air lale ro nejier?
- Ewi wewein an Paul lelok kakibiloklok ñōn jinen im jemen ajiri ro ñōn an jibañ bamle ko ikijen kōnan eo air ilo juōn wōt ilo moko? Ta eo me nan in jiroñ ko an dri jilōk ro im dri kanan ro ñōn kij rainin ikijen bamle ko? Rōjañ ilo uwan ro ilo kilaj eo nan air konono kin jet nan in jiroñ ko me rej itōk jen conference ko ak ilo ien meeting ilo fireside ko ak ilo Church magazine article ko.

Ilo “Bamle eo: Juōn nan in kean ñōn Lōl in,” jen Presidency eo kein kajuōn im Droulul eo an Joñoulruo rej katakin bwe mour eo elemōnono ilo juōn bamle emaroñ tōbrak elañe jenaj bedbed ion katak ko an Jisōs Kraist. Juōn mare eo ainemōn ej aikuij in ekejak ion bedbed in tōmak bareinwōt jar im jolok bwod im ukwalok, kile droñ im yokwe droñ im jermal iben droñ im kautiej droñ bareinwōt kamnonoik droñ ilo maikitkit ko ikijen ikkure im men ko jet” (*Ensign*, Nov. 1995, 102.)

4. Kōnak juōn “armij eo ekkal” im “aolepen kein tarinae ko an Anij”

Konono im etale Epesōs 4:21–32 im 6:10–18.

- Ta unin an Paul kōketak armij ro ilo Epesōs bwe ren erom juōn armij eo ekal?” (Epesōs 4:24). Ta wewein ko ej kalikar bwe emōj an juōn erom juōn eo “ekal” ikijen Binmour eo an Kraist? (Lale Epesōs 4:21–32.)
- Ilo ad kōketak ro Remōn ñōn ad jiroñ ir bwe ren kōnak kein tarinae an Anij. Paul ej rejañ ir kin elōñ men in kakkōl ko ñōn kabō bwe ren oktak jen mour eo eman (Epesōs 6:10–12). Ewi jet ian minin kabō ilo mour in?
- Ta ko jet Paul ej konono kaki ke rej kein tarinae an Anij? Ta ko men kein rej jutak kaki? (Lale Epesōs 6:13; D&C 27:15–18. Kwo maroñ kelajrak jet ian uwak kein ion chalkboard eo umin nan eo kein likibijnak ak men ko rej jutak kin jet men ko.) Ewi wewein an men kein kejbarok kij jen menin kabō ko an Setan? Ta eo jemaroñ in kōmōne nan ad likit ak kōnak kein tarinae kein kajojo ran?

Jemlokin

Kwalok am kamōl bwe Iroj ear kajutak kabuñ eo kin dri kanan im dri jilōk ro ñōn jibañ kij bwe jen rol ñōn iben im mour iben. Kōketak uwan ro kilaj ro ñōn air kajeoñ in kate ir ñōn “emanlok eo an ro Remōn” ilo mour ko air ilo katak ko an Paul nan dri Epesōs.

Jet Melele Ko ñōn Katak

Wewein kein rej ñōn jibañ kōkōmōnmōnlōk kilen katakin. Kwo maroñ kōjerbal juōn ak ruo ian wewein kein ilo am kōmōne katak eo.

1. “Kōnak kein tarinae an Anij” (Epesōs 6:11)

Kwalok “The Whole Armor of God”, ak pija in joñoul im jilu minit jen *New Testament Video Presentations* eo (53914). Inem kajitōk kajitōk kein:

- Ta jorren eo dri tarinae ro ilo pija in rar jelmae? Ta jorren eo ro eman retaer rar jelmae? Ewi wewein an armij rein jerammōn kin air kōnak kein torak kein?

2. Jar kin dri tōl ro an Kabuñ

- Konono Epesōs 6:18–20. Etke kwōj lōmnak Paul ear kajitōk iben dri Epesōs bwe ren jar kin e? Net eo kwar kakajururlok kin jar an ro jet? Etke emenin aurōk bwe jen jar kin droñ im dri tōl ro an Kabuñ?

3. “Kin joij emōj lomoren kij kin tōmak” (Epesōs 2:8)

- Ta eo Paul ear katakin ilo Epesōs 2:8–9 kin ewi wewein an armij bōk lomor? Etke ebin ñōn kij ñōn ad bōk lomor kin jermal ko? (Lale Rom 3:23; Mosiah 3:17; Alma 22:14. Kwo maroñ bareinwōt kalikar bwe Paul emakijkij an kakememej ro remōn, bwe kien ko an Moses rejab maroñ in lomoren kij, elañe kowaikuij melele ko ikijen katak in kin joij eo an Anij, lale katak 36.)

Un eo Ñõn kõketak ro ilo kilaj eo bwe ren kolaplok jerbak jimwe einwõt juõn eo ej lor Jisõs Kraist.

Kebojakjak

1. Konono, kõlmenlokijen, im jar kin lajrak in jeje ko rekwojarjar kein:
 - a. Pilippai. Paul ej kamõlol ro Remõn ilo Pilippai kin jibañ ko air ilo air jilkinlok e ñõn an kõketak ro rejab juõn wõt ilo tõmak ilo Jisõs Kraist.
 - b. Kolosse 1. Paul ej rejañ ro remõn ilo Kolesse bwe lomor ej itõk ilo Jisõs Kraist.
 - c. Kolosse 2:1–8, 16–23; 3; 4. Paul ej katakin ro Remõn kin ta ko rej aikuij kõmõne, im leen ko einwõt ro kelet in Anij.
 - d. Pailimon. Paul ej jion Pailimon bwe en jolok an Onesimus bwir, einwõt ke e juõn dri komakoko eo ear ko.
2. Lõmnak ko ñõn katakin: Juõn lajrak ak katak jen jeje ko rekwojarjar remaroñ bwe ñõn am kõjerbali ilo kilaj eo. Ilo am keboje katak ko, jar im etale katak ta elap tõkjen ñõn katakin kilaj eo. Karõke ñõn jino katakin kin katak ko jet renaj jibañ katak in elañe ebwe ien. Ilo am katakin bõk tel an Jitõb, ñõn am maroñ in kõmõne ijo ejimwe ilo am eñjake.

Elmokot In Katak ñõn Edrõklok

Makitkit Ko Bwe En Wõr Itõklimo Elañe ekkar, kõjerbak lajrak in makitkit kein ak juõn eo kwoj lõmnake mõkta jen am jino katak eo.

Je ion chalkboard eo jet nan ko remulal jen Bedbed In Tõmak Ko, einwõt; mol, mour jimwe im erreõ, im nebar kin emõn.

- Ewi bedbed in tõmak Eo ebed nan kein ie? (Elañe kilaj eo ejaje, ba ren lale Bedbed In Tõmak eo ej bed ilo jemlokin lõk Pearl of Great Price.)

Elañe ejimwe an kilaj eo uwak, kajitõk iben kilaj bwe ren bar konono jen bedbed in tõmak Ko. Elañe emõj ba kilaj eo en bar konono jimetan in bedbed in tõmak ko kin “nan in rõjañ ko an Paul.”

- Ta nan in “rõjañ ko an Paul”? Ia eo jemaroñ in loe ie?

Ba kilaj eo en kebellok ñõn Pilippai 4:8, im lale ñõn 13 bedbed in tõmak ko. Kemleleik bwe ke Joseph Smith ej konono kin nan in rõjañ ko an Paul, ej konono kin Pilippai 4:8, eo ej mõttan letta eo an Paul ñõn ro remõn ilo Pilippai 4:8, ilo katak in jenaj katak kin letta in im letta eo an Paul ñõn Dri Kolosse im ñõn Pailimon ko im Paul ear jei ilo ien eo ear bed ilo kalbuij ilo Rom. Letta kein rej konono kin wewein ko jej aikuij in bukõti ñõn kolaplok mour in jitõb eo ilo kij ñõn ad lor Jisõs Kraist.

Ilo am katakin kin eon kein, kwalok ekijkan air jelet kij rainin, im einwōt air kar jermal ñōn ro ilo tōre ko an Paul. Kōketak kilaj ñōn air kwalok iminene ko air im rej lokelok bedbed kein ilo jeje ko rekwojarjar.

1. Paul ej kōketak Dri Pilippai ñōn air lor Jisōs Kraist.

Konono kake letta eo an Paul ñōn Pilippai. Ba kilaj eo en konono eon ko emōj kwaloki ñōn konono, ilo air kolap ainikier.

- Paul ej kalbuij ilo Rom ke ej je letta eo ñōn Dri Pilippai. Ekijkan an uwan Kabuñ eo eñjake ke Paul ej kalbuij? (Lale Pilippai 1:12–18.) Ewi wewein an jibañ yuk ilo am roñ kin an jet beran ilo air jermal ñōn Iroj?
- Ilo Pilippai 2:2–3 Ta Paul ej kōketak armij ro bwe ren kōmōne? Ilo wewein rot armij ro ilo Kabuñ eo rej aikuij in juōn wōt ilo lōmnak? (Lale Pilippai 1:27; 2:14–15.) Etke jet ien jej kōmōn welok, ak men ko men in aibuijij jekdon? Ta eo kwōj lōmnak ej kwalok ikijen men in? Etke eaurōk bwe jen janb lōmnak bwe jemōn lōk jen ro jet? (Lale D&C 38:24–26.)
- Ta eo Paul ej katakin kin Jisōs ilo Pilippai 2:5–8? Ekijkan an Jisōs kwalok juōn wanjoñak eo emōn ilo an etta ilo an lelok E make ñōn kōnan eo an Jemen? (Lale Jon 8:29.) Ewi wewein bwe jen maroñ in kolaplok ad kōttaik kij ñōn Jemedwij Ilañ?
- Ta melemen an Paul jiroñlok Dri Pilippai, “Jerbale ami lomor kin mijak im wurirrir”? (Pilippai 2:12).

Dri Kanan David O. McKay ear kemleleik: “Jerbale lomor eo am, ej ilo am kalikar ilo jermal, lōmnak, bōkake ikijen mol eo kin tōmak. Ak men in ej aijuij in kōmōn ilo ejelok bere im jen kwe make, im jab kin lōmnak kin bōk nebar ko, bwe eban maroñ tōbrak. Ak kin mijak im wurirrir, jej aikuij in bukōt kajur ilo yokwe eo an Anij ñōn bōk tol ñōn ad maroñ bōk anjo eo eliktata” (ilo Conference Report, Apr. 1957, 7).

- Paul ear eliji an karōn Dri Pilippai ñōn air “mōnōnō ilo Iroj” (Pilippai 3:1; 4:4). Ekijkan ad maroñ mōnōnō ilo Iroj?
- Paul ear jiroñ ir bwe ear karmijete e ilo men otemjej kin Kraist (Pilippai 3:7–8). Ta ko Paul ear karmijete e kake? Ta unin an wōr tōkjen bwe jen karmijete kij kin Kraist? (Lale Pilippai 3:9–12.)

Dri Kanan Joseph Smith ear kwalok: “Juōn Kabuñ eo ejab karmijete e ilo elōñ men ko eban walōk tōmak eo ebwe im emenin aurōk ñōn mour im lomor; bwe jen jinoin armij, tōmak ear juōn men eo emenin aurōk ñōn mour im lomor eban tōbrak elañe jab kin ad karmijete kij jen men ko an lōl” (*Lectures on Faith* [1985], 69).

- Ekijkan bwe jen bōk “ainemōn eo jen Anij” im konono kake ilo Pilippai 4:7. (Lale Pilippai 4:6–7.) Net eo kwar eñjake ainemōn eo jen Anij?
- Ewi wewein ad kōjerbal nan in jiroñ ko an Paul ilo Pilippai 4:8? (Lale bar Bedbed In Tōmak Ko 1:13.) Ekijkan ad jerammōn ilo ad roñjake nan in jiroñ kein?
- Paul ear kwalok “I maroñ kōmōn men otemjej ilo Eo ej kakajur io” (Pilippai 4:13). Ewi wewein an Paul maroñ bōk kamōl in? Ekijkan am kile bwe kwo maroñ “kōmōn men otemjej ilo Kraist?”

2. Paul ej kakememej Dri Kolosse bwe lomor rej itōk kin Kraist.

Konono kake Kolosse 1. Kir kilaj bwe ren konono eon ko emōj kojenołoki ilo air kolap ainikier. Kemleleik bwe ro Remōn ilo Kolosse juōn jikin edik iturear in Epesōs, rar bo ilo katak ko re kōmōn bwe ren diklok air kile aurōk aō an Dri Lomor, im kalimjek katak ko rej kabuñ ñōn enjel. Ilo letta eo an ñōn Dri Kolosse, Paul ej kakkōl ir kin katak kein, im ej rōjañ ir bwe ren bin wōt” (Kolosse 1:23; lale bar Kolosse 2:5–7) ilo jelā bwe lomor eo ej itōk kin Jisōs Kraist.

- Ta mol eo kin Jisōs Kraist Paul ej katakin ilo Kolosse? (Lale Kolosse 1:12–22. Jei uwak ko an kilaj ion chalkboard eo.) Ta unin an aurōk ñōn armij in Kolosse ñōn air melele kin mol eo? Ewi wewein an jelā ko am kin Jisōs Kraist jelet mour eo am?
- Ta melelein “bōk mōttan jolet an ro remōn” jen Jemedwij Ilañ? (Lale Kolosse 1:12; 2 Nephi 9:18; D&C 50:5.) Won eo ear kōmōn bwe jolet in en maroñ tōbrak? (Lale Kolosse 1:12–14.) Ta eo jej kōmōne bwe jen bōk jolet in? (Lale Kolosse 1:10–12; 2 Nephi 9:18; Alma 5:51; D&C 50:5.)
- Ta melelein an Paula rōjañ Dri Kolosse bwe ren “tot im bin” ilo gospel eo? (Lale Kolosse 1:23.) Ta eo ej kōmōn bwe jet armij ren emakit jen kojatdrikdrik eo an gospel? (Kolosse 1:23.) Ta eo jemaroñ kōmōn bwe en kajur lōk kamōl ko ad?

3. Paul ear katakin Dri Kolosse ta eo rej aikuij in kōmōne einwōt dri kelet an Anij.

Konono kake Kolosse 2:1–8, 16:23; 3; 4. Kir kilaj bwe ren konono eon ko emōj kalikari ñōn konono ilo air kwalok ainikier.

- Paul ear ekōnan bwe armij ro Remōn ren drim iben droñ ilo yokwe, im jelā kin Anij Jemen im Jisōs Kraist (Kolosse 2:2–3). Ekijkan ad maroñ in kōmōne wewein in ilo ward ak branch ko ad?
- Ta melelein “bin im edrōk lōk” ilo Kraist? (Lale Kolosse 2:7.) Ewi wewein bwe jen maroñ bin ilo Kraist? Ekijkan elañe jenaj bin im edrōk ilo Kraist enaj jibañ kij ilo ien ko rebin? (Kwo maroñ wanjoñak kin wijiki ko rekadu okar ko ie, im ko eaitōk okar ko ie. Kajitkin kilaj wijiki ta emaroñ in jelmae koto ko rellap, ak dret ko.)
- Ta biktōkin ko ilo juōn armij im ej “dri kelet an Anij” einwōt an walōk ilo Kolosse 3:12–15? (Jei uwak ko an kilaj ion chalkboard eo.) Ekijkan an Jisōs Kraist kōmōn wanjoñak eo ilo wewein kein? (Kajitōk iben kilaj ñōn kwalok jet wewein ko Jisōs ear kōmōni ilo men kein.) Ekijkan bwe jen maroñ in kōmōni wewein kein?
- Ekijkan jemaroñ kotlok bwe nan ko an Kraist ren drelōñ ilo kij? (Lale Kolosse 3:16–17; lale bar D&C 1:37; 18:34–36.) Ekijkan an al ko kokajur lōk kamōl ko ad, im melet ko kin Kraist? Ekijkan bwe jen kōkōmōnmōnlōk al ko, im jelet ad al kaki?

Elder Dallin H. Oaks ear ba: “Jei aikuij in kōjerbal al ñōn ad maroñ ebake Jitōb eo an Iroj, ñōn kokōbaik kij im ñōn ad maroñ in melele katak ko. Jej aikuij in kōjerbal al ilo jerbal in mijinede ko ad, ilo kwalok ko an doulul, im ilo ien nukin ko ilo imoko imōd, ilo ien lolok ko, im ilo ien gospel kilaj ko. Al ej juōn wewein eo emōn ilo ad kabuñ ñōn Jemedwij Ilañ im Nejin Jisōs Kraist. Jej

aikuij in kōjērbal al ilo ad aikuij Jitōb” (ilo Conference Report Oct. 1994, 13; ak *Ensign*, Nov. 1994, 12).

- Paul ear eliji kin aurōk eo an kamōlol (Kolosse 2:7; 3:15, 17). Eke emenin aurōk bwe jen kamōlol? Ewi wewein ad maroñ kwalok ad kile Jemedwij Ilañ im Jisōs Kraist ilo men otemjej?

4. Paul ej rejañ Pailimon bwe en jolok an Onesimos bwir.

Konono kake letta eo an Paul ññ Pailimon. Kir kilaj eo ññ air konono eon ko emōj kojēnoloki ilo an lap ainikien. Kemleleik bwe Paul ear je juōn an letta ññ Pailimon juōn ian uwan ro ilo Kolosse, ikijen Onesimos. Onesimos ear kote Pailimon im ko ññ Rom, ijo ear ion Paul im oktak. Paul ear kajitōk iben Pailimon bwe en jolok an Onesimos im bōke einwōt juōn jimjenjimjatin ilo gospel.

- Ta eo jemaroñ katak jen letta eo an Paul ññ Pailimon?
- Ekijkan an Paul kile kelet eo an Pailimon? (Lale Pailimon 1:14.) Ekijkan an Paul kwalok an kile abañ ko rejelet Onesimos?
- Ewi wewein am maroñ katak jen letta in ilo an kwalok kin kajur eo an gospel ilo an jērbal ilo kōtan armij? (Lale Pailimon 1:16.) Ewi wewein an gospel eo jelet kōtan eo am iben ro ibelakim?

Jemlokin

Kwalok mōl eo kin aurōk in biktōkin ko remōn ññ jibañ kij bwe jen maroñ in einwōt mour eo an Jisōs Kraist einwōt an walōk ilo letta eo an Paul ññ Pilippai, Kolosse, im Pailimon. Ba kilaj ren konono Pilippai 4:8, Kolosse 3:12–15, im kelet juōn ian wewein kein im kōmōn iloan wiik in.

Jet Melele Ko ññ Katak

Wewein kein rej ññ jibañ im kōkōmōnmōnlōk kilen katakin. Kwo maroñ kōjērbal juōn ak ruo ian wewein kein ilo am kōmōne katak eo.

1. Kōtan jemen im jinen kab ajiri ro

Ba kilaj en konono Kolosse 3:20–21.

- Ekkar ññ Paul, ta edrō ko an ajiri ro ññ jemeir im jineir? Ta edrō ko an dritto ro ññ ajiri ro? Ewi wewein am kōkōmōnmōnlōk kōtan eo an ajiri ro ññ jemeir im jineir?

2. “Kwon jērbal ññ Iroj Jisōs Kraist” (Kolosse 3:24)

Ba kilaj ren konono Kolosse 3:23–24.

- Ekijkan ad maroñ lor nan in jiroñ kein an Paul ilo eon kein? (Lale bar Mattu 25:34–40.) Ta naj oktak eo enaj walōk ilo ad jērbal ilo ad kōmōne wewein in?

Un eo Ñōn kōketak uwan ro kilaj ñōn air katak kin katak ko im rejimwe im kōmōn wanjoñak ñōn ro jet.

Kebojakjak

1. Konono, kōlmenlokijen, im jar kin lajrak in jeje ko rekwojarjar kein:
 - a. 1 Timote 4; 2 Timote 1–4; Titus 1. Paul ej kemleleik kin kōkale ko ilo tōre eo enaj bar marok lōl ilo an armij ellok jen jimwe im jejet eo. Ej bareinwōt katakin bwe ilo ad katak kin katak eo rejimwe ej tel kij ilo ad jab dreloñlok ilo marok eo an lōl.
 - b. 1 Timote 4:12. Paul ej katakin bwe jej aikuij in “juōn wanjoñak ñōn ro rej tōmak.
 - c. 1 Timote 6; Titus 2–3. Paul ej katakin bwe jej aikuij in “lor jimwe” im ellok jen men ko rejab jimwe.
2. Elañe kwonaj kōjerbale makitkit ko bwe en wōr itōklimo ñōn dri jikul ro, keboj nan ko rej elajrak ilo wewein in, ak bojak in jei ion chalkboard eo.

*Ñōn kamoj katak ko aō, Iakuj in:
Jelā im katakin kin bedbed in tōmak ko.
Juōn wanjoñak ñōn ro dri tōmak.
Lor jejet im jimwe eo im jab bo ilo men ko renana.*
3. Lōmnak ko ñōn katakin: Wewein ko ilo am katakin ren jab juōn wōt kain. Ñōn wanjoñak, kwo maroñ kōjerbale pija ko an video tape ko, en jab juōn wōt wewein am katakin bwe ilo an ukotak wewein kein, enaj jibañ ro ilo kilaj eo ñōn air itōklimo ir ilo katak eo.

**Elmokot In Katak
ñōn Edrōklok**

Makitkit Ko Bwe En Wōr Itōklimo Elañe ekkar, kōjerbale lajrak in makitkit kein ak juōn eo kwōj lōmnake mokta jen am jino katak eo.

- Iaikuij ta eo kwar bōk kunam ie ak aluje? Ta oktak eo ikōtan ro rej win im ro rej tōbar mejen kajik eo? Jete dri win ilo iaikoj ko? Ta eo kwōj aikuij in kōmōne bwe kwon win?
- Ewi wewein an mour in einwōt juōn iaikoj? Ewi wewein an jab einwōt juōn iaikoj? (Aolep armij remaroñ wini “iaikoj” in ilo mour in.) Ta eo jaikuij in kōmōne bwe jen kamoj iaikoj in ilo juōn jemlok eo eman?

Kajitōk iben juōn uwan ro kilaj bwe en riti 2 Timote 4:7. (Kwo maroñ kwalok bwe “iaikoj” jemaroñ bar naetan bwe ej juōn men eo jej “kōmōne.”) Kemleleik bwe Dri Jilok Paul ear mour ilo juōn wewein eo ekkar watake enaj jerbale nan jemlokin mour eo an. Katak in ej kwalok kin jet wewein ko Paul ekkar katakin im jibañ kij bwe jen maroñ in tōbrak mejen kajik eo ilo weppen.

Kwalok eo *Ñõn kamoj jermal eo aõ, iaikuij*:

Konono Jen Jeje Ko Rekwojarjar Im Kõjembali

Ilo am katakin kin eon kein, kwalok ewi wewein air jelet mour kein ad. Kõketak uwan ro kilaj ro nan air kwalok iminene ko air rej uaelok wõt ta ko eon ko rej konono kaki.

Kemleleik bwe Timote im Titus rar jet ro Paul ear liki ir ilo air jibañ kwalok kin gospel eo. Elikin an Paul kar kalbuij ilo Rom, ear bareinwõt wõnmanlõk wõt im kõmõne jermal in mijinede ko an. Ilo Epesõs ear ilok jen Timote ñõn an kwalok ilo imõn jar im jibañ ro ilo Eklesia eo, ilo Crete ear likit Timote ilo eja jermal eo wõt. Ke ear wõnmanlõk wõt, ear jeje leta nan kakajur ro jemjenjemjatin kin edro ko air im bwe ren shepherds nan armij ro. Rej naetan leta kein leta ko an Paul.

1. Melele im katakin kin bedbed in tõmak.

Kemleleik 1 Timote 4; 2 Timote 1–4; im Titus 1. Kir kilaj eo bwe ren konono elaj eon ko emõj keleti.

- Ta kokale eo ej kwalok bwe armij ro emõj air irlok jen jimwe eo ilo leta eo an Paul lõk ñõn Timote im Titus? (Lale 1 Timote 4:1–3; 2 Timote 3:1–7, 13; 4:3–4; Titus 1:10–11.) Ewi wewein an kakkõle kein walõk ñõn kij rainin? (Lale 2 Nephi 28:3–9; D&C 1:15–16.) Ewi wewein ad maroñ elle jen nana kein?
- Etke elon armij “ebbin air katak im rejab maroñ in melele kin mol eo?” (2 Timote 3:7.) Ewi wewein ad maroñ in kamõl ke men ko jar katak kaki rej bõktok kij nan jelã mol eo?
- Ta eo Paul ear katakin Timote kin ijo kunan ro rej katakin kin gospel eo? (Lale 1 Timote 4:6–7, 13–16; 2 Timote 2:16, 23–25; 3:14–17; 4:2, 5. Kwo maroñ kelajrak nan ko ak edro ko ion chalkboard eo.) Ta ko jemaroñ kõmõni nan ad katakin kin gospel eo? (Uwak ko rejelet katakin ro uwan bamle eo, kõmõne ijo kunam ilo Kabuñ eo, kemleleik ro mõttam kin gospel eo. Kalikar bwe kijwõj dri katakin kin gospel eo.) Ewi wewein ad maroñ katakin kin gospel eo ilo juõn wewein eo emanlok?
- Paul ej kalikar aurõk eo an katakin kin bedbed in tõmak ko (1 Timote 1:3; 4:6, 13; Titus 2:1). Ewi wewein ad jelã bedbed in tõmak ej kajer kij jen men ko renana? Ewi jet ian kauatata ko ilo katak ko rejab jimwe? Ewi wewein am katak kin bedbed in tõmak ko rejab mol im ewi wewein an maroñ jibañ mour eo am?

Kwalok kin kajur eo ilo bwedbed in tõmak emol, Elder Boyd K. Packer ear ba: “Katak ko remol, emelele oktak ko ikijen makitkit in mour an juõn armij. Katak kin bedbed in tõmak ko ñõn gospel enaj kõkõmõnmõnlõk makitkit in mour an juõn armij. . . . Unin an aurõk bwe jen buñ manlok im kate kij ñõn ad katak kin bedbed in tõmak ko an gospel” (ilo Conference Report, Oct. 1986, 20; ak *Ensign*, Nov. 1986, 17).

- Ewi wewein bwe jen maroñ jelã men eo jar katakin kake ej bedbed in tõmak? (Lale Mosiah 18:19–20; D&C 52:9.)

Elder Joseph B. Wirthlin ear kwalok: “Anij ej kwalok men ko remenin aurõk ikijen lomor eo. Jaikuij in katak im likit lõmnak ko ad ikijen men kein ñõn ad maroñ in ko jen wewein eo ilo melele ko ad jejab lukkun melele kaki. Ñõn in jiroñ kein ñõn dri kaki ro ilo kabuñ eo, mene rej kwalok ilo ward ko ak stake

ko, institution ko an kabuñ einwõt, jikin katak ko, seminary ko, ak ro jiner im jemer ilo imoko, jej aikuij likit katak ko ad ikijen nan ko im nan in jiroñ ko jen dri kanana ro” (ilo Conference Report, Oct. 1994, 101; ak *Ensign*, Nov. 1994, 77.)

- Ta eo Paul ej jiroñ kij bwe jen kōmōne elañe emōj ad bōk bedbed in tōmak ko remol? (Lale 2 Timote 1:13; Titus 1:9.) Ta melelen an ba “mōkaj im debiji”? (Lale 1 Nephi 15:23–24.)

Elañe kwōj kōjerbale wewein in bwe en itōklimo in ro ilo kilaj, kwalok nan eo *Jelā im katak bedbed in mol eo*.

2. “Kwon . . . juōn wanjoñak ñōn ro rej tōmak.”

Konono im kemleleik 1 Timote 4:12.

- Ewi wewein am lōmnak ilo an ba “juōn wanjoñak ñōn ro rej tōmak”? (1 Timote 4:12). Ewi wewein am maroñ in emakit kin juōn armij eo ej juōn wanjoñak ñōn ro rej tōmak”?

Kolajrak kajojo wewein kein Paul ej konono kaki bwe Timote en wanjoñak kaki. Kajitōk iben kilaj eo bwe ren kemleleik ewi wewein ad maroñ in juōn wanjoñak ikijen wewein kein.

Nan

Nan ko (ak makitkit ko air)

Yokwe

Jitōb

Tōmak

Mour jimwe

Elañe kwonaj kōjermal wewein ko bwe en itōklimo, kwalok ñōn nan ko jei ilo pepa Juōn eo ej wanjoñak ñōn ro dritōmak.

3. “Lor jimwe” im irlok jen men ko renana.

Konono im etale eon ko emōj kojoloki jen 1Timote 6 im Titus 2–3.

- Ta eo Paul ej katakin kin yokwe mani? (Lale 1 Timote 6:7–10.) Ilo wewein et yokwe mani ej “okran nana?” Ewi wewein ad maroñ in jelā ke jejab lelok ad ñōn mani im men ko jet raurōk? (Lale 1 Timote 6:17–19; Jakob 2:18–19.)

Elder Dallin H. Oaks ear katakin im ba: “Ejelok men en enana ilo mani. Dri Sameria eo eman ear kōjermal mani ñōn an lale leo ear jorren ak Judas ear kōjermal mani ñōn an karmijete Master eo an. Ej ‘yokwe eo kin mani ej okran nana’ (1 Timote 6:10.) Oktak eo ikōtan jitōb ilo ad kile im kōjermal ej kalikar wewein men kein ikijen men ko an lōl in” (ilo Conference Report, Oct. 1985, 78; ak *Ensign*, Nov. 1985, 63).

- Ilo leta eo an Timote im Titus, Paul ear kwalok elon wewein ko ñōn mour jimwe. Ta eo Paul ej kemleleik ilo eon kein: 1 Timote 6:11–12; 2 Timote 2:22; Titus 2:1–8, 12; 3:1–2, 8? (Bōk taleb in uwak ko an kilaj eo im jei ion chalkboard eo. Kemleleik ekijkan air maroñ in kōjembali ilo mour ko air.)

Elañe kwonaj kōjermal wewein kein rekaitōktok limo, kwalok nan ko jei ilo pepa nan eo *Lor jejet im jimwe eo im erlok jen men ko renana*.

Jemlokin

Kemleleik bwe Paul ejjelā bwe ejab to inem renaj mane kin an kamōl kin Jisōs Kraist. Ebaraeinwōt jelā bwe kin an mour kin gospel eo, ewōr juōn crown in jimwe ej kōttare” (2 Timote 4:8). Kwalok am kamōl kin aurōk eo ilo ad kōmōni men ko rejimwe aolep ran im bed ilo ial eo jemaroñ in bed iben Paul, “Iar tarinae tarinae emōn, iar kamoj lōk aō ilulu, iar debij wōt tōmak eo” (2 Timote 4:7).

Jet Melele Ko ñōn Katak

Wewein kein rej ñōn jibañ im kōkōmōnmōnlōk kilen katakin. Kwo maroñ kōjberbal juōn ak ruo ian wewein kein ilo am kōmōne katak eo.

1. Jet bar kemlele ko ilo 1 Timote

- Ta nan in jiroñ ko Paul ear kwaloki ikijen jar eo ilo 1 Timote 2:1–3? Etke jej aikuuj in jar kin aolep armij? Ta un eo bwe jen kōmōne men in? Etke jej aikuuj in jar kin dri tel ro an lal ko?
- Ilo 1 Timote 3:1–7 Paul ear kwalok jet wewein ko ak edro ko an juōn bisōp. Etke men kein raurōk ñōn juōn bisōp?
- Ta eo Paul ej katakin ilo 1 Timote 5:8 ikijen kejbarok bamle ko ad? Etke kwōj lōmnak Paul elap an rejañ ro rejab kōmōne edro ko air?

2. “Anij ear jab letok ñōn kij jitōb in lelnon” (2 Timote 1:7)

Kir juōn uwan ro kilaj bwe en konono 2 Timote 1:7.

- Ta jet men ko armij rej mijaki ilo lal in rainin? Ta kōjatdrikdrik eo Paul ear lelok ñōn Timote kin “Jitōb in mijak”? Ewi wewein am maroñ lo kein kamōl in ilo mour eo am?

3. Juōn dri jermal eo emōn

Konono im etale Titus 2:9–10.

- Ewi wewein an Paul kwalok nan dri jilok rein ilo eon kein jilit ro dri jermal? (Kwalok bwe nan in, dri jermal eo ejab mol nan ro jet, ej melelein dri kwōt im lōmnak kake e make.) Ewi wewein an ro rej jermal jet ien rej kwōte dri jermal ro air? (Uwak ko rejelet jab bōk melim in kajitōk mweien ro jet, bōk mweien ro jet bwe en air make, ak ko jen jikin jermal ko.)
- Ta eo Paul ear kwalok bwe jen kōmōne ijelokin jab mol ñōn droñ? (Kwalok “juōn eo emol,” ak juōn eo emol im rej tōmake.) Ta eo kwar loe ilo am juōn eo rej tōmake im kōjatdrikdrik kake ilo jikin jermal eo am?

Un eo Nan jibañ uwan ro kilaj ro melele kin kadkad ko jej aikuij in ejaki ilo mour ko ad ilo ad bed ilo kabuñ ko ad.

Kebojakjak

1. Konono, kölmenlokijen, im jar kin lajrak in jeje ko rekwojarjar kein.
 - a. Jemes 1:1–4, 5:10–11. Jemes ej katakin bwe jej aikuij in niknik ilo men ko reben.
 - b. Jemes 1:5–7; 4:8. Jemes ej katakin bwe jej aikuij jar ñõn Anij ilo tõmak.
 - c. Jemes 1:19–20, 26; 3:2–18. Jemes ej katakin bwe jen kejbarok nan ko jej ba im “rumij ilo ad illu.”
 - d. Jemes 1:22–25, 27; 2:14–26; 4:17. Jemes ej katakin bwe jej aikuij in “Jab ba wõt ak jej aikuij in kwalok ad tõmak ilo jermal ko ad
2. Lõmnak ko ñõn katakin: “Katakin kin edro ko ad kin kalimur ko ad jen ak nan Anij. Jibañ kajojo bwe ren melele kin ewi wewein kõmõni jar ko raurõk iben Anij im ewi wewein air kile uwak in jar ko jen Anij” (Richard G. Scott, “Four Fundamentals for Those Who Teach and Inspire Youth,” ilo ennan ko an ilo [1987], 3).

Elmokot In Katak ñõn Edrõklok

Makitkit Ko Bwe En Wõr Itõklimo Elañe ekkar, kõjermal lajrak in makitkit kein ak juõn eo kwõj lõmnake mokta jen am jino katak eo.

Je Kabuñ erreo ion chalkboard eo, im kajitõk kajitõk kein:

- Ta melelein nan in erreo? (Uwak ko rejelet lukkunin mol, emõn im aurõk, eun kibdren im jejet im dedelok.) Ta melelein kabuñ? (Uwak ko rejelet jermal im kabuñ ñõn Anij, juõn lajra kin tõmak ak edro ko emõj ad kalimur bwe jenaj kõmõni ilo mour ko ad.)
- Ewi wewein am maroñ in kile juõn kabuñ eo erreo?

Kajitõk iben juõn uwan ro kilaj bwe en konono Jemes 1:27. Kwalok bwe katak in ej kemleleik ewi wewein ad bõk katak ko an Jemes ñõn jibañ kij mour ilo juõn “kabuñ eo erreo” im “erreo an Anij.”

Konono jen jeje ko rekwojarjar im kõjembali

Ilo am kwalok kin katak ko ilo buk in Jemes, kelajraki ion chalkboard eo iumwin nan eo Kabuñ erreo. Kwalok ekijkan an kajojo katak kein jen Jemes maroñ jibañ kij mour ilo juõn kabuñ eo erreo.

Kemleleik bwe dri jeje eo ilo buk in Jemes ej kwalok bwe e jeim im jatin Jisõs Kraist. Elikin an Jisõs jerkakbije, Jemes ear jermal einwõt juõn Dri Jilok im juõn dri tel eo elap tokjen ilo Kabuñ eo jinoin (Jermal 12:17; 15:13–20).

1. Jej aikuij dibuk men ko rebin ilo ad kijenmij.

Konono im etale Jemes 1:1–4;5:10–11.

- Ta eo Jemes ej katakin ilo ad jelmae men ko rebin ilo ad tōmak? (Lale Jemes 1:2–3 eo ej kwalok bwe ilo Joseph Smith Translation, komin likit men otemjej menin lañlin otemjej ne menin melejoñ kajo weweier rej kabōl kom.) Ewi wewein an men kein rebin jibañ kij bwe jij kijenmij? Ewi wewein ad bōk jerammōn ko ilo ad ion men kein rebin ilo jijenmij? (Lale Jemes 1:4; Rom 5:3–5; Alma 36:3.)

Elder Orson F. Whitney ear jeje: “Ejelok joran ilo ad intañ, ejelok menin keintañ ko jej loi ejij tokjeir. Ej kwalok ilo katak ko ad, ñōn edreklok kin jermal ilo kijenmij, tōmak, jelālokjen im ette buru. Aolep intañ ko im jej niknik kaki, elaptata ilo ad kadredreloki ilo kijenmij, rej kalok im kakajurlok won kij im kareoik lōk lōmnak ko ad ilo buruwōd, im kolaplok jitōb ero ilo jij, im emanlok im laplok yokwe eo ilo kij, im jet ro elap tokjeir ilo kir eo an ro nejin Anij” (ej walōk ilo Spencer W. Kimball, *Faith Precedes the Miracle* [1972], 98).

- Won eo Jemes ej kwalok bwe juōn wanjoñak in kijenmij ilo ien intañ? (Lale Jemes 5:10–11.) Ewi wewein am kile men in iben dri kanan ro ran kein ilo air kijenmij? Ewi wewein an wanjoñak ko air jibañ kij?

2. Jej aikuij jar ñōn Anij ilo tōmak.

Konono im etale Jemes 1:5–7 im 4:8.

- Ewi kwalok eo Jemes ear lelok ñōn ro “erik jelā ko ibeir”? (Lale Jemes 1:5–6.) Ta eo Jemedwij Ilañ enaj kōmōne elañe jenaj kajitōk ilo tōmak? Ewi wewein ko emōj am bōki ilo uwak in jar ko am?
- Ewi wewein an Dri Kanan eo Joseph Smith kar emakit ilo kwalok eo ilo Jemes 1:5? (Lale Joseph Smith—History 1:11–13.) Ta eo jemaroñ katak ilo wewein in? Ewi wewein an Joseph lor nan in jiroñ ko ilo kwalok eo ilo Jemes 1:5 jelet kij? (Lale Joseph Smith—History 1:14–20.)

Dri Kanan Spencer W. Kimball ear ba: “Kinke ladrik eo joñoul im emmen an yiō ear etal ñōn bulin wijki ko im jar, elikin an etale im loe ilo jeje ko, . . . kinke ear mour kin madelok ko jen eo eutie, ibed kiō ebed Kabuñ eo an Jisōs Kraist im Armij ro rej kōmōnmōn ankilañ Iroj ran kein. Emōj ad bōk kōjerammōn ko im remaroñ kōmōn bwe jen ro relemōnono ilo lōl in, kin wōt juōn ladrik eo joñoulemen an yiō ear etal im jar bulin wijki ko” (ilo Conference Report, Melbourne Australia Area Conference 1976, 23).

Elañe kwonaj katakin ro emōn drettair, kalikar bwe elañe jenaj kajitōk iben Anij ilo tōmak im bōk meletlet eo ejelok jemlokin mekkarta io retan. Joseph Smith ekkar 14 an yiō ke ear likit nan eo an Jemes ñōn an bōk marelok eo kein kajuōn. Ekkar joñouljiljilimjuōn an yiō ke enjel Moroni ear lōlak im kwalok ia eo rar noj plate gold ko ie.

- Ewi wewein an Jemes kwalok bwe ro rej jar ilo air jar tōmak? (Lale Jemes 1:6–7.) Ta eo jemaroñ kōmōne bwe en laplok tōmak eo ad?
- Jemes ear katakin im ba, “Lelok marok ñōn Anij, im enaj lewōj marok ñōn yōk” (Jemes 4:8). Ewi wewein jar eo eman ej kuraktok kij ñōn Anij?

3. Jej aikuij kejbarok men ko ojej ba kin “rumij ilo illu.”

Kemleleik Jemes 1:19–20, 26; 3:2–18. Kirtok uwan ro kilaj bwe ren konono elaj eon kein emōj keleti.

- Jemes ear katakin kij bwe jen “mōkaj ñōn roñjake, im rumij ñōn konono” (Jemes 1:19). Ewi men ko ilo mour eo am ej kamōl kin nan in jiroñ in? Ewi wewein bwe jen jet ro eman air roñjake im ro elaplok air lōmnak kin nan ko rej ba?
- Jemes ear bar katakin kij bwe jen “rumij nan illu” (Jemes 1:19) Ta wewein ko jet ikijen men ko jej kōmōni ej kōmōn bwe jen illu? Ta iminene ko ilo mour eo am ej kamōl kin nan in jiroñ in Jemes ej katakin kij kake? Ewi wewein ad maroñ bōbrae ad jino illu?
- Jemes ej katakin kij bwe jej aikuij debij lod ilo ad konono (Jemes 1:26). Ta melelein ak ta tokjen aen eo ilo lonin horse ko? (Ñōn kojwebeweiki horse eo.) Ewi wewein ad maroñ in kōjberbal nan in kakbiloklok eo an Jemes bwe jen debiji lod ilo ad konono? (Jemes 4:11. Uwak ko re maroñ in kōba kejbarok kij jen rukruke ko, akweel ko, nan ko me redro im kōjberbal lo ko rej konono kin nan ko me remol, nan in jar ko, im nan ko ñōn kalek im koman ainemōn.)
- Konono Jemes 3:5. Ta eo me Jemes ej keidi ilo ad konono ilo eon kein? (Aen eo me ej bed ilo lonin horse ko einwōt juōn jebwe ñōn juōn wa. Kwo maroñ wōnmanlōk wōt im kemleleki bwe ej aen eo ilo lonin horse eo ej men eo rej karumloke lonin horse eo ñōn air kojwebeweiki horse eo.) Ta eo jemaroñ katak jen kotaan wewein kein? Ewi wewein ad maroñ in kejbarok nan ko ad io ad konono ekkar ñōn mour ko ad?
- Konono Jemes 3:9–13. Ta eo Jemes ej katakin ilo eon kein ilo an ba jen kejbarok ad konono? (Kemleleik nan kein ñōn kilaj eo. Wonjonak: Elañe ewōr juōn uwan ro ilo kilaj eo ej juōn pris, kom maroñ konono kake aurōk eo ikijen nan ko rej kwaloki ilo air konono nan otemjej bwe ren maroñ in jet ro me rerreo im rekkar ñōn air kōjerammōn kwojkwoj eo ilo ran in Jabot. Im ej bareinwōt jerjbal ñōn ro me rebojak ñōn air kwalok kin gospel.)
- Ekijkan ad maroñ in lale bwe konono ko ad ren ilo joiij. (Jemes 3:16–18.) Ta unin an menin aurōk ñōn ad kejbarok ad konono ej juōn men elap tokej ilo kabuñ in?

4. Jej aikuij in jet ro me rej “dri kōmōnmōn nan eo,” kwalok ad tōmak ilo jermal ko ad.

Konono im etale eon ko emōj keleti jen bōk in Jemes 1:22–25, 27; 2:14–26; 4:17.

- Ta melelein men in dri roñjake wōt, dri roñjake nan eo? (Jemes 1:22). Ewi melelein dri roñjake nan ilo air mone ir make? (Lale Jemes 1:22–25; 4:17.) Ta jerammōn ko je bōki ilo ad jet ro me rej “dri kōmōne nan eo”?
- Ta eo Jemes ej katakin ilo kōtan tōmak kab jermal? (Lale Jemes 2:14–26.) Ta unin an tōmak mij elañe ejjelok jermal? Ekijkan an jermal ko kokajur tōmak in ad ilo Jisōs Kraist?
- Ta eo Jemes ej kalikar e bwe jej aikuij in mour kake bwe jen einwōt juōn kabuñ eo erre? (Jemes 1:27 ak kakemejmej kilaj eo ikijen makitkit ko.) Ta ej kwōj lōmnak bwe ilo ad lo lōk im jibañ armij ej menin aikuij ñōn juōn kabuñ eo erre?

- Ta eo jemaroñ kōmōne bwe jen ba “bwe en debiji im jab libijinjin kin men ko an lal”? (Jemes 1:27; lale D&C 59:9). Ekijkan ilo ad etal ñōn ien jar ko, im bōk kwojkwoj ko kajojo wiik ej jibañ kij bwe jen jab bo ilo libijinjin ko an lal?

Jemlokin

Kwalok am kamōl kin mol eo Jemes ej katakin kake. Kalikar bwe jemaroñ in mour ilo juōn kabuñ eo me elukin in erre eo ilo ad niknik, jar ñōn Anij ilo tōmak, im anjo ion kij make im kōmōni jermal ko remōn.

Jet Melele Ko ñōn Katak

Wewein kein rej ñōn jibañ im kikmanmon lōk kilen katakin. Kwo maroñ kōjermal juōn ak ruo ian wewein kein ilo am kōmōne katak eo.

1. Men ko me ro ilo kilaj eo rekkar koboji ñōn air kwaloki.

Wiik eo mokta jen an kar walōk katak in, kajitōk iben lalem ian ro ilo kilaj eo bwe ren katak jet jebta ko ilo bōk in Jemes. Ilo jinoin kilaj eo elikin makitkit ko elañe kwar kōjembali ba armij rein ren kwalok ta lōmnak ko air ikijen jebta ko me rar katak.

2. Kwalok video eo

Konono Jemes 1:27 im elañe emōj kwalok “The Body Is a Temple,” juōn video eo me jiljino (6) minit eo me ej mōttan *New Testament Video Presentations* (53914). Konono kake ta eo video ak pija eo ej kwaloke im katakin kake ikijen ak wewein jab libijinjin ilo men ko an lal.

3. Bar jet men in konono ko jen bōk in Jemes

- Ilo Joseph Smith Translation ilo Jemes 1:12, nan eo *kijenmij ek* oktak ñōn nan eo *jab bo*. Ta oktak eo ikōtan kijemij ilo men in kabō im jab bo ilo men in kabō? Ta kalimur ko ñōn ro me rejab bo ilo men in kabō ko? (Lale Jemes 1:12; 4:7.)
- Ta eo Jemes ej katakin ikijen lo notan ro jet? (Lale Jemes 2:1–9.) Etke jet armij rej lale bod ko an ro jet kin jermal ko air im men ko mweier? Ekijkan bwe jen maroñ in kalimjek ir ilonin lōk men ko me rej buñin mour in ñōn ad lale ta ko ilo mour in jitōb eo air einwōt an Anij lale kij. (Lale 1 Samuel 16:7; D&C 38:24–27.)
- Ta eo Jemes ej katakini me ej jelet ro me rej lōkwe jere ro jet ilo lon? (Jemes 3:16; 4:1–6). Ewi wewein bwe jen maroñ in anjo ion eñjake ko me rej itōk ikijen kōnan ak lon? (Jemes 4:7–10.)
- Ta eo Jemes ej katakin ñōn ad kōmōne ñōn re-naninmej? (Lale Jemes 5:14–15.) Ewi wewein am juōn eo me ejerammōn ak lo ro jet me emōj air bōk jerammōn kin kajur eo an priesthood eo?
- Jemes ej kalikar aurōk eo an ikijen jibañ ro jet (Jemes 5:19–20.) Ewi wewein bwe jen maroñ in kōmōne men in?

Un eo Ññon jibañ ro ilo kilaj eo mour ilo juñn mour eo erre eo bwe ren jet ro ilo ebeben eo emōj kalete.

Kebojakjak

Kononon, kölmenlokijen, im jar kin lajrak in jeje ko rekwojarjar kein.

- a. 1 Piter 1; 2:1–10. Piter ej katakin bwe jej aikuij in wōr tōmak ippad im mour ilo erre. Ej katakin bwe ro Remōn rej ro me emōj kalet ir ilo ebeben in, im emōj kir ir ññon air wōnmanlōk im nebar Dri Lomor.
- b. 1 Piter 2:19–24; 3:13–17; 4:12–19. Piter ej katakin bwe jej aikuij in lor Dri Lomor eo ikijen wanjoñak ko an im niknik ilo ien ko jej ion men ko rebin.
- c. 2 Piter 1. Piter ej kōketak kij ññon ad bōk mōttan biktok in Anij im bukōte ilo jelā nan an jejet an kamōl an kar kir im kelet kij.
- d. 2 Piter 2–3; Jude. Piter im Jude rej kakkōl ikijen katak ko me an dri kaki ro me rejab jimwe air katakin, ro me rej kabōd Itōk eo Kein Karuo. Rej kōketak ro rej lor Kraist ññon air bin wōt ilo tōmak.

2. Kakobaba nan riit: 1 Jon 3:2–3; 3 Nephi 12:48; Doctrine and Covenants 122:7–8.

3. Lōmnak ko ññon katakin: Katak aolepen katak kein ññon ad bolele ak melele kaki. Ilo am melele kake aolepen katak ko, enaj bidodo am kebak ro ilo kilaj eo ilo am katakin ir. Emenin aurōk nan am kalimjek ajiri ro me kwōj katakin ir bwe ren kile ke kwōj reilok ññon ir kinke aō eo ilo am ereilok ej bar juñn wewein konono eo ej kwalok kōnan eo am im yokwe ko am ññon ir.

Elmokot In Katak ññon Edrōklok

Makitkit Ko Bwe En Wōr Itōklimo

Elañe ekkar, kōjerbal lajrak in makitkit kein ak juñn eo kwōj lōmnake mōkta jen am jino katak eo.

Kwalok bwebwenato in me Bisōp Vaughn J. Featherstone ekkar kwaloke:

“Elon yiō ko remotlok, ikar roñ bwebwenato in ladrik eo nejin King Louis XVI ilo France. King Louis rekkar bōk jen throne eo an im kalbuiji. Leo nejin, eo me ej juñn prince, ro me rekkar kalbuiji king eo rekkar bōke. Rekkar bōk melele in bwe ke ej nejin king eo, elañe renaj lale ilo juñn wewein eo me enana eban jelā ne eritto bwe e eo me maroñ eo ebed iben einwōt juñn king.

“Rekkar bōk e nan juñn jikin eo me elukin ettolok im rar lelok nan e elon kain ka-makoko ko me remaroñ lōmnak kaki. . . . Iumin allōñ ko 6 in air lelok kain wewein kein ññon e, ijoke mekkar ta ladrik in ekkar jab ebber im bōk ilo men in kabō ko me rekkar lilok ññon e. Eliktata rekkar kajitōk iben, etke emakoko in lelok e make ññon men kein me rej ba en kōmōni, etke ejab roñjaki? Aolep men kein rekkar jiroñ ke renaj lelok nan e kamōnōñōiki ilo mour eo an ikijen kōnan ko an im men ko jet. Ladrik eo ear uwak, ‘ijab maroñ in kōmōni aolepen men kein bwe na iar lotak bwe na ij juñn king’ “ (“The King’s Son,” *New Era*, Nov. 1975, 35).

Bisöp Featherstone ear kakköl im kwalok:

“Jemed wōj ej juōn king, im enwöt nejin juōn king ekkar ion elon men ko me rebin ilo mour in. Kin men in kom naj ion elon men ko me rebin ilo ebeben in. Ijoke kwar bareinwöt lotak bwe kwon erom juōn king im queen, einwöt pris im pristeses” (*New Era*, Nov. 1975, 35).

- Einwöt jitōb ro nejin Jemedwij Ilañ, ta maroñ eo ippad? Ewi wewein ad melele kin ta eo me jemaroñ kōmōne ilo ad mour?

Kalikar ñōn ajiri ro bwe einwöt ro nejin Jemedwij Ilañ, jemaroñ einwöt e im jolete men ko an. Leta eo an Paul ñōn Jude ej kwalok juōn katak eo me ej jibañ kij ñōn ad maroñ in mour jimwe einwöt ro nejin Anij.

Konono Jen Jeje
Ko Rekwojarjar
Im Kōjerbali

Jar im kalet jet eon ko im kajitōk ko im wewein kilen katak ko re maroñ jibañ kij ak kijal eo ikijen aikuij ko air ilo air katak. Kemleleik ekijkan an jeje ko jerbali ñōn mour ko ad aolep ran. Kōketak ro ilo kilaj eo ñōn air kwalok iminenen ko air me rej jelet ta ko me rar katak kaki ilo bedbedin katak ko.

1. Mour ilo tōmak im mour jimwe ej ebeben eo emōj kalete.

Konono 1 Piter 1 im 2:1–10. Kir ro uwan kilaj eo ñōn air konono eon ko emōj keleti.

- Ta eo Piter ej katakin ilo jebta 1 kin edro eo an kabuñ eo an Jisōs Kraist? (Lale 1 Piter 1:3–4, 18–21.) Ekijkan elañe jej jelā kin jerbali im edroeo an Kraist im karmijete mour ko ad ilo makitkit ko ad? (Lale 1 Piter 1:8, 13–16, 22–23; 2:5. Kwo maroñ jei uwak ko an kilaj eo ilo chalkboard eo.)
- Etkē tōmak elap lōk tokjen jen gold einwöt an Piter ba? (Lale 1 Piter 1:7; Hibru 11:6; 1 Nephi 7:12.) Ta eo kwōj lōmnak melelein bwe ren keidi tōmak ko ad kin kijek? Ta men in kotōbar eo ak un eo kin tōmak? (Lale 1 Piter 1:5, 9.)
- Piter ej katakin bwe dri kanan ro rekkar kamōl kin Jisōs Kraist bwe ear anjo ion men otemjej ilo entan ilo jelā (1 Piter 1:10; lale bar eon 11). Ekijkan jar ko me remol im katak jen jeje rej kokajur kamōl ko ad kin Dri Lomor?
- Ewi ebeben eo me Piter ej konono kake? (Lale 1 Piter 2:9–10 im nan ko an ro moktalok ijin ilal.) Ewi edro eo ad einwöt ro me ilo ebeben in? (Lale 1 Piter 2:9.) Ekijkan bwe jen maroñ in kajejet edro jab in? (Mattu 5:16.)

Elder Bruce R. McConkie ekkar kwalok, ejab ro me rej jokwe ilo juōn tōre eo me ekkar nan drettaier ak ro me rar jokwe ilo Israel etto ak ro me ilo tōre ko an Kraist. Ak kiō ej ran ko eliktata, aolep ro me rej tōmak ilo Kabuñ in ro me emōj air bōk ilo etaier ilo etan Kraist emōj air dreloñ tok ilo bamle in (*Doctrinal New Testament Commentary*, 3 vol. [1966–73], 3:294).

2. Lor wanjoñak eo an Dri Lomor im nikip ilo ien ko me rebin im rej ekajete kij.

Konono im etale 1 Piter 2:19–24; 3:13–17; 4:12–19.

- Piter ear je bwe “Kraist . . . ear intañ kin kij, kōmōne juōn wanjoñok” (1 Piter 2:21). Ta eo jemaroñ kōmōne bwe jen lor Kraist ak dri lomor im wanjoñak eo an ilo ad ion men ko rebin? (Lale 1 Piter 2:19–23.) Ta wanjoñak eo kwo maroñ loe kin armij ro me rej kōmōn einwöt Kraist im nikip im entan ilo ien ko

rebin? Ewi wewein ad bōk jerammōn elañe jej lor Dri Lomor kin wanjoñak in ilo ad drubuk men ko rebin?

- Elañe emōj air kar liake lōk yōk ilo am kōmōne jermal eo an Iroj? Ta eo Piter ej jiroñ kij bwe jen uwak ilo ad ion jekjek rot in? (Lale 1 Piter 3:13–17; 4:12–19. Kwo maroñ kalajrak uwak ko an ro ilo kilaj eo ion chalkboard eo). Ilo wewein rot ien kein rej letok nan kij jet wewein ko nan ad ebake lōk Iroj im kabuijuij etan?

3. Bōk mōttan biktok in Anij im nikip na kamōl an kir im kalet.

Konono im etale eon ko emōj kalete jen 2 Piter 1.

- Ta leen ko Piter ej kalikari ikijen biktok in Anij? (Lale 2 Piter 1:4–7.) Kalajrak ki men kein ion chalkboard eo). Ta unin an aurōk bwe jen edrōk lōk ilo men kein? (Lale 2 Piter 1:8.) Ekijkan am loe leen kein ilo air jermal jen iben ro jet?
- Piter ej rōjañ Armij ro Remōn bwe rej aikuij in Tiljek kin kir im kalet ko emōj kalet ñōn ir” (2 Piter 1:10). Ta melelein men in ñōn Tiljek an kir im kelet ko? (Ñōn ad bōk kojatrikrik eo ilo kalimur eo ikijen mour eo tokelik im ilo mejen kajik eo euitiejtata. Juōn armij eo me ej kamōl kir eo ñōn e, ewōr kojatrikrik in im jelā iben bwe e emōj an seal ñōn mour in dreo kin reveleson kin jitōb in kanan [D&C 131:5]. Joseph Smith ear bōk kalimur in jen Iroj einwōt an walōk ilo Doctrine and Covenants 132:49.)
- Ta eo jej aikuij in kōmōne bwe jen jelā bwe emōj kir kij im kalet kij?

Dri Kanan Joseph Smith ear katak in “Elikin an juōn armij tōmak ilo Kraist ukelok jen jerawiwi ko an im baptais nan jeer lōk bod ko an im bōk men in letok eo Jitōb Kwojarjar (likit ba ko ior), . . . in em wōnmanlōk wōt ilo am kota ki iman mejan Anij kole im maro kin jimwe im mol, im mour ekkar nan ko an Anij, Iroj enaj ba nan e, Neju kwonaj mour. Elañe Iroj enaj kile bwe ej juōn armij eo ear jermal nan e ilo aolep men ko me rebin kin menin nan e enaj kir im kalete” (*Teachings of the Prophet Joseph Smith*, einwōt an walōk jen Joseph Fielding Smith [1976], 150).

4. Jelmae katak ko jen dri kaki ro me rejab jimwe im ro me rej kariab Itōk eo Kein Karuo.

Konono im etale eo on ko emōj kalete jen 2 Piter 2–3 im Jude. Kemleleik bwe Jude ej juōn ian lomaro nejin Josep im Meri im ej jatin Jisōs.

- Piter im Jude rar kakkōl bwe enaj wōr dri kaki waan ro ibilijin uwan ro ilo Kabuñ eo. Ta eo rej kwalok kadkad in armij rein me rej dri kaki waan? (Lale 2 Piter 2:1–3, 10, 12–19; Jude 1:4, 8, 10–13, 16, 18–19). Ewi wewein ad kile dri kaki waan rein ran kein?
- Ta nan in kakkōl Piter im Jude rekkar jiroñ kij bwe emaroñ jibañ kin ñōn ad maroñ in jab bo ilo katak ko me rejab jimwe im bin wōt ilo tōmak nan itōk eo an Kraist Kein Karuo? (Lale 2 Piter 3:11–14, 17–18; Jude 1:3, 20–21; lale bareinwōt Moroni 7:12–17; D&C 45:57; 46:7–8.)

Jemlokin

Kamōl kin mol eo emōj am konono kake. Kōketak ro uwan kilaj eo bwe ren lor katak ko Piter im Jude rekōnan bwe jen mour ikijen tōmak im mour jimwe.

Jet Melele Ko ñõn Katak

Wewein kein rej ñõn jibañ im kōkōmōnmōnlōk kilen katak in. Kwo maroñ kōjeral juõn ak ruo ian wewein kein ilo am kōmōne katak eo.

1. Bar jet kemlele ko kin 1 Piter

- Ilo 1 Piter 1, Ta kōtan eo Piter ej konono kake ikijen men ko renana im rej kōmōn bwe jen jako im men ko rejab kōmōn bwe jen jako ak jen mour indreo? (Lale 1 Piter 1:4, 7, 18–19, 23–25. Kelajraki uwak ko an ro ilo kilaj eo ion chalkboard iumwin nan kein ruo: *Men ko renana ñõn kakure im men ro remõn ak mour indreo.*) Ta eo jemaroñ katak kin kōtan men kein?
- Piter ear katakin bwe Jisõs ekkar “ekabit wõt mokta jen an tot lontak ko an lal” ñõn an juõn Dri Lomor (1 Piter 1:20; lale bareinwõt Reveleson 13:8). Ta unin bwe mol in en juõn men eo elaptokjen? Ta eo jeje ko rekwojarjar rej kalikare ilo ran kein ilo jelã ko ad ikijen ekabit eo an Dri Lomor mokta jen an lotak? (Lale Moses 4:1–4; Ebrean 3:27–28.)
- Ta nan in jiroñ eo Piter ej kwalok ikijen kien ko an lal eo? (Lale 1 Piter 2:13–15.) Ta nan in jiroñ eo Iroj ej jiroñ kij ilo ran kein eliktata ikijen kein ko an juõn lal? (Lale D&C 58:21–22; 98:4–10; 134:5; Tōmak ko 1:12.)
- Ta eo Piter ej katakin kin jeral in kwalok kin gospel eo ñõn ro remij? (Lale 1 Piter 3:18–20; 4:6.) Net eo Jisõs ear etal lal eo an jitõb ñõn an jino katakin kwalok kin gospel eo nan ro remij? (Lale D&C 138:27.) Etke ear kōmōn rot in? (Lale D&C 138:29–37.) Ilo an kar Dri Lomor kwalok ilo lal eo jitõb ta eo ej kwalok kin jeral ko an Anij? (Uwak ko remaroñ ilo wewein in bwe Anij ej juõn Anij eo eman im ewanik im ej ekajet im ej yokwe, aolep ro otemjej rej mour ilo lal ej aikuij in wõr ien ñõn air bõk gospel eo ñõn air mōnōnõ kake jerammõn ko jene.)
- Ta nan in jiroñ ko Piter ej lilok ñõn dri tel ro an Kabuñ ilo 1 Piter 5:1–4? Ewi wewein an dri tel ro an Kabuñ “najdrik sip ko an Anij”? (1 Piter 5:2; lale 2 Piter 1:12–15; D&C 42:12–14). Ewi wewein ad jerammõn kin dri tel ro an Kabuñ rej lor nan in jiroñ ko?

2. “Ejelok . . . jeje ko rekwojarjar en jemaroñ ukete ekkar ñõn lõmnak ko an kij armij” (2 Piter 1:20)

- Konono 2 Piter 1:20–21. Ta eo Piter ej katakin ilo eon kein kin melele ko ilo jeje ko rekwojarjar? Ta eo Piter ej katakin kin ukõt jeje ko rekwojarjar? Ewi wewein ad maroñ kile im jelã ke jej ukõti jeje ko rekwojarjar ilo jejet im jimwe? (Uwak ko remaroñ kōba ilo ad bõk eñjake ko jen ro rej dri tel ro an Kabuñ im bukõt jet ial jen Jitõb Kwojarjar.) Ewi wewein an katak ko an dri tel ro an kabuñ ak wewein ko jen Jitõb rej jibañ yõk bwe kwon maroñ in melele kin mōttan jeje ko rekwojarjar?

Un eo Ñõn jibañ ro ilo kilaj melele ewi wewein an Jemed im Nejin kwalok yokwe ko air ñõn kij im ewi wewein ad kwalok yokwe ko ad nan ir.

Kebojakjak

1. Konono, kōlmenlokijen, im jar kin lajrak in jeje ko rekwojarjar kein:
 - a. 1 Jon 2:28–29; 3:1–2; 4:7–19; 5:1, 11–15. Jemedwij Ilañ ej kwalok an yokwe kij ilo an letok ial ñõn ad einwõt e im jolet mour indreo ilo katak eo an jon.
 - b. 1 Jon 1:7–9; 2:1–2; 3:5–8, 16; 5:11–13. Jon ej katakin kij bwe Jisõs ej kwalok yokwe eo an ñõn kij ilo kar binmour eo an, eo ear kōmõn bwe jen einwõt Jemedwij Ilañ.
 - c. 1 Jon 2:3–17; 3:9–24; 4:4–21; 5:1–10; 2 Jon; 3 Jon. Jon ej katakin bwe jen kwalok ad yoke ñõn Jemedwij Ilañ im Jisõs Kraist ilo ad bōkake im ilo ad yokwe droñ.
2. Kakobaba nan riit: Moroni 7:48; Doctrine and Covenants 45:3–5.
3. Elañe kwonaj kōjerbal makitkit ko bwe en wōr itōklimo, bōktok juõn pija in bamle ak juõn ian pija kein kein: Family Working Together (62313); Family Fun (62384); ak Family Togetherness (Gospel Art Picture Kit 616).
4. Lōmnak ko ñõn katakin: “Yokwe, kea kin droñ, jelā kunar, koteik kij, katak kin jeje ko rekwojarjar im jar ko am renaj lewōj bwe katak ko am ren ijino ilo mour in jitōb. Ilo am kōbaik aolepen wewein kein nan keboj katak ko renaj jibañ yōk ilo am kōmõne katak eo ilo mour in jitōb ilo lōmnak ko am im buruom mokta jen am katakin kilaj eo kaki.”

Elmokot In Katak ñõn Edrōklok

Makitkit Ko Bwe En Wōr Itōklimo

Elañe ekkar, kōjerbal lajrak in makitkit kein ak juõn eo kwōj lōmnake mōkta jen am jino katak eo.

Kwalok juõn pija in juõn bamle.

- Ewi wewein ko juõn jinen im jemen juõn ajiri ej kwalok yokwe eo an ñõn ajiri eo nejin? Ewi wewein an juõn ajiri kwalok yokwe eo an ñõn jinen im jemen ak ro jein im jatin?
- Ilo wewein et jej uwan ro ilo juõn wõt bamle?

Kakememej ro ilo kilaj bwe ilo ad ro uwan bamle ko ilo lal, kajojo iar jej mour einwõt ro nejin Jemedwij Ilañ ilo jitōb, eo ej yokwe kij im kōjerammõn kij. Ilo nan ko an, Jon ear bar eliji kin aurōk eo kin wewein an Jemedwij Ilañ im Nejin Jisõs Kraist kwalok air yokwe kij im ewi wewein ad maroñ kwalok yokwe eo ad nan ir.

Ilo am katakin kin lajra kin jeje ko ilo peij kein, kemleleik ewi wewein air jermal ññon mour in ilo aolep ran kein. Kōketak ro ilo kilaj bwe ren kwalok lõmnak im iminene ko air ikijen tarleb in bedbed ko an jeje ko rekwojarjar.

1. Kamōl ko kin yokwe eo an Jemedwij Ilañ ññon kij

Konono kin eon kein ilal. Kwo maroñ kwalok kin tarleb in men in konono ko ilo chalkboard eo ilo am kolajrak wewein an Anij kwalok an yokwe.

- Elañe kwonaj kar kōjermal juñon nan ññon am kemleleik Jemedwij Ilañ, enaj kar nan ta eo? Nan ta eo Jon ej kōjermale ilo an kemleleik Jemedwij Ilañ ilo 1 Jon 4:8, 16? Etke nan in ej juñon eo ejetet im ekkar?
- Konono 1 Jon 3:1–2. Ta wewein eo ilo an Anij kwalok an yokwe im Jon ej konono kake ilo eon kein? (Anij enaj na etad ro nejin, im koman bwe jen einwōt Kraist eabuijuij, im mour indreo, im bed iben; lale bareinwōt Rom 8:14–17.) Ta jej aikuij in kōmōne bwe jen maroñ ro nejin Anij? (Lale 1 Jon 2:28–29; 4:7; 5:1; Galetia 3:26–27; Mosiah 5:5–9; Moroni 7:48. Kemleleik bwe mene kij jen jitōb ro nejin Anij, ilo an jermal nan in “ro nejin Anij” ilo 1 Jon 3:1–2 ej konono kin ro emōj air bōk etan Kraist ilo baptais im kautiej etan ilo tōmak im mour jimwe.)
- Konono 1 Jon 4:9–10. Ta wewein eo ilo an Anij kwalok an yokwe im Jon ej konono kake ilo eon kein? (Lale bareinwōt Jon 3:16; 1 Jon 5:11; 2 Nephi 9:10. Kemleleik bwe nan “ellā ion” ilo 1 Jon 4:10 ej konono kin yokwe eo an Jisōs Kraist kin an kar mij im men in katok kin jerawiwi ko ad.) Ewi wewein ad jilkintok Nejin bwe en kein medrōk kin jerawiwi ko ad ej kwalok yokwe eo an Jemedwij Ilañ ññon kij?
- Konono Jon 4:13. Ta wewein an Anij kwalok an yokwe ññon ikij ilo an walōk ilo eon kein? Ekijkan an Jitōb juñon men in letok eo elap tokjen ilo mour eo am?
- Jon ej katakin bwe Jemedwij Ilañ enaj eo roñ jar ko ad elañe jenaj kajitōk ekkar ññon kōnan eo An (1 Jon 5:14–15). Ekijkan an jar ko jiban yuk eñjake yokwe eo an Jemedwij Ilañ? Ta unin an men in aurōk bwe jar ej juñon men eo elap an aurōk ññon ad maroñ in ebake Jemedwij Ilañ.
- Jon ej katakin kij bwe, “jej yokwe [Anij] kinke E ar yokwe kij mokta” (1 Jon 4:19). Ta jet wewein ko Anij E ar kwalok an yokwe yuk? Ekijkan ma eñjake ilo am lõmnak kin wewein ko ilo an Anij kwalok an yokwe yuk?

Dri Kanan Thomas S. Monson ear ba: “Karōk eo an Jemedwij Ilañ eo brak kin wewein ko ilo an kwalok an yokwe ññon kij. Aolep men ko elap ad yokwe ekōba bamle ko ad, men ko mweied, mōnōnō ko, jelā ko, kamōl ko ad re naj kar jako elañe ear jab kin yokwe eo an im jilkintok Nejin Iroj Jisōs Kraist. . . . Lōl in ear kamōle men in letok eo elaptata, im yokwe eo ejelok jemlokin” (ilo Conference Report, Apr. 1993, 77 ak *Ensign*, May 1993, 62–63).

2. Wewein an yokwe eo an Iroj walōk ññon kij

Konono kin eon kein rej elajrak ijin ilal.

- Konono 1 Jon 3:16. Ekijkan yokwe eo an Dri Lomor ilo an walōk im Jon ej konono kake ilo eon in? Ta jerammōn eo jenaj bōke kin an Dri Lomor erom

juõn men in katok kin kij? (Lale 1 Jon 1:7–9; 5:11–13; 2 Nephi 9:11–13; Alma 11:40–44. Kwo maroñ kolajrak uwak ko an ro ilo kilaj eo ion chalkboard eo ilo ami konono kin eon ko.)

- Konono 1 Jon 2:1–2. Ta wewein yokwe eo an Dri Lomor ilo an Jon konono kake ilo eon kein? Ta in dri kelajrak? (Juõn eo ej akwelap kin bar juõn.) Ta eo Jisõs ej kõmõne ilo an juõn dri kelajrak ñõn kij? (Lale D&C 45:3–5.)
- Jon ej kwalok bwe Nejin Anij E ar itõk bwe en kakure jermal ko an devil eo (1 Jon 3:8). Ekijkan an mour eo an im jermal ko an Dri Lomor kakure jermal ko an devil eo?

3. Kwalok ad yokwe Jemedwij Ilañ im Jisõs Kraist im ro jet

Konono eon kein rej elajrak ijin ilal. Kwo maroñ bar etale katak im jei na ion chalkboard eo ilo am kelajrak ta ko kom maroñ kwalok ami yokwe Jemedwij Ilañ im Jisõs Kraist.

- Konono 1 Jon 2:3–6. Ta eo jemaroñ katak jen eon kein kin wewein ad kwalok ad yokwe Anij? (Lale bareinwõt Jon 14:15; 1 Jon 3:24; 5:3; 2 Jon 1:6.) Ekijkan ad bõkake ej kwalok ad yokwe Anij.
- Konono 2 Jon 1:4 im 3 Jon 1:4. Ekijkan ad mol im bõkake ej bõktok mõnõnõ ñõn Jemedwij ilañ?
- Konono 1 Jon 2:15–17. Ta eo jemaroñ katak jen ad eon kein ekijkan la je maroñ kwalok ad yokwe Anij? Ewi wewein an jelet kij ilo ad yokwe men ko an lõl? Ekijkan ad maroñ anjo jen an lap ad yokwe men ko an mour in?
- Konono 1 Jon 4:7–8, 11. Ta eo jemaroñ katak jen eon kein ilo ad kwalok ad yokwe Anij? (Lale bareinwõt 1 Jon 3:11, 23; 4:21.) Ekijkan an Jon kwalok kin ro rej ba bwe rej yokwe Anij ak re jab yokwe ro jet? (Lale 1 Jon 2:9, 11; 3:14–15, 17; 4:20.) Etke yokwe eo ad ñõn ro jet enañin joñan wõt yokwe eo ad ñõn Anij? Ewi wewein bwe jen maroñ in eñjake im kwalok ad yokwe ñõn dorn? Ekijkan am bõk jerammõn ilo an ro jet kwalok air yokwe ñõn yuk?

Elañe kwonaj kõjermal makitkit ko bwe en wõr itõklimo, kwalok pija in bamle eo im kajitõk kajitõk kein:

- Ewi jerammõn ko ilo ad bed ilo juõn bamle eo ej yokwe droñ im yokwe Anij? Ewi wewein ad maroñ jibañ ro mõnõnõ kin eja jerammõn kein ilo an einwõt juõn eo ej bed ilo bamle eo an Anij?

Jemlokin

Kamõl kin yokwe eo elap an Jemedwij Ilañ im Jisõs Kraist nan kij. Kõketak ro uwan kilaj bwe ren kememej katak eo an Jon ilo air buñmanlok im kwalok yokwe ko air ñõn Jemedwij Ilañ im Jisõs Kraist im ñõn ro jet.

Jet Melele Ko ñõn Katak

Wewein kein rej ñõn jibañ im kõkõmõnmõnlõk kilen katakin. Kwo maroñ kõjermal juõn ak ruo ian wewein kein ilo am kõmõne katak eo.

1. “Etetal ilo meram” (1 Jon 1:7)

Konono 1 Jon 6–7.

- Ta melelein an ba “etetal ilo marok”? Ta melelein an ba “etetal ilo meram”? (Ilo mōttan kemlele ko am kin kajitōk kein, kwo maroñ kōnan bwe juōn ian ro ilo kilaj en al “Teach Me to Walk in the Light.” Lale *Hymns*, no. 304, ak *Children’s Songbook*, 177.)

2. Jon ej kakkōl ikijen jitōb in jumae Kraist

- Ilo letta eo an, Jon ej eliji bwe ro Remōn ren jab kōba lōk iban ro rej jumae Kraist. Ta eo Jon ej ba dri jumae ro Kraist rej kajeoñ in kōmōne? (Lale 1 Jon 2:22–23; 4:1–3; 2 Jon 1:7.) Ta eo kwōj lōmnak kabō ko rej kajeoñ bwe ren kakure kamōl ko ad kin Dri Lomor? Ta eo je maroñ kōmōne bwe en kajur wōt kamōl ko ad kin Dri Lomor?

Elder M. Russel Ballard ear katakin: “Kamōl ko an kajojo kin gospel eo emol, elaptata kin mour im jermal eo an Iroj Jisōs Kraist, ej juōn men eo elap tokjen ñōn mour indreo. . . . Mour indreo ej bedbed wōt ion mour ko ad kajojo ilo ad jelā im melele kin Jemedwij Ilañ im Nejin Jisōs Kraist. Emol jelā kake ir ejab bwe. Ej aikuij in wōr ad kamōl ko jemaroñ anjo ñōn an debij kij bwe jen bin. Men kein rej itōk ñōn kij enwōt juōn armij eo ej kabuk mōna ilo an kwole” (ilo Conference Report, Apr. 1996, 111; ak *Ensign*, May 1996, 80).

3. “Ejelok armij ear loe Anij jabdrewōt ien” (1 Jon 4:12)

Elañe kilaj eo ej lōmnak bwe 1 Jon 4:12 ej melelein bwe ejelok armij re maroñ leo Anij, ba ren lale Joseph Smith Translation, eo ej kwalok, “Ejelok armij emaroñ loe Anij jabdrewōt ien, ijelokin ro rej tōmak” (1 Jon 4:12). Kalikar bwe elon dri kanan rar loe Anij. Lale Exodus 33:9–11; Jon 6:46; Jermal 7:55–56; Doctrine and Covenants 67:10–12; Moses 1:1–2; Abraham 3:11; Joseph Smith—History 1:16–17.

4. Kemlele an ro emōn drettair

Bar rol im etale ikijen makitkit ko bwe en wōr itōklimo ikijen wewein eo kwo maroñ kwalok am yokwe jemom im jinom. Kōketak ro ilo kilaj eo ñōn air kwalok lōmnak ko air im kemleleiki ñōn kilaj eo.

5. Al ko kin yokwe

Kelet juōn al kin yokwe (lale iumwin “Love” ilo “Topics” ilo book in al eo). Kōmōne juōn droulul jidrikdrik in jet uwan ro ilo kilaj eo bwe ren al kin al in, ak kwo maroñ make al kake, ak kwo maroñ konono nan ko ie, ak kwo maroñ kejo juōn tape emōj kane al eo ie.

Un eo Ñōn jibañ ro ilo kilaj eo melele bwe jet ian jerammōn ko rej itōk ñōn kij ilo ad anjo ion men ko rebin ilo mour in kin liki eo ad ilo Jisōs Kraist.

Kebojakjak

1. Konono, kōlmenlokijen, im jar kin lajrak in jeje ko rekwojarjar kein:
 - a. Reveleson 1:1–3, 9–20. Jon ej rejañ ñōn an joi ko an kin madenlok ko me ej buki jen Iroj einwōt an juōn enjel liloki ñōne. Jon ej bareinwōt lo ilo madenlok jet wewein ko me rej kwalok kin mōttan in jerbaleo an Kabuñ eo an Jisōs Kraist.
 - b. Reveleson 2–3. Kin Jon, Iroj ej katakin kabuñ ko jiljilimjuōn ilo Asia kin jerammōn ko renaj buki elañe renaj anjo ion men ko rebin ilo menin kabō an mour in.
 - c. Reveleson 12. Jon ej bareinwōt lo ilo madenlok kin Tarinae eo ilo Lon im kin an lōl in wōnmanlōk wōt. Ear bareinwōt katak bwe Armij ro remōn remaroñ in anjo ion menin kabō ko an Setan kin Binmour eo an Dri Lomor im kin kamōl ko air kake.
2. Kakobaba nan riit: Reveleson 21:7.
3. Elañe kwōj kōjerbaleo makitkit ko, kebojak ñōn am kōjerbaleo lajrak eo ilo page 00 (191). Kwo maroñ kōmōne juōn lain ekilep ñōn am kemleleiki ion chalkboard eo ak juōn pepa eo me ekilep ñōn an ro ilo kilaj eo maroñ in loe.
4. Lōmnak ko ñōn katakin: Juōn dri kaki eo emmon ej juōn eo me emōnono in roñjake. Im roñjake ekōba ejab roñjake wōt ak bareinwōt kajion in melele ta eo me ej konono kake. Dri kaki ro me rej itōk limo ñōn air roñjake renaj melele kin aurōk eo an kajojo uwan ro kilaj ro.

**Elmokot In Katak
ñōn Edrōklok**

Makitkit ko ewe
en Wōr Itōklimo

Elañe ekkar, kōjerbaleo lajrak in makitkit kein ak juōn eo kwōj lōmnake mokta jen am jino katak eo.

Kajitōk iben ro ilo kilaj eo bwe ren lōmnak kin katak ko me rej jutak kin jet men ko ilo an Iroj kōjerbaleo ilo jinoin an kōmōne ministry eo an. (Uwak ko emaroñ kōba salt, wheat, im tares, bilawe, ak wijki in olive ko.)

- Etke anñan ko ak men ko me rej jimbol remenin aikuij ilo katak in? (Remaroñ jibañ ro me rej katak ñōn air melele im kemejme ilo air erelok ilo melele ko me rejab kanuij in alikar bwe en bidodo air melele kaki; remaroñ itōk ilo elon lajrak ko im melele ko ñōn kōketak ro me rej katak bwe ren maroñ in lōmnak ilo wewein eo emulal lōk ikijen men eo rej katakin ir.)

Kemleleiki bwe jimbol ko rej kōjerbaleo enañin ilo aolepen jeje ko, ak elaptata ilo buk in Reveleson. Kemleleiki ilo wewein an walōk ilo page 200, kaliktar bwe

wewein in ej kwalok kin jimbol ilo an kwalok ilo jepta juōn (1) ilo buk in Reveleson. Em aolepen jimbol kein naj katak kaki ilo katakin.

Kwo maroñ kemleleiki bwe Dri Jilok Jon, eo me ear je buk in Reveleson ej itōk jen juōn mour eo me elap kōjberbal jimbol ilo wewein air konono ilo bwebwenato ko air. . . . Armij ro ilo ran kein ekke wōt an bin air lale jimbol ko ilo an Jon kar jeje. Elañe jenaj kajion in kemleleiki men ko ej konono kaki, buk in Reveleson enaj juōn buk eo me ekanuij bwe an kabukbuk ilo ad lōmna kake. Elañe jenaj kemejmej bwe elon ian wewein kein me ej konono kaki rej jutak kin armij ak men ko katak ko ie jenaj kile ke enañin eierlok wōt juōn, em ilo wewein in enaj bidodo ad melele.

Konono Jen Jeje
Ko Rekwojarjar
Im Kōjberbali

Jar etale ilo jeje ko eon kein kajitōk kein ilo katak in ilo wewein eo me enaj menin aikuuj ñōn ro ilo kilaj eo. Kotlok bwe ro ilo kilaj eo ñōn air kile bwe buk in Reveleson e bareinwōt wōr tokjen ñōn kij ilo rainin.

1. Jon ej lo elon ian men kein rej jutak kake mōttan ko ilo Kabuñ eo an Jisōs Kraist.

Konono im etale Reveleson 1:1–3, 9–20.

Etale iben kilaj eo ikijen melele kein kin buk in Reveleson.

Jon ear juōn ian ro jinointata im rekkar Dri Jilōk an Dri Lomor. Ekkar bareinwōt jako jen kien eo an Rom ilo Patmos, juōn ene eo me ej bed wōt ilo turilik in berijet in Turkey, kin an kwalok an kamōl kin Jisōs Kraist. Ke ekkar bed ijo im kalbuij, juōn enjel ear etal ñōn iben im lelok nane jet madenlok ko, ko me ekkar je ilo leta in an ñōn jiljilimjuōn ian kabuñ ko ilo Asia (Reveleson 1:7, 9–11). Em leta kein ir rein rej na etaer buk in Reveleson.

Buk in Reveleson ekkar jeje elaptata ilo juōn kain konono eo me ej jutak kin jet wewein ko. Unin konono kin katak eo ie “enaj wōr juōn ien Anij enaj jolok kajur eo an devil; naj wōr juōn anjo ion men ko remōn, im ro remōn droñ Anij, renaj bed ilo ailōñ eo an. . . . Kemlele ko kin menin mour ko, tarinae ko, enjel ko im men ko eierlok wōt . . . rej mōttan ko ñōn kwalok kin bwebwenato in eo me buk in Reveleson ej jutak kake. Ilo ad katak jenaj melele im bōk jet tibdrik ko me ej kemleleiki im jemaroñ buki im killi.

Jepta ko jilu (3) ilo buk in rej kwalok kin kamōl eo an Jon kin mol eo an buk in Reveleson, ilo an Iroj lelok nan in jiroñ ko ñōn an Jon lelok kokabiloklok ñōn jiljilimjuōn ian Kabuñ ko ilo Asia. Jepta 4 ej kwalok kin madenlok eo an Jon ilo visiōn kin lon, im jepta 5 no 20 ej konono kin visiōn eo an ilo an loe kin ailōñ eo an Anij. Ilo visiōn jab in ej kwalok kin tarinae eo ikōtan Setan im an naj lōl eo an jako, im jemlokin lōk ej kin bwebwenato in lal in. Elikin men kein ej bar lo ilo visiōn juōn lon ekaal im juōn lōl ekaal. (Reveleson 21:1–5). Ilo jemlok im lōk Reveleson ej kwalok kin an enjel eo kwalok an kamōl im bareinwōt kin nan in jiroñ ko jen Iroj.

- Ta annan eo kein kajuōn, ak ta eo ej jutak kake ilo an Jon ilo buk in reveleson? (Lale Reveleson 1:12.) Ta eo candlestick ko rej jutak kake? (Lale Reveleson 1:20.) Etko candlestick ej juōn men eo me ekkar ilo an jutak kin ra ko ilo Kabuñ eo? (Lale 3 Nephi 18:24 im nan in kemlele ko ijin ilal.) Ewi wewein an ward ko ak branch ko rainin jerbale einwōt candlestick ko?

Elder Bruce R. McConkie ear kwalok nan kein: “Candlestick ko rej jiton lmeram ko rejab kōmōn meram. Edro eo air ej ñōn air bojak ñōn air kōjerali. Ilo wewein in ilo an Jon kōjeral candlestick ko ñōn an kwalok ta eo me kabuñ ko jiljilimjuōn me Jon ej lelok nan in kakabileklek ñōn ir. Irojij ej kwalok bwe kabuñ eo an ion lōl in ir eo me rej bōklok meram eo ñōn lal” (*Doctrinal New Testament Commentary*, 3 vol. [1966–73], 3:442).

- Ewi ijo me Dri Lomor ebed ilo ad keidi ñōn candlestick ko? (Lale Reveleson 1:13.) Ekijkan an Dri Lomor bed iolaplap in Kabuñ eo rainin? Ta unin an wōr tokjen ñōn kij bwe jen jelā ke ej bed eolapen armij ro?
- Ta eo ilo wewein an Dri Lomor drebij ilo tuwan bwij maroñ in pein im jutak ibwiljin jikin candle ko jiljilimjuōn? (Lale Reveleson 1:16.) Ta eo iju ko jiljilimjuōn rej jutak kake? (Lale Reveleson 1:20, Reveleson 2:1, Reveleson 3:1, Bareinwōt Joseph Smith Translation, ilo Reveleson 1–3, kin nan eo enjel ilo an oktak ñōn dri jeral, ñōn kalikar ke iju ko rej jutak kin dri tel ro an jiljilimjuōn kabuñ ko.) Ekijkan an dri tel ro einwōt iju ko? (Uwak eo emaroñ kōba ke ir eo me rej kwalok ial ñōn jabdrewōt eo ej bukōte.)
- Ta eo me ej itōk jen lonin Dri Lomor ilo visiōn? (Lale Reveleson 1:16.) Ta eo me jaje eo ej jutak kake? (Lale D&C 6:2.) Ilo wewein et nan ko an Irojij rej einwōt juōn jaje? (Lale Hibrū 4:12; Helaman 3:29.)
- Ta jet wewein ko me Irojij ej kwaloki ilo reveleson in? (Lale Reveleson 1:18.) Ta eo me Dri Lomor ej kōmōne kaki key kein? (Enaj bōk im anin aolep armij jen mij eo an kaniek, im enaj anin ro rejimwe jen mij eo an Jitōb. Lale 2 Nephi 9:10–13.)

2. Irojij ej kwalok ñōn kabuñ ko jiljilimjuōn ilo Asia kin jerammōn ko me emwij kalimur ñōn ro me renaj niknik ñōn jemlokin.

Konono kake Reveleson 2–3. Kur uwan ro kilaj ro ñōn air konono eon ko emwij kojenołoki ilo air kolap ainikier. Kemleleiki bwe jetpa 2 im 3 ej kin nan ko an Irojij ñōn Kabuñ ko jiljilimjuōn ilo Asia. Irojij ear bareinwōt kwalok kin kajur im mōjno kein an kajojo kabuñ kein im rejañ ñōn armij ro remōn ñōn air kajimwe mōjno ke air.

- Einwōt an Irojij kean im kajimwe Kabuñ ko ilo Asia Ej bareinwōt kean im rejañ kij rainin. Ta eo me Irojij ej rejañ kij kake? Ewi wewein an ba bwe jen kajimwe mour ko ad?

Kemleleiki bwe ilo nan in jiroñ ko ñōn kajojo Kabuñ ko ilo Asia Irojij ear kalimur kin jerammōn ko e rellap ñōn ro me renaj niknik ilo men ko rebin ilo air ion ion mour in. Jeje ion chalkboard eo *Kalimur Ko ñōn ro me Renaj Niknik*. Ilo am kemleleiki kalimur kein kolajraki ion chalkboard eo iumin melele in nan kein.

Ñōn Dri Epesōs (Reveleson 2:1–7)

- Irojij ekkar kakkol Dri Epesōs ko rej aikuij in ukwalok, im ear bareinwōt kalimur, “Jabdrewōt eo enaj niknik inaj lelok ñōne bwe en mōna jen wijki in mour.” Ta eo me wijki in mour eo ej jutak kake? (Lale 1 Nephi 11:21–22.) Etker wijki in ekkar juōn eo me emmon jen aolep jerammōn ko?

Ñōn Dri Smyrna (Reveleson 2:8–11)

- Irojij ear kakkōl armij ro remōn ilo Smyrna bwe renaj ion elon men ko rebin, ijoke ear kalimur bwe, “Jabdrewōt eo ej niknik ejamin jako ilo mij kein karuo.”

Ta mij kein karuo? (Lale Alma 12:16, 32; Helaman 14:18.) Ekijkan an Iroj kalimur ñõn ro remõn ilo Smyrna em ej jibañ kij ilo ad ion men ko rebin ilo wewein eo me mon?

Ñõn armij ro ilo Pergamos (Reveleson 2:12–17)

- Iroj ej kwalok an elotane jet ian armij ro ilo Pergamos kin wewein katak ko an Balaam, juõn dri Kanan ilo Kalimur Mokta eo me elap wõt an kotõbar buñbuñ ko an lõl in im menin jerammõn ko an lal jen an lor Iroj im kõnan eo an. Ta utej ko im men ko me jej buki jen ad bõkake Iroj im kõnan eo an?
- Ñõn ro remõn ilo Pergamos Iroj ear kalimur, “Jabdrewõt eo enaj kate inaj lelok ñõne bwe en mõna jen manna ettino. (Nan in manna ilo melele kein ej melelein juõn men eo me ettino im ejab aolep jelã kake.) Ta eo me manna eo ej jutak kake? (Lale Jon 6:35, 49–51.)

Ñõn Dri Thyatira (Reveleson 2:18–29)

- Ilo nan ko an ñõn ro Remõn ilo Thyatira, ta eo Iroj ear kalimur ñõn ro me renaj kate ir im niknik? (Lale Reveleson 2:26–28. Kemleleiki bwe kalimur kein rej kin jerammõn eo ikijen mour eo me ejelok jemlokin, elañe ro renin renaj bõk jikier ilo ailõñ ekaal) Ta eo me aen (iron), eo me ej jutak kin jimwe enaj tel ion lal ko? (Lale 1 Nephi 11:25; Joseph Smith Translation, Reveleson 2:27.) Ewi wewein ad kõjebal nan ko an Anij einwõt juõn ial ñõn mour eo ad?
- Won eo me ej iju in joranlok ilo an kwalok ilo Reveleson 2:28? (Lale Reveleson 22:16.) Ta melelein menin ilo an ba iju in joranlok? (Uwak ko emaroñ kõba bõk Kraist ilo mour ko ad ñõn ad bõk jerammõn ko ikijen Binmour eo an.)

Ñõn Dri Sardis (Reveleson 3:1–6)

- Ta jerammõn ko Iroj ear kalimur ñõn Armij ro remõn ilo Sardis? (Lale Reveleson 3:5.) Ekijkan ilo wewein ad kõmõni bojak ko ñõn tempel ej keboj kij ñõn ad nuknuk mouj ilo mour indreo? Ta eo me buk in mour ej jutak kake? Ta eo enaj walõk ñõn ro me etaer emwij je ilo buk in im ejelok libijinjin kin men ko retton? (Lale Reveleson 21:10, 23–27; Alma 5:58; D&C 88:2.)

Ñõn Dri Philadelphia (Reveleson 3:7–13)

- Ta eo Iroj ej ba kake me enaj kõmõn ñõn ro remõn ilo Philadephia kinke rejab kejbarok nan ko an, im jab kile im kowan etan? (Lale Reveleson 3:10.) Ekijkan an ro rej mour jimwe maroñ in anjo ion menin kabõ ko?
- Iroj ear kalimur ñõn ro me renaj niknik, “Inaj je ion etaer etan aõ Anij, im etan ailõñ eo an aõ Anij.” Ta melele in menin bwe jen bõk etan Anij im etan ailõñ eo an Anij ion? (Jenaj erom einwõt Anij im erom armij in ailõñ eo an.)

Ñõn Dri Laodicea (Reveleson 3:14–22)

- Iroj ej na ruõn ro Remõn ilo Laodicea ro me rej “bwil molo, rej jab bwil, rejab molo” (Reveleson 3:15–16). Ekijkan jet ien ilo jitõb jej molo ak jej “bwil”? Ekijkan bwe jen maroñ in kolaplok kotõbar ko ad ilo gospel eo an Jisõs Kraist?
- Iroj ear kalimur Armij in Laodicea, “non ro renaj niknik inaj komelim ir ñõn air jijet iba ilo throne eo an, einwõt aõ kar anjo ij jijet iben Jema ilo throne eo an” (Reveleson 3:21). Ta jerammõn eo ej jutak kake kin kalimur eo elañe jenaj jijet iben Iroj ilo throne eo an? (Lale Roman 8:16–17.)

Rol lõk ñõn lajrak in kalimur ko ilo chalkboard eo, ion chalkboard eo, im kemleleiki nat aolepen kalimur kein renaj bõk jikin ilo mour eo tokelik ilo ad mour jimwe. Ba uwan ro ilo kilaj eo ren konono Doctrine and Covenants 132:20 no bõk ilo tukadu in kalimur kein.

3. Jon ear bareinwõt jelã bwe ro Remõn remaroñ anjo ion Setan ikijen ak kin Binmour eo an Kraist im kin kamõl ko air kake.

Konono im etale eon ko emwij kojenołoki jen Reveleson 12. Kemlele kin mõttan eo ilo madenlok in Jon ej lo annan ko ilo visiõn kin Tarinae eo ilo Lon im kin wõnmanlõk eo an lal in.

Kemleleiki bwe kõrã eo ej konono kake ilo Reveleson 12:1–2, 5 ej jutak kin Kabuñ eo an Anij. Ajiri eo me ej walõk tok ej jutak kin ailõñ eo an Anij—kien eo me enaj tel ilo ial in ilo ien eo Jisõs Kraist enaj tel. (Lale Joseph Smith Translation, Revelation 12:7; kab lale Joseph Fielding Smith, *Doctrines of Salvation*, comp. Bruce R. McConkie, 3 vol. [1954-56], 1:229.)

- Ta eo me dragon eo ej jutak kake ilo Reveleson 12? (Lale Reveleson 12:9.) Ta eo ear walõk ñõn dragon eo im ro mõttan ak ro droñ Tarinae eo ilo Lon? (Lale Reveleson 12:3–4, 7–9.) Ta eo dragon eo ear kõmõne elikin air joloke? (Lale Reveleson 12:17.) Won eo Setan ej tarinae iben rainin? (Lale Reveleson 12:12.)

Dri Kanan Wilford Woodruff ear ba: “Ewõr ruo kajur ko ion lal ibwiljin ro me rej jokwe ilo lal—kajur eo an Anij im kajur eo an devil eo ilo ien eo Anij ear kõmõnmon armij ion lal, jekdroñ ilo ien ta im ewi drettan, Lucifer, eo me ej nejin jibon, im million ian jitõb re me rar jolok ir jen lañ, rar nae Anij im Kraist im jermal eo an Anij, im nae armij ro an Anij. Im rej bukõt kilen air kõmõne ikijen air kabõ armij ro. Jabdrewõt ien Iroj e kajion in kõmõne jabdrewõt kain wewein ko ikijen mour, jermal kel kein an Setan rej kajeoñ in kakkuri” (ilo *Deseret Evening News*, 17 Oct. 1896, 9; einwõt an walõk iben Gordon B. Hinckley, ilo Conference Report in, Oct. 1986, 56; ak *Ensign*, Nov. 1986, 43).

- Ekijkan an Kabuñ eo ak ailõñ eo an Anij maroñ in anjo ion Setan? (Lale Reveleson 12:11.) Ewi wewein an Binmour eo an Kraist im kamõl ko ad jibañ kij ñõn ad maroñ in untak iben Setan eo?

Jemlokin

Kwalok am kamõl ke jabdrewõt eo enaj kate ilo jabdrewõt men ko rebin an lal in enaj bõk jerammõn ko ilo mour eo tokelik. Kakemejmej ro ilo kilaj eo bwe Binmour eo an Kraist ej kõmõn ial ñõn kij ñõn ad maroñ in anjo im ne jenaj ukwalok im bin ilo tõmak.




Jet Melele Ko Ñõn Katakin

Wewein kein rej ñõn jibañ im kõkõmõnmõnlõk kilen katakin. Kwo maroñ kõjermal juõn ak ruo ian wewein kein ilo am kõmõne katak eo.

“Lo, ij jutak iman aor” (Reveleson 3:20)

Kwalok pija in Jesus at the Door (62170; Gospel Art Picture Kit 237).

- Ta eo Reveleson 3:20 ej katakin kij kin Iroj? (Lale Reveleson 22:17.) Ewi wewein am kile menin bwe ej juõn men eo emol?



Un eo Ññon kōketak ro uwan kilaj eo ññon air maroñ in jelmae ilju im jeklaj kin kemejmej etke rejelā ke men ko renana remaroñ anjo ier im Dri Lomor renaj juloki.

Kebojakjak

1. Konono, kōlmenlokijen, im jar kin lajrak in jeje ko rekwojarjar kein:
 - a. Reveleson 5:1–5; 6. Jon ej lo ilo madenlok juōn buk kin jiljilimjuōn seal ko im ej loe ien ko me ej konono kaki im seal ko jiljino iman, ak kin tōre eo. Ej loe Setan ej tarinae iben jimwe ilo aolepen ien kein.
 - b. Reveleson 19:1–9; 20:1–11. Jon ej lo Setan ilo air naj lukoj e im Kraist enaj tel ilo Millennium.
 - c. Reveleson 20:12–22:21. Jon ej bareinwōt katak bwe elikin ekajet eo eliktata enaj bōk jikin ro remōn renaj jokwe iben Anij.
2. Kakobaba nan riit: Doctrine and Covenants 77.
3. Lōmnak ko ññon katakin: “Ilon in aolepen men kein, men eo elaptata tokjen ej keboj iuk ññon am maroñ in bōk kajur jen Jitōb Kwojarjar (Boyd K. Packer, *Teach Ye Diligently* [1975], 219). Kajojo iad jej aikuij in buñmalok ññon ad mour einwōt Dri Lomor im mour im bōkake men ko me jar katak. Jar ññon ad maroñ in tōbar joñan eo me jar katak ikijen jibañ an Jitōb Kwojarjar.

**Elmokot In Katak
ññon Edrōklok**

Makitkit Ko Bwe En Wōr Itōklimo Elañe ekkar, kōjerbal lajrak in makitkit kein ak juōn eo kwōj lōmnake mōkta jen ilo am jino katak eo.

Kwalok kin newspepa eo ekaal, im kwalok ruo ian unin konono ko einwōt bwebwenato ko kin jorren ko rellap ikijen murder im men ko eierlok wōt ak jorren ko rej walōk ikijen lōl in.

- Ewi wewein am lōmnak kin wewein kein rej walōk? (Jab kemleleiki ilo aolepen ilo tibdrik in.)

Ba ro ilo kilaj eo ren konono 2 Timote 3:1.

Kalikare bwe jej mour ilo tōre kein ej ran ko eliktata, ej ien ko me Dri Kanan Paul ej kemleleiki ke ej ien ko me “rebin.” Kemleleiki juōn ian men ko me menin rejañ ilo ad mour ilo ran kein eliktata ej ññon ad maroñ in anjo ion mijak ikijen ad naj ion menin kabō ko. Katak in enaj kemleleiki ekijkan bwe jen maroñ in bukōt kōjatdrikdrik kab kajur im beran ilo ad melele kin ta ko me rej walōk ilo ran kein.

Konono Jen Jeje Ko Rekwojarjar Im Kōjerbali Konono kin lajra kin jeje kein ññon air maroñ in jibañ kij kōjatdrikdrik ilo ad ion men ko rebin ilo ran kein. Jibañ ro ilo kilaj eo ññon air melele bwe jimwe ejab aikuij in mijak Itōk eo Kein Karuo.

1. Setan ej tarinaiki jimwe.

Konono im kemleleiki Reveleson 5:1–5; 6. Kir uwan ro kilaj ñõn air konono eon ko emõj kejnoloki ilo air kolap ainikier. Kemleleiki bwe jepta ko jilu (3) iman ilo buk in Reveleson rej kin ien ko an Jon (lale katak 45). Ak aolepen buk in elap wõt an konono kin ta ko me enaj bõk jikin ilo ien ko tokelik jen ien eo buñ jen tõmak ear jino bõk jikin ñõn ien eo Dri Jilõk ro rar mij ñõn itõk eo an Jisõs Kraist Kein Karuo kab kin ekajet eo eliktata.

Kemleleiki bwe jepta 5 im 6 ilo Reveleson rej kõjberbal jet wewein ko ikijen ta ko me rej jutak kaki “sealed seal ko jiljilimjuõn” (Reveleson 5:1). Kajojo seal kein rej jutak kin thousand ilo ko an lal in ilo an bed (D&C 77:6–7); jej mour kiõ ilo tõre eo me ej jutak kin seal eo kein kajiljino. (Lale katak eo kakõbaba in katak eo kein kajilu elañe kwaijiu meelele ko rellap lõk ikijen seal eo kein kajiljilimjuõn.) Ilo jepta 6, Lamb eo Jisõs Kraist ej kobellok seal eo kein kajiljino, ilo an walõk ilo jet ian makitkit ko me rej mõttan wõt ien en.

- Juõn ian men ko me jej katak jen jepta jiljino (6) enin bwe Setan ej tarinaiki jimwe ilo aolepen bwebwenato in lalin. Ekkar ñõn Reveleson 6:4–11, ta wewein ko me ej kõmõni ilo menin? (Uwak ko emaroñ kõba wewein kein me rej walõk ilal.)
 - a. Tarinae ko im irre ko (Reveleson 6:4, 8)
 - b. Kwole im nita (Reveleson 6:5–6, 8. Kemejmej bwe ilo ien ko an Rom juõn cent ekkar jonak eo me armij ej mour kake ñõn air joñe joñan wiik ñõn juõn armij ñõn air mõna. Eon 6 ej kwalok ke juõn ran joñan aurõk in air jerbal emaroñ wiaiki joñan aurõk in mõna eo ñõn juõn armij.)
 - c. Manman armij (Reveleson 6:9–11)
- Ta kain kol ko me Setan ej kõjberbali rainin ñõn an kajion in anjo ion ro remõn? Dri Kanan Gordon B. Hinckley ear kwalok.

“Tarinae in eju im bin ej wõnmanlõk wõt, im eban bojrak, ej juõn tarinae eo ikõtãn mol kab bod, ikõtãn anem kwõj in kelet im bareinwõt men ko emwij kabi ik kij bwe jen kõmõni, ej bareinwõt ikõtãn ro rej lor Kraist im ro me rejab tõmak ilo e. Dri Kojdret ro an rej kõjberbali aolepen utnok ko ikijen air kõmõne bõktak kein. Rej mone armij im kabõ ir, rej kõjberbale ir kin mani bareinwõt kin moie ko rej kabõik lõmnak ko an armij, rej man elon armij im kakkure elon men ko me renana im jerbal ko me remõn ñõn air mune ir ilo jerbal eo an Kraist. . . .

“Jumae ej juõn men eo me ej bõk jikin iben ro rellon, ro ilo kabuñ in kab ro me rejab bed ilo Kabuñ in. Ej kakkure tõmak, kõmõn elon nan ko rejab mol ñõn kabõ im ane armij ñõn air bo ilo wewein ko rejab jetjet ñõn katak ko an Anij. . . .

“Tarinae in ej wõnmanlõk wõt. Ibelakin aolepen lalin ikijen anemkwõj in kelet men ko remõn kab men ko me emwij kabõik kij bwe jen kõmõni im rebod. Ej juõn kabõ eo me ñõn komõjnoiki jerbal in mijinede ro kin mol eo. Emwij kabõ kij ilo mour ko ad ran otemjej moko imõd, jikin jerbal ko, jikin jikul ko, emwij letok ñõn kij kajitõk ko kin iakwe kautiej ikijen mour jimwe im aolepen men ko ñõn kõbake bwe jen juõn eo ejimwe an moule ilo lalin. Aolep men kein jej dreblok ilubwiljier” (ilo Conference Report, Oct. 1986, 55–58; ak *Ensign*, Nov. 1986, 42, 44–45).

- Elikin am kwalok aolepen nan kein me kwar konono jen Dri Kanan Hinckley ekkar bareinwõt wõnmanlõk wõt im ba, “Jej win i tarinae in eo me ikõtãn

Setan, em ilju eo ej juōn ilju eo me eromak” (ilo Conference Report, Oct. 1986, 58; ak *Ensign*, Nov. 1986, 45). Ewi wewein bwe jen maroñ in bed wōt ilo kojatdrikdrik in ilo ad reimanlok ilo ad tarinae ilo tarinae in iben Setan? Ta wewein ko me remaroñ kōketak kij im kokajurlok kij jen kajur eo an Setan im ro mōttan? (Uwak ko emaroñ kōba jeje ko im katak ko jen dri kanan eo, dri tel ro ilo priesthood eo bareinwōt ilo tempel ko im ilo ad kōba iben uwan ro ilo Kabuñ eo an Jisōs Kraist.)

2. Renaj liabe Setan im Kraist enaj tel ilo Millenium.

Read im konono Reveleson 19:1–9 im 20:1–11.

- Jon ej kile elon men in joren ko, tarinae ko, im ekejet ko renaj walōk mokta jen Itōk eo Kein Karuo an Jisōs Kraist (Reveleson 8–16). Inem, ilo Reveleson 19, ej kalikar kin itōk eo an Iroj, eo ej annane lōk juōn kwojkwoj in mare (Reveleson 19:7–9). Ta eo lio iben Lamp eo ej jutak kake? (Kabuñ eo an Jisōs Kraist.) Ta eo kwojkwoj in mare eo ej jutak kake, ilo an Kraist einwōt leo belele im Kabuñ eo einwōt lio belele, kemleleik kaddad eo ikōtan Iroj im Kabuñ eo an?

- Ta eo jej aikuij in kōmōne bwe jen kōbalok ilo kwojkwoj in mare in?

Elder Bruce R. McConkie ear kemleleik: “Elder ro ilo Israel rej kiō litolitik kajitōk ko ak kir ko ñōn kwojkwoj in belele eo an Iroj; ro rej tōmak im bōkake gospel eo erein ro rej bōk nan in kir eo im renaj jijet ilo kejota eo iben ilo kwojkwoj in belele eo” (*Doctrinal New Testament Commentary*, 3 vol. [1966–73], 3:563–64).

- Itōk eo an Jisōs Kraist Kein Karuo enaj bōk jikin ilo Millenium, juōn taujin yiō ko ne Kraist enaj tel ion lōl in. Ta eo enaj walōk ñōn Setan ilo ien Millennium? (Lale Reveleson 20:1–3.) Enaj ewi wewein mour elañe renaj liabe Setan? (Lale 1 Nephi 22:26; D&C 45:55, 58.) Ewi wewein ad kōmōn joñan kajur eo an Setan ilo mour ko ad kiō?

- Elikin Millennium, renaj bar kotlok Setan iumwin jidrik ien, im juōn ien tarinae eo eliktata enaj kōmōn ikōtan ro droñ Anij im ro droñ Setan (Reveleson 20:7–8; D&C 88:111–13). Jet ien rej na etan tarinae in Gog im Magog. Ta uwak eo enaj walōk ikijen tarinae in elap ilo Millennium? (Lale Reveleson 20:9–11; D&C 88:114–15.) Ijoke, emōj an walōk uwak eo elikin tarinae in elap, ta edro eo ad ikijen anjo in?

Dri Kanan Ezra Taft Benson ear ba: “Kajojo ran kajur ko an eo enana im eo emōn rej ion droñ ñōn bukōt ro ren kōba lōk iber. Kajojo ran jej make kōmōni kōnan ko ad, lōmnak ko ad make im rej kwalok ia eo jele ie. Elikata, ro remōn renaj bōk anjo. Ak men eo enaj bed wōt im jenaj loe, ej ia eo kajojo kij make jej bed ie, kiō im tok elik, jenaj jutak ilo tarinae in—im ekijkan ad naj beran im jutak ilo tarinae in. Jemaroñ ke naj mol wōt nan ran ko eliktata im kōmōni ijoko kunar im rar litōk bwe jen kōmōni?” (“In His Step,” *Ensign*, Sept. 1988, 2).

3. Elikin ekajet eo eliktata, ro remōn renaj bed iben Anij.

Konono im etale eon kein emōj bōki jen Reveleson 20:12–22:21.

- Elikin tarinae eo eliktata, ekajet eo eliktata enaj walōk. Ta eo jemaroñ jelā jen Reveleson 20:12 kin wewein ad naj ekajet? Ta jerammōn eo naj itōk ñōn iben ro rar ekajete ir im rejimwe? (Lale Reveleson 21:3–7. Kelajrak uwak ko an kilaj eo ion chalkboard eo. Uwak ko remaroñ kōba kein emōj kelajraki ilo peij eo juōn.)

Ro rejimwe renaj:

- a. Renaj mour iben Anij (Reveleson 21:3).
 - b. Reban bar lo mij, burumōj, jan, ak metak (Reveleson 21:4).
 - c. Renaj jolet men otemjej im einwōt ro nejin Anij (Reveleson 21:7).
- Ewi wewein an jelālokijen eo kin jerammōn kein relap ej jibañ kij ilo ad ion men ko rebin ilo mour in?
 - Reveleson 21:10–22:5 Ej kemleleik kin mejen kajik eo eutiejtata me ej ijo ro rar bōkake nan in kalimur ko an renaj joleti. Etke ejelok tempel ilo jikin kwalok eo ilo mour eo tokelik? (Lale Reveleson 21:22. Un eo kin tempel ej ñōn bōktok kij ñōn iben Anij im katakin kij kin karōk im lōmnak ko an. Elañe jenaj bar mour iben, jeban bar aikuij tempel.) Ta eo Reveleson 22:14 ej ba jen kōmōne bwe jen maroñ in dreloñ ilo kejem in jikin kwalok eo ej ñōn indreo?

Dri Kanan David O. McKay ear kwalok kin juōn an madenlok kin juōn jikin kwalok eo ear loe im eaibuijuij, aolep armij rej kōnak nuknuk mouj, im bar Dri Lomor eo.

“Jikin kwalok eo, ijelā, ej [Dri Lomor]. Ej jikin kwalok eo ñōn indreo; im armij ro rej lore ñōn ainemōn im mōnōnō ñōn indreo.

“Ka won ir?”

“Elañe Dri Lomor ear etale lōmnak ko aō, enaj kar uwak ilo an kwalok nan ko emōj air jei ilo gold ion armij ro: *Rein rej ro rar kijejeto ñōn air anjo ro rar bar mol ilo air bar lotak!*” (*Cherished Experiences from the Writings of President David O. McKay*, comp. Clare Middlemiss [1976], 60).

Jemlokin

Kwalok bwe Kalimur Ekal ej kōjemlok kin juōn ennan kin kōjatdrikdrik eo elap. Dri Kanan ro reinwōt Jon eo ear madenlok im loe men ko renaj itōk im ear jiroñ kij kin jerammōn ko jenaj bōki elañe jenaj jimwe wōt im bin ñōn jemlokin. Kamōl bwe jimwe eo enaj anjo ilo jemlokin lōl in. Kōketak ro ilo kilaj bwe ren beran im kōjatdrikdrik ilo melele kien ilo air jutak im jumae men ko renana ñōn air jumae men ko rebin ilo mour in.

Jet Melele Ko ñōn Katakin

Wewein kein rej ñōn jibañ im kōkōmōnmōnlōk kilen katakin. Kwo maroñ kōjerbal juōn ak ruo ian wewein kein ilo am kōmōne katak eo.

1. Uota eo kin ad dror buruor ilo men ko an lōl

- Reveleson 18:11–18 ej katakin kij bwe nana ko renaj burumōj kin jorren ko renaj walōk ñōn men ko an lōl im illu kin men ko rej bwinin mour im renaj jako ilo juōn ien. Net eo kwar loi an jorren men ko an lōlin ak jako ilo jet ien ko?
- Ta uota ko ilo ad likit buruor ilo men ko an lōl? Ilo wewein et men ko an lōl rej kōmōn bwe jen jab lo men ko an jitōb?

2. Jerkabbiji eo Mokta

Ba juōn ian kilaj eo en konono Reveleson 20:4–6. Ñōn jibañ ro ilo kilaj bwe ren melele kin eon kein, kwalok melele kein (ilo pija eo juōn):

Jerkakbiji eo Mokta, ak jerkakbiji eo ñõn ro remõn, enaj jino ilo Itõk eo Kein Karuo an Dri Lomor eo. Ro renaj bõk aibuijuij eo emõntata einwõt al ak aibuijuij eo juõn einwõt allin renaj itõk iman ilo jerkakbiji in (D&C 88:98–99). Jerkakbiji eo Kein Karuo, ak jerkakbiji eo an ro renana, eban bõk jikin mae ien ejemlok Millennium. Ro renaj bõk aibuijuij eo an iju ko ak ro mõttan Setan renaj itõk ilo jerkakbiji jab in (D&C 88:100–102).

3. Liab ko jiljilimjuõn ilo buk in Reveleson

Ilo lajrakin jaat in ej kwalok jet melele ko kin kajojo ian liab kein. Jaat in emaroñ bar wõr tokejin ñõn melele kin karkan lañ buk in Reveleson.

Seal	Ien Ko Relap
Seal eo kein kajuõn	Kõmõnmõn eo an löl im wõtlok eo an Adam im Eve; tõre ko me an Enoch im ein juõn lök eo an jikin kwalok eo an ñõn lañ (Reveleson 6:1–2).
Seal eo kein karuo	Noa im Ibwijlebleb eo (Reveleson 6:3–4).
Seal eo kein kajilu	Tõre ko an Abraham, Isaac, Jakob im Josep (Reveleson 6:5–6).
Seal eo kein kemen	Ien ko an Moses; Exodus; driwõjlok eo an ro nejin Israel jen Egypt; tõre ko iman mejen dri ekajet ro; jebelok eo an ailõn eo; bar ien jeblaktok eo an ailõn eo (Reveleson 6:7–8).
Seal eo kein kalalim	Ien lotak eo, kwalok ko, ien mij, im jerkakbiji eo an Jisõs Kraist. Walontak eo an Kabuñ eo an im jerbal ko an iben Dri Jilok ro an; mij eo an Dri Jilok ro; im ilo an armij ro buñ jen tõmak in (Reveleson 6:9–11).
Seal eo kein kajiljino	Wõnmanlök wõt ilo marok an lal; roltok in talep in gospel eo jen Dri Kanan Joseph Smith; kokale in ien ko rej itõk (Reveleson 6:12–17; 7:1–8).
Seal eo kein kajiljil-imjuõn	Tarinae, naninmij ko, joren ko relap; Itõk eo An Iroj Kein Karuo (Reveleson 8:1–19:21). Ainemõn eo ilo Millennium (Reveleson 20:1–6). Renaj bar kotlok le Setan ilo jidrik wõt ien, tarina eo elap enaj walök eliktata, inem ekajet eo jemlokin (Reveleson 20:7–15).
Elikin seal kein jimjuõn	Lal in enaj oktak im juõn jikin eo eman im aibujoj (Reveleson 21:1–22:6).

- Kalikar be liab ko lalim iman rej kemleleiki ilo il eon ko, liab eo kein kajiljilimjuõn ej kemleleiki ilo 14 eon ko, im liab eo kein kajiljilimjuõn ej kalikar ilo 226 eon ko. Ta eo menin ej kalikare ilo an katakin kij?

Kalikare bwe Jon ear letok jet men ko relap bwe jen lukkun lõmnak kaki ilo ran kein im ien eo ej itõk. Buk in Reveleson ar jeje nan ran kein ad, im mour ko ad renaj jerammõn ilo ad katak kake im keboj kij ñõn itõk eo an Dri Lomor Kein Karuo.

KABUŅ EO AN
JISŌS KRAIST
IM ARMEJ RO REKWOJARJAR
ILO RAN KO ĀLIKTATA

